



ABRAHAMVS
COVLEIVS
Anglus.



ABRAHAMVS
COVLEIVS
Anglus.

ABRAHAMI COULEII
ANGLI,

Poemata Latina :

In quibus continentur

SEX LIBRI
PLANTARUM,

HERBARUM.
Viz. Duo } FLORUM.
 } SYLVARUM.
Et Unus MISCELLANEORUM.

Habeo quod Carmine sanet & Herbis.
Ovid. Met. 10.

Huic Editioni Secundæ accessit
INDEX RERUM
Antehac desideratus.

LONDINI:

Typis M. Clark, Impensis Jo. Martyn, ad Insigne
Campanæ in Coemeterio D. Pauli.
c1o 1o CLXXVIII.

MLC 780.30.2



Hayes fund


5896
40-108
27

De Vita & Scriptis

A. C O U L E I I,

Martino Clifford, S^o.

T. Sprat, S.

 N Poemata Latina Couleii
tui, viri eruditione & scrip-
tis, sed vita maxime memo-
rabilis. Pauca quædam de
Authore ipso præmittenda censui: quæ
debentur certe tanto hominis vel inge-
nio, vel modestiæ. Hæc tu optime om-
nium possis, qui eum per triginta annos
familiarissime noras, & summe semper
colueras. Sed tu ab omni scriptione ab-
horres; fastidio forsan non injusto, scri-
ptorum hujus ævi multitudini & incuriæ
insensus. Quam igitur provinciam tu
refugis, ego suscipio: eo certe lubenti-
us quod de Couleio dicenti, nemini po-
test deesse vel materia, vel oratio. Tu
interim da veniam, ut de communi a-
mico

De Vita & Scriptis

mico scribens, memoriam tuam, & fidem appellem: ut si minus stylo tuo, & ingenio, testimonii tamen, & iudicii tui fama, Vir Magnus posteris commendetur.

ABRAHAMUS COULEIUS Londini natus est, *Anno* 1618. parentibus ortus est honestis, civibus Londinensibus: nactus conditionem fortunæ parem animo, qui nunquam immoderata, aut nimis alta appetebat. Prima ætate institutus est in regio gymnasio Westmonasteriensi; cuius loci nobilissimum genium ornavit, & auxit. Vixdum decennis Poeta factus est, legendo Spencero nostrate, scriptore sane illustri, & vel adultis difficili: Sed Couleii ingenium magnitudine animi, non annis æstimandum. Innutritus est in antiquis omnibus authoribus, quos non solum memoria tenuit, sed iudicio probavit, & usu perenni familiares sibi reddidit. Puer adhuc multa edidit, quæ viri cum fructu legerent, & imitarentur. His initiis celebris Cantabrigiam concessit, ibique inter æquales citissime inclaruit, & in florentissimo SS. Trinitatis Collegio, admirabili profectu adolevit. Exercitia scholastica Romano

A. COULEII.

mano foro, & Ciceronis auribus digna. Matura supra fidem indoles, nec tamen præcox. Mire festinavit; sed pariter duravit.

Flagrante Bello Civili, pro regiis partibus stetit, & Oxonium se contulit: quam urbem rex optimus rerum suarum caput, & sedem belli delegerat. Illic inter arma per biennium studiis foelicissime floruit; militiæ interea non immunis. Mature in notitiam principum virorum venit. Inter alios nobilissimo, doctissimoque Falklandio, Regi à secretis, familiariter usus est. Eam consuetudinem similitudo studiorum, & animorum, conciliaverat.

In familiam illustrissimi Comitis S. Albani adseitus, reginam Mariam, regno per nefas extorrem, in Galliam secutus est. Invitus è schola transiit in aulam: mutavit cursum vitæ, non vitam; vixit comitate, facilitate, humanitate Aulica: probitate, diligentia, innocentia Philosophica. Parisiis per duodecim annos, plurima obiit negotia gravissima, ad Caroli utriusque salutem spectantia. Illud præcipuum industriæ ejus, & fidei erga

De Vita & Scriptis

Regiam familiam exemplum, quod commercium Epistolarum inter Carolum primum, & Reginam uxorem per quinquennium administravit; literas fere omnes, quæ nunc extant, hinc illinc missas, manu propria describens.

Tandem in patriam missus tyrannide oppressam, vix injurias istorum temporum evasit. Paucis dein mensibus libertate mulctatus, aliquando dimissus est, vadimonio facto, & fama ingenii, quod etiam apud hostes infensissimos valuit. Paulo post sub Cromvelli mortem in Galliam regressus, eodem quo olim munere functus est, usque ad auspiciatissimum CAROLI Secundi reditum. Rebus patriæ in melius cedentibus, & pace stabilita, à vita actiosa & exercitata, ad privatam & tranquillam se recepit: non quidem animi imbecillitate, sed iudicio. Penitus enim perspexerat universam rerum humanarum pompam, & expertus contempserat.

Circa id tempus fortuna satis ampla auctus est, munificentia Ducis Buckinghamii, & Comitis S. Albani: Quibus per omnem ætatem charissimus erat, quosque vicis-

A. COULEII.

vicissim summa cum observantia suspiciebat. Hoc viatico instructus, pro meritis tanti Viri exiguo sane, pro animi vero temperantia satis magno; ardentius jam urgebat institutum illud suum, quod olim destinaverat, exeundi ex hominum cœtu, & tumultu, & vivendi aliquando in otio cum dignitate. Octo extremis annis ut plurimum rure delituit. Urbem & Aulam rarissime revisit, idque non tanquam incola, sed hospes. In amœnissima Thamesis ripa, vitæ curis & ærumnis solutus, totus amicis, & severioribus literis vacavit. Musas etiam unâ in solitudinem comites adduxit: Sed & simul Eremitas fecit Deoque consecravit.

Opera ejus universa vix quidem sub una forma, aut charactere comprehendi possunt: Ita temporibus, & materiis, & stylis differunt. Multa edidit adolescens, multa privatus, domi forisque multa. Omnia tamen eodem animi tenore, vitæ suæ simillima, candida, honesta, decora, numerosa, sine morositate gravia, sine levitate jucunda. In utraque lingua plurima scripsit, Latina, & Vernacula; Illâ inter veteres, hâc inter recentiores

De Vita & Scriptis

princeps judicandus. Soluta oratione, & metris pariter excelluit: In utroque genere facillimus lectori, imitatori non ita. Argumenta omnimoda tractavit, faceta, amatoria, moralia, divina. Semper quid deceret, & quid esset satis, optime novit. Nullam unquam materiam, nec lectorem lassavit. Judicares eum semper plura dicere posse, sed nolle. In verbis nec curiosus admodum, nec nimium negligens. Communibus & usitatis contentus, paucissima aut immutavit aut innovavit. Rem præcipue spectabat, in eaque immorabatur. Inventione copiosus, lucidus ordine, accuratissimus judicio. Genere dicendi grandis, tenuis, temperatus, pro cujusque rei natura & decore.

De amoribus ludit, Ovidii & Catulli facilitate & ingenio, modestia sua. Quod Horatius ipse fieri posse desperavit, Pindarum æmulatus est. Hujus vehementiam, & majestatem verborum & sententiarum, & beatissimam figurarum copiam foeliciter expressit: versu inæquali, & solutæ orationi proximo; ideoque argumentis omnibus, & usibus vitæ maxime accommodato. Antiquorum Poetarum
diffi-

A. COULEII.

difficillimos & ingeniosissimos locos reddidit; lingua diversa, spiritu & animo vel eodem, vel majori. Inchoavit Divinum Poema, & in Rege Davide celebrando, Davidem Poetam imitatus est. Multas S. Scripturæ historias illustravit, versu, & furore cœlesti. Ut mihi quidem videtur, in aliis materiis cæteros fere omnes vicit, in sacra Poesi seipsum. Multiplicia alia absolvit argumenta. De rebus philosophicis, de bonorum laudibus, de regia causa, de tyrannide Cromvelli, de officiis, de animi tranquillitate, & moderatione, facundissime differuit. Quæ omnia apud nostrates in deliciis habentur.

Latini sermonis nativam habuit; non adscitam suavitatem. Numeros prope omnes Romanorum Poetarum, & diversissimos versuum colores attigit: quod ne ipsi quidem veteres fecerunt; quorum singuli unam aut alteram Poeseos figuram seposuerunt sibi, in eaque præcipue elaborarunt, desperatione cæteras consequendi. Scripsit sex libros Plantarum: argumentum novum sane, sed infinitum pene, & ipsa copia difficillimum. Horum primi duo oratione sunt modica

De Vita & Scriptis

& molli, ut Elegos decet, sed ingenio vegeto, & forti. In duobus proximis Horatii omnia carmina, & numerosam foelicitatem effinxit. Cujus summi Authoris non solum Epoda, sed & Epistolas & Sermones imitatus est, facetissimum, omnium antiquorum scribendi genus. In duobus postremis pede Heroico usus est; &, absit verbo invidia, si non Virgilium, cæteros certè omnes superavit. Horum ultimum patriæ suæ laudibus dicavit. In eo etenim civiles Angliæ tumultus, Caroli Primi calamitates, Secundi reditum, & initia nuperi Belli Navalis cecinit; ingenio pari virtuti, & fortitudini Anglorum.

Hæc de Scriptis ejus: de Vita majora dicenda sunt. Habuit quidem perfectam naturalem bonitatem, nec variis quos subiit Fortunæ casibus, nec Aulicis artibus, aut exteris corruptam, aut mutatam. Moribus erat rectissimis, integerimisque. Sui temporis ingeniosissimus, nec inde deterior, nec insolentior factus est. Poeta maximus, sed positus supra ipsius Poeseos vitia, & ineptias. Nullo fastu, nulla vanitate, nulla adulatione:

A. COULEII.

latione: quo nil majus, aut inusitatus dici potest.

In doctrina ejus & ingenio multa singularia; in victu, habitu, aut gestu nihil. Artibus omnibus præditus, nullo artificio, aut astutia vixit. Neminem unquam aut verbo aut facto læsit. Cum nemine pro fama aut pecunia contendit. Nullius laudes arripuit sibi, aut impedivit. Quorum mores aut scripta minus probabat, eos non vituperando aut iludendo, sed monendo, favendo, & etiam laudando corripiebat. Modestia tanta, ut simulationem dixisses, ni cæteras virtutes omnes pares habuisset.

Privata omnia & publica officia sua, magna cum fide & industria præstitit. Matrem lectissimam scæminam per omnem vitam, charissimam observavit, quam octogenariam demum amisit. Tres Fratres admodum dilexit, quorum unicum superstitem hæredem suum moriens scripsit. Inter suos omnes maximam semper obtinuit auctoritatem, non imperio, aut severitate, sed comitate partam. Poetarum nostratium, difficillimi hominum generis, invidiam, aut obrectationem

De Vita & Scriptis

nec meruit, nec habuit. Amicitias religiosissime coluit. Quibus in pueritia & condiscipulatu assueverat, eos ad mortem usque familiarissimos retinuit.

Immensa erat disciplinarum omnium & scientiarum supellectile instructus, nec tamen impeditus. Magnus animus sine tumore: doctissimus sine asperitate aut affectatione. Ingenium & sibi facile, & aliis: nec partu laboriosum, nec auditu. Nil unquam operum suorum recitavit, nisi amicissimis, & coactus. Nunquam nisi familiarissimis suis Poetam se esse ostendit. Aliis omnibus, nemo comior & commodior ad omnem rationem humanitatis.

In Sermone, nec magnitudo rerum facetiis exclusa, nec hilaritas gravitate. Nemo ab eo nisi invitus discessit. Consuetudine erat ea, quæ certe optima censenda est: quam scilicet amicissimi, magis quam alieni, adamarunt, & mirati sunt. Nemini unquam se subito venditabat. Nullius unquam plausus captabat: contentus bonorum honesta opinione, à blandimentis & encomiis abhorrebat.

Cum

A. COULET.

Cum summa animi moderatione & suas res curabat, & aliorum respiciebat. Tum in prosperis, tum adversis similis & constans sibi. Animus nunquam aut supra, aut infra conditionem. Nunquam præsentem vitam futurorum spe anxiam reddidit. Domesticis ejus facultatibus, & ipse, & amici liberalissime utebantur. Mores suos & vitam privatam, non aliorum opinionibus aut rumoribus, sed nativa honestate regebat. Religionem veritus est, & amplexus, non disputandi, aut ostendendi se causa, sed vivendi. Dignus certe splendidiore fortuna. Negotiis omnibus vel gravissimis idoneus, si ipse se idoneum existimasset.

In longo illo extremæ ætatis secessu, otium quod habuit, Naturæ arcanis Deique operibus impendit. Ad naturæ mysteria accedebat, ut primi illi antiquitatis heroes, scientiarum inventores, qui tum Poetæ tum Philosophi extiterunt. Instructus est tam judicio, diligentia & methodo, ad eam investigandam, quam ingenio ad ornandam.

Præter hanc Naturæ indagationem, quam perpetuò urgebat; ad præterita studia

De Vita & Scriptis

studia sua, hortatu nostro respiciens, de Stylo scribere aggressus est. Quo in libro universam veterum & recentium scriptorum censuram, & comparisonem instituebat: Proculdubio par tam ingenti argumento futurus. Sed vix incœptum reliquit. Et nunc certe perfectio tantæ rei in posterum desperanda est, nisi eam tu ipse, Vir doctissime, susceperis.

Ultimum ejus conatum mortalium erat Dissertatio de doctrina & usu Christiano, puro, antiquo, primigenio. Proposuerat sibi, positâ omni factione, & partium studio, vetera omnia repetere quæ ad Religionem nostram pertinent, eaque Christiano orbi exhibere. Quo in opere quod non fuerit ulterius progressus, magno sane accidit Ecclesiæ damno. A quo enim alio fas esset expectare primævam veritatem, quam ab animo primæva innocentia & pietate imbuto?

Verum hæc & similia meditans è vita excessit: cœlo, non ætate, sed studiis, & cogitationibus maturus. Initio superioris anni, incidere in morbum, quem medici Diabetem appellant. Hoc cum tres circiter menses laborasset, leviora sympto-

A. COULEII.

symptomata fieri cœperunt, & sanari videbatur. Sed media æstate, inter menses nimium diu spatiat, novo morbo correptus est. Rem ipse primo contempsit, ut levem, & cui remedia facilia proponebantur. Sed ingravescente indies morbo, serò tandem Medici accersuntur. Atque ita non multo post tempore, pectoris & gutturis dolore, consumptus est.

O vana hominum desideria, & fragiles spes! Nam quamdiu ambitione, & officiis Politicis Couleii vita districta est, quam ille vix vitam quidem suam reputabat; tamdiu prosperrima valetudine utebatur. Cum primum autem vivere jam cœperat, & seipso frui, ejus omnia vitæ consilia, diuturnus primo morbus, dein mors ipsa pervertit. Sed fatum illud immaturum ipsius gratia lugere definamus, ne conditionem ejus caducam, foeliciter immutatam, non satis grato animo interpretari videamur. Nostro potius detrimento doleamus: qui in uno homine summas naturæ & artium dotes, suavissimam consuetudinem, humanissimos mores, divinum Ingenium, virtutum

De Vita & Scriptis, &c.

tum omnium exemplar ingens, & præconem disertissimum amissimus.

Elatum est ex ædibus Ducis Buckinghamii, non nimia pompa, sed multo officio funeris: comitantibus plurimis nobilibus, & claris viris, moerentibus doctis, & bonis omnibus. Sepultus est in Templo Westmonasteriensi, Regum monumento. Situs est juxta Chaucerum, & Spencerum, magna inter Anglos Poetarum nomina. Sed non tam scriptoribus vetustis Anglicanis, quam veræ antiquitatis Romanis Græcisque annumerandus est.

Habes, Vir optime, quæ de Couleio nostro præfanda duxi. Plura de eo scribere supervacaneum est. Minime quidem eget alterius præconio; Divinis ingenii sui monumentis immortalitatem consecutus. Nos interim, non solum scriptis ejus, sed virtutibus fruamur; & tanti Viri memoriam, & amicitiam perpetua benevolentia prosequamur.

Vale.

A D

A D

Celeberrimum Collegium
S. S. T R I N I T A T I S in
Illustrissima Academia
Cantabrigiensi.

S *Ancta mihi semper Nutrix, & ad ubera cujus
Jam redeo nimium dulcia pene Senex,
Accipe parva libens Horti Plantaria nostri,
Ingenii sicco pauperis orta sole.
Uberiora quidem Cultrix doctissima, ferre
Debuit illa tua consita terra manu.
Debuit, at sacri pars infœcunda laboris,
Pars (pudet ô) tibi nos inficianda sumus.
Sed tribulos, loliumque & viles inter avenas
Si reperis frugis germina pauca bonæ,
Hæc mea sunt, dicis; hæc olim semina cultæ
Mandavi Terræ; cætera sponte tulit.*

P R Æ

P R Æ F A T I O

A U T H O R I S,

Duobus primis P L A N T A R U M
Libris olim editis, Præmissa.

L E C T O R I.

Consideranti mihi aliquando quàm incredibili studio summi semper Poetæ hortos & rura & nemora coluissent, ità ut ubique alias exfulare Musarum regno sibi viderentur, admirari profectò subiit, quo malo astro Plantarum effectum sit, ut nemo adhuc illarum tantam pulchritudinem tantàsque viuitutes Versu celebraverit. Ingens verè Sylva materiæ, & innumerabiles deliciarum flores, nec minores utilitatum fructus redditura; quæque præter ipsarum jucundissimam historiam (quæ quàm latè pateat omnes nôrunt, vel potius nemo noscere valet) totam humani corporis fabricam & universam Medicinæ rationem complectitur. Unde equidem inducor ferè ut credam illos tantos Viros, non quòd hæc minus apta nata essent poetarum culturæ, sed infinitâ rei magnitudine & inexplicabili penè varietate fuisse deterritos, atque ità cum spe absolvendi operis voluntatem abjecisse incipiendi. Ego igitur Homuncio Literarius, vix Algæ prout merita est laudandæ idoneus, id aggrediar quod Semidei illi non
auct.

LECTORI.

ausi refugerunt? Quidni aggrediar scilicet? Illis enim turpe videbatur non omnia, mihi gloriosum est vel parùm facere. Satis mihi honori fore putabo si paucis incisum Truncis nomen meum, vel (quod Regale esse dicitur) paucis Floribus inscriptum legatur. Itaque nè tot quidem germina colligata in hunc fasciculum videbis, quot unius Medicamenti compositionem aliquando ingrediuntur; & binos hosce Libellulos tanquam exiguas tibi Pillulas offerre videor, ex diversarum Herbularum quasi farragine confectas, & nitore quodam styli deauratas: quarum quidem in delectu non ità multùm laboravi, sed velut sorte ductis aut fortuitò oblati contentus fui, quia nulla ferè sit quæ non abundè succorum possit effundere, si apto modo & artificiosè exprimantur; neque ullam certè invenies tam jejunam & tam sterilem, ut materiam nequeat ad Librum integrum, si bene excutiat, copiosissimè suppeditare. Modus autem mihi maximè genuinus & proprius huic operæ videtur, non ut illarum vires crudâ simplicique enumeratione tanquam in pilâ simul contundantur; sed ut lento poeticarum ambagum igne lenique tormento quasi distillando evocentur: neque ea potè simùm conjungenda judicavi quæ vim essent similem naturâque nacta, nè fastidium pareret satietas; sed diversa & quàm maximè discrepantia connectere malui, ut vividius gratiùsque ex vicinitate contrariorum colores elucerent. Notas autem breves placuit subungere, non eruditionis ostendendæ gratiâ (quæ hîc magna sanè non est; quid est enim facilius quàm unum & alterum Herbarium evolvere?) sed quia præter ipsos Medicos (quos ego non docere velle, sed oblectare, præ me fero) non ità multi fortasse Lectores invenientur qui in historiis Plantarum satîs sint versati ad ipsa aliquarum nomina intelligenda. Est enim pars quædam Philosophiæ extra publicas plateas aut itinera usitata, inter avia atque inculta

LECTORI,

inculta doctrinæ ferè posita. His igitur mihi vicem Lexici supplere visum est. Sed & ipsarum quoque Plantarum gratiâ; nè poetico more tractari fraudi possit esse illarum veræ gloriæ, atque ipse videar non ejusmodi facultates attribuisse quas Natura dederit, (quæ quid esset optimum factu cogitavit, non quid verbis bellissimè possit exornari) sed eas affinxisse quæ materiam præberent ad pompam atque inanem voluptatem uberiolem. Nam quia nobis aliquando mentiri concessum est, eâque libertate immodestè abutuntur aliqui, ità in totum fides omnis abrogatur, ut non sine hæsitatione credatur cùm dicimus;

O Laertiade, quicquid dicam, aut erit, aut non.
Hor. Sermon. 25.

Itaque Testes adhibere volui idoneos, hoc est, liberâ solutâque oratione usos; ea enim cum versu comparata solenne Jusjurandum est: duobus autem (qui legitimus est numerus) contentus sum, & Plinium atque Fernelium potissimum elegi, quòd Ille sit indubitatæ Latinitatis Author, & Hic inter recentiores ut optimus sentiendi, ità non malus dicendi Magister. Priorem verò si quis recusat, tanquam sublesta Græcorum fidei nimium credentem quam cui tutò credi possit ipsi, profecto ità inveniet nihil ab eo memoratum super hâc materiâ, quod non ab omnibus rei herbariæ scriptoribus repræsentetur. Neque Te tamen, quia Plantarum voces sermonésque hîc audis, tanquam si esses in Sylva Dodonæa, Oracula expectare jubeo, quæ in hoc solo vereor nè versus nostri referant, quòd fortasse tam mali reperientur quàm quos ipsi Dii olim consulentibus ex adytis suis effuderunt.

Rationem facti mei reddidi. Sed siqui in hunc Librum inciderint qui priorem legerint non ità pridem.

L E C T O R I.

à me vernaculo sermone editum, metuo nè ansam indè arripiant ad quædam reprehendenda, de quibus abs re non erit purgare me breviter in antecessum. Ac me primò quidem ab aliquibus nimiarum deliciarum & levitatis accusatum iri prævideo, quòd susceptis ingentibus argumentis, in iisque duorum aut trium quasi dierum itinere confecto, aut fatali quadam lassitudine ac desperatione metæ subsistam, aut veluti novo quodam œstro percitus in aliam repentè viam me conjiciam; ità ut non solùm Dimidium (quod aiunt) sed Tertia pars operis sit semper Toto meo major. Apage (inquier) desultorem hunc Pegaseium! at quo spiritui, quo hiatu, quàm præclara minitatus, exordiris!

Bella cano, Fatigue vices.

Tu Bella, ignavissime, qui vel arma tam citò abjicis, vel ad alia castra te proripis, ante tubam penè transfuga? vel si pugnam unquam capeffis, Gallorum veterum ritu, plus quàm Vir eam inis, plus quàm Mulier statim deseris? At qui Poemati animum applicat, tanquam si Uxorem duceret, sive gratæ facilèsque res, sive duræ & penè intractabiles occurrant, neque tædio ab illo abhorreere, neque novis amoribus avocari debet, neque divortium meditari, neque ullo tempore relinquere, donec ad supremum usque umbilicum, velut ad terminum vitæ naturalem, perduxerit. Atque hoc quidem quod mihi vitio vertunt cùm negari non possit, rectène an secùs factum sit videamus.

Primùm igitur, quod de Vitâ humanâ verissimè dictum est, plus quàm mihi opus est in Poemata mea quadrare suspicor; Optimum esse non nasci, proximum, quàm ocyssimè vitâ fungi, & si ad Omega usque perducantur (quò certè Homérica singulari foelicitate adhuc vegeta pervenerunt) magnum esse periculum nè priùs delirare incipiant. Solam esse ineptiarum

L E C T O R I.

rum gratiam, tempestivè, hoc est, citò, desinere; nimumque longè progressum esse Authorem qui Lectores suos ponè se relicturus est defatigatos. Hæc si malè scribimus, facilè brevitem, non ità facilè suspensionem operis excusabunt; neque tam Inconstantia mea, quòd inchoata non absolvam, quàm Constantia damnabitur, quòd nova subindè inchoare non cessem, nimumque (Fortunæ more) constans in Levitate meâ videbor. Sin ea quæ tibi apponimus (quod ô utinam, Lector!) arrideant stomacho tuo, boni profectò consulere debes, quòd eâ moderatione utamur, ut neque esurientem te, neque nimum cibo oneratum ac nauseabundum, dimittamus. Adde quòd hæc nostra qualiacunque tentamenta aliorum industriam poterunt forsitan excitare, qui ad eadem vel nobiliora perficienda majori animo majoribûsque opibus instructi accedent; sicut Agesilai olim non ità magni in Asiâ progressus, sed in eo genere primi, ad eam totam gloriosissimè subjugandam Alexandro Magno viam aperuerunt. Postremò (nequid tibi Amico (utî spero) dissimulem meo) non tam consilio quàm æstu quodam Mentis hæc ago: nam neque nihil facere possum, neque aliam aberrationem à molestiis habeo; itaque tædio rerum humanarum ad hæc solatia literarum amoeniorum (nimum fortasse naturâ consuetudineque grata) æger animus se confert, & non ita diu postea, earum ipsarum subeunte paulatim odio, interrupto cursu ad alia desectit. Graviùs autem instare, & quasi meo me gladio ferire, videbuntur, qui ea mihi in memoriam redigent quæ contra veterum fabularum in re poeticâ usum, exoletarum jam & repetitâ millies interpolatione tritarum, tam atroci indignatione declamaverim, cùm ipsa Veritas, in sacrosancto Dei Volumine & reverendis Ecclesiæ monumentis, novum ingeniis hominum & ampliorem ditiorémque Mundum Poeticum patefecerit.

Hæc

LECTORI.

Hæc tu (inquier) cùm & dixeris ipse, omnibus bonis applaudentibus, & exemplum aliis in Davideide tuâ dederis, tanquam Apostata Judæus, fastidito Mannâ, ad Ægyptiorum allia cæpâlque reverteris? post adventum Christi ipsius in carmen tuum Dæmoniorum Oraculis silentium imponentis, iterúmne Apollinis vocem è Tripode tuo profano audiemus? recuperatam ex monstis & purificatam Sionem iterúmne illa pulforum Deorum Νεκύα occupabit? & (quod Propheta tanquam ultimum in malis minatur)

“Occurrent dæmonia onocentauris,

“& pilosus clamabit alter ad alterum; *Isa. xxxiv. 14.*

At hoc non minùs Musæ tuæ pudendum ac miserandum videri debet, quàm si recidiva Magdalena rediret ad Lupanar. Et vide quàm te poena peccati tui non sequatur, (ut scelestos solet) sed certè comitetur: ipsa materiæ humilitas tibi pennas subsecat? cum Herbulis tuis humo affixus es; non potes hîc, ut olim, In altos nubium tractus. Neque Te quidem, tanquam Vulcanum illum (jam tuum iterum) in fabulis, cùm è Cœlo decideris, claudicare miramur.

Vehemens accusatio, & primâ facie terribilis! Ego verò illud quod admiranda Dei opera celebrat non longe abesse arbitror à sacro Poemate; multarum autem Plantarum viribus vix quicquam reperiri potest in natura rerum admirabilius: itaque inter alia sonantiora, hoc etiam nomine à divino Poeta Numen laudatur, Quòd “producat in montibus

“foenum, & herbam usibus humanis. *Psal. cxlvi. 8.*

Neque ea (puto) Libertas impudenter sumpta videbitur, quâ Loquentes eas introducam, cùm & Sacer ipse Codex alloquatur illas tanquam Intelligentes. “Benedicite universa

“germinantia in terrâ Domino, lau- *Dan. iii. 73.*

“date & superexaltate eum in sæcula.

Non sunt habenda pro mendaciis quæ neque credi possunt,

L E C T O R I.

possunt, neque credi sibi postulant. Quod autem aliquando Deorum nomina & Transformationum fabulæ intermisceantur, ipsa profectò materia me coegit invitum ut id facerem, quæ aliâ ratione noluit splendescere, si hâc modò splendeat. Nulla picta vestis nativo Veritatis habitu vivisque coloribus pulchrior existimanda est; sed aliquibus personis & aliquo in loco potest esse convenientior. Nè Regem quidem ipsum aliquando saltare dedecet; at profectò indecorè faceret, si saltaret augustum illum indutus ornatum in quo inauguratus est. Non est itaque in hoc opere styli illius Heroici requirenda Majestas (quâ pro comperto habeo nullam unquam Plantam fuisse usam;) quoniam nullo hîc modo Volare animus est, sed pauca quædam in Horto spatia sanitatis partim gratiâ, partim delectationis, Ambulando conficere.

Tertium restat, & quod difficiliùs fortasse diluetur. Nam & Ipse mecum jamdudum statui finem facere scribendorum Carminum, idque tam solenni more sum professus publicè, ut penè pondus habeat Juramenti; nec negari potest,

Si quidem verclè possim nil prius, neque fortius.
Eunuch.Scen.i.

Ecce autem de novo. Quâ de re quoniam versibus rationem reddere me memini, lubet sanè (quod Poetam posse suo jure facere Martialis affirmat) Epistolam iis claudere. Erant autem ad Amicum scripti doctissimum ingeniosissimùmque, sed eodem Cacoethe, quanquam mitioribus, ut aiunt, cum Symptomatis, laborantem.

Ergo

LECTORI

Ergo iterum Versus? dices. O Vane! quid ergo
 Morbum ejurasti toties, tibi qui infidet altis
 Non evellendus vi vel ratione medullis?
 Namne Poetaram (merito dices) ut Amantum
 Derisum videre Deum perjuriam censes?
 Parcius hæc, sodes, neve inclementibus urge
 Infelicem hominem dictis; nam Fata trahunt me
 Magna reluctantem, & nequicquam in vincla minacem.
 Helleborum sumpsi, fateor, pulchreque videbar
 Purgatus Morbi; sed Luna potentior Herbis
 Insanire iterum jubet, & sibi vindicat agrum.
 Illa jubet, Calamum posco, victusque trecentos
 Mane malos fundo Versus; quos jam furiosus
 Facto ceu lapides, ut quisquam occurrat in omnes.
 Te quoque, Amice, meis, Ἐκατηβόλῃ & ἄπειρ' Ἀπόλλων.
 Missilibus ferio, Δεινὴ δ' ἐπρίνετο κλαγγή.
 Quid facias homini quem nec * mala publica possunt,
 Neve à cantando sua detertere, vel ipso
 Frigore vocalem, cæloque pluyente Cicadam?
 Nimirum, ut quædam, bene quam juvenesque senesque
 Et pueri norunt, Video meliora, proboque:
 Sed male Naturam Cataphractam armatus inepta
 Aggredior Furca. Tydides certe Ego non sum,
 Nec possam superare Deam; cedamus oportet.
 Tu quoque, nī fallor, qui Mundi arcana futuri
 Voce tonas populo, mysteria magna locutus,
 Esset de Cælo Elias tanquam ipse reversus,
 Nocte, domi paulatim hominem atque humana resumens
 Post Bacchi calices & fumos nobilis Herbæ,
 (Nempe scio moderate, ut & ipse quoque utor utrisque)
 Nestere carmen amas tenerum, lepidoque furore
 Non sine nequitia resolutum ludere doctis.
 Ergo eadem peccanti æquum est te ignoscere Amico;
 Nam neque Nos nullo nugarum sine protervi
 Semper ineptimus, sed habemus scilicet ipsi
 Intervalla quidem meliorum lucida rerum.

* Namque hæc omnia scripta sunt
 paulo ante fœlicissimum Regis reditum.

1707

—
P
—
I
Qu
Qu
Qu
Et
No
Inc
His
Nu
Qu
Qu
v

PLANTARUM

LIB. I.

INfima regna cano, sed longè maxima Vitæ;
Plantarum omnigenùm regna decora cano.
Quæque ferum in sylvis agitant immanibus ævum,
Naturæ utentes simplice lege suæ;
Quæque sub humanâ discunt mansuescere curâ, 5
Hortorùmque urbes, & data jura colunt:
Quæque levant sursum se patris ad oscula solis;
Quasque humiles terræ brachia matris habent:
Quæ fontes fluviósque bibunt; quæ sicca tenentes
Admittunt solum pro Ganymede Jovem: 10
Et quascunque sacrum Judæi Principis olim
(Heu miserè amissum!) nobilitavit opus.
Non ego, Nestoræ quercûs si suppetat ætas,
Carminibus cunctas posse referre putem.
Incipiam tamen, & Nemoris primordia Sancti 15
Parva, sed arboreis versibus apta, dabo.
His alius plures adjunget forsitan umbras,
Et dignus tandem numine lucus erit.
Numen ades jam nunc, Divûm doctissime Phoebe,
Et Plantæ, & Vates nam tua turba sumus. 20
Quaque venis, fundas circum lucémque calorémque,
Atque omnis Vitâ sit via picta novâ.
Qualem te sentit brumalis vincula mortis
Rumpentem magico lumine vernus ager,

V. 16. Versibus, i. e. Ordinibus.

B

Ad

Ad Colchos Aries cum te vehit aureus aureum, 25
 Et calida Arctous gaudia mundus agit.
 Unde iter ingrediar? nam me blandum allicit omnis,
 Et pulchris ad se nutibus Herba vocat.
 Non ego me methodo astringam serviliter ullâ,
 Sed temerè Hyblæ more vagabor apis, 30
 Quò me spes prædæ, & generandi gloria mellis,
 Liberâque ingenii quò feret ala mei.
 Non hîc areolis hortorum emblemata justis
 Prostituent fastus vermiculata suos;
 Naturæ sed nos effusa sine ordine dona, 35
 Ditis, & immensas non numerantis opes,
 Et variæ reverenda imitabimur avia sylvæ.
 Munera disponit non nisi parca manus.
 Tu primæ augurium da, flave Diespiter, herbæ,
 Et faustum incipiens dirigat omen iter. 40
 Omen adest faustum; bene habet; sperare jubemur:
 Grandia non lævus respicit orsa Deus.
 Nam te prima oculis offers, Vettonica, nostris;
 Opportuna mihi, planta benigna, venis.
 Opportuna venis, generosa patrona cerebri: 45
 Si sapis, O cerebri sit tibi cura mei.
 Non te (crede mihi) nihil hoc, Vettonica, tangit:
 Tu cave nè malè sit, téque tuâsque cano.

V.25. Cum sol intrat signum arietis. Ad Colchos, i. e. ad populos septentrionales; hi autem præ cæteris nominantur, quod ariesille ex Colchide in cælum pervenisse dicitur, ibique vellus ejus aureum à Phryxo consecratum est.

V.39. Vulgò Jovis cognomen, sed per initia idololatriæ Jupiter & Sol distincta Numina non fuerunt; quod etiam confirmatur ex nominis hujus derivatione:

sed tamen tollendæ ambiguitatis gratiâ, Epitheton *flavi* additum.

V.43. Vettonica, Vettonica, Vettonica. Ubi licet antepenultima (ut & in Betonico) à Scenâ corripitur; tamen quia penultima in Vettones, seu Vectones, à quibus Herba nomen sine dubio deductum est, à Lucano, cuius multò potior est autoritas, producit, tutius videtur hunc quam illum sequi. *Luc. lib. 4.*

Vettonæque leves —

LIBER PRIMUS.

3

Te verò ut merita es, viridis stirps optima gentis,

Quis canet? aut tantas vel numerabit opes?

50

Ille quidem Hercyniæ fœlicia germina sylvæ,

Et poterit Pæsti dinumerare rosas.

Musa tuas justo celebrâsse volumine laudes

Dicitur, & partem præteriisse puto.

Ipse suos Cæsar voluit memorare triumphos.

55

Fac, precor, ô victrix Cæsare major, idem.

V. 53. Antoninus Musa, Augusti Medicus.

VETTONICA.

QUI mea cuncta tibi breviter cupis acta referri,
Frustrâ es; nam totus non capit illa liber.

Quâ patet humanus nostra est provincia mundus,

Candida purpureum quâ sola flumen obit:

Porrectum medio cernit quodcunque sub axe

Seu polus hic capitis, seu polus ille pedum.

Sed data præcipuè capitis mihi cura regendi,

Et me mens aulæ præficit ipsa suæ.

Firmo fatiscentem, & sinuosa palatia purgo,

Obscurâmq; veto luminis esse domum.

10

Illâ oriunda polo, dilapsa nitentibus astris,

Illâ creatoris filia magna Dei,

V. 1. Vetonica, vel Beto-
nica. Anglicè *Betony*. Vet-
tones in Hispaniâ eam inve-
nerunt quæ Vettonica dicitur
in Galliâ, in Italiâ autem Ser-
pentatula, à Græcis Cestron aut
Psychotrophon, ante cunctas Leu-
sinis datissima. Exit anguloso caule
cubitorum duâ, spargens folia
serrè Lapathi, serrata, semine
purpureo. Folia siccantur in fa-
m plurimos ad usus. Fit
ex eâ & acetum stoma-

cho & claritati oculorum: tan-
tumque gloriæ habet, ut domus
in quâ sata sit tuta existimetur à
piaculis omnibus. *Plin. lib. 25. 8.*
Itaque Italicè proverbiali elo-
gio dicitur aliquis: *Tot virtutes
habere quot Vettonica*, scilicet,
innumeras. Calida & sicca ex-
istimatur recessu secundo, inci-
dendi detergendique vi prædita.

V. 7. Cerebrum vel odore sôlo
recreat, *Fernel.* & alibi, Cere-
brum mirè levat.

Hei mihi, quàm fragilem pauper jam cogitur ædem,
 Quàmque ruinofam, Mens habitare calam !
 Pestiferi infælix patitur contagia tecti,
 Accenfæ flammis uritur ipsa Domus.
 Sæpe aliquis sacri correptus fulmine morbi
 Procumbit subito, trifte bidental, humi.
 Sæpe caput celeri circum vertigine fertur,
 Atque Ixioniâ mens agitata rotâ est.
 Sæpe gravis dolor incudem sub vertice tundit,
 Stat juxtâ fornax, & vigil igne furit.
 Sæpe aliquas motus partes fenfufque relinquunt,
 Ambulat (heu monftrum !) femicadaver homo ;
 Mezenti fuperat furias, & corpore eodem
 Conjungit vivis mortua membra lues.
 Af alios premit integrâ caligine torpor,
 Et toto lethi pondere fæva quies.
 Heu vitam affinem fimilêmque per omnia morti !
 In folâ vitam mors brevitate refert.

V. 17. Morbus Comitialis, *ἰεγὼν*
ἰόνικα vel quòd à Diis immitti
 crederetur, (& fanè in hiftoriâ
 Evangelii dzmonis attribui vi-
 detur ;) vel quòd non nifi divi-
 nâ ope fit curabilis, unde vete-
 res incantationibus eam exigere
 tentabant ; vel quòd divinam ho-
 minis partem occupet ; vel quòd
 fit magnus (unde & *Herculeus*
morbis vocatur) *ἰεγὼν* qu. τὸ
Μίγν vel quòd detestabilis, ut
Auri sacra fames. Comitiales
 sanat Vettonicæ in oxymelite
 drachma, *Plin. lib. 26. 11.* Co-
 mitialibus furiofisque medetur.
Fernel.

V. 18. Quicquid fulmine tactum
 sub religione manfit, donec ad
 prodigii procuracionem ovis bi-
 dens immolaretur, vel, ut alii

volunt, binz pecudes, unde bi-
 dental dictum est.

An quia non fibris ovium E-
gennâque jubente

Trifte jaces lucis evitandum
que bidental. Persius.

V. 19. Ad vertigines, omnèsque
 capitis morbos, vel quæ à ca-
 pite proveniunt, Vettonica præ-
 scribitur.

V. 22. Inflammatio.

V. 23. Paralyfin serpentiâque
 membra perfanat. *Fernel.*

V. 25. Mortua quinetiam jungi-
 bat corpora vivis,

Componens manibûsque mu-
nus, atque oribus ora,

Tormenti genus ——— *Virg.*
 de Mezentio.

V. 27. Lethargus.

Sæpe agitat vanis rationem infania visis,
Et misera in somnis ambulat illa suis.

Sæpe etiam absumpto nervorum divite succo,
(Quem solâ ætherium cernere mente licet)

Perpetuùm vinclis quatiuntur membra solutis
Ambigua, & laxo machinâ fune tremit.

Hæc, & quæ noceant sacro mala mille cerebro,
(Cui mala mille nocent ambitiosa loco)

Me pater æterno jussit compescere bello,
Et regnum dixit, nata, tuere meum.

Ac velut Æneæ mater, vel mater Achilli,
Sic fabricata mihi coelitus arma dedit.

Divinum folium informans unum omnia contra
Telâque morborum fatiferâsque minas:

Additur & succi non enarrabilis humor,
Et supero arcanus qui pluit orbe calor.

Phœbe pater, non me ignavam coelestibus armis
Donas, rubigo néve ea carpet iners.

Non caput absolvet solum me crimine tanto,
Absolvent capiti subdita membro suo.

Cum corda occlusis pulmonibus occupat humor
Aeriósque aditus vis inimica tenet,

V.31. Contra Insanias Vettonica bibitur, *Plin. lib. 26. 11.*

V.33. Tremor. Hæc dicuntur ex clarissimi *Glyssonii* nostri sententiâ (quam veram esse arbitror) de succi nutritii per nervos distributione, quam vide in nobilissimo illius opere de Anatomia Hepatis. Utilissima Vettonica nervis discurrentibus per scapulas, humeris, spinæ, lumbis, pota, ut in jecinore, *Plin. lib. 26. 11.* Nescio quamobrem non omnibus dixerit, nam quæ cerebro conferunt ea omnia nervos omnes juvant.

V.41. *Æn. lib. 8.* V.41. Thetis Achilli, *Iliad. 18.*

V.43. Divinum clypeum informans unum omnia contra Tela Latinorum — *Virg.*

V.51. Tussis, Asthma, Phthisis. Vettonica Phthisicis eclegmate cum melle fabæ magnitudine. *Plin. l. 26. 11.* Ad lateris & pectoris dolores Vettonicæ farina bibitur ex aquâ calidâ. *Id. cap. 7.* Vettonica obolis tribus in aquâ contra purulentas contrâque cruentas excreationes. *Id. cap. 5.* Stomacho & dyspnœæ medetur Vettonicæ tulsæ pondo, libra mellis Attici, semuncia ex aquâ calidâ, quotidie bibentibus. *Id. cap. 7.* Pulmonis, jecoris, lienisque vitia expurgat. *Fernel.*

Imparibus tentat conatibus excutere hostem,
 Et petit externam languida tussis opem.
 Me petit; advenio: referatur semita cordis,
 Blandâque per notos pertinet aura favos.
 Vitali Zephyro mulcentur pectoris æstus,
 Mitescitque tuus, torrida zona, calor.
 Pellitur à siccis serpens quartana cavernis,
 Ascitésque suis pellitur Hydrus aquis.
 Tristia pelluntur stomachi fastidia crudi,
 Assiduóque viget læta culina foco.
 Sedatur torti tempestas turbida ventris,
 Postico iratus murmure flatus abit.
 Eluitur croceo tinctura inamabilis ore;
 Gutta feros lapides (nec diuturna) cavat.

V. 56. Spongiosos poros pulmonum.

V. 59. Quartanis Vettonicæ drachmâ in aquæ mulsæ cyathis tribus, *Plin. lib. 26. 11.* Bibitur in horroribus Vettonicæ farina, quæ omnes horrores coercet. *Ib. Siccis, &c.* quæ nempe ex Melancholiâ adustâ orta creditur.

V. 60. Præcipua Hydropis species, ab *Agnôis, Viris.* Hydropicis Vettonicæ drachmæ duæ in duobus cyathis vini aut mulsi. *Plin. ib.*

V. 61. Cruditates quæ nauseam faciunt digerit Vettonica; eadem pota à cœnâ concoctionem facit, in oxymelitis cyathis tribus drachmæ pondere, & crapulam discutit. *Id. c. 11.* Vettonica aliàs gravis stomacho, vitia tamen sanat pota vel foliis commanducata. *Cap. 7.* Faciles præstat vomitiones Vettonicæ radix, Hellebori modo, 4 drach. in passo aut mulso. *Ib.* Sistit vomitionem Vettonicæ farina ex

aquâ, abstergit fastidia cruditatesque digerit. *Ib.* Betonica crudorum concoctionem adjuvat; datur acidum ructantibus & stomachicis; dolorem capitis ex ventriculi sympathiâ sedat. *Fern.* Stomacho laboranti prodest, ejusque concoctionem juvat. *Id.*

V. 63. Tormina Ventris. Cœlicis in vino austero datur. Tormina discutit quodcumque Panaces & Vettonica. *Plin. l. 26. c. 8.*

V. 65. Icterus, Morbus Regius. Impugnatur Centaureo pota, Vettonicâ, &c. *Id. cap. 12.* Regium morbum sanat, omnibus denique obstructionibus expediendis & cum febre & sine febre accommodatissima. *Fernel.*

V. 66. Vesicæ malis contrâque calculos auxilio est Vettonica. Ad calculos quidam Vettonicam & Verbenacam & Millefolium æquis portionibus ex aqua pro singulari remedio bibere suadent. *Plin. l. 26. 8.* Renum lapides exerit. *Fernel.*

Lentus inhærescens venis lunæque rebellis

Cogitur obscœnus præcipitare cruor.

Alba sed illiciti hauritur sentina fluoris :

Hei mihi ! spurcities non aliena sat est.

70

Sistitur ipse etiam, rubróque remittitur orbi

Qui velit injulsâ sanguis abire viâ.

Sistitur insanos matrix motura tumultus,

Longinquum telis ausa ferire caput.

Maternusque tumet non fluxo pondere venter ;

75

Funera nec nasci dimidiata sino.

Sed cùm natalis sacer ingruit impetus horæ,

Vis eadem inceptum fortior urget opus.

Quid quòd & articulis podagram discedere cogo ?

Tarda licèt, celeri me fugit illa gradu.

80

Quid quòd serpentum furialia pello venena,

Et mea serpentes dia venena necant ?

Illos subtilis ferit arcanâque sagittâ,

Et perimit cæco vulnere acutus odor.

Sic, pater arcitenens, victum Pythona fuisse

85

Arbitror, & succis illita tela meis.

V.67. Menses ducit. *Fern.* Vettonica drachmâ in vini cyathis tribus bibitur contra omnia vulvarum vitia, aut quæ à partu fiunt. *Plin. l. 26. 15.*

V. 69. Vettonica utilis prægnantibus, & quibus alba sordida illuvies ex utero manat. *Fern.*

V.71. Vettonicæ farina è lacte caprino pota sistit ex ubere fluentem sanguinem. *Plin. l. 26. 13.* Sed & ad sistendam quamcunque sanguinis fluxionem, nisi mensuram, efficax est.

V.75. Betonica uterum expurgat, & nihilominus corroborat, & conceptum retinet. *Fernel.*

V.79. Podagricis inter cetera passim præscribitur, itæque ischiadicis.

V.81. Morfib⁹ imponitur Vettonica præcipuè, cui tanta vis perhibetur, ut inclusæ circulo ejus serpentes ipsæ sese interimant flagellando : datur ad ictus semen ejus denarii pondere cum tribus cyathis vini, vel farina drachmis tribus sextario aquæ imponitur. *Plin. lib. 25. 8.* Potu omnia mala medicamenta exigit per alvum Vettonicæ semen in mulso aut passo, vel farinæ drachma in veteris vini cyathis quatuor, vomere cogendi atque iterum bibere. Iis qui quotidie gustent eam nulla nocitura mala medicamenta tradunt. *Id. cap. 10.*

Quid quòd de membris per me dolor omnibus actus,
Atque exul toto corpore mœstus abit ?

Quid quòd defessis redeunt virésque vigórque,
Atque otí fructum percipit ipse labor ?

Nec miseræ satis est incommoda tollere vitæ,
Ornatur donis luxuriátque meis.

Per me purpurei formosum lumen honoris,
Et niveam illustrat gratia viva cutim.

Talem me genuit faustis Hispania sylvis,
Omnibus & terris terra benigna dedit.

Nec Trajanum orbi magis est genuisse regendo,
Ac dominum dominæ læta dedisse suæ.

Implevit numerum certè laudum ille mearum,
Et mihi multiplici par bonitate fuit.

Sed bonus, ah ! princeps factorum quàm breve donum est
Tantarum exhæres quàm citò mundus opum ?

At nostrâ æternum gentes virtute fruuntur,
Súmque orbi semper quod fuit ille semel.

V.87. Ad omnes corporis dolores succū Vettonicæ, *Id. l. 26. 11.*

V.89. Lassitudinem discutit.

V.94. Pota colorē plumbeum corporis privatim emendat, gratiorémque reddit. *Plin. l. 26. 11.*

C A P I L L U S V E N E R I S.

NOstra Capillaris cùm sit domus optima gentis,
Me patronam omnes constituere suam ;

V.1. Capillus Veneris, sic primò, ut arbitror, ab Apuleio nominatus ; nam Plinius veterésque Adiantum appellant. Si Plantis Πολυανμία non sit minùs honorifica quàm Diis olim existimata est, profectò hæc nostra honoratissima est. Græcè dicitur Ἀδύαντι, Πολύανμι, Καλλιτέριον, Ἐβινότεριον. Latine, Capillus Veneris, Adiantum, Polytrichum, Callitrichum, Terræ Capillus, Cinninalis, Capillaris, Crinîta, supercilium terræ, Coriandrum putei ; Anglicè, Wat-

den-hair, Venus-hair, Dues-Ladies-hair. Plurésq; aliæ species ad hoc genus referri possunt ut ruta Muraria, vel Adiantum album (white Maiden-hair ; Trichomanes, quod raritati capillorum medeatur (English Maiden-hair) & Polytrichum aureum, vel Adiantum aureum vel Muscus Capillaris. Virtutes autem quæ ei attribuuntur etiam nominibus longè numerosiores sunt, quarum paucae tantum hic delibantur.

Pro cunctis voluere loqui : numerosa propago,
Nec plantas inter factio parva sumus.

Et filices, quarum est dominatio lata per agros,

5

Contingunt nostrum proximitate genus.

Quidam etiam ætherios hinc deduxere cometas,

Junctaque cum superis germina multa putant.

Sed consanguineos libet haud agnoscere tales,

Odimus & mores turba benigna feros.

10

Funditur augurio noster meliore capillus;

Et non de nihilo nomen amoris habet.

Ipsa mihi multum scit se debere venustas,

Ipsæ meis telis retia nectit amor.

A me formosi lasciva volumina crinis,

15

Plaudentisque humeros umbra decora comæ.

Me cole quisquis amas ; lætam nutrire memento

Cæsariem, & toto vertice tende plagas.

At nudum sine honore caput, tritisque capillis

Pannosum, inclusas quàm malè jactat opes?

20

Nimirum, teneræ nec credunt ista puellæ,

Nec curant ; oculis serviat omnis amans.

Sic Veneri (delector enim cognomine Divâ)

Præsto operam (quamvis ipsa modesta) meam.

Ipsa modesta quidem, contentaque simplice cultu : 25

Rusticus en nullo flore superbit apex.

Sobria præcipuè ; nec dulcia flumina libo,

Nec fiunt labris stagna minora meis.

V. 5. Ramuli nigro colore nitēt,
foliis Filicis, ex quibus inferiora
aspera & fusca sunt. *Plin. l. 22. 21.*

V. 7. Propter communem no-
minis notationem.

V. 14. Quidā Callitrichon vocāt,
alii Polytrichon; utrumq; ab effe-
ctu: tingit enim capillum, & ad
hoc decoquitur in vino cum se-
mine Apii, adjecto oleo copiosè,
ut crispum densumque faciat:
defluere autem prohibet. *l. in. lb.*

V. 26. Sæper virescit, nūquā floret.

V. 27. Aliud Adianto miraculū,
æstate viret, brumâ non marce-
scit: Aquas respuit; perfusum
mersumque sicco simile est, tanta
dissociatio deprehenditur, unde
& nomen à Græcis, (nempe ὄν
& διαίεται non madescit) alio-
qui frutici topiario. Umbrosas
petras parietumque aspergines
ac fontium maximè specus sequi-
tur, & saxa manantia; quod
miremur, cum aquas non sentiat,
Plin. lb.

B 5

Pro-

Propinat plantis cùm Jupiter ipse salutem,
 Largâque coelestis pocula fundit aquæ : 30
 Germina multa vides totum exhaurire liquorem,
 Et non civili proluere ora modo.
 Vitiferi credas habitantes litora Rheni
 Germanos festum concelebrare diem.
 Me pudet hoc ; tactos foliis trepidantibus imbres 35
 Excutio, & madidum sicca saluto Jovem.
 Non equidem invideo bibulis, nam læta viresco,
 Nec succum exhauit bruma vel ipsa meum.
 Me tamen immergunt medici crudeliter undis,
 Cogor & invisio fusa liquore mori. 40
 Persequor humores odio post fata perenni ;
 Persequor : humores & cinis ipse fugat.
 Per jecoris splenisque vias renûmque meatus
 Hostem ago : flumineâ labitur ille fugâ ;
 Et multos prono secum vehit agmine morbos, 45
 Horrida quæ falsis monstra feruntur aquis.
 His Ego promeritis poteram meruisse videri
 Vel Berenicæ altior ire comis.
 Sed vertente polo recipit si sidera pontus,
 Plus mihi vel cœlis arida terra placet. 50

V. 41. Urinam cient — De-
 coctum ex his prodest suspiriosis,
 & jecinori, & lieni, & felle sus-
 fufis, & hydropicis : stranguriæ
 illinuntur & renibus cum absyn-
 thio, secundas cient & men-
 strua. *Plin. lb.*

V. 28. Fuit hæc Berenice (nam
 plures eo nomine Ægypti Regi-
 næ fuerunt) Ptolem. Philadelphi
 & Arsinoes filia, quæ Ptolemæo
 Evergetæ fratri suo nupsit; qui
 cum paucis diebus à nuptiis ex-
 peditionem in Asiam suscepisset,

Berenice crinem se detonsuram
 vovit si salvus rediisset : cujus
 voti damnata abscissam comam
 in Templo Veneris consecravit:
 quæ cùm postridie non apparuis-
 set, ægrè id ferenti Ptolemæo
 Conon mathematicus (gratiam
 ejus captans) inter sidera rela-
 tam affirmavit, septem ei ad
 caudam leonis stellas ostendens
 figurâ nominè non antea dona-
 tas. *Vid. Eleg. Catal. de Comæ
 Berenices.*

S A L V I A.

Salvia, quæ multis titulum virtutibus implet,
 Salvia, quam magni vita beata facit ;
 Cum damnosa tuo fugiant oblivia dono,
 Salvia, non possum non memor esse tui.
 Mnemosynæ charam celebrabunt jure Camoenæ ;
 Et non ingratas esse querere deas.

Celso monte super saxo circumdata mentis
 Stat domus, & latè subdita membra videt.
 Artifici fuerit dextrâ fabricator oportet,
 Nam parva, at mundi totius illa capax.
 Hic sacra spirituum glomeratur turba potentum,
 Corporis humani proxima turba Dex.
 Concilium hîc summis magnum de rebus habetur ;
 Discurrîtque frequens, itque reditque cohors.
 Fervet opus, portisque vagum ruit omnibus agmen ;
 Candida nec solis densior aura pluit.
 Scilicet ætherios artus bombycina vestit
 Materies, rapidum nec remoratur iter.
 Omnia sed longo labefacta labore fatiscunt,
 Membrâque perpetuum fortia frangit opus.
 Sæpe etiam intentos operi passimque vagantes
 Grassator duro devorat ore calor.

V.1. Nostri qui nunc sunt Herbarii Elelispæon Græcè, Latine Salviam vocast, &c. *Plin. lib. 22. 25.* Sed puto. Ἑλελίσφαον unam tantum speciem σφακς, i. *Salvia*, esse, fortè sylvestrem. *Salvia* cerebrum idcirco juvat & corroborat quod illi totius substantiæ similitudine familiaris sit. *Fernel. Id. lib. 5. de Meth. Med.* *Salvia* calida primo, sicca secundo : quæ angustiore folio, efficacior habetur ; ea leniter

astringit, & emanantem sanguinem cohibet, ventriculum atque cerebrum corroborat, torpentem appetentiam excitat ; peculiari-ter autem nervos firmat, eorûmque vitiis omnibus medetur, in idque vires obtinet Castoreo finitimas.

V.3. Quia inter præcipua medicamenta habetur, quæ memoriam confirmant.

V.5. *Memoriæ*, musarum matri meritò dicta.

Sæpe

Sæpe Venus toto prædatrix corpore raptos
 Avehit, aut liquido mergit in igne merum.
 Indè graves sensus invadit plumbea pestis, 25
 Et glaciæ vitæ munia torpor iners.
 Colluvies animam morborum frigida inundat
 Milite nudatam præfidiisque suis.
 Indè tremunt nervis perterrita membra solutis,
 Et nutat dubiè mox ruitura domus. 30
 Vix ori calices sitienti dextra vacillans
 Ferre valet, trepidam ferre venena putes.
 Tum demùm apparet quantum tu, Salvia, possis,
 Implorantque tuam digna pericla fidem.
 Frigore vallatum densisque humoribus hostem 35
 Vividus obselsâ dejecit arce calor.
 Spiritibusque fatigatis certamine tanto
 Spiritus afflatur te veniente novus.
 Et nova vita redivit (liceat si dicere) vitæ,
 Corpore quæ jacuit penè sepulta suo. 40
 Et nervis jam membra suis religata tenentur,
 Nec fluctus puppim sed moderator agit.
 Cuncta tuo adventu stabilis : tam fortia quisquam
 Crederet è fibris vincula facta tuis ?
 Non fragili laxos solidas ferrumine dentes, 45
 Cogis & alveolis ritè manere suis. (lum,
 Ah ! nunquam ruat hoc tam pulchrum atque utile val-
 Neve suo cedat terminus iste loco.
 Lubrica tu firmas teneri primordia foetus,
 Atque uteri fluxam non finis esse fidem. 50

V. 41. *Salvia confortat nervos, manuumque tremorem.*

Tollit. — Salernitan.

Idem honorificentissimè de hac herba, & pro talibus Poetis, etiam poeticè, rogant.

Cur moriatur homo cui salvia crescit in horto ?

V. 49. Agrippa eam sacram herbam appellavit, & scripsit *Lexnas* eam

manducare ad partus facilitatem. Aetius dicit, Gravidæ mulieres si, fluidæq; laxæq; sint, eam utilissimè vescuntur ; nam conceptum retinet, & vitalem reddit. Aiunt in Copto Ægypti post sævas pestilentias ab his qui superfuerunt ad ejus succum bibendum mulieres coactas fuisse, plurimosque fructus inde productos. *Heurnius.*

Mors

Mors fera, parce, precor, vitam anticipare vel ipsam :

Ut moriatur homo, sit, precor, ille prius.

25 Ah nimium properas, siquidem in navalibus ipsis

Naufragium faciat vix fabricata ratis.

Parva quidem memoro. Tu coram absentia sistis, 55

Nec tu præteritum præteriisse sinis.

Sed fluidarum animo signas vestigia rerum,

30 Et non futilibus figis inusta notis.

Ne malè diluto fugiant pigmenta colore,

Tu prohibes oleo mista perire tuo.

60

MELISSA.

35 [Te procul curæ (nimium mihi turba sodalis)

Ite ; venit vati læta Melissa suo.

Læta venit, fertisque volens me cingit odoris :

Me cane (ait,) merces ipsa canentis ero.

40 Jamdudum insolito juvenescunt corda sereno : 5

Agnosco afflatum, nobilis herba, tuum.

Jure tuam frondem signaris imagine cordis ;

Te solet inter opes cor numerare suas.

Vultibus impressum veluti regalibus aurum

45 Patris & effigiem principis ipsa geris. 10

um, al-

50 V. 1. Melissa. Meliphyllum
Virg. Melissophyllum & Melit-
tis Plin. quibusdam Apiastrum
quorum eadem omnibus origo
nominum, quod sit herba api-
bus gratissima. Citrargo etiam
dicitur, ab odore. Citrargo quæ
& Melissophyllum, calida sicca-
que recessu primo, demulcet
quoque atram bilem; confert ad
timores & tristitias quæ occa-
sione nullâ ex atrâ bile suscitantur,
lætâque facit somnia, si-
mul quoque aliquantum deter-
get. Fern. Et idem alibi, Me-

lissophyllum syncopen ex fri-
gidâ causâ, mœrorem tristiti-
â nque excutit. Rases (referente
Heurnio) ait, Melissa animi
hilaritatem, coloris amœnita-
tem & jucunditatem, bonân-
que coctionem creat, & cani-
tiem retardat. Quâ de causâ
vino indi solet. Multis aliis
facultatibus celebris est, sed
hic de hac unâ agitur. Anglicè
Baum.

V. 7. Qui Signaturas rerum
consecrantur, observant Melissa
folia Cordis figuram referre.

Te

Te fugiunt pluvix, te venti & nubila mentis,
 Auratúmque aperit pax inopina diem.
 Nec Bacchus plus ipse juvat, cùm rore superbo
 Fervidus in venas purpureúsque fluit,
 Dulcia mortalis portans oblivia sortis, 15
 Spémque renidentem, divitiásque breves.
 Nescio quid plerumque bonis turbatur in illis,
 Visus & impuro est surgere fonte lepos.
 Nec sævum occídit Bacchus, sed vulnerat hostem;
 Viribus iratis fortior ille redit. 20
 At tua lenè fluit, sine vi, sine fæce, voluptas,
 Nec pungunt caudis gaudia sæva suis;
 Nec nimium melli vicinus aculeus hæret:
 B'anda Melissa, tuas non imitaris apes.
 O munus cœleste datum mortalibus ægris! 25
 O numen, curæ si medicamen habes!
 Infestant aliæ pestes, hæc possidet orbem,
 Hoc uno ægrotat quisquis ubique malo.
 Gaudeat innumeris & abundet floribus ætas;
 Hæc flores ipsos tingit amarities. 30
 Circumfert humana suum natura venenum,
 Atque opus antidoto vita habet ipsa tuo.

V. 24. Melissochylo five Melittide si perungantur alvearia, non fugient Apes; nullo enim magis gaudent flore: copiam istius examina facillimi continentur. Idem presentissimum est contra ictus earum vespariarumque & araneorum, i-

tem scorpionum, &c. Flin. lib. 21. cap. 20. Unde Virgil. alvearia eâ illini jubet;

——— huc tu. jussos inspergesaperes,
 Trita Meliphylla & Cevinke
 ignobile gramen. Georg. 4.

COCHLEARIA.

15 **E**ST morbus, nomen Scorbuto Saxones indunt,
 Arctos latè qui populatur agros.
 Felix barbaricum quæ ridet Græcia nomen!
 Ah fælix quòd non cultius ipsa dedit!
 Monstrum atrox! nullum quo misit tetrius unquam 5
 Prædatum in terras vindicis ira Dei.
 15 Centum illi horribiles, centum (mirabile!) formæ,
 Bis centum armatas arbitror esse manus.
 20 Inter limosas abdominis ille paludes,
 Sulphureas inter nascitur Hydrus aquas. 10
 Illum & desidia, & nimii peperere labores;
 25 Illum & luxuries, & dolor ipse parit.
 Sepe etiam febris defunctæ sævior hæres,
 E cinere & sicco profilit ille rogo.
 Nascitur exiguus, faciliq; domabilis arte. 15
 Hei mihi! quàm parvo tempore magnus erit?
 30 Sic stupet ingentem Nilus crocodilon ab ovo,
 Vix tantum immersis ipse stupendus agris.

V. 1. Cochlearia à figurâ
 cochlearis nomen mutuatur,
 peculiariter Scorbuto dicata, &
 providentiâ divinâ in iis regi-
 onibus abundè crescens ubi
 hic morbus grassatur. Quem
 inferioris Saxoniz incolæ *Scor-*
bock, aut *Scorbock*, à tor-
 minibus ventris appellant, un-
 de Nomen Scorbuti. *Anglicè*,
Scurvy, & herba, *Scurvy-*
grass.

V. 3. Licet Græcis innotu-
 isse videatur hic morbus, nam
 eum exactè describit Hippocra-
 tes in lienis morbis; tamen ita
 infrequens fuit in Græciâ, ut

proprium ac peculiare nomen
 nullum nactus sit.

V. 7. Tanta morborum &
 symptomatum farrago in hoc
 morbo concurrat, ut vix alius
 sit tam *πολύμωρος*, & qui
 sub tot morborum speciebus
 latitet. Sennertus eum autem
 sic definit: Est prava quedam
 corporis nutritio vel cachexia
 ab humore melancholico pecu-
 liari modo corrupto orta, con-
 junctam habens crurum debili-
 tatem & maculas, gingivas tu-
 midas & sanguinolentas, den-
 tium laxitatem, & plura alia
 symptomata.

Humore

Humore obscuro & salibus nutritur adustis;
 Ipse illum flatus, atque alit ipse vapor. 20
 Ille nec in cunis tentat nihil improbus infans,
 (Desidia ô proles desidiosa parum!)
 Herculei citius non incepere labores;
 Monstrorumque hostis monstra imitantur opes.
 Qui modo natus erat, jamdudum membra fatigat 25
 Insultans; ipsa lassâ quiete labant,
 Et languent, paréntque animæ non læta moventi,
 Nec norunt ubi sit, cum sit ubique, dolor.
 Pectore deducto vix æger anhelitus exit,
 Sanguine vix ripæ prætereunte tument; 30
 Mox latè dat signa sui fidentior hostis,
 Damna nec autorem tanta latere sinunt.
 Tetra situ putri, fraudatæque dentibus ora,
 Mortis odor foedus, mortis ubique color;
 Nauseæque, & vomitus, & clausi tormina ventris, 35
 Et ferrugineis crura inhonesta notis;
 Offusæque animo tenebræ, sensusque ligati:
 Quicquid & ut sibi sit vita odiosa facit.

Hoc monstrum mihi tale dedit natura domandum,
 (Namq; herbis non est monstra domare novum.) 40
 Sic taurum vigilémque draconem vicit Iason;
 Non memini succis usus an ille meis:
 Sed vicit, rediitque potitus virgine & auro,
 (Eveniant medicis talia sæpe, precor.)
 Gaudebam quòd dura mihi provincia cessit: 45
 Quò major, certè gratior hostis erat,
 Ipsa (fatebor enim) capior dulcedine laudis,
 Et juvat in medicis nomen habere libris:

V. 39. Cochlearia facillè primas inter ista medicamenta tenet, & malo huic peculiariter adversatur, ut longa experientia docuit; sile enim volatili acri cum amaritudine conjuncta

abundat, unde aperit, penetrat, crudos illos & crassos humores volatiles reddit, discutit, per urinam & sudores expurgat, viscera roborat. *Id.*

Invidioque

Invidéque illis quas magni charta Gaseni,

20 Aut Coi celebrant scripta verenda senis.

50

Invidit meritò juvenis Pellæus Achilli :

Diffimilis questûs nec mihi causa fuit.

Cumque aliæ Græco florent nomine plantæ,
(Námq; honor in Græco nomine summus inest)

25 Tunc ego littoribus crescebam inhonora Britannis, 55'

(Terra Britanna quidem tunc inhonora fuit.)

Crescebam infelix Gothici procul accola ponti,

Nec fuerat foliis vilior alga meis.

Nunc decet obscuræ damnum deforme juventæ,

30 Tam longas famæ nunc reparare moras :

60

Et decet, & facio : nunc inclyta gloria nostri est,

Et nota in terris omnibus herba legor.

Quis meruisse negat, cum nostro Marte tyrannus

Vincitur Arctoo qui vagus orbe furit ?

35 Dicite Io Pæan ! ter Io sonet ultima Thule, 65

Ter resonent Gothici littora vasta maris !

Ille ferox morbus manibus post terga revinctis,

(Dicite Io !) currus ducitur ante meos.

V. 55. Eadem esse creditur | nii, quòd abundè hâc insulâ
à quibusdam ac Britannica Pli- | nostrâ crescat.

CASSYTHA.

NEC Folium, Cassytha, tibi est, nec Caulis egenæ,
Nec Radix ? vitæ pensilis ortus ubi est ?

41 V. 1. Καρύδα (quæ veteri-
bus Græcis ignota) à καρύω,
confuso, quia quasi filis quibus-
dam herbas implicat ; unde &
Epilinum (quæ maxime celebris
est Cassythæ species) vocatur
Ανίδισμα, Vinculum Lini.
In officinis Cuscuta dicitur.
Angl. Dodder, Cassytha primo
ordine calida, sicca secundo, a-
maroris astrictionisque parti-

ceps, melancholiam tum herbâ
tum semine propriè incidit at-
que detergit, obstructum lie-
nem expedit, deinde & jecur,
arquatúmque nigrum, & febres
lentas diuturnâsque pellit, quan-
doquidem venas omniâque vasa
à putridis humoribus expurgat,
servato ventriculi & reliquorum
viscerum robore. Fernel.

Tota

Tota quidem magica es: nec jam miracula miror
 Plurima quæ facias; grandius ipsa mihi es.
 Herbarum ut capias vires, tua retia temet
 Tendis, venatrix & simul ipsa plagæ.
 O animatum Ænigma! tuæ mysteria plantæ
 Qui cantu celebret vate opus Oedipode est.
 Non tu vicinas sine causâ amplexeris herbas,
 Cum tibi sint corpus brachia sola tuum.
 Stamina larga quidem tibi nent vitalia Parcæ!
 Sed nec subtegmen, tela nec ulla datur.
 Fallor? an hinc gaudes filum præsentia lina
 Non scrutabilibus complicuisse modis?
 O benè dilectæ conjux fidissima plantæ!
 Quo nullum exemplum clarius edit amor.
 Jam pudeat lascivam hederam memorare, Cupido:
 Illius amplexus sola libido facit.
 Corpore perfruitur placito: divortia rebus
 Apparent aliis; res habet illa suas.
 Sunt vires frondésque aliæ, nec fructus & ipse,
 Testis adulterii, conjugis ora refert.
 Et radix aliis satiatur libera succis,
 Et vel adhuc nomen nupta parentis habet.
 At bona de solo pendet Cassytha marito;
 Nil habet illa suum, sed nec habere velit.
 Illius & succo nutritam, & stipite fultam,
 Et folio ornatam se putat esse satis.
 Gaudet & illius quodcunque est sumere nomen,
 Et fieri cunctis una eadèmq; modis.

V. 24. Neque enim nomen
 mutuatur ab arbore quam am-
 plexatur, sed ubique nomen
 hederæ retinet, quod Cuscuta
 non facit.

V. 29. Quæ Thymo se im-
 plicat Epithymum vocatur, quæ

Thymbræ Epithymbrum, quæ
 Urticis Epiurtica, quæ Rubo
 Epirubus, &c. nec tantum no-
 men adsciscit plantæ cui inha-
 ret, sed & virtutes ejus parti-
 cipat.

Tali animo Alceste fuit, & Capaneia conjux,
 Et paucæ eximius quas celebravit amor.
 Et puto te, Cassytha, mori pro conjuge lino
 Velle; sed eveniant prosperiora tibi.
 Hic viventis amor; claram post funera reddit 35
 Altius humanæ nomen amicitiae,
 Quam jecori præstas splenique fideliter ægro,
 10 Quos recreas victos obsidióque levas.
 Unde, precor, tantas tantillo in corpore vires,
 Unde, precor, plantæ pauperis uxor, habes? 40
 Quis fore crediderit jecur ut medicamine tali,
 Tam miserâ tantum viscus egeret ope?
 15 Uttere vel minimis: nec dedignare superbus,
 Quòd servant homines parva; minora necant.

V. 31. Cùm Apollo à fatis
 impetrasset ut Admeto regi
 produceretur vitæ terminus, si-
 quis pro eo diem obire vellet,
 20 uxor Alceste conditionem acce-
 pit, vicemque ejus ipsa subiit.

V. 31. Evadne Martis &
 Thebes filia, quæ sese in mari-
 ti sui rogum projecit.

*Turbine quo sese charis projece-
 rit aulæ*

*Ignibus Evadne, fulménque in
 pectore toto*

Quæsierit — Statius.

V. 37. Hepatis & lienis in-
 farctus expedit, ustam ex bile
 melancholiam eluit, &c. *Hemi-
 nius.*

A B S I N T H I U M.

Infauftum pueris & detestabile germen
 1 Credor, & à furiis Persephonéque legi,

30 V. 1. Absinthii genera sunt
 plura: Santonicum appellatur à
 Gallie civitate, Ponticum à Pon-
 to, ubi pecora pinguescunt eo, at-
 que ob id sine felle reperiuntur;
 neq; aliud præstantius, multoq;
 Italico amarius: sed medulla Pon-
 tici dulcis. De usu ejus convenit
 dicere, herbæ facillimæ atq; inter
 paucas utilissimæ, &c. *Plin. lib.*
 27. 7. ubi totum caput enume-
 randis ejus virtutibus impendit.
Fernel. breviter in hunc modum:
 Absinthium calidum primo gra-

du, siccum secundo, astringens,
 amarum & acre, exalfaciens pa-
 riter & detergens, roborans & de-
 siccans: ejus decoctum stoma-
 chum corroborat, bilem eique in-
 herentem pituitam detergit, va-
 cuatque tum per alvum tum per
 urinas. Hinc morbo regio cor-
 reptos sanat, malaciam stomachi
 & inflationes discutit, appetitum
 excitat, nausæam arcet, lumbri-
 cos pellit. Comæ, folia & semen
 usurpantur; sed succus stoma-
 cho infensus, &c.

Insanire

Infanire putant medicum, vel ludere certè,
 In me si succum dicat inesse bonum.
 Sed neque foemineo scio me placuisse palato,
 Multa licèt sexus debeat ille mihi.
 Et puto vix paucis tristem arridere saporem:
 Hei mihi, quàm paucos Jupiter æquus amat!
 Dulcia sola placent; sed dulcia quantus amaror
 Consequitur, serò post sua damna vident.
 Longa voluptatis subeunt fastidia curæ,
 Dilectæque nimis nausea foeda dapis.
 Dat stomacho poenas, quem læserat antè, palatum;
 Odit & optatos, cùm rediere, cibos.
 Tum gravis inferno spirare mephitis ab orbe,
 Mœstæque Lernæus surgere in ora vapor:
 Tunc primum succos non fastidire severos,
 Tunc & amaritiem dissimulare meam.
 Nec frustrà ingredior stomachum, nec inutilis hospes;
 Sed fero præsentem, numinis instar, opem.
 Non aliter solem recreor sentire tepentem,
 Cùm mihi post hyemis frigora longa venit.
 Illic sæpe mihi stabulum purgare nefandum,
 Et libet Herculei ferre laboris opus.
 Pondere discusso repetit sua munia lætus,
 Et vivo stomachus percoquit igne cibos.
 Purpureamque avido tincturam devorat ore,
 Nec venis operam dat chylus ille gravem.
 Paulatim roseum depingit gratia vultum,
 Purgato roseus spirat ab ore vapor.

V. 6. Urinam ac menses cient
 tres quatuorve ramuli cum Gal-
 lici Nardi radice unâ cyathis a-
 que sex — Menses privatim
 cum melle sumptum, & in velle-
 re appositum. *Plin. Ib.* Abster-
 git etiam uterum.

V. 15. Putor ex corruptis aquis

V. 19. Astringit stomachum,
 bilēque detrahit — Malaci-

am stomachi & inflationes disci-
 tit cùm Sili & Nardo Gallico,
 ceto exiguo addito — Fastidia
 abstergit, concoctiones adjuvat,
 cruditates detrahit, cum rutâ &
 pipere & sale — Stomachum
 corroborat, & ob hoc sapor ejus
 in vina transfertur. *Plin. Ib.*

V. 24. Qui Augiæ stabulum
purgavit.

Quid præstet mea planta boni Venus ipsa fatetur;
 Nec Dea tam dulcis dulcia sola probat.
 Illa meis prudens aspergit gaudia succis,
 Et cùm lætitiis miscet amara suis.
 Scindimur herbosæ studia in contraria gentes, 35
 Atque habet authores factio quæque suos.
 Sunt quæ defendunt Epicuri dogmata plantæ,
 Quæque voluptatis læve sequuntur iter,
 Et gaudent dulces populariter edere fructus,
 Et cingunt lætum florea ferta caput. 40
 At pars Zenonis rigidam colit altera sectam,
 Virtutumque ferax & malè culta cohors:
 Nec pompas amat aut vana oblectamina sensûs;
 Fecisse officium, non placuisse, juvat.
 Et nulla in terris magis est me Stoica planta, 45
 Cauliculo fulta est Porticus ipsa meo.
 Delectent aliæ, nostra est prodesse voluptas:
 Gratia tarda quidem, sed mihi longa venit.
 Utilis est censor corruptæ asperrimus urbi:
 Talis ego, & talis tu, Cato noster, eras. 50
 Nec feritate tamen nec vindice fulminor irâ;
 Prudentem irasci cùm schola nostra vetet.
 Nulla magis nostris compesco crimina regnis,
 Et fugit aspectum bilis amara meum.
 Me simul ac videt ingressam stomachoq; receptam 55
 Acria non humili bella parare modo,
 Nec venis nec mille remotis ausa latebris
 Fidere, postico territa quærit iter.
 Et sequor & fugienti insto; vestigia fumant,
 Et via fervet adhuc quâ ferus hostis abit. 60
 Nec minùs undantes exhaurio corpore fluctus,
 Advena diluvium cùm meditatur hyems.

V. 34. — Non est Dea
 nescia nostri
 Quæ dulcem curis miscet ama-
 ritum. Catul.

V. 54. Absinthium quod in
 venis biliosum est per urinas
 expurgat. Fernel.

Nec

Nec magis obsœnas Belga exsiccare paludes,
 Aut cursum obstantis vertere doctus aquæ.
 Sæpè etiam obstructis renum canalibus arctis
 Ad fontes refluunt flumina falsa suos.
 Prodigium infœlix! vicinis undique membris
 Turbatur, totis & trepidatur agris.
 Quid vos ignavæ (sic increpo) sistitis undæ?
 Mecum ite, en vobis rumpere claustra paro.
 Rumpo; patent; notâsque suus vehit alveus undas:
 Lætantur magno membra levata metu.
 Cannibales toto pello de corpore vermes;
 Justâque cum foedâ prælia gente gero.
 Vermis edax, certus post funera corporis hæres
 Differ adhuc epulas (nec mora longa) tuas.
 Visceribus gens illa ferox pinguescere gaudet
 Infantum, & tenero læta cruore tumet.
 Expectare piget donec mors præparet escas:
 Præripiunt avidâ fercula cruda fame,
 Quid de pulicibus? vitæ salientia puncta,
 Pulvereósq; hostes enumerare piget.
 Vix mihi majores vacat enumerare triumphos,
 Et latitant numero multa trophæa suo.
 Sæpè vagum toto dispergitur æthere lethum,
 Atque elementa ferox occupat ipsa lues.
 Ægrotat tellus, ægrotat luridus aer,
 Ægrotant alveis flumina lenta suis:
 Et miseros vastis mors una amplectitur ulnis;
 Vitalis vitam (quis putet?) aura rapit.
 Auxilia in tantis numen non pauca periclis,
 Nec minimum è multis me dedit auxilium.
 Et sæpe una feror (nec sum quoque maxima) planta
 Bella elementorum sustinuisse trium.

V. 73. Ventris animalia pellit, *Plin. lb.* undè Anglice nomen obtinet.

Non igitur frustra, nec, credo, sine omine sacro,
Cuncta subactura genti in honore fui. 95

6 Ipse triumphalem victor certaminis haustum
Germinem de nostro (præmia magna) tulit.
Nobilibusque tenens spumantia pocula guttis, 100
Clamavit, merces ista valere dabit.
Nec quod sit gustu minus illa placebit amaro;
70 Per quem jam vici sic labor ipse fuit.

V. 96. Sacris Pop. Romani celebratur peculiariter: siquidem Latinarum feriis quadrigæ certant in Capitolio, victorque Absinthium bibit. Credo sanitatem prænio dari honorificè arbitratis majoribus. *Plin. lb.*

N Y M P H Æ A.

NUm me coenosas contentam habitare paludes,
Et mistam plebi spernis arundineæ?
80 Non ego de vulgo viridi, neque filia terræ;
Incolo cognatas nobilis hospes aquas.
Nympha fui, Dea postremæ non infirma classis: 5
Venit amor; quid tum profuit esse Deam?
Flammipotens jubet ille: accendor in Hercule viso,
85 Tôtque triumphorum pars Dea parva fui.

V. 1. Nympha Heraclia *Plin. Mater Herculana Apuleio,* aliis Alga palustris, Papaver pæduncule, Clavus Veneris, in officinis aliquando Nenufar, *Anticlytæ* *Plat. Lily.* Nympha nata traditur à Nymphâ zelytiâ ergà Herculem mortuâ, quare Heraclion vocant; aliqui Rhopalion, à radice clavæ simili, *Plin. l. 25. 7.* Nescio quâ auctoritate ductus Calepinus hanc Nympham Dejaniram fuisse asserit, sic enim ait, Quod Dejanira audiens, (nempe mortuam Herculis, cujus ipsa auctor

innocens fuit) dolore percita Herculis clavâ se interfecit, ex cujus sanguine postea nata est herba quæ Nympha & Heraclion dicitur. Hæc ille; quem secutus non sum, cum quod Ovidius, cum mortem Herculis narrat, istius fabulæ non meminit, tum quod vix satis convenire cum Plinii verbis videatur: nam Dejanira neque propriè Nympha appellari potest; neque zelytiâ, sed dolore mortua est. Utcunque se res habet, licere mihi existimavi fabulam pro voluntate meâ concinnare.

Mirabar

Mirabar famam herois, fulgentiâque acta,
Membrâque mirabar vel patre digna Jove.
Et me paulatim subiit scelerata cupido,
Ferre virum totum qui tulit ipse polum.
Verum equidem fatear, noctem mirabar & illam
Quinquaginta animas quâ genuisse ferunt.
Nunc pudet, atque herbæ tam foedos odimus actus :
Sed fuit eximix nox ea nequitix.
Ille meos (quid multa ?) ferus decerpfit honores,
Ille meæ florem virginitatis habet.
At vagus ille Jovem fassus levitate parentem,
Noluit unius tædia ferre tori.
Monstra subactus, pejorâque monstra tyrannos,
Percurrit vindex sedulus omne solum.
Sed semper monstri merces fit virgo subacti,
Sed semper natas ille tyrannus habet.
Foemineûmq; genus mihi jam pro pellice totum est,
Nec caruere ipsæ suspicione Deæ.
Nè valeam, sed & has mihi Sirius hauriat undas,
Et possim exustâ sicca palude mori,
Junonis nomen fuerim nisi torta per ipsum,
Crediderémque odium ni simulare suum :
Forfan & ille meos (dixi) jam ridet amores,
Pellicibûsque feror fabula læta meis.
Vexant ira, dolor, pudor, indignatio mentem ;
His tamen invitis omnibus hæret amor.
Visum est æterni nisi solâ morte doloris,
Ad finem certâ quærere morte viam.
Fata obstant, sors obstat amantûm dura Dearum ;
Infinitum urget vita perennis onus.
Intereâ lacrymas fundo noctémque diémque,
Hâc mihi clesydra tempora longa fluunt.
Fit lacus è denso tandem mirabilis imbre,
Et collecta meos alluit unda pedes.
Siqua fides (magni quæ gloria tetra doloris)
Gaudebam luctûs fertilitate mei.

LIBER PRIMUS.

25

At tandem ætheriis serò miseratus ab oris

45

Jupiter, ipsa tuas incole, dixit, aquas.

Jussit abire Deæ macro de corpore formam:

Jussa abiit; multum dempserat antè dolor.

Descendit terram radix nodosa sub altam,

Et nimium clavæ me meminisse facit.

50

Perpetuumque bibunt folia infatiata liquorem,

Ad dominam lacrymæ jam rediere suam.

Candor adhuc veterisque manent vestigia formæ,

Pallor adhuc nostro pristinus ore sedet.

Nunc equidem totos dego genialiter annos.

55

Crede mihi, plantæ turba beata sumus.

Nos sapimus melius solem & cœlestia dona;

Nos zephyri mulcent, & tepida aura fovet.

Nectareos nobis calices Aurora ministrat,

Ambrosias nullo terra labore dapes.

60

Certè hominum miseret, quos mille incommoda vitæ,

Et ferus exercet, maxima pestis, amor.

Non ignara mali, veterumve oblita dolorum,

Extinguo flammæ, sæve Cupido, tuas.

Victoremque meum tandem vicisse triumpho.

65

Injusta has justum est regna subire vices.

Nè te mireris victæ cessisse, Cupido,

Me meus Alcides vincere monstra docet.

Et nè fortè tuo credas, hilarissime nequam,

Non nisi deformes posse carere iugo;

70

V. 49. Marcellus eam Clavam Herculis appellat.

V. 53. Duo sunt genera, quorum unius flos luteus, alterius candidus est.

V. 64. Eos qui biberint eam duodecim diebus coitu genituraque privari. *Plin. Ib.* Venerem in totum adimit Nymphæa

Heraclia semel pota in quadraginta dies. Insomnia quoque Veneris à jejuno pota & in cibo sumpta. Illita quoque radix genitalibus inhibet non solum Venerem, sed affluentiam geniturae; ob id corpus alere vocemque dicitur. *Plin.*

C

Ipsius

Ipfius & vultûs noſtrâ medicamen in herbâ eſt,
Et ſe formoſam ſpontè pudica videt.

Et faciem Veneris tribuo morésque Dianæ,
Atque in tutelâ numen utrumque meâ eſt.

Sed nè fortè ſuas alieno nomine flammâs

Occultet ſævus (nec caret arte) Deus;

Inſtitui nullos non debellare calores:

Odi omnes; hoſtem me calor omnis habet.

Seu furialis, uti ſuperâ in regione Cometes,

Occupet inſanum flammâ inimica caput;

Seu vaga perrumpat ventris fornacibus imi,

Et fumos corpus ſpargat in omne ſuos;

Seu Phlegetontæas accendat ſulphure venas,

Seu ſtringat ſummam mitior illa cutim:

Qualiſcunque meis metuit concurrere ſuccis,

Pérque poros omnes exanimata fugit.

Quid niſtas? quid dimidio me lumine ſpectas?

Sentio, vim radix noſtra ſoporis habet.

Et puto tam longus ſomnos inducere poſſit

(Si vis illa abſit) ſermo. Viator, abi.

V. 71. Iilita maculas omnes & vitia tollit — Alopecias emendat Nymphææ & Cicuta radix, ſi unâ trita illinantur. *Id.*

V. 77. Nymphæa tota refrigerat ordine ſecundo, ejus

radix atque ſemen exiccat, ſlos humectat: iſque naribus à fronti admotus, capitis ex bile dolorem lenit, ſomnum conciliat, ſumptûſque omnem extinguit ardorem. *Fernel.*

ASPLE

ASPLENUM.

NEC caulem natura mihi, nec floris honorem,
 Nec mihi vel semen dura noverca dedit,
 Nec me sole fovet, nec cultis crescere in hortis
 Concessum, & foliis gratia nulla meis.
 Herba invisa Deis poteram coelóque videri,
 Et spurio terræ nata puerperio.
 Gens hominum specie rerum captatur inani,
 Atque oculis mentem tradit inepta suis :
 Pauperibúsque horti nunquam patet area plantis ;
 Scilicet his regnat picta tulippa locis.
 Non ita Dii : Phoebus me præfert mille tulippis,
 Et Cous Phœbo proximus arte senex.
 Nam cùm membra suis divisit finibus autor,
 Imperiúmque herbis certáque regna dedit,
 Tum mihi præ reliquis provincia dura tributa est,
 Moribus ille ferox indomitúsque lien.

V. 1. Asplenum multis nominibus notescit. Grecè Ἀσπλήνιον (quòd splenem diminuat) Σπλήνιον, Σκολοπέδριον, (propter similitudinem Scolopendræ vermis) Ἡμύονιον, & Theophr. Ἰέρνυξ (quòd ex filicum genere videatur esse) Lat. Splenium, Scolopendrium, Scolopendra, Mala herba, & Ceterach Pharmacopolis. Angl. Spleenwort, Wiltwaft. Asplenum sunt qui Hemionium vocant, foliis trientalibus multis, radice limosâ, cavernosa sicut filicis, candidâ, hirsutâ. Nec Caulem nec florem nec semen habet. Nasçitur in petris parietibúsque opacis, humidis ; laudatissima in Cretâ. *Plin. lib. 27. 5.*

V. 16. Huius foliorum jure in aceto decocto per dies quadraginta poto Lienem absumi aiunt. *Ibid.* Ille dubitanter ; audaciùs *Fernel.* Nullâ saporis insuavitate folio solo lienem diebus quadraginta absumit, scdámque ex obstructione colorem detergit, atque calculos etiam in vesicâ comminuit. Et alibi, Syrupus Scolopendrii crassam terrenámque melancholiam extenuat, mollit, fluxámque reddit, lienem obstructione liberat, tumentemque solvit : Melancholiæ, quartanis diuturnisque febribus apprimè utilis.

Comprimo luctantem, sævóque humore tumentem,
 Aggeribus crebris obstruit ille vias,
 Nequicquam ; perrumpo aditus, commercia reddo,
 Et via per splenem libera tota patet. 20
 Ni faciam, sine more furit, dirúmque vaporem
 Victor & horribilem spargit ubique luem :
 Purpureos animæ crudeliter inficit amnes,
 Déque vénenato flumine vita bibit ;
 Et summa immundi depascunt corpora morbi, 25
 Et facies lethi concolor omen habet.
 Hinc lacrymæ curæque malæ, vigilésque labores,
 Et dolor, & præcox carnificina metus :
 Hinc laquei deformis amor, præreptáque fato
 Mors placet ; hinc vitæ tædia longa brevis. 30
 Monstra piæ, precor, avertat tam turpia genti
 Jupiter, atque herbæ vis operosa meæ.
 Non malè Trajanus fisco assimilare lienem
 Consuevit ; corpus, cùm tumet ille, macrum est.
 Quid rides ? num Romanæ quòd nescia non sim 35
 Historiæ ? Stipes, non ego Planta forem,
 Tempore tam longo si tot doctoribus usa,
 A tantis possim nil didicisse viris.
 Et didici, & proferre tibi miracula possem
 Plurima ; sed nunquam garrula planta fui 40
 Propositum ut repetam ; Multis animalibus ipsa
 Immodici absumo triste lienis onus.
 Creta quidem mendax, sed & illi credite, grates
 De porcis referat cùm mihi Creta suis.
 Splene tumente gravis durisque laboribus impar, 45
 Implorat nostram pauper asellus opem.
 Ille meâ pastus (miseret nam pauperis) herbâ,
 Assuetum repetit lætus & acer opus.

V. 43. Vitruvius ait in Cre-
 tâ, ubi magnâ copiâ nascitur
 Asplenium, Porcos ἀσπληνίας, i. e.

sine splene inveniri. Dicuntur
 & Asini splene laborantes co-
 dem sese curare.

I nunc & vanos florum mirare colores,
 Deliciâsque breves, purpureâmque fugam.
 Formosi lætique virent (quis denegat ?) illi ;
 Nos tristes formam lætitiâmque damus.

47

L A C T U C A.

Augustum sanâsse olim quòd diceris ægrum,
 Quidam inter laudes hoc posuere tuas.

Nasone infamem pulso & Cicerone necato,
 Certè ego te nollem restituïsse virum.

Sed puto tu neutrum nôsti, mundique tyranno
 Non miror si sis gratificata libens.

Utilis ipsa quidem es cunctis medicina tyrannis ;
 Et rabies sacro frigore tacta fugit.

Cinge, precor, caput illorum meliore coronâ,
 Inque illis Mundo, si potes, affer opem.

Ipsè tuo quondam jussu de corde perusto,

Ipsè tyrannorum maximus exit amor :

10

V. 1. Divus certè Augustus
 lactucâ conservatus in ægritu-
 dine fertur prudentiâ Musæ
 Medici. *Plin. lib. 19. 8.*

V. 8. Lactuca tum admota
 tum sumpta cum cibo acres de-
 mulcet humores, desipientiam
 sedat, vaporisq; suavitate som-
 num conciliat, idque blandè &
 citra offensionem ullam. *Fernel.*
 Et alibi, Frigida est initio ter-
 tii, humida secundo, idque sim-
 pliciter, citra astrictiõnem aut
 ullius qualitatıs excessum, cru-
 daque estur ; aquæ frigide mo-
 do refrigerat, ventriculi & præ-
 cordiorum æstum compefcit, bi-
 lem fervidioremq; sanguinem
 frangat ; neque tamen ut aqua
 emollit, aut ventriculi præcor-

diorumve robur solvit ; sed nul-
 lâ offensione pro succo fervido
 temperatiorem profert, eûmq;
 benignum ac probum. Eâ tem-
 peratione somnum accersit, Ve-
 neris insomnia coerces ; ad quæ
 etiam ejus semen usurpari so-
 let.

V. 11. Quidam Eunuchior
 vocant, quia hæc maximè re-
 fragetur Veneri. Est quidè
 naturâ omnibus refrigèatrix
 — Peculiares eorum vires
 somnum faciendi, Venerisq; re
 inhibendi, æstum refrigerandi,
 stomachum purgandi, sangui-
 nem augendi, &c. Semine tri-
 to ex vino poto libidinum ima-
 ginationes in somno compefci.
Pin.

Falsus amor ; neque enim tentas expellere verum,
 Qui titulum iusti regis amandus habet.
 Invisus meritò est tibi Sirius ille Cupido,
 Qui necat igne herbas, & fera monstra parit.

15

Eadem.

Adde oleum panémque mihi, nec deinde queraris
 Pauperiem æstivis mensibus esse gravem.
 Has epulas habuit teneri gens aurea mundi,
 Et coenæ ingentis tunc caput ipsa fui.
 Semideûmque meo creverunt corpora succo,
 Materiam tanti sanguinis ille dedit.
 Tunc neque fraus nota est, neq;vis, neque fœda libido:
 Hæc nimii proles sæva caloris erat.
 Sit sacrum illorum, sit detestabile nomen,
 Qui primi servæ regna dedere gulæ.
 Hinc vitiis patefacta via est, morbisque secutis
 Se lethi facies exeruere novæ.
 Ah ! fuge crudeles Animantum sanguine mensas,
 Quâsque tibi opsonat mors inimica dapes.
 Posces tandem æger, si sanus negligis, herbas.
 Esse cibus nequeunt ? at medicamen erunt.

20

25

30

E U P H R A S I A.

INgredere, ô, oculos, Hospes dulcissima, nostros ;
 Ingredere, & vati grata medere tuo :
 Si bene de vobis merui, si carmine in isto
 Plantarum stabili flore perennat honos.
 Talibus orabam recubans in gramine mœstus,
 Cùm subitò ad nostros astitit illa pedes.

35

V. 1. Anglicè *Eye-bright*. } sciamus) solis à natura destina-
 Veteribus ignota erat. Herba } ta: eos autem mirificè & su-
 Oculorum usibus, iisque (quod } per alia omnia juvans.

Mirabar

Mirabar funginum ortum tam nobilis herbæ ;
 Nam nec eam vidi, nec, puto, ibi antè fuit. 40
 Dodrantalis erat fusco velamine caulis :
 Crenatæ frondes subviridèsque tegunt.
 Stipite de medio lepidè flos emicat albus,
 Quem flavi tractus purpureique striant.
 Agnosco Euphrasiam bello cum nomine bellam ; 45
 Patronæ arrident lumina læta suæ.
 Prodigium, ecce, novum ! mihi flore & stipite toto
 Annuit, & viridi talia voce refert,
 Submissè ; namque est herbis mos ille modestis,
 Nec rauca arboreæ murmura gentis amant. 50
 Florentis vates (sic incipit) unice Mundi,
 Fortia frondosæ qui canis acta domûs.
 Non cuivis voces herbarum audire tributum est :
 Hoc tibi planticolâ pro pietate datur.
 Non hominum ingratos imitamur germina mores, 55
 Queis vatum æternus nullo in honore labor.
 Vellem equidem radix possit tibi nostra mederi ;
 Nec dubium est cives hoc quoque velle meas.
 At si naturæ culpa immedicabilis obstat,
 Heu ! nihil herbarum natio tota juvat. 60
 Naturæ nobis haud iussa infringere fas est :
 Servimus ; domina est ; quod lubet illa facit.
 Gaude siqua dedit, nè irascere siqua negavit :
 Crede mihi, parcâ est illa benigna manu.
 Sed cùm debilitat morbi vis improba visum, 65
 Aut vinum, aut cæcus, luminis osor, Amor,
 Aut crapula, aut curæ vigiles, aut putridus aer,
 Aut quæ prætereà millia multa nocent ;
 Tunc ego non frustrâ poscor : quot fundimus hostes,
 Quas serimus pugnas si numerare velis, 70
 Antè bonus versâ me proluet hesperus urnâ,
 Et requieturos nectare pascet agros.

Sæpe ferox capitis decurrit vertice flumen,
 Et se falsum oculi dulcibus addit aquis.
 Qui solet esse alibi lacrymarum fertilis autor,
 Hic dolor à lacrymis nascitur ipse suis.
 Sæpe tument albæ peregrino sanguine venæ,
 Et domus accensa est hospitis igne novi.
 Ah! cave nè subitò parvi Sol occidat orbis,
 Lumine sanguineo cùm furialè rubet.
 Sæpe obversantur fumi muscæque vagantes,
 Et nebulas inter ludicra monstra volant.
 Fume, quid hîc facias? nullos propè cernimus Ignes:
 Quidve (malum!) hîc sibimet musca molesta velit?
 Sæpe nivis falsæ obruitur caligine visus,
 Atque induta albam nox venit ipsa togam;
 Distantúmque olim simulachra fidelia rerum
 Sæpe alio, nullo sæpe colore micant.
 Quid memorem ægilopas & carcinnomata foeda?
 Phlyctænásque graves, aut epicauma ferox?

V. 73. Epiphora, sive falsus & acris humor è vertice & sincipite lacrymarum specio defluens.

V. 77. Ophthalmia, sive Lipitudo, *Celse*, Inflammatio adnatæ tunicæ à sanguine acris & biliOSO orta, cum rubore, ardore & lacrymis, & magnâ distensione venarum.

V. 81. Suffusio, *Ἐπὶ τοῦ οὐλοῦ*, humoris præter naturam, vel in pupillâ vel inter Rhagoidem tunicam & crystallinum humorem concretio. Principio fumi tantum & vapores obversari ante oculos videntur; postea muscæ & alia simulachra, pro diversa figurâ suffusionis.

V. 81. Leucoma, albugo, alba macula in cornæâ, tandem totam occupans & obcæcans.

V. 89. Tumor inter majorem oculi angulum & radicem nasi, qui nondum ruptus Anchilops vocatus, ruptus Ægilops.

V. 89. Carcinomata, cancri, tumores duri, inæquales, cum dolore (quo distinguuntur à Schirris.) ab atrâ bile nati, qui aliquando in ipso oculo oriuntur.

V. 90. Vesicæ parvæ aquæ plenæ ab acris & seroso humore ortæ, à ferventis aquæ bullis, quæ *φλύκταιναι* vocantur, similitudinis causâ nominatæ, quæ in cornæâ & adnatâ tunica frequenter ebulliunt.

V. 90. Velut ex igne facta crustulosa ulceratio nigro oculi adveniens.

Innumerásque ipso metuendas nomine pestes?

Et te cui nomen fistula dulce nimis?

Hæc ego cuncta domo: quâcunque itur æthera purgo;

Nubila diffugiunt, subsequiturque dies,

Et ridet lætus diffuso lumine vultus.

95

Quantum, ô, lætities illa decoris habet?

Scis nostrum Arnoldum (si Arnoldum legeris unquam)

Vel cæcos opibus restituisse meis.

Restituit certè, & mea multùm cognita virtus

Prodigio in tanto debet habere fidem.

100

Ille quidem foliis (benè miscens utile dulci)

Tingere vena jubet (tingite vina) meis.

Illâ dabunt verè tibi lucem & pocula sacra;

Illâ dabunt munus lætitiâque Dei.

Illâ puer trullâ fundat tibi vina capaci;

105

Posce, & amicarum nomina tota bibe.

Et, bene vos oculi, dicas, oculisque propines;

Illi (crede mihi) pocula nostra bibent.

Sed nimium cessamus: Abi; non immemor esto:

Et mea victuro carmine dicta refer.

110

Dixit, & avertens festina evanuit herba,

Lector, habes verâ dicta relata fide.

V. 92. Συεργὲ κόλπῳ, lopa consequens.

sinus angustus & longus in quo fistulam representat, Ægi-

V. 97. Arnoldus de Villâ novâ. *Libr. de Vinis.*

V E S I C A R I A.

Sæpe mihi (ut mos est) tacitæ non pauca putanti,

Et pudor & mentem nobilis ira subit.

V. 1. Vesicaria. Halicacabus, Alkakengi Arabibus, Anglicè Winter-Cherries. Si qua planta signaturam officii sui à naturâ impressam gerat, hæc profectò illa est, cujus fructus & vesicæ & calculum in eâ conclusum manifestè refert.

Est autem è Solanorum (σποδὲς χιτῶν) genere: Quorum alterum (inquit *Plin. lib. 21. 31.*) cui acini coccinei, granosi folliculi, Halicacabum vocant; nostri autem Vesicariam, quoniam vesicæ & calculis proficit.

C. 5

Plan-

Plantarúmque genus (nisi queis præcordia Titan
Effinxit paucis de meliore luto)

Indignor non posse hyemem nec frigora ferre,
Sed plusquam humana vivere mollitie.

O frustra patre sole & terrâ matre creatas!
Semper & hæc fixa est, semper & ille viget.

Mirum deliciis ni cedant tempora nostris,
Pellatúrque Anni finibus exul hyems.

Nos Deus Elysiis mirum ni conferat hortis,
Nè stringat teneras aura molesta comas.

Scilicet halcyones sumus, & producere fœtus
Haud lubitum est, toto ni sit in orbe quies.

Nec tantùm hæc parvas ignavia possidet herbas,
Nec repit semper dedecus illud humi:

Patricias ulmos, quercúsque effœminat ipsas,
Atque anima in duro cortice mollis inest.

Nec pudet hæc virides Sibaritica vita gigantas;
Æstate in cœlos scandere velle putes.

Eia! actum est, illis tergum si verterit annus.
Eia! sub terram vita gigantis abit.

Hïc jacet, ingenti possis inscribere trunco.

Proh pudor! Hïc Jaceas: sit tibi terra gravis.

Ast ego, quæ fruticis vix ausim assumere nomen,
(Quanquam illud dederit Plinius ipse mihi)

Provoco terribilem pulchro certamine Brumam:
Impavidam feriet si polus ipse ruat.

Bruma venit, ventique mihi pluvixque minantur;
Armata innumero milite bruma venit:

Tunc Fructus produco meos; ante ora tyranni
Expono, & dico, Nunc age, siquid agis.

Funde tuos imbres; saturatas murice baccas
Incocto nullis diluit imber aquis.

V. 25. Frutex est surcu-
losus veritas quàm herba, folli-
culis magnis latisque & turbi-

natis, grandi intus acino, qui
maturefcit novembri mense. *Ib.*

Funde

LIBER PRIMUS.

35

Funde nives; nivibus renitescit purpura junctis,

35

Et rubrum in puro vase toreuma placet.

Si prodest labris albi vicinia dentis,

Sic decorat roseas candida forma genas.

Hisce rudimentis morbos victura rebelles

Virtutem induro consolidoque meam.

40

Sic didici immenso perrumpere saxa labore,

Et tyrocinium mite fuit glacies.

Non etenim solas (cùm de malè fortibus herbis

Hoc faciant aliquæ) vis mea pellit aquas:

Sed lapides duros filicùmque obstacula rumpo:

45

Vix penetret tales Hannibal ipse vias.

Ah nimium infoelix scopulum qui impingit in istum,

Jactaturque suis naufragus æger aquis!

Ah miser, Indigenæ qui urgetur pondere saxi,

Et dignus quem vel Sisyphus ipse fleat.

50

Ah quantum extinctis, quantum invidet ille sepultis,

Impositus tantum cùm premit ossa lapis!

Huic ego non ferrem auxilium? mihi terra dehiscat,

Si tantum dicar non miserata malum.

Tunc ego de durâ genitam me rupe fatebor,

55

Et filicum venas caulis habere loco.

Sed miseresco equidem, molémque liquore resolvo

Caucaseam; impulsu diffilit illa meo.

Obstructumque diu prono ruit impete flumen,

Et secum adversæ fragmina rupis agit.

60

ROREL

R O R E L L A.

POL tibi se præbet nimum natura benignam,
 Et vitæ tempus dapfile mollis habes.
 Flos micat Argento, tegitur lanugine corpus
 Purpureâ, & venis aureus humor inest.
 Nec non in calicem folium tibi quodq; cavatum est ; 5
 Et potu nunquam non tumet ille calix.
 Exficcare illum non comessator Apollo,
 Non acris potor Sirius ipse valet.
 Arentes circum despectas turgida campos,
 Fluminibûsque ipsis invidiosa mades. 10
 Et bibis, & rides sitibundos improba menses :
 Hydra rebullit aquæ prodigiosa novæ.
 Te tuus irrorat Nilus de fonte latenti,
 Et jubet invito luxuriare Jove.

V. 1. Rorella, Ros. Solis, Rorida & corruptè apud vulgus Rosa Solis, Anglicè *Sundew*. Quæ nomina sortita est; quod magno naturæ miraculo, rore semper madefcat, & tum maxime cum sol ferventissimus est, quasi ab ipso sole ros in eam dilaberetur: itaque meridiæ colligi jubent. Alio nomine Anglicè *Lustwort* appellatur, qui pecudes ex illius esu incendi libidine credunt. Veteribus nota non erat, itaque Græcum (*misella*) nomen non habet. Ex eâ liquor ille fit satis vulgaris, multique usus, Rosa Solis dictus; nam & om-

nibus affectionibus cordis ac pulmonum auxiliatur, & corpus tabescens reficit restauratque. Folia illi rotunda cavatque, subviridia, sed operta lanugine purpureâ, pediculo etiam rubro & lanuginosa inhaerentia, semper liquore vel lentore potius quodam tincta, interque ea parvuli rubicundi caules exsurgunt, quasi clavos quosdam candidos pro flore ferentes, in quibus semina continentur; radix capillaris. Aqua ex ea stillatitia flavi coloris est, eoque argentam tingit, si immergatur.

De Eadem.

Abjectis hinc fume hederis tibi, Bacche, coronam ; 15
 Hæc est temporibus dignior herba tuis :

Copia

Copia quam diti perfundit lubrica cornu,

Hæres perpetuum copia facta sibi.

Sic tu, Bacche, bibis, sic non frugaliter hauris,

Exhaustusque tibi se cadus ipse replet.

20

Sic tumet epotus renovato nectare crater,

Ambrosias celebrat cum Jovis aula dapes :

Nec labor est Phrygio calices implere ministro,

Succurrit sibi pro Ganymede calix.

Sic bina ansati pulcherrima pocula cordis

25

(In quibus ipse animus vitam animamque bibit)

Pocula divinum divini opus Alcimedontis,

Purpureo spumant semper onusta mero.

Natura absomit sine damno prodiga censum ;

Vena micans aufert, vena quieta refert.

30

O radicalis plantæ prædivitis humor !

Quid mirum si tu languida corda foves ?

Corpora quid mirum si tabescentia fistis,

Membræque non vano glutine firma tenes ?

Quid mirum dubiæ niçantem lampadæ vitæ

35

Tam vivaci oleo si renovare datur ?

Quid mirum si grata venis pulmonibus herba,

Et nunquam exhaustis spongia gaudet aquis ?

Grata ades & Veneri meritò, quæ plena caloris

Intus, & externo tosta calore, madet.

40

Hæc duo sunt elementa libidinis ipsa, calorem.

Ille animæ, humorem corporis instar habet.

V. 25 Duo Ventriculi Cordis.

V. 27. Virg. Eclog. 3,

Pocula ponam
Fagina, coelatum divini o-
pus Alcimedontis.

Quod non est Ἀλκμήδοντος
non minus quam Ὀμήδοντος,
quod Homero frequens est,
Deo convenit.

CYCLA-

C Y C L A M I N U S.

Sanguine stillantem naris quæ occludere venam,
 Posticæ partis venam aperire soles,
 Nec rationis eges ; nam jure Patulcius hujus,
 Alterius debet Clusius esse loci.

V. 1. Κυκλάμιον, Ἰχθυόφθορον (quod pisces devoratum necet) Cyclaminus, vel Cyclaminum, Tuber Terræ, Rapum Terræ, Umbilicus Terræ, Malum Terræ (quod nomen Aristolochiæ frequentius attribuitur) Rapum porcinum, Orbicularis, & in officinis vocatur Cyclamen, Panis Porcinus, Aramita, *Angl. Solw-bread*. Folia habet minora quàm hedera, nigrioraque, & tenuiora, sine angulis, in quibus albicant maculæ, caule exiguo, inani, floribus purpureis, radice latâ, ut rapum videri possit, cortice nigro. Nascitur in

umbrosis: nostris Tuber terræ vocatur, in omnibus serenda domibus, si verum est, ubi facta sit, nihil nocere mala medicamenta. Amuletum vocat, *Plin. libr. 25. 9.* Et, In vepribus nascitur Cyclaminum; Flos ejus Colossinus in coronas admittitur.

V. 2. Sistit profluvium naris, atque ejusdem aperit venas hæmorrhoidas succus in lanâ applicatus.

V. 4. Nomina Jani, *Ovid. Fast. 1.* Quodd.

Omnia sint ejus clausa patemque manu.

Eadem.

Ecce superbit ovans generosâ vite fugatâ,
 Et capite inflato vile tumescit olus :
 Victtricem Regum debellat rustica plantam
 Brassica ; sed prope te stare misella nequit.
 Nempe cibum medicamentis decedere fas est ;
 Intervit morbis ille, sed ista fugant.
 Non alias herbas morésve imitaris avara
 Humanos, quorum mors benefacta facit.
 Ipsa tuâ frueris virtute, & viva vidénsque
 Exerces ; Horto tu medicina tuo.

V. 5. Ipsum olus, quo vitis fugatur, adversum cyclamino arescit.
Plin. lib. 24. 1.

Eadem.

Eadem.

Docta mihi dederit cùm Græcia nomen honestum, 15

Quod meruit folii bella figura mei,

Gens inimica novum cuderunt Pharmacopolæ,

Queis Græcæ vocis nec sonus ipse placet.

Fœdorumque (nefas!) animantum injuria nostros

Indigno titulos stigmate inusta notat. 20

Non ego tam porcis, quàm vobis præbeo panem;

Vos estis porci quos ego semper alo.

V. 15. Ἀπὸ τῆς κύκλου, à | V. 17. Panis porcinus, quòd
circulo, quia & folium & ra- | à porcis mirè appetatur.
dix rotunda sunt.

Eadem.

Ulcera desicco putri manantia tabo,

Mollitiésque cuti non aliena redit.

Nec mihi duritie vari panique resistunt, 25

Nec se munit aquâ, nec satis igne tumor.

Non ambustorum patior vestigia fœda,

Vibicum infames nec remanere notas.

Nec florere diu picta exanthemata possunt,

Nec turpes latè crescere lenticulæ. 30

V. 23. Cyclamini radix vel in adenum locis emergens.

per se vel ex aceto vel cum mel- V. 26. Neque ex pituitâ,
le sanat manantia ulcera, & con- ut œdemata (quorum etiam
tra steatomata efficax. *Plin.* l. 26. quædam Hydroa vocantur) ne-
14. que ex bile proveniens.

V. 24. Qualis est ulcerum V. 27. Ambusta sanantur
mollities. radice Cyclamini cum Aizoo.
10 *Plin.* 26. 12.

V. 25. Vari tumores du- V. 29. Pustulæ, variolæ,
ri & exigui ex frigido cras- morbilli.

fæque humore quasi in callum V. 30. Subnigræ aut fulvæ
concreti. faciei maculæ.

V. 25. Panus, phlegmone

Et

Et vitiligo fugit, fugiunt & ephelides ipsæ,

A nostro quamvis ortum habuere Deo.

Nec patior vultu quicquam apparere puellæ,

Quò minùs in speculo gaudeat illa suo.

Fallor ? an & mollem forsan minùs obliquo sexum,

39

Quòd miseræ relevo parturientis onus ?

V. 31. Angl. *Dorphen*; cujus tres species, *Alphus*, *Melias*, *Leuce*.

V. 31. *Ἐξελίς*: Celsò cum e scribitur, & significat asperitatem quandam mali coloris; hic autem intelliguntur *Ἐξελίς* Galeni & Hippocratis, quæ sunt

maculæ à sole, ab *Ἡλίου*.

V. 35. Gerardus nostras, herbarius diligentissimus, dicit se experientiâ comprobasse, folia Cyclamini pudendo immissa facilem partum reddere: Alii, radicem etiam adalligatam id præstare.

Eadem.

Ignem meo falsum icterici consumitur aurum :

(Vix equidem vero plus nocuisse datur.)

Per me posticis ductus canalibus ater

Sanguis abit, foedâ, dignus abire viâ.

40

Flaventem bilem, pituitam pellimus albam ;

Frustrâ & uterque color chara metalla refert.

Pellimus ex oculo nubem & meteora maligna,

Et parvo obscurat quicquid in orbe diem.

Pellimus articulis foevi mala semina morbi,

45

Quæque habet infelix uda elementa dolor.

V. 37. Icterus sanat, qui & Aurigo dicitur, & Morbus Regius, fortè ab auro rege metallorum. Cyclaminus calida & sicca tertio gradu; radix in usu est; incidit, terget, aperit, digerit, resolvitque, lienis durities & tumores fœta aut illitu persanata, tum recens tum aridus arquatam sistit, & biliosum sudorem ciet. *Fernel.*

V. 39. Hæmorrhoidas aperit.

V. 41. Bilem & pituitam purgat.

V. 43. Ad hypochysin & caliginem Cyclaminon in pastillos diluunt *Plin. lib. 25. 12. Meteora*, nempe Albuginem, qui crassus est & albus in corneâ meteori instar concretus humor; item alia mala oculorum, quædam frigidorum, alia calidorum meteororum similia. Cum melle infunditur.

V. 45. Medetur podagræ, & membris luxatis, & pernioibus, &c. *Plin. lb.*

Pellimus

Pellimus & spinas, infixâque corpore tela

Tracta stupent nullâ se remeare manu.

Parva loquor ; membris depellimus omne venenum,

Et mors possessâ cedere iussa domo est. 50

Durâque crescentes in vitæ incommoda Foetus,

Ac nondum miseros, pellimus ex utero.

O scelus ! exclamant omnes ; num morbus habendus

Hoc ipsum nasci ? credite, morbus hic est.

Si volumus verè rationem ducere, vitam 55

Restaurare minus, quàm prohibere, bonum est.

V. 47. Cyclamini radicibus cum melle omnia corpori infixa extrahuntur. *Plin. lib. 26.*

14.

V. 49. Ex vino bibitur denariorum duum pondere contra serpentes omnes. *Id. lib. 25.*

9.

V. 51. Suum tamen venenum ei est, traduntque, si prægnaus radicem transgreditur, abortum fieri. *Id. Sucus ventri illitu, alvum subducit, sed Foetum interimit. Hearnus.*

LENS PALUSTRIS.

Ingentem ranam conditam lente palustri,

Esse dapem dignam vel Jove jurat anas ;

Et quod tam lautam si doctus Apicius escam

Novisset, vel adhuc viveret ille libens.

Non sumus ergo nihil, nec pondus inutile stagnis: 5

Sed (mihi crede) anatis non ego nata gulæ ;

Nec virides constravit aquis natura tapetas,

Futilibus ranis gratificata parens.

Nascor ad humanæ non vilia commoda vitæ,

Quæ latuere diu nunc quoque multa latent. 10

V. 1. Lenticula palustris, Anglicè *Ducks-meat*. Est & palustris Lens per se nascens in aquis non fluentibus, refrigeratæ naturæ, propter quod collectionibus illinitur, & maxime podagris, & per se & cum po-

lentâ, glutinat & interanea pro-cidentia. *Plin. lib. 22. 25.* Lentic. palust. frigida & humida ordine secundo, collectionibus calidis, podagris & igni sacro commode illinitur cum polento. *Fernel.*

Currit

Currit in exiguo doctorum industria circo ;
 Et spatium angustè clausa recurrit idem.
 Germina quid memorem vastum dispersa per orbem
 Quæ scitur, pars est quàm propè nulla mei ?
 Curtum aliquid scitur : majoraque dicere vellem, 15
 Sed Phoebus, sed me fata filere jubent.
 Pauca loquar : Tosto liventes sanguine cancos,
 Et flavæ prolem bilis erysipelas,
 Corporis & fissi parvas extinguimus Ætnas,
 Quocunque erumpat fomite flamma vorax. 20
 Frigore natali & genitalis viribus undæ,
 Quo sim nata loco, quaque parente, probō.
 Cùmque dolore truci & subjecto corporis igne
 Articulorum ollis clausa rebullit aqua,
 Frigida ferventem compescit nostra lebetem, 25
 Et rore aspersus detumet ille furor.

R O S M A R I N U S .

De Morsu Tarantule.

Sedula, nec telis vel adhuc cessura Minervæ,
 Impendens operi viscera & ipsa tuo,

V. I. Epiphanius Ferdinandus, qui in hujus admirandi morbi naturâ & curatione diligenter laboravit, quinque remedia experienciâ comprobata commendat, quorum secundum est Quinta Essentia Rosmarini ; & quum sit sanè capiti salutaris (quod præcipuè hoc veneno afficitur) omnes sciunt.

V. I. Tarantula ex Phalangiorum seu araneorum genere est, à Tarento urbe celeberrimâ Apuliæ nominata, quâ in regio-

ne frequens est ; in fulcorum squallore latitans (inquit Scaliger) imprudentes vel messorum vel venatores pungit, eam ob causam interfuit indigenarum munimenta pedum excogitare ; itaque ocreolis calceati metunt.

V. I. Quia Arachne per invidiam Minervæ in araneam conversa, admirabilius jam, ut ait Ovid.

— *Antiquus exercet araneus telas.*

Unde

Unde lepos oritur tibi, Arachne Daunia, sævus ?

Unde vacas tristi ridiculôque malo ?

Unde vel ingenium mœstæ joculare nocendi

Seria vel mortis ludicra pestis agis ?

15 Ille furit quicumque tuo vix tangitur ictu :

Vulnera vix sentit, sed tamen ille furit.

Exiguûque atomus non percipienda veneni

Mox victrix toto corpore vasta sedet.

10

Occupat arcanis mentem in penetralibus ipsam,

20 Et captam miseris raptat acerba modis.

Hic filet, ille altis clamoribus æthera rumpit ;

Hic stolidè astantes verberat, ille timet :

Solvitur hic lacrymis, quassatur & ille cachinnis :

15

Mille habitus idem, mille habet ora furor.

25 Omnes una tenet saltandi dira voluptas,

Nec datur ulla quies ; nocte diêque tenet.

Nam pulsus simul atque resultet musica chordis,

Aut magicos reddat tibia plena sonos.

20

Saltat anus tristis, saltat lethargicus æger,

Saltat inæquali claudus & ipse pede.

Ipse potest, hilari correptus membra veneno,

Saltando Satyros penè necare senex.

O misera, & cantu Sirenum digna chorea,

25

Cum faciat furiis mens agitata modos !

rum
cali-
ores
a ob
rum
are;
unt
per
eam
, ut
antu

V. 3. Daunia, i. e. Apula, à Dauno avo Turni, Pili
& Danaes filio, qui in Apuliâ
regnavit. Est & fluvi-
us in Apuliâ Daunus nomine.

V. 19. Visi sunt à nobis lan-
guidi solutique in tantum ac-
cendi calorem ex ascauli sono,
ut saltando lassarent oculos spe-
ctatorum. *Seal. Exercit.* 185.
Refert autem *Epiph. Ferdinand.*

Hist. 81. Senem 94. annorum
adeo debilem, nisi scipione in-
nixus ambulare non possit, au-
ditâ musicâ velut capreolum sta-
tim tripudiâsse.

V. 26. Modi, mensuræ in
cantando aut saltando observa-
ti ; unde in omnibus inscription-
ibus comoediarum Terentii ad-
ditum videmus, *Modes fecisse*
Claudium, aut alium.

O designator ludorum pessime morbe!

O quantum hæc intus Pyrrhica pondus agit!

Talem ego, & ignoto causarum fonte fluentem,

Quid faciam, medici, tollere iussa luem?

30

Namque ita me calidus juvet & conservet Apollo,

(Qui sanctum & vobis & mihi numen habet)

Obscuri (nè vera negem) sum nescius ipse

Æquè vobiscum quæ sit origo mali.

Sed cordi & cerebro (mihi quæ provincia cessit,

35

Scitis, nec vobis dicere falsa juvat)

Agmina spirituum sæpe auxiliaria mitto

Nostrorum, & firmo milite castra novo.

Multaque se comites tanti bona germina belli

Jungunt; nec sub me, credo merere pudet.

40

Læta meliphylla, & serpentum ruta venenum,

Centaurea minor, coryciúsque crocus.

Túque à pellendis nomen sortita secundis,

Quæ renuis vinctos carmine habere pedes.

V. 27. Qui ludis præest funebribus.

V. 28. Laboriosa saltatio quam veteres integrè armati exercuerunt, unde Ένπληστική. Vocabant Pyrrhicam, non à Pyrrho Achilles filio, tametsi ab eo saltatam aiunt, victo Euryphilo filio Telephi: quippe ejus pater Achilles ante ipsum dicitur ab Aristot. ad Patrocli rogam eam saltasse; Itaque πύρρην Scal. lib. I. Poet. Sed scriptio priori etymologiæ magis favet.

V. 41. Melissa, Anglicè Baum. Læta, quod Lætitiâ pariat.

V. 42. Dicitur & Centaurium, & Centauréa Virg. plur.

num. & Centauréa sing. num. Duo autem genera sunt, majus, & minus, Anglicè Small Centory.

Cory. ii pressura croci, --- Luc. Ul:ima Corycio quæ cadit an- ra Croco. Mart.

Et omnes poete hoc quasi solenni quodam Epitheto utuntur. Corycus nomen urbis & montis in Cilicia, ubi laudatissimus Crocus nascebatur.

V. 43. Aristolochia. Nicand. addit penultimæ, Αριστολοχία, quam literam derivatio nominis optimè admittit: sed Latini non ita scribunt. Anglicè Birthwort.

Medica nec mihi Malus opem fulgentibus armis, 45

Nec mea chara soror salvia ferre negat.

Nec lauri myrtive aut frondiferæ tamaricis,

Aut hederæ baccæ, juniperive negant.

Celtica nec nardus, nec dulcis amaracus auræ,

Nec negat Abrotonum, nec negat Angelica. 50

Plantago, & sacro cognomine Carduus adsunt;

Utilis Absinthî clarus amaror adest.

Semen adest Daucique, Anisique, albique Cumini;

Caste tuum Vitex, pulchra Nigella, tuum.

Scorzonera venis sæclo non nota priori, 55

Tormentilla venis, & Rosa rubra venis.

Allia nec pudet, & graveolentes jungere Cepas:

Has ego Dux acies instruo; Signa canant.

Indignor stomachorquæ unum, quod musica mollis

Arroget hanc laudem præripiatque sibi. 60

Ut sunt mendaces, dicent verum esse poetæ,

Gratiæque hæc dominæ facta libenter erit.

At foveat insanos, non curat, (testor Amantes)

Et dat stultitiæ longa alimenta brevi.

V. 45. *Media fert tristes suc-*
cos tardumque saporem

Felicitis mali, &c. Virg.

Georg. 2.

Quod ego citrum interpretor,
quidam dissentiunt.

V. 46. Soror, simul in iisdem
hortis semper ferè sata,
& iisdem propè facultatibus
prædita.

V. 47. Frondiferæ, per ex-
cellentiam; nam dicitur à Græ-
cis *Μυρτίνα* a *Μύρτι* propter
infinitam multitudinem minu-
tissimorum foliorum. Anglicè
Tamarisk-Tree, or *Shrub*.

V. 49. Lavendula.

V. 49. Majorana.

V. 51. Carduus Benedi-
ctus.

V. 53. Dicitur album vel

propter calorem seminis, vel
quod è vino potum pallorem
gignant; unde à Persio *pallens*,
ab Horatio *exsangue* Cuminum,
vocatur.

V. 54. Agnus Castus officina-
rum.

V. 54. Anglicè *Witch*, sicut
etiam Latine à Plinio appella-
tur. *Μελίτρη*.

V. 55. Non ita pridem hæc
herba virisquæ ejus à servo Mau-
ro in Hispania inventæ sunt;
& ab effectibus aliis nominibus
dicitur Viperaria, Serpentaria,
insigni virtute contra venena.

V. 59. Rectè tu musica cu-
rari negas, labore namque &
sudore tum vincitur tum ex-
pellitur venenum. *Scal. Exerc.*
185.

Hic

Hic debellando blanditur inepta tyranno,
 Magnaque pars morbi est quod nimis illa placet.
 Pars morbi est vano quod jactant membra labore:
 Pars morbi est; casu sed labor ille juvat.
 Nulla quiescendi loca sunt nec tempora pesti,
 Motibus immodicis exagitata fugit.
 Nos quoque naturæ se jam relevare paranti
 Adsumus auxilio, porrigimúsque manum.
 Hoc aliquid certè est; sed casus scilicet ipse
 Fit medicus, morbus fit medicina sibi.

M E N T H A.

Ambiguis, homines, moneo, nè ludite dictis:
 Quis pudor humanè grammaticèque loqui;
 Si nè vulgentur, mysteria vestra timetis,
 (Quæ bene curta via est) sit tacuisse satis.
 Quid tormenta juvant dubii crudelia sensus,
 Quem subigit longus dicere falsa dolor?
 Hæc ego jure queror; veterumque oracula nigra
 Stigmata inusserunt quàm diuturna mihi?
 Quot conjecturas movit sententia turpes,
 Tempore quâ belli me vetuere feri?
 Lectorem obscuri dicti juvat esse malignum,
 Ingenioque suo cuncta licere putat.

V. I. Arist. Probl. Sect.

20. Μίνθην ἐν πολέμῳ
 μήτ' ἔδιε, μήτε φύτευε,
 ἢ ὅπ, κατὰ φύσιν τὰ σώμα-
 τα. δηλοῖ ὅτι ἡ τῆς σπέρμα-

ἡ φθορά τῆς τοῦ ἀπ-
 ναντίου πρὸς ἀνδρείαν καὶ
 θυμὸν, ταυτὸν ὅτι τῶ γ-
 νει.

Hinc

69 Hinc aliquis, mentham bene Mavors oderit (inquit;)

Dilectæ Marti mentha inimica deæ.

Mars generare homines, non tantum perdere, gaudet, 15

Officii prædam materiâque sui.

At Venerem enervat semênque effœminat ipsum,

70 Semimarésque facit Salmacis herba viros.

Adjuvat errorem (facile enutritur ut error)

Quòd lac densari, quòdque coire veto. 20

Quâ virtute vetem, tum vos, gens docta, docebo

(Sed certè hæc solâ conditione loquar)

Cum mihi dixeritis, quo res comprehendere mente

Contingat vobis, quo meminisse modo.

Hoc dicam audacter; Veneris me lampada sacram, 25

Quam vitali oleo nobile semen alit,

Exhilarare meo, blandumque fovere calore:

Quid fidum Veneri, si calor hostis erit?

Ignorémne illam nimium Proserpina novit,

5 Et purgor poenâ (proh! nimis) ipsa meâ. 30

Quid? quòd nulla magis stomachum corroborat herba;

Nulla magis læto digerit igne cibos.

V. 13. Ut damna belli re-

parciantur, & tempore majorem

liberis operam dare convenit,

10 hic autem rei menthæ usum

dicunt esse alienum; quidam,

quod arcana propietate concep-

tionem in fœminâ prohibeat;

alii, quod in viris semen abfu-

mat. *Plin. hæc habet lib. 20. 14.*

ipsa acescere aut coire densari-

que lac non finit, quare lactis

portionibus additur, nè hujus co-

gulati potu strangulentur: da-

tur in aqua aut mulso. Eadem

resistere & generationi credi-

tum, prohibendo genitalia den-

ari. Alii addunt rationem di-

ci esse, quòd absumpto semine

inillites, eunuchorum instar, mi-

nis strenui redduntur.

V. 18. Salmacis herba, per

appositionem. De Salmacide
fonte nota fabula.

Quisquis in hos fontes Vir ve-
nerit, exeat inde

Seni vir, &c. Ovid. Met. 4.

V. 31. Menthæ ipsius odor

animum excitat, & sapor avidi-

tatem in cibis; ideo embamma-

tum mixturæ familiaris. *Plin.*

Stomacho apprimè utilis est, ap-

petitum excitat: & in condimen-

tis peculiarem usum invenit: hu-

more frigidos crassosque exal-

facit, attenuat & absorbet; sin-

gultus, vomitiones, choleramque

sedat, sed conceptioni resistere

creditur. *Fernel.* Singultus & vo-

mitiones, cum succo granati—

aridæ quoque farinam tribus di-

gitis apprehensam stomachi do-

lorem sedare in aquâ. *Plin.*

Injusta

Injusta est talem nisi amet Dea Cypria plantam,
 Ingratum est grates & nisi semen agat.
 Ergò alias alii non parcè reddere caulas;
 Et causam qui non invenit, ipse facit.
 Nempe recrudescunt nostro loca saucia tactu,
 Me nova vulneribus vulnera ferre volunt.
 Quis pudor? astringens mihi vis & sicca tributa est,
 Et foedum nostrâ detumet ulcus ope.
 Sanguinis & fluxus sisto, medicarier ausa
 Naturæ ipsius vulnera facta manu;
 Factaque serpentum, rabiosi facta levare
 (O quàm plaga levis bellica!) dente canis.
 Vix memorare ausim quòd ab intertrigine tutus,
 Vel dextrâ si quis me gerat, esse potest.
 Ridetis? patior lege hâc, ridere vicissim
 Vestra quoque ut liceat tot maledicta mihi.
 Quorum prætereo reliqua; atque exponere verum,
 (Hic lingua in medio substitit icta sono)
 Quanquam animus meminisse horret, luctûque refugit,
 Incipiam. (Et virides hîc maduere genæ.)

V. 37. *Cass. Dionys. Geop. 12.* Mentham impositam vulnera exasperare eoque nomine belli temporibus minùs esse idoneam.

V. 39. Mentha utraque calida & sicca est tertio ordine, gustu acri, subamaro, tenuium partium, astringendi & exsiccandi vim habet. *Fernel.*

V. 40. Ulcera in capite infantium mirè sanat — Epiphoris illinitur & omnibus in capite eruptionibus, *Plin.*

V. 41. Equè maribus ac foeminis sistit sanguinem, & purgationes foeminarum inhibet — sanguinem excreantibus in sorbitionem datur —

Sanguinis fluxiones intùs emendat. *Ib.*

V. 44. Sumitur contrà Scelopendras, & Scorpiones marinos, & ad serpentes, *Ib. De Morsu Canis rabiosi, alii.*

V. 45. Intertrigines si vel teneatur, prohibet. *Plin. Ib.*

V. 49. Rondeletius causam proverbii putat esse, quòd semen Menthæ homines efficiat nimis furibundos. Falsum! & factis ineptè excogitatum! Heurnius putat veteres ad *Myrica* respexisse, quòd inimicitias immortales esse non debeant nam mentha semel sata durat ætatem.

Non ego vestrorum pars (credite) semper odora

Hortorum, ac quondam virgo decora fui:

Nigra quidem (nam me genuit Cocytius amnis)

Sed fuit in nigro multa colore venus.

Nè quis mentiri me fortè existimet, ore

Veridico meminit Naso poeta mei.

Lucus erat mœstâ patri gratissimus umbrâ,

Quem tacito æternum præterit ille pede:

Sunt illic taxique & funereæ cyparissi,

Et ferrugineis sylva severa comis.

Hic me secreto spatiantem tramite vidit

Tertius inferni Jupiter ille poli.

Vidit, & heu! placui; nam vultu exardet in omni;

Illi forma placet candida, nigra placet.

Ah! si nescitis, Deus insatiabilis ille est;

Et vi crudelis, non prece, semper agit.

Me rapit, amplexus quanquam perterrita fugi:

Nè valeam ad mortem ni mihi visa rapi.

Quid facerem? sævum est & inexpugnabile numen,

Et fratris vires omnipotentis habet.

Quid multa? invitam secretum ducit ad antrum,

Virgineoque ferox corpore perfruitur.

Nescio quo casu (namque hoc siluere Poetæ,

Nec licuit tali tempore scire mihi)

Ecce venit scelere in medio Plutonia conjux,

Et mea humi miseræ corpora strata videt.

Nec purgare data est, nec me relevare potestas;

Semper at, illa inquit, fixa manebis humi.

Dixit, & extemplò compagem diffluere omnem,

Et rapidâ sensi membra soluta fugâ.

V. 55. Cocyti filiam min-
tham cum Plutone deprehen-
sam à Proserpinâ Poetæ fingunt,
ab eâque in hanc herbam trans-
mutatam.

V. 58. Famineos artus in o-
lentes vertere menibæ,

Persephone, licuit? Ovid, Met.
10. Fab. ult.

V. 64. Pluto. Poli, quia &
Inferi ex poetarum sententiâ

Calamque suum, su-
sidera norunt.

D

Venâque

Venâque radices sub terram quælibet (ex quâ
 Cauliculus surgit mox rubicundus) agit.
 Cauliculósque ornat florum rubicunda corona,
 Et folia obscuro scissa virore nitent.
 Et bellam efficio menthæ, cognominis herbæ,
 Areolam jaculi quo resupina modo.
 At duram infernus sortem miseratus adulter,
 (Illa vel infernos digna movere Deos.)
 Pro formâ humanâ, pro virginitatis honore
 Vim magnam foliis iussit inesse meis.
 Ditavitque humilem multis virtutibus herbam,
 Quas inter dulcis vix numerandus Odor.
 Hæc bene cùm veteres (ut erant certissima) scirent,
 Relligio est animis non levis orta piis.
 Plutoni sacram duxêre, atque omen habere
 Mortis, & hinc bello me vetuere feri.
 Errârunt; alios nè reptet sedula curo,
 Néve ad Plutonium quis nisi ferus eat.

V. 87. Literâ tantum mutata, nam virgo Mintha vocabatur, & Græcè quidem sine ullâ mutatione.

V. 94. Mentæ nomen suavis odoris apud Græcos, cùm aliqui Mintha vocaretur, unde

veteres nostri nomen declinarunt. Grato Menta mentas odore percurrit in rusticis dapibus. *Plin. lib. 19. 8.* id est, Cuius Mēthē prius Græcè vocaretur, postea Ἡδύσμενος ab odore appellaverunt.

VISCUS QUERNUS.

Viscus (Io!) magni donum Teutatis opimum,
 Proflit è Quercu sanctior ipse sacrâ.

Solennes aras de cespite ponite vivo,
 Et totum vario sternite flore locum.

Ritè Deos orans purâ cum veste sacerdos

Astantum elatus colla manûsque super,

Scandat adorati fœlicia culmina trunci,

Et veniam fruticis supplice voce roget.

Tum verò auratâ demessum falce decenter

Candenti excipiat candida turba sago.

Et duo candelentes immuni corpore tauri

Lucentes tingant, victima grata, focos.

Tum læti celebrate dapes, plausûsque secundus

Concutiat totum, seu gravis aura, nemus.

Hos habuit viscus diis invidiosus honores:

Non Apis tantos ipse repertus habet.

V. 1. Nihil habent Dryidæ (itâ suos apellant magos) visco & arbore in quâ gignatur (si modò sit robur) sacratius: jam per se roborum eligunt lucos, nec ulla sacra sine eâ fronde conficiunt, ut indè appellati quocunque interpretatione Græcâ possint Dryidæ videri. Enimverò quicquid adnascatur illis è cœlo missum putant, signumque esse electæ ab ipso Deo arboris. Est autem id rarum admodum inventu, & repertum magnâ religione petitur. — *Omnia sanantem* apellantes suo vocabulo, sacrificiis epulisque ritè sub arbore præparatis, duos admovent candidi coloris tauros, quorum cornua tunc primum vincian-

tur: Sacerdos candidâ veste cultus arborem scandit, falce aureâ demetit, candenti id excipitur sago: tum deinde victimas immolant, precantes ut suum donum Deus prosperum faciat his quibus dederit. Fœcunditatem eo poto dari cuicunque animali sterili arbitrantur, contrâque omnia venena esse remedio. Tanta gentium in rebus frivolis plerumque religio est. *Plin. lib. 16. 45.* de quo vide plura *ibid.* Anglicè vocatur *Whistletoe*.

V. 1. Teutates & Hesus duo maxima Gallorum veterum numina, quibus humano sanguine faciebant.

Nec sibi visa minor Dodonæ quercubus olim
 Fatidicis, viscum siqua beata daret,
 Scilicet hanc veteres plantis magis omnibus unam
 Patronam vitæ constituere suæ.

20

Hæc sola est spernit quæ terræ filia dici,
 Regalique udam quæ pede spernit humum.
 Huic soli genituræ expers genitalis origo ;
 Vel mundi ipsius qualis origo fuit.

Cumque alia humanâ concrescant insita curâ,
 Naturæ hæc sola est insita planta manu,
 Hinc & serpentum nigra exarmare venena,
 Et magicos (hominum dira venena) sonos.

25

Et morbos, (quàm multi !) omnes superare putârunt.

Quid mirum ? Herculeum cui superare datum est. 30

Quis magis horribilis ? quæ forma Chymærica morbi ?

Parte sui mors est torpida, parte furor.

Hoc superat monstrum : tamen hinc quoque posse minora
 Falla quidem fuerat, sed nec inepta fides.

V. 23. Omnino satum nullo modo nascitur, nec nisi per alvum avium redditum, maximè palumbis ac turdis : hæc est natura, ut nisi maturatam in ventre avium non proveniat. *Plin. Ib.* Unde *Turdus sibi malum cacare* proverbio dicitur, quòd ejus acinis viscum fiat itreticendis avium pennis. Sed hoc manifestè fabulosum est ; nam parte inferiore & prona ramorum aliquando nascitur, ubi adhærere avium excrementa non possunt : itaque non ex suo semine hoc modo concocto præparatòque nasci credibile est, sed ex succo quodam arboris quem ipsa vincere & in naturam suam mutare non valet.

V. 27. De venenis prius. Veneficia autem averruncare adal-

ligatum cervici ait *Clusius*.

V. 30. Epilepsiam, Morbum Comitialem, Caducum, Sonticum, Puerilem, Sacrum appellatum, Herculeum autem propter immanes vires violentiâque. Huic morbo viscum auxiliari apud omnes medicos in confesso est, itaque omnibus ferè antepilepticis remediis admiscetur. *Plinius* addit, Si terram non attigit, Comitialibus mederi ; eandemque *Clusius* conditionem requirit : Sed hoc ex *Dryidum* traditionibus fluxisse arbitror.

V. 32. Nam sensus & motus voluntarius tolluntur, at totum corpus convellitur concutiturque, os spumat, dentes strident, &c.

Credidit antiqui simplex infantia mundi,

35

Nec (puto) tunc ævi notus elenchus erat.

Nec modò tutari, vitam dare creditus olim,

Fœcundùmque uteri reddere viscus agrum.

Quid sterile esse potest plantæ sine semine natæ?

Quid clausum? quæ vel quercum aperire valet. 40

In lucem immani quæ prodit ab arbore nixu,

Ut capite exiluit diva Minerva Jovis.

Quòd si priscorum vera est sententia vatum,

(Et prisci & vates sint, dubitare licet)

Non miror, quoniam cognatio jungit utròsque, 45

Fraterno si nos viscus amore colit.

Ipsi homines olim rupto de robore nati,

Primus (si fas est credere) viscus erant.

V. 37. Conceptum fœminarum adjuvare si omnino secum habeant *Plin. lib. 24. 4.*

V. 47. Cùm homines è grandium arborum cavis exeuntes, ubi se contra hyemis fœtarumque iniurias abdidissent, pastum in sylvis viderentur, creditum est à primo simplicèque sæculo eos illinc tanquam ex utero natos prodiisse: quem errorem rudis vulgi ridiculum poetarum fabulæ confirmare sunt conatæ.

Gensque virum truncis & rupto robore nati. *Virg.*

Quippe aliter tunc orbe novo calòque recenti

Vivebant homines qui rupto robore nati. *Juven.*

Omnium autem bellissimè atque, ut ita dicam, picturatè hanc rem describit *Papinius, lib. 4. Thebaid.* Non possum

me continere quin versus ipsos exscribam, ità digni sunt qui ubique legantur. De Arcadibus loquitur,

————— *Nemorum vos stirpe rigenti*

Fama satos, cùm prima pedum vestigia tellus

Admirata tulit, nondum arva domusque nec urbes,

Connubiisve modus. Quercus laurique ferebant

Cruda puerperia, ac populos umbrosa creavit

Fraxinus, & fætâ viridis puer excidit orno.

Hi lucis stupuisse vices nostisq; feruntur

Nubila, & occiduum longè Titana sequuti

Desperâsse diem —————

C H E L I D O N I A.

A Spice suffuso flaventia lumina felle,
 Et tincta icterico turpiter ora croco.
 Dilectus nimium sacri color ille metalli,
 Ille color pulchræ gloria prima comæ:
 Occupat injustus cum regna aliena tyrannus,
 Tetrior, ah! nigro est, horribilisque magis.
 Talem equidem formam, tam foedam mentis avaræ
 Tam flaventem oculis arbitror esse deum.
 Si mens auro inhiat, si solum cogitat aurum,
 Aurigo est; auro concolor illa suo. 10
 Sed deus hunc curet, ratioque potentior herbis,
 Icterus herbarum postulat alter opem.
 Nescio quid faciant aliæ; mihi credite, nostram
 Icterus haud frustra postulat alter opem.
 Non ego me tantæ temerè ingero vana medelæ; 15
 Ingens suscepti muneris actor adest.
 Naturæ ipsius mecum diplomata porto,
 Naturæ ipsius signa manumque vide.
 In foliis, in caule meo, in radicibus ipsis,
 In toto flavus corpore sanguis inest. 20
 Felle redundant suffusam credet, & esse
 Jurabit, qui me diffecat, ictericam.
 Interea cutis est viridis mihi corpore toto,
 Et bonus, atque herbam quo decet esse, color.

V. 1. Chelidonium maius, à
χελιδόν *Hirundo*, unde & Hi-
 rundinaria dicitur aliquibus,
 Anglicè *Celandine*.

V. 1. Decoctum ex vino al-
 bo bibitur ad icterum, addito

anisi semine. *Matthiolus* etiam
 plantis pedum suppositum me-
 deri ait ictero.

V. 10. Aurigo, icterus.

V. 17. Signaturam quam vo-
 cat.

Eadem.

Eadem.

Dii faciant bona multa tibi, vocalis hirundo,

Atque velint sceleris non meminisse tui,

Quod nobis plantæ docuisti nobilis usus,

Qui latuere hominum lumina cœca prius.

A te pro cellis jam pensio larga tributa est,

5

Sub tignis nostræ quas tribuere domus.

Omnia te picti comitantur germina veris :

Sed nullum utilius, credo vel ipsa vides.

Scilicet huic debes ipsum hoc quod cætera cernis ;

Hoc te præcipuo germen amore colit.

10

Te veniente alia adveniunt ; non sufficit illud

Officium ; hoc etiam te redeunte redit.

Nos huic plura tamen quàm te debere fatemur,

Atque oculorum aciem restituisse parum est.

Mille malis vitæ, tormentis mille medetur,

15

Quæ fortunatæ non patiuntur aves.

Illius adventu mitescunt tormina ventris,

Et cessat dentis carnificina cavi,

Morbus & auratis depellitur aureus armis

Nomina qui regis falsa tyrannus habet.

20

V. 1. Animalia quoque invenerunt herbas, inprimisque Chelidonium, hæc enim hirundines oculis pullorum in nido restitunt visum, ut quidam volunt etiam erutis oculis. *Plin. lib. 25.*

8. & *lib. 8. 27.* Chelidonium visui saluberrimam hirundines invenere, vexatis pullorum oculis illa medentes; indè huic herbæ nomen inditur.

V. 11. Florent adventu hirundinum, discessu marcescunt: Florentibus succus exprimitur, & in æreo vase cum melle Atti-

coleniter cinere ferventi decoquitur, singulari remedio contra caligines oculorum. Utuntur & per se succo in colliriis quæ Chelidonia appellantur ab eâ, *Plin. lib. 25. 8.*

V. 17. Succus illius cum oleo chamæmeli calidus umbilico applicatus.

V. 18. Decocto gargarizato, etiam pulvere contactus dens cavus ac putris decidere dicitur.

V. 19. Icterus, qui morbus regius appellatur.

Et succrescenti florentia carne replentur
 Ulcera sentinis exonerata suis.
 Et coeunt fraterna per oscula vulneris ora ;
 Nec tua tum scabies, foeda libido, manet.
 Et fugit ambustus cancer, fugit improbus herpes, 25
 Et rubra offensi bulla caloris abit.
 Morborum pigmenta abeunt, atque oscula solis
 Cùm nimium memores linquit in ore notas.
 Et ridet vitio vultus purgatus ab omni,
 Purior, ac speculo lævior ipse suo. 30
 O patrona oculi ! videant ut lumina pulchrè,
 Utque simul videant non nisi pulchra facis.
 Spectatum veniat, veniat spectetur ut ipsa,
 Dupliciter donis foemina læta tuis.
 Te quoque formosi comitantur tempora veris, 35
 Et flos humanus te veniente venit.

V. 21. Suppurationes, collectiones, sinus ulcerum chelidonia siccantur, vulnera adeo ut etiam pro spodio utantur. *Plin. lib. 26. 14.* Chelidonii succus exsiccat detergétque validè, adeo ut vetera malignaque ul-

cera, sinus quoque & fistulas expurget, detergát, tandèmq̃ persanet. *Fernel.*

V. 25. Herpes, Serpigo, Angl. *Tetter*, unde & herba quibusdam dicitur Anglicè *Tetterwort*.

E U R U C A.

VOS, ô, legitimo quos jungit foedere lectus,
 In quo cuncta licent, gaudia cuncta decent,

V. 1. Græcè *Ευζυμων*, à condiendis opsoniis, Anglicè **Rocket**. Calida & sicca tertio ordine existimatur. Eruca præcipuè frigorum contemptrix, diversè est quàm Lactuca naturæ, conciliatrix Veneris ; idcirco jungitur illi ferè in cibis, ut nimio frigori par fervor immixtus temperamentum æquet.

Plin. lib. 19. 8. Et, Aviditas coitûs putatur ex cibis fieri ; sicut viris Erucâ, pecori Ceps, lib. 10. 63. Ergo à Martiale appellatur *Herba salax*,

— *Venerem revocans Eruca morantem.* Virgil. in Moreto.

Excitet ut Veneri tardos Erucas Maritos. Colum.

Nostris

Nostris nè pudeat foliis coenare libenter :

Non solam pascunt hæc alimenta famem.

Ista dabunt totâ convivia dulcia nocte,

Gustatu corpus ruminat ista novo.

25 At vos, ô Juvenes casti, innuptæque puellæ,

Atque omnis vacui turba severa tori,

Si sapitis Veneri sacram nè tangite plantam :

Ite ; pudicitiaæ sæva venena fero.

Ipsè Cupido meâ latitat, velut anguis, in herbâ ;

30 Et tingit succis igneus arma deus.

Hortorum præses plus nullum germen in hortis

Et colit, & pulchris donat, & ipse vorat.

Hinc reor æternum pruris, lascive Priape,

Nequitiaæque vigent arma parata tuæ.

35 Me jubet ut vites, qui ponere quæris amorem,

Naso, Cupidinei vulneris Hippocrates.

Sed, bene si memini, nihil ipse gulosius edit,

Et voluit blando solus amore frui.

Ah vafer ! at cum tu tibi, Naso, medeberis ipsi,

Tunc ego lactucis castior esse volo.

Sit donata aliis folii laus frigida casti,

In viduo somnos conciliëntque toro :

Me juvat, ô, fortes ludo committere amantes,

Temporâque assiduis præcipitare jocis.

Me nequam esse juvat ; juvat indefessa libido,

Et nullo admistus felle meracus amor.

V. 17. Nec minus Erucas aptum est vitare salaces. Ovid. Lib. 2.
de rem. Amoris.

D 5

Non

Non ego morborum medicamina tristia curo,
 (Quanquam etiam morbos mî superare datur :) 30
 Grata voluptatis teneræ fomenta ministro;
 Tolle hanc de vitâ, vitâque morbus erit.
 Sic ego sum, lector; si sic placeo, utere: sed me
 Stoicidarum aptam non reor esse gulæ.
 Si te crassa juvant tetricorum frigora morum, 35
 Solve, precor, fatuam lente palustre famem.

V. 30. Erucæ semen scorpi-
 onum venenis & Muris aranei
 medetur — putant subtrita E-
 rucâ si foveantur oculi, clarita-
 tem restitui — Tussim infan-
 tium sedari. Radix ejus in a-
 quâ decocta fracta ossa extrahit;
 nam de Venere stimulandâ divi-
 mus, tria folia sylvestris. Erucæ
 finistrâ manu decerpta & trita
 in aquâ mulsâ si bibantur. *Plin.*

lib. 20. 13. Utinam finistrâ
manu non addidisset, ne hoc to-
ti fidem deroget: sed vir ille,
alioquin incomparabilis tot
Græcorum Magorûmque impu-
dentissima mendacia aliquando
intertextit, ut mihi doleat sa-
nè legenti, eum prosâ oratio-
ne scripisse, ac non hoc poti-
us modo quo hic ipsi philoso-
phamur.

Eadem.

Lena voluptatis foedæ, discede libello
 (Infamis tecum est quid mihi lena?) meo.
 Nec castas herbas, castûmve offende poetam;
 Nam nos offendis, moecha, pudetque tui. 40
 Cum meretrice simul veluti matrona videri
 Dedecorique sibi flagitiôque putat;
 Sic dedignatur Nymphæa volumine eodem
 Conjungi tecum, pallidâque ora rubent.
 Non impunè olim foliis coenata libenter, 45
 Tunc cùm Nympha fuit, traditur esse tuis.
 Namque illâ Alcidi se primùm nocte misella,
 Te facilem nimium conciliante, dedit.
 Ipse ego (quis credat) de te dum carmina pango,
 Et tua dum mentem stringit imago meam, 50
 Nescio quem sensi perrepere in ossa calorem,
 Qualem præmittit mox subiturus amor.

Ille

Ille quidem tali pugnam cum velite flammâ
Incipere (heu quondam res mihi nota!) solet.

Nunc invisus amor, mihi nunc insana libido

Dicitur, & didici nomina vera loqui.

I, fuge, quære alium, lasciva Eruca, poetam;

Lesbia det vatem, five Corinna suum.

Carmine tu nostro vel prætereunda, vel inter

Dira venena tuum tandem habitura locum.

I, fuge; nil opus est vitia irritare molesta;

Nil condimentis indiget illa fames.

Inficit accenditque (heu!) nostra alimenta Cupido,

Se miscens ipsis insinuansque cibis.

Linque herbas saltem nobis, medicamina linque

Integra morborum, maxime morbe, Venus.

Germina quæ sexu voluit natura carere,

Instrumenta operi sunt aliena tuo.

Hæc tamen ipsa Venus, Venus hæc convertit in usus,

(O nimis artificem!) quanquam aliena, suos.

Quis tantam viridis flammam sub tegmine vitæ,

Affiduo pastam rore, manere putet?

Quid mirum est, si densa inter convivia Regum

Luxuriæ regnet certa libido comes?

Illam inter medias latitantem repperit herbas

Cum bove convivâ Pythagoræa fames.

PLAN-

P L A N T A R U M

L I B. II.

S Acra Bonæ celebranda Dæ: procul ite, profani;
 Ite cachinnantes, non pia turba, mares.
 Fœminei secreta chori nescite libenter;
 Nescite, aut saltem dissimulate, viri.
 Inspectare nefas generis postscenia pulchri;
 Ingens quæ pascat lumina scena patet.
 Tuque secunda adeò fulgentis gloria mundi,
 Sanctius hîc fratris numine numen habens,
 Tu, Bona Luna, fave, tu cornibus annue totis;
 Annue crescenti comiter ore mihi.
 Tu lucentem aperis, Lucina, infantibus horam;
 Vitalèsque uteri, Jana, tuere fœres.
 Morbiferi rivos educis, Mena, cruoris,
 Mutatósve novo currere lacte jubes.

V. 1. Quoniam hic liber tractat Plantas tantum muliebres, eoque nomine Bonæ Dæ sacer est, quæ Mares omnes à mysticis suis abigit.

V. 12. Janus solem significat, Jana Lunam, unde illi Dianæ nomen deductum.

V. 15. Sit Dea Mena quam præfecerunt menstruis fœminarum, *August. de Civ. Dei, l. 4. 11.* Ibi est & Dea Mena, quæ menstruis fluoribus præest, quamvis Jovis filia, tamen ignobilis: & hanc provinciam fluorum menstruorum in Libro Selectorum

Deorum ipsi Junoni idem autor assignat, quæ in Diis Selectis etiam Regina est, & hic tanquam Juno Lucina cum eadem Menâ privignâ suâ cruori præsidet, *Id. lib. 7. 2.* Hæc Luna est quæ *Mην* Græcè dicitur, qui illa menstrua profluvia temperat, quòd ad ejus rationem vel moventur vel quiescunt, ut *Arist. in Lib. de An.* scribit; quæ etiam est Jovis & Latonæ filia, ideò privignam Junonis vocat; ignobilis tamen est eo nomine apud Latinos. *Lud. Vives.*

Tu

Tu sexum regis instabilem, fideique marinæ; 15

Arbitrioque fluunt pontus & ille tuo.

Viribus arcanis quibus humida regna gubernas,

Ingenii tumeant flumina parva mei,

Sis Lucina mihi, sis fertilis Ilithyia;

Et cerebri curam parturientis age. 20

V. 19. Juno, Jana, Diana, Lucina, Mena, &c. hæc omnia nomina non nisi unam Deam, nempe Lunam, primò designarunt, quæ

Ἑλυσία propriè dicta est, quòd ad parturientes veniat, ab ἑλυσ-
σω, unde etiam in Græco Epigr.
simplicius Ἑλυσώ appellatur.

Mensis erat quem diva colit pulcherrima pulchrum,

Lætities anni pictaque pompa reedit.

Convaluere ægræ, relinquuntque cubilia plantæ,

Atque exire audent sole jubente foras.

Ut gaudent coelum patrémque revisere charum! 23

Rupisse & tumuli vincla levera sui!

Et mundum, & dulces circum spectare sorores!

Nec risum immeritò gaudia tanta cient.

Mox operi accingit sese gens sedula, blandis

Incorrupta bonis, officiique memor. 30

Pro se quæque opibus contendere strenua summis,

Inque dies densis altiùs ire comis,

Et folia & pulchros in lucem educere foetus,

Et properè humanis usibus esse pares.

Ut valuere satis, mora nulla est; rebus agendis 35

Intendunt animos Conciliùmque vocant.

Conciliùm sibi quæque tribus (quæ plurima genti est)

Privatim (gentis mos vetus ille) tenet.

Sunt propè mille tribus; sed quid sit in omnibus actum

Vix bene centeno dicier ore potest. 40

V. 21. Aprilis, Aphrodite scer, unde nomen obtinet.

Sed Veneris mensem Græco sermone notatum

Auguror à spumâ nym Dea dicta maris. Ovid. Fast.

Nec

Nec mihi scire licet; gens cauta silentia servat,
Et sacra conventus occultit acta sui.

Sed mea me Laurus, quæ jussa interfuit uni,
(illa Gynæcitis nomine dicta tribus.)

Edocuit viridis secreta negotia coetus, 45
Et quid quæque herba est, quoque locuta modo.

Vos, ô humani pars blanda & florida mundi,
(Res hîc vestra agitur, nec loquor ista viris)

Vos dictis præbete animos, & credite quicquid
Nescia fallendi Delphica laurus ait. 50

Splendebat coeli de vertice Cynthia summo,
Atque udo tumidus lumine vultus erat.

Conveniunt plantæ motis radicibus omnes,
Nobilis Oxonii quas sacer hortus alit; 55

Omnes foeminei quibus est tutela doloris:
Orpheam credasigna dedisse lyram.

Conveniunt quo bella æquo nitet area circo,
Et se formoso molliter orbe locant.

Prima sedet castæ per honorem planta Dianæ,
(Concilii præses tunc ea fortè fuit.) 60

V. 43. Laurus meritò ad hunc conventum accersitur, nam inter præcipuas plantas laudatur quæ utero dicantur. Laurus excalfactoriam naturam habet, & foliis & cortice & baccis; itaque decoctum ex his, maximè ex foliis, prodesse vulvis & vesicis convenit. — Profunt & mensibus foeminarum cum oleo cocta — Cortex radicis cavendus gravidis — Baccæ menses trahunt apposite, tritæ, vel potæ — Sunt qui celeritati partus multum conferre putent radicem acetabuli mensurâ in aquâ potam, efficacius recentem

quàm aridam — Laurus Alexandrina sive Idæa partus celeres facit, secundas etiam pellit mensesque, eodem modo pota. *Plin. lib. 23. 8.*

V. 51. Nox media plenilunii Aprilis.

V. 59. Artemisia, Anglice *Wugwort*. Mulieres quoque hanc gloriam affectavere, in quibus Artemisia uxor Mausoli, adoptatâ herbâ quæ antea Parthenis. Sunt qui ab Artemide Ilithyâ cognominatam putent, quod privatim medeatur foeminarum malis, *Plin. lib. 25. 7.*

Deinde

Deinde magistratu modò quæ præcesserat illam

Optima non vano nomine dicta sedet.

Occupat indè locum (casu puto & ordine nullo)

Arridens lætis blanda Melissa genis;

Thymbráque, Serpillúmque, orísque Absinthia torvi 65

Asparagúsque, duplex Abrotonúmque genus.

Tu, Croce, adhuc teneris gaudens servire puellis,

Nunc hilaris, quondam tristis amator, ades.

Quíque magis stulto tabescis, Amarace, luctu,

Nunc causâ exitii suavior ipse tui. 70

Candida Pœoniam comitantur Lilia rubram,

Additur & Violæ purpura tincta recens.

Sæque Laser foetens tam dulci jungere turbæ

Audet, virtutis conscia planta suæ.

Et plenam portans Lactuca sub ubere mulctram; 75

Et quamvis Cypriæ, Nympha, inimica Deæ:

Et grave Marrubium bene-olenti Bacchare junctum,

Atque uteri madido Scordia læta solo;

V. 62. Aristolochia, quoniam
est ἀρίστη λήχης οὖς optima partu-
nentibus. Angl. Birthwort.

V. 65. Satureia vulgò.

V. 65. Thymus agrestis.

V. 66. Abrotonum mas,
Southern-wood; Abrotonum
fœmina, Lavender-Cotten.

V. 67. Crocus puer impati-
entissimo amore Smilacem Nym-
pham deperiens, in florem sui no-
minis conversus dicitur. Ovid. 4.
Metam. Hilaris, & propter pul-
chritudinem floris, & quòd, hi-
laritatem generet.

V. 69. Filius Cinaræ Regis
Cypri, qui fractâ casu unguenti
pretiosissimi pyxide præ mœrore
contabuit, & commiseratione deo-
rum in hanc herbam bene-olen-
tem conversus est. Vulgus Majora-
nâ. Plin. & Sampsuchum vocat.

V. 73. Laserpitium (nam la-
ser propriè ejus lacryma dicitur)

foetidissimum saluberrimúmque
germen cujus gummi Assa-foeti-
da vulgò vocatur.

V. 75. Ob lactei succi copiam,
& quod lac generet in fœminis.

V. 76. Nympha, olim Nym-
pha. Vide fabulam lib. 1.

V. 77. Angl. Hoze-hound.
Prasium, odorem porri referens.

V. 77. Bacchar radice tantùm
odoratæ, à quibusdam Nardum
rusticum appellatum. Unguenta
ex eâ radice fieri apud antiquos.
Aristoph. prisca Comœdiæ Poeta
testis est: odor est ei cinna-momo
proximus. Plin. l. 21. 6. Bacchar
in medicinæ usu aliqui ex nostris
Perpensam vocant—Potio mu-
lieres ex abortu purgat, &c. Plin.
lib. 31. 19. Officinæ Marrubi-
um nigrum vocant.

V. 78. Angl. Water-Ger-
mander, palustribus libentissi-
mè crescens.

Et

Et Polium & Calamintha, habitantia montibus ambo;
Ambo sed ad frigus vellere tuta suo: 80

Et bene juncta bonæ vitalis Salvia Rutæ,
Quæque arcûs titulum multicoloris habet,

Et Sefelis, cervis Dictamno gratior ipsâ,
Exiguoque potens semine Daucus adest:

Consolida, & Plantago salubris, germina frugi; 85

Quæque solent firmis cuncta tenere seris:

Imperiûmque suum regali nomine signans,

Et Regum titulis altior Angelica:

Spicâque, Pulegiûmque accline brevêsq; Anemonæ,

Atque Epicuræ nobile Felis olus. 90

V. 79. Polium Montanum dicitur, & in officinis Calamintha Montana; utrisque languinosa folia caulêsq; Polia ab eâ causâ nomen trahente, Πόλιον, *canus*.

V. 81. Ruta cum Salviâ satâ fugare bufones cæterâque venenata creditur quæ salviâ appetunt.

V. 82. Iris, *Flower-De-Luce*.

V. 83. Paulo ante partum Cervæ se purgant quadam herbula quæ Sefelis dicitur, *Cic. de Nat. Deor. lib. 2. Plin. lib. 8. 32.* paulo aliter de cervis. A partu duas habent herbas, quæ Aros & Sefelis appellantur. Pastæ redeunt ad fœtum: illis imbui lactis primos volunt succos quacunque de causâ, & *lib. 25. 8. Calep.* dicit à vulgo herbariorum Saxifragam majorem nominari.

V. 84. Genus Pastinacæ sylvestris: Anglicè *Wild Carrots*. Duas differentias facit *Plin. lib. 25. 19.* Senen. (in-

quit) hujus Cumino simile, prioris Milio; album, acre, odoratum omnibus & fervens — omnia hæc & hyeme & æstate sunt intacta quadrupedi si post abortus.

V. 85. Anglicè *Confound and Plantain*. Dux plantæ astringentes, & in nimis fluxibus uteri utiliter adhibetæ.

V. 87. Imperatoria Angl. *Masterwort*.

V. 89. Lavendula.

V. 89. Ob furculos humi recumbentes. Angl. *Pennyroyal*.

V. 89. *Άνιμώ* dicta à vento, quo flante spoliatur floribus.

V. 90. Nepeta, Cataria, Mentha Cataria, quod à felibus avidissimè devoretur, quodque in eâ corpora volutare ludibundæ gestiant, quæ Epicuræ dicuntur propter has delicias. Angl. *Catmint*.

Atque

Atque Abiga arrepsit tardo molimine tandem,
Vix humilem terris ausa levare pedem.

Venit nec miror quod venerit, Anthemis illuc;
Per lapides ruptos invenit illa viam.

Venit ab Hispanis fœlix Vettonica sylvis, 95
Quæ gentis magnæ gloria sola manet.

Virginibusque favens pia virginis herba Minervæ,
Et germen venit Mercuriale comes.

Venit Erythrodanus, radicis firmata longæ
Post tergum proprio murice tincta trahens. 100

Dictamnus venit boreali frigore quamvis
Tardigrada, & Cretâ tristis abesse suâ.

Et nimium immodicis Cyclaminum viribus audax,
Et (liceat tandem dicere) centum aliæ.

V. 91. Chamepitys, Ground-pint, propter aliquam similitudinem & odoris & foliorum, Abiga appellatur ab abigendo partu; aliis nominibus dicitur Thus Terræ, & Iva Arthritica.

V. 93. Chamæmelon, Leucanthemis. *Plin.* Pellit pota calculos. *Id.* Ad calculos efficacissima. *Id.* Tantæ autem esse dicitur ad hanc rem efficacia, ut si calculus exemptus ex humano corpore ejus foliis involvatur, brevi tempore dissolvatur.

V. 95. *Vid. Lib. I. Gentis Magnæ.* Vettonum, quorum nullum, quod sciam, memorabilius factum extat, quàm quod usum hujus herbæ invenerunt.

V. 97. Parthenium, Matriaria, Febrifuga, Perdicium, Leucanthe, Tamnacus, Muralium; nam abundat nominibus:

Anglicè *Febrifeto*. Vernula charus Pericli Atheniensium principi, cum is in arce templum edificaret, repissétque super altitudinem fastigii & cecidisset, hæc herbâ dicitur sanatus monstratâ Pericli somno. à Minervâ, quare Parthenis vocari cœpta est, assignaturque ei *Dex. Plin. lib. 22. 17.*

V. 98. Mercurialis. *Ἐρμῆ βότανον* à Mercurio inventore, etiam Parthenium olim dictum.

V. 99. Rubia Tinctorum, quæ radicem habet ruberrimam longissimamque, à colore nomen Erythrodanum sortita, tingendis lanis & coriis magno in usu. *Lemnius Levinus* affirmat ossa pecudum sandicino colore tingi vel viventem herbam mandunt. *Angl. Wadder.*

V. 101. Vide paulò post.

V. 193. *Vid. lib. I. Soto. bread.*

Multa.

Multa quoque extremis adveſta videntur ab Indis, 105

De noſtro multum germina queſta polo.

Sed fama Oxonii, vel utroſque vagata per Indos,

Solatur curas, exiliùmque levat.

Hæc inter ſteterunt æqualibus intervallis,

Et ſuprà virides explicuère tholos. 110

Et genus arboreum, & fruticum Pygmæa propago ;

Et viſa eſt crenis bellà corona ſuis.

Phœnicios portans vermes pro fructibus ilex,

Heſperidum auriferis invidioſa jugis,

Stabat, foemineis morbis & luxibus apta : 115

Quid diſjungo illos ? Morbus habendus hic eſt.

Hanc hedera intexit ditem fallacibus ulnis,

Blanditiisſque malis arboricida necat.

Stat juxtà invidiam coccis factura ſuperbis,

Murice mox floris nobiliore roſa. 120

Nec procul extendit ramos betula ſeveros,

Et ſcelere humano ſæpe ſabina nocens ;

Et patulo amplexu, te dignaque, Tityre, fagus,

Quique meretur emi vilis ubique rubus :

Malus & auratis pretioſa Cydonia pomis, 125

Et medicina homini vulnere myrra ſuo.

V. 105. Ut Galanga, Nux Indica, Nux Moſchata, Zedoaria, &c.

V. 113. Dicitur Ilex coccifera, ut diſtinguatur ab Ilice glandiferà communi. Sunt autem hi Cocci bacca, ſuccum purpureum in ſe continentes, qui ſole coctus tranſmutatur in vermem nobilem tingendis purpuris. Hi Cocci Heſperidum pomis præferuntur, cum propter magnos in Medicinâ uſus, tum propter eximiam tincturæ pulchritudinem digiſitatēque, unde non minùs lucri ex hæc Ilice quàm ſi Mala aurea portaret.

V. 118. *Arboricida*. Verbum fictitium, ſed ſatis ex analogiâ aliorum. Adjungitur autem Hedera quæ foeminini generis, non ut adjectivum, ſed per appoſitionem.

V. 121. Anglice *Birch*. *Severos*, quod ex hæc arbore Magiſtratuum olim faſces, nunc Pædagogorum virgæ conſiciantur.

V. 122. Quod abortibus procurandis in frequenti uſu ſit.

V. 124. Propter eximiam vim aſtringendi.

V. 126. Inciditur arbor ut gummi ejus faciliùs exſudent.

Poſtremo

Postremo (indictæ mihi quæso ignoscite plantæ)

Juniperusque ferax, sacraque laurus adest.

Talis erat viridis species reverenda senatûs.

Nox est; ventus abest; concio tota filet. 130

Expectant, tacitæque arrectis frondibus astant:

Se levat, & præles Parthenis orsa loqui.

V. 128. Ferax, quia veteribus baccis adhuc manentibus novæ subindè subnascuntur.

V. 132. Nempe quæ antè Parthenis dicta erat quàm Ar-

temisia, *Præles* additur, ut distinguatur à *Matricariâ*, quæ Parthenis à *Minervâ* nominabatur, sicut hæc à *Dianâ*.

ARTEMISIA.

Post longa hîc, Matres Conscriptæ, frigora tandem

(Sit fælix generi nostro hominûmque precor)

In sancto solitoque frequentes adsumus horto,

Et sacri mensis nox celebranda sacra est.

Gratia sit tibi, Phœbe pater; tibi, maxima nutrix 5

Cynthia, quæ dictis lucida testis ades.

Sed libertatis momenta fugacia curtæ

(Namque dies mox nos orta refiget humi)

Nec nihilo, nec vos vano sermone teramus,

Nec ludis; homines sic sua festa colant.

V. 5. Non immeritò in hoc conventu præsidet Artemisia (quam honoris, puto, causâ quidam Matrem herbarum appellant) nam omnis aliis virtutibus, quæ non sunt hujus loci, nihil æquè utero patrociniatur. *Plin. lib. 26. 15.* Artemisia vulvæ medetur trita ex oleo, irino aut fico, aut cum myrrhâ apposita. Ejusdem radix pota in tantum purgat, ut partus enectos extrahat. Menses & secundas ciet ramorum decoctum insidentibus; item fo-

lia pota drachmâ. Ad eadem omnia prosunt vel imposita ventri, imò cum farinâ hordeaceâ. Addam unum Fernelii testimonium, *lib. de Med. Med.* Artemisiz species duæ calidæ 2°. siccæ 4°. tenuium partium: sumptæ, aut in uteri fomenta vel incessus accommodatæ, menses ducunt, secundas festûsque extrahunt, uteri præclusioni conferunt. Earum quoque succus cum Myrrhâ subactus & admotus, elicit quæcunque concluduntur in utero.

Vivere

Vivere nunc æquum est verè; nam frigida bruma
 Dimidium vitæ (mortis imago) tenet.
 Ergò agitè, utilibus nunc æquum incumbere curis:
 Longa quiescendi tempora bruma dabit.
 Quot dederit vobis subigendos Jupiter hostes,
 Et quantum officii sustineatis onus,
 Expertæ multis magnisque laboribus estis,
 Oppressisque piam sæpe tulistis opem.
 Nec certè exiguo generosis gloria plantis
 Debuit, & sexus gratia mollis emi :
 Bella gerenda manent eadem, sempérque manebunt
 Dum tumidi infantes pondera ventris erunt.
 Bella manent? sed quò fæliciùs illa gerantur,
 Scire decet nostras, & decet hostis opes.
 Dicite vos, longus quas edocet usus utrumque,
 Ingenuè vestras dicite, & hostis opes.
 Dicite teste deâ, quæ nos videt aurea, verum;
 Et ferat hæc patriæ quæque tributa suæ.
 Et doceat discâtque volens: sit nulla docere
 Invidia, & nullus sit didicisse pudor.
 Prima meretur agi quæ nos tam sæpe recursans
 Sanguinei exercet menstrua cura mali :
 Fœmineus quo fonte ruens, quo sidere fretus,
 Fœcundum toties Nilus inundet agrum: (rantem,
 Quid fluvium premat immodicum, impellâtve mo- 35
 Et bona quot secum, quantâque monstra vehat.
 Pandite secreto mysteria clausa recessu;
 Nec vos rem tanti credite turpiculam.

Dixerat, incipiunt reliquæ, studiôque calenti
 Propositum (ut doctis mos) agitur opus.

P U L E G I U M.

15 Pulegium, sua quo virtus celebratior esset,
 (Et dicentis odor gratus ab ore venit)
 Explicuisse ferunt, quot tristia damna minetur
 Purpuream sistens rivulus ille fugam.
 Succedunt gravitas membrorum udique tumores, 5
 Férteque suum corpus non patienter onus:
 20 Succedunt placitarum olim fastidia rerum,
 Ipsius & vitæ nausea tetra subit;
 Ulcerâque, & putres ruptis fornacibus ignes,
 Et vomitus misto sanguine terribiles. 10
 Nunc labor, atque uteri nequicquam pugna furentis,
 25 Et mortes animâ mox titubante breves.
 Pectore tardus nunc domito vix spiritus exit,
 Mox omnes artus tussis anhela quatit.
 Ipsa etiam victor scandit Capitolia mentis, 15
 Et cerebri gyros occupat hostis atrox.
 30 Hinc vigiles noctes, vigiles sed somnia terrent;
 Verâque mens patitur dum mala, falsa creat.
 Jactatâque diu serus vitam obruit hydrops,
 Atque anima è mersâ naufraga puppe natat. 20
 Ah quoties verno gemmantes flore puellas
 35 (Multa sagittifero jam meditante Deo)
 Hic ferus exurit subitâ rubigine morbus?
 Flet deceptus amor, tristis amator abit.

V. I. Pulegium nomen ob-
 tinuit, quòd, ut ait *Plinius*,
 40 Flos recentis incensus pulices
 necat odore. Γάπων vel βλά-
 τω Græc. dicitur, quòd gu-
 statum à pecore caprisque ba-
 latum concitet. Multæ diver-
 sæque vires illi attribuuntur:
 de iis quæ ad præsens negoti-
 um attinent sic. *Plin. lib. 20.*

14. Ex melle & aceto sedat
 menstrua & secundas, vulvas
 conversas corrigit, defunctos
 partus ejicit. Cui adjungamus
 Ferneliam; Pulegium calfacit
 siccâtque ordine tertio, potum
 extenuando menses, secundas,
 foetusque pellit; tumores, du-
 rities, & uteri conversiones in-
 fessu tollit.

Infici

Inficit ora virens, ipsa inficit oscula pallor;
 Tingit ut afflatus sulphuris aura rotas.
 Carbones cinerésque vorant gypsúmque tenacem.
 O foeda, & verè jam maleluada fames!
 Non edit hæc virgo, scelus est dixisse; sed illa
 In jejunanti virgine morbus edit.
 Hæc ubi Pulegium, (sed multa pathetica verbis
 Addidit, humano non referenda sono)
 Dicitur, ut miserâ de virgine mentio facta est,
 Concilium lacrymis commaduisse piis.
 Non aliter currum Lunâ fugiente diurnum,
 Discessum dominæ flet bona turba suæ.
 Addidit & causas quâ vi, quo tramite cæco
 Perreptet victrix omnia membra lues.
 Ille ferox (ait) humor ad ostia nota secundo
 Pulsantis venæ flumine pronus abit.
 Sive illum virtus uteri magnetica fugat,
 Ut ren totius corporis haurit aquas;
 Cynthia seu cursum, rerum regina fluentum,
 Dirigat, æquoreas quâ regit arte vias.
 Sed clausas uteri si repperit obice portas,
 Legitimúmque illi fortè negatur iter;
 Tum furit, exacuitque æstum: pars crassior hæret,
 Vicinísque movet bella nefanda locis;
 At pars mobilior fursum se attollit, & audet
 In venas puri sanguinis ire comes.
 Latro comes roseos corrumpit luridus amnes,
 Quâque fluit, ripâ marcet utrâque solum.

V. 25. Morbus Virgineus, foedi Virginum colores, *χλωρός*, quæ significat & *viriditatem*, est enim à *χλω* herba *virens*, & *pallorem*, ut *χλωρόν* *Δίος* *Herm.* Ab aliis Febris Alba appellatur quod plerúmque febricula comiterur.

V. 40. i. e. Arteriæ uterinæ.

Arteriæ à Veteribus Venæ nominabantur, sed plerumque distinctionis causâ cum epitheto, *Pulsatiles*, *Pulsantes*, aut *Micantes* *σφυκταὶ φλέβες*. Sic Cicero Arteriam, quanquam & eo nomine alibi utatur, *Venâ micantem* appellat.

Vitalique

- 25 Vitalique cavæ defertur lethifer alveo,
Obfessoque ferox hepate corda petit.
Corda tumens tantis dexter successibus intrat 55
Ingenti trepidant funditus illa metu.
At regio ulterior medii munimine septi,
30 Et tutam vallo se putat esse suo.
Heu mora parva mali! Pulmones occupat ille,
Sentit & arctatum spiritus æger iter. 50
Indè viâ pronâ parvâque Propontide vectus,
Invadit lævi regna remota sinûs.
35 Quid satis est morbo, cui cor non sufficit ipsum:
Omnia ni teneat, pauper avaritia est.
Torrentem ingreditur fluviorum regis aortæ: 65
Hei mihi! tum nullo more modoque furit.
Nec situs ætherius capiti est, pedibusve profundus
40 Auxilio: effrænis victor ubique meat.
Scilicet ut toto diffusus corpore sanguis,
Diffusa in toto sanguine pestis inest. 70
Assensere omnes; neque enim dubitatur ab ullis
45 Purpureus vitam quo rotet orbe labor.
Exciperent risus frondosâque sibila plantam,
et, Veracem Hervæum siqua negaret adhuc.

50 V. 55. Ingreditur ventricu-
lum dextrum cordis; unde pal-
pitatio cordis, frequens in hoc
morbo symptoma.

V. 57. Ventriculus cordis
sinister, qui à dextro, septo
suo nullis foraminibus per-
foratus, separatus, possit ab illâ
irruptione sanguinis irruptione tu-
mescere videri.

V. 59. Ex lege nobilissimæ
Circulationis Herveianæ, è dex-
tro cordis ventriculo Venam
ingreditur Arteriosam, deinde
per Pulmones transfunditur in
Arteriam Venosam, quæ tan-
quam parva Propontis exone-
rat sese in Ventriculum fini-
strum velut Pontum suum.

D I C T A M N U S.

Dictamnus, quamvis constringant frigora fauces,
 Injectâ properè se levat Endromide.
 Nam declamandi si se bella offerat ansa,
 Quid prohibere potest germina Græca loqui?
 Pulegiûmque illi tanti miracula morbi
 Rhetoricè visum est explicuisse parûm.

V. 1. Dictamnium ostendē-
 te (capræ) vulneratæ pastæ,
 statim decidentibus telis: non
 est alibi quam in Cretâ, ra-
 mis prætenue, pulegio simile,
 fervens & acre gustu; foliis
 tantùm utuntur. Flos nullus
 ei, aut semen, aut caulis; Ra-
 dix tenuis ac supervacua. Et
 in Creta autem non spatiosè
 nascitur, mirèque capris expe-
 titur. *Plin. lib. 25. 8.* Præ-
 cipua Dictamno vis est, Men-
 ses ciet, partus emortuos vel
 transversos ejicit; bibitur ex
 aqua foliorum obolo; adeò ad
 hæc efficax, ut nè in cubicu-
 lum quidem prægnantium infe-
 ratur: nec potu tantùm, sed
 & illitu & suffitu valet. *Plin.*
26. 15. At *Fernel.* Dictamni
 radix (quam tamen *Plin.* su-
 præ supervacua esse ait) tum
 pota, tum vel suffitu vel pes-
 so excepta mortuos jam fœ-
 tus educit, & solo gustu par-
 tus accelerat, &c. Unde eti-
 um derivari creditur ἀνὰ τῆς
 μήτρας, à pariendo, Fas hic
 esse non puto Virgilii luculen-
 tos de ea versas omittere.
Æn. lib. 12.

*Dictamnium genetrix Cretæ
 caput ab Idæ
 Puberibus caulem foliis & flo-
 re comantem
 Purpureo, non illa feris in-
 cognita capris
 Gramina, cum tergo volucres
 hæfere sagitta.*

Unde ad extrahendum ex Æ-
 neæ corpore telum ingenios-
 simè hanc adhibet Poeta. Fri-
 goris est impatientissima, & ni-
 si maximâ curâ nutriatur fo-
 veatûrque, hyemem nostrarum
 regionum non perfert; tegu-
 mento ei opus est contra fri-
 goris injuriam, unde Endro-
 mis illi attribuitur, quàm eti-
 am caulis ejus ac folia densâ
 albâque lanugine referunt. Est
 enim Endromis hirsutum cali-
 dâmq; vestimenti genus. Mar-
 tial.

*Sordida, sed madido non ef-
 pernanda Decembri,
 Dona peregrinam mittimus
 Endromidem.*

Arripuit

Arripuit quicquid cognata reliquerat herba,
Et doctâ sibimet garrulitate placet.

Si nondum infandi quæ sit vis læva veneni

Scitis, dum calido corpore fota latet,

10

Vobiscum reputate precor quid corpore pulsa,

Quid sola, exul, inops, mortua pestis agat.

Illam errore malo gustent hominêve canêve,

(Inque canes potiùs tam malus error eat)

Protinus humanam invadit vesania mentem,

15

Et totam incrustat sordida lepra cutem.

At canibus rabies succedit hiantibus atra,

Et sitis ardentes & timor urget aquæ.

Illa (nefas dirum!) prægnantibus illita partum

Semihominem jugulat præcipitêque trahit.

20

Credite nunc pueros tali de sanguine natos;

Sic format foetus, sic alit ille novos.

Nec satis hoc; illo seges alma & vitis abortum

Afflatae faciunt, & sterilefcit ager.

Ipsa etiam, gravida est si fructibus, arbor abortit;

25

Si virgo, ægrotat, si modò nata, perit.

V. 7. Pulegium Dictamno cognatum & propter ramorum & propter odoris similitudinem, unde Dictamnus appellatur *ῥάχων ἀγρία*, i. e. Pulegium sylvestre.

V. 17. Manifestâ qualitate nocet, quòd cum molestia & mordacitate exeat, & contactu virile membrum excoriet; Occultâ, quòd ab hominibus haustus epilepsiam, lepram, maniam, &c. pariat. In fœminis retentus uteri suffocationem, vertiginem, lipothymiam, &c. in fœtu edito variolas & morbillos. *Sennert.*

V. 17. In rabiem aguntur gustato eo canes, atque insana-bili veneno morsus inficitur. *Plin. l. 7. 15.* Unde affectus ille mirabilis & canum rabioforum, & animalium ab iis demorforum, *v. d'eseoçia* dictus.

V. 19. Nè ipsis quidem fœminis malo suo inter se immuni-bus: abortum facit illitus, & omninò si prægnans supergredi-atur. *Plin. l. 28. 7.*

V. 25. Moriuntur insita, ex-uruntur hortorum germina, & fructus arborum quibus insede-re decidunt. *Ib.*

E

Vos

Vos, hederæ, testor (quis enim pudor acta fateri?)

Quid vos tum folii vis medicata juvat?

Téque, venenorum victrix celeberrima, ruta,
Luctantem cogunt tanta venena mori.

Arescunt autumnali flavedine plantæ,
Et moesta ictericus germina tingit odor.

Ille fugat cives tactis alvearibus ægros:

It vaga, & iratùm murmurat exul apes.

Linqvit opes misera auratas, longósque labores,
Et structa artifici dulcia tecta pede.

Nec sua defendunt latitantem dolia bacchum,
Languentisque senet prima juventa cadì.

Parva loquor; non se defendit belliger ensis,
Sed cedunt molli dura metalla lui.

Fit sanguis toties effusi sanguinis ultor,
Et jam mutatâ vulnerat arma vice.

Sæpe viris causa est belli, gladiósque repòstos
Foemineum exacuit forma venusta bonum.

Foemineum ergò malum gladios obtundat eòdem,
Obtundat tanti vel meminisse mali.

Ah! nimium mulier facie confisa superbit;

Ah! nimio illa nimis se putat esse deam.

Viribus immodicis, heu! non civiliter usa,
Mittit adorantes sub juga sæva viros.

Tu verò humanas, dea non purissima, sordes
Respice, & esto memor quid tibi Luna ferat.

Inspice tunc speculum, quo nunc decepta ferocis:
Tunc verè quàm sis pulchra videre potes.

V. 27. Rutum & hederas
res medicatissimas illicò mori.
Ib.

V. 31. Omnia (hortensia)
accessu mulieris menstrualis fla-
vescunt, *Id. l. 19. 10.*

V. 33. Præter illa certum
est apes tactis alvearibus fugere,
Id. l. 28. 7. at lib. 7. Alvei a-
pum emoriuntur.

V. 37. Acescunt superventa
musta *Ib.*

V. 39. Ferri acies præstria-
gitur, *lib. 7. & l. 28.* Aciem in
cultris tonsorum hebescere, &
contactum grave virus accipere
& æruginem.

V. 53. Speculorum fulgor
aspectu ipso hebetatur, *Id. l. 7.*
Eborisque nitor, &c.

Tunc

i?) Tunc corruptorem corrumpis dira nitentem,
 Et diuturna tui certaque signa gerit.
 Tunc furia, propriæque venefica imaginis audis
 Quanta lues! Umbræ pestifera ipsa tuæ!

55.

Sic ait, utque erat in cursu, parat addere multa:
 Sed totum dicunt obstrepuisse chorum.

60

Pérque omnes ramos, & per folia omnia circùm,
 Tanquam indignantum, non leve murmur erat.
 Námque ibi foemineo multùm indulgetur honori,
 Et visa est temerè verba prophana loqui.

P L A N T A G O.

49 PLantago assurgit nervo septemplete fulta,
 Plantago insignis gloria prima domûs.
 Styptica gens illi est, quam gentibus Hæmatagogis
 Infensam virtus ambitiosa facit.

Sed fat habet levibus dictis tenus ire simulas,
 Et nunquam humano perfurit illa modo.

5.

Magna (nec invideo) certè laus maxima vobis,
 Gentis hirudineæ stirps numerosa, datur.

Purpureum meritò depellitis arce Tyrannum,
 Ejicitur patriâ jure homicida cruor

10

V. 1. Sic dicta per Excel-
 lentiam; Græcè *Ἀπρόγλαρον*
 à figura folii dividitur ab illis
 in duas species, *Πεντάφυλλον*,
Quinquenervia, Anglicè *Rib-*
wort, vel *Rib-wort Plantain*
 (quæ & *Plantago angustifolia*
 dicitur) & *ἑπτάφυλλον*, *Septi-*
nervia, Anglicè *May-bred*,
Plantago latifolia. Vix possunt
 numerari facultates quæ huic
 plantæ assignantur. Quod ad
 institutum nostrum sufficit, pro-
 feram mea usitata testimonia.
 Plantago apponitur in lanâ in
 dolore vulvæ, in strangulatu bi-

bitur. *Plin. l. 26. 15.* Et ibi-
 dem, Folia plantaginis pellunt,
 & apposita, vulvas. *Fernel.* au-
 tem, Plantago refrigerat den-
 sâtque; hinc sanguinis eruptio-
 nes omnes cohibet, atque ut al-
 vi profluvia, itâ & vulvæ fluxi-
 ones compescit, & adversus ute-
 ri strangulationes ex lanâ sub-
 jicitur, &c. Reliquæ virtutes,
 ut dixi, tot sunt, ut *Themison*
 Medicus integrum volumen de
 eâ composuerit.

V. 8. Verbum fictitium ab
 Hirudine seu Sanguisugâ.

E 2

Formosam

Formosam imperio vitam premit ille superbo,
 Cogit & insultans multa nefanda pati.
 Lurida lethalis circumfert arma veneni,
 Et comites morbos, agmina longa, trahit.
 Sed quid opus justo superaddere vana timori
 Terricula, & magnum magnificare malum?
 Dum nimium tragicè sævum depingitis hostem,
 Horribilis magis est, credibilisque minus.
 Heroem minuit fictis quem laudibus auget,
 Et demit veræ gloria falsa fidem.
 Geryonem occidit, Factum memorabile! at ille
 Tergeminus fuerat; jam dubitare licet.
 Sed facile est vobis monstrum quodcunque domare;
 Sed nobis monstrum credere difficile est.
 Legisti Græcos nimium, dictamne, Poetas,
 Legisti, atque artem te didicisse puto.
 At mihi crede tuis quid de popularibus unus
 Dixerit, illorum te meminisse decet.
 Sit Dea Rubigo, segetem tamen arbitror almam
 Non ita corrumpit mensibus illa suis.
 Et pleno nocuisse cado plus mille puellis
 Unius certum est ora bibacis anūs.
 Nec furit hoc quisquam gustato sanguine, multos
 Efficit insanos sed locus unde venit.
 Nam curare canis rabiosi vulnera certè
 Ille tuus nimium Plinius autor ait.
 Foemineum si vitet apes perterrita tactum,
 Nescio; sed tactum foemina vitet apes.

V. 27. *Κῆρος αἰὲν ψεύσει,*
Gr. citatum à D. Paulo ex E-
 pimenide Cretenfi.

V. 29. Vide Ovid. Fast. 4.
Flamen in antiquæ lucum Ru-
biginis ibat, &c.

V. 35. Inter omnes conve-
 nit, si aqua potiusque formi-

datur à morfu canis, suppo-
 sita tantum calici laciniâ tali,
 statim metum illum discuti,
 videlicet prævalente sympathiâ
 illa Græcorum, cum rabiem ca-
 nis ejus sanguinis gustatu inci-
 pere dixerimus. *Plin. l. 28. 7.*

Fatalem in venis fineret stagnare cruorem;

A pulso siquidem ruta necanda foret.

40

Tu quoque deberes melius tibi, Bacchica planta,

Atque corymbifero consuluisse deo.

35 Nam quòd ait rigidos gladios ferrumque retundi,

Dii bene, si pestis summa sit ista bonæ.

Atque utinam facies pulchra incorrupta maneret, 45

Corrumpat speculum donec & illa suum.

Sed quid ago? fati hæc miracula græca refellit,

20 Foemina quòd tanto non perit ipsa malo.

Occupat hîc (dictis ut gaudet semper acutis,

Et spinam in linguâ fertur habere) rubus.

50

re; Non tantum his, aliis datur & serpentibus, inquit,

Ut sua nè noceant sæva venena sibi.

35 Nec perimens vultu basiliscus cuncta, periret,

Si vultum in speculo cerneret ipse suum.

Subrîpere, levique omnes tremuere cachinno;

55

A vento credas prætereunte quati.

Nam Cynico frutici libertas magna dabatur,

30 Hanc usu propriam fecerat ille sibi.

Plantago interpellari stomachata refedit,

Et pulchro incepit protinus ore rosa.

60

Dicentisque pudor faciem commendat honestus,

Gemmantem verno flore rubere putes.

35 V. 41. Hedera. Deme meis hederas, Bacchica ferta comis, Ovid.
Corymbi, baccæ hederaceæ.

R O S A.

T A M fera foemineo quæ toxica sanguine misces,
Cretica (nam nostram tangere nolo rubum)

V. 1. Rosa. Inhibet fluxiones oleum rosarum ad uteri refrige-
mulierum, maxime albas, in posâ rationem, & immodicis Menfes
potus (succus) Plin. 121. 19. Et cohibendos, præscribit Fern. &c.

Aspice quàm vivo saturretur murice vultus,
 Quàmque ardens cytini fulgeat ore decor.
 Aspice quàm nullus nec flos nec flora sit ipsa
 Mollior illarum candidiôrve cute.
 Et ferrugineas juxtà simul aspice formas,
 Tectaque echinato cortice membra virum.
 Horrentem dices violetis crescere ruscum,
 Plorabísque feris lilia mixta rubis.
 Sit tibi tum ratio judex, sint lumina testes,
 An pura impurus corpora sanguis alat.
 At tu tinctoris vitiatum crede lebetem
 Decolor unde venit, non satur unde colos.
 Si nihil hic peccat, dices, justissima nollet
 Infontem patrio pellere Luna solo.
 Hic nihil in vitio est, sed copia peccat, & illum
 Publica (quæ summa est lex) jubet ire salus.
 Sic si fortè olim numerosæ prolis abundat,
 Nec populis regio sufficit ipsa suis,
 Haud illi indignum est alias dimittere partem
 Quæsitum terras, exiliúmque pium est.
 Sed plusquam fatis est cumulat cur foemina ? crede,
 Naturæ nunquam prodiga luxuria est ;
 Contenta est paucis, nec, avari more nepotis
 Congerit immensas, ut malè perdat, opes.
 Certè opus est facto quicquid facit illa : quid ergò ?
 Non locus hîc dubio ; res sibi testis adest.
 En toto ut durat vindemia sanguinis anno,
 Pressus & assiduè de nova vina chylus :
 Plena tument semper reparato torcula succo,
 Quem calida & satiens mascula vita bibit.

V. 4. Cytinus flos mali pu-
 nicæ sativæ, cujus est vividissi-
 mus clarissimûsque rubor. Ba-
 laustium sylvestris flos est.

V. 8. Echinus tegmen spi-

nosum castanearum. *Plin. Ar-*
maturum his echinato cortice val-
lum est, Lib. 15. 23.

V. 9. Anglicè *Butchers*
Broom. Virg. *Horridior rusco.*

At mulier de fonte suo moderatius haurit,
 Frugalisque penum non vorat omne calor.
 Vitalem in magnos thesaurum congerit usus, 35
 Naturam humanam decoquere ille vetat.
 Nève ea sufficeret generando symbola nato
 Quam confert misto semine uterque parens,
 Ni pia mantissam vellet superaddere mater,
 Perficerétque sui larga cruoris opus. 40
 Nempe cruore rubens, at candens semine constat,
 Et pars principium concolor omnis habet.
 Hoc ligna, atque illum lapides præbere putares;
 Vivâque conjunctis surgit utrisque domus.
 Ille beneficii reus actus, lethifer ille, 45
 Cui tu Nessæum virus inesse putas,
 (Et mirum est sanè nisi vestem tinxerit illo
 Quâ miserum occidit Deianira virum)
 Componit teneri sanguis primordia foetus,
 Et dat per menses blanda alimenta decem. 50
 Nec satîs hoc illi, chara inter brachia matris,
 Hospitis occurrit rursus ad ora sui.
 Mutato occurrit mutatus tramite & ipse,
 Secretam emensus qualem Arethusa viam;
 Mammarumque duplex gemino de fonte resurgit, 55
 Flumine vel ripis candidiore suis.
 Potavit tales olim gens aurea rivos,
 Fælicis tales reddidit uber agri:
 Simplicitasque virum, candorque & lactea corda
 Infantum facili digna fuere cibo. 60

V. 39. Mantissa, additamentum rei quæ venit, quasi manu tensum, quia ultra pondus quod exigitur hoc manu datur. *Lucil.*
 Mantissa opsonium vincit. *Angl.*
Over-measure, Vantage.

V. 48. Herculem: Vide fab. *Ovid. Met. 9.*

V. 54. Fons Achaiz notissi-

mus, qui sub terrâ marique dilabens in Ortygiâ tandem Sicilia erumpere dicitur. Nec minus mirabiliter hic sanguis (ex communi sententiâ) ab utero per venas hypogastricas in mammaribus, perque illas in mamillas ductus, papillis tandem tanquam è fontibus duobus erumpit.

O iusta & prudens naturæ cura parentis!

Quàm propria ætati pabula cuique dedit!

Cùm nondum jecoris perfecta operaria cella est,
Matre laboratus pignora sanguis alit.

Cùmque modò ornatâ novus ignarûsque tabernâ,

Vix sua noscit adhuc munia tyro calor:

Mite rudimentum tingendi murice lactis

(Discenti pensum quàm-puerile!) datur.

Materiâ victor se tandem exercet in omni,

Gaudet & impensis luxuriare suis.

Dicite nunc tetrum membris cumulare venenum,

Quo dulces foetus provida mater alat.

Propinant duræ pueris aconita novercæ,

Alma parens haurit de meliore notâ.

Unde sed infanti tam (quæres) utilis humor,

Tot morbos matri tantâque damna ferat?

Ille quidem prodest natali vividus alveo,

Egestus venis exanimis que nocet.

Ille quidem egestus vicino littore torpet

Naufragus; efferri mortuus ille velit.

Hoc fortuna negat? se vindicat ipse relictus;

Omniâque infesto membra vapore replet.

Sed (puto) maturi sapiant quid ab arbore fructus

Indicium præbent, cùm putruère, malum.

Candida sic vitæ domus est in semine puro;

Semine corrupto mors stabulatur atrox.

De vita mors est testis non æqua, nec ipsum

Crede oluisse hominem, qualè cadaver olet.

At tu legitimo labentem tempore rivum,

Cùm nullâ vitium traxerit ille morâ,

Non minùs affirmas, dictamne severa, nocentem,

Nec morbos morbo ferre, sed ingenio.

Nè tibi cuncta negem (memoras quæ plurima) monstra,

(Quæ vel falsa quidem, vel bene rara puto)

Corpore siqua latent abstrusæ semina pestis,

(Corpore in humano qualia sæpe latent)

Unâ eadêmque operâ fugat hæc natura, cruori
Porta redundantî cûm referata patet.

Hinc fortè accipiunt alienum menstrua virus;

Et comites fraudi est non habuisse bonos.

100

Sanguinis hæc culpa est? non sum ipsa venefica, siquis:

Cum succo biberit mista venena meo.

Dixit, & ambrosium dictis spiravit odorem:

Sed multas contrâ differuisse ferunt.

Phœbæ tandem petitur sententia laurus:

105

Phœbæ laurus verba habuere fidem..

L A U R U S.

QUæ fors magnorum est, inquit, non rara virorum;
O famose cruor, contigit illa tibi.

Plus æquo culpantur ab his, laudantur ab illis;

Nec mediocre odium est, nec mediocris amor.

Hic præjudicio mentitur, & ille favore;

55

Rumorisque omnes discolor aura ferit.

Dictamnum auditis? nullo non foemina mense.

Deducit lunam saga veneficiis:

Nec miscere herbas opus, aut fatalia verba;

160

Medea esse potest sanguine quæque suo.

At siquid veri pulchro rosa protulit ore,

Quæque suo mulier sanguine diva bona est.

Purpurea hinc teneræ suspendit stamina vitæ,

Subtexitque operi iusta alimenta rudi.

Sed, cui chara feror, nisi me deludat Apollo,

155

Simque sacrum frustra cingere sueta caput,

Nec format talis, nec nutrit corpora sanguis;

Nequicquam falsâ laude triumphat iners.

Quæ me multa movent non hîc memorare necesse est:

Unum hoc multorum pondus & instar habet.

20

Nam mulier cunctorum animantium sola reperta ē.

Quam vena immodico menstrua fonte rigat.

At pecus omne tamen parit intra viscera foetus,

Vincit & humanum fertilitate genus.

Quot (monstrum!) exiguus fertur peperisse simul mus?

Paucāque Trojani pondera ridet equi.

Quantum ô montosus circumfert molem elephantus?

Visus & est utero turriger esse suo.

Fertilitate tuos, Lucina, cuniculus orbes

Benè æquat; vix tu sæpius ipsa tumes.

Nec tamen hunc foetum thesaurus sanguinis ullus.

Pascit, venarum nec reserata penus.

Nempe in conflictu sexûs utriusque jocofo,

Scintilla excutitur corpore viva maris,

Quam medio tutè latitantem in semine fugit

Vis uteri sitiens, interiùsque rapit.

In cellam rapit arcanam implicitòsque recessus,

Discindentum oculis vix adeunda loca.

His virgo in thalamis animæ scintilla recumbit

Fœminæ, ac pleno nubilis igne viget.

V. 21. Solum animal menstruale Mulier, indè unius utero, quas appellant Molas. *Plin.* 7. 15.

V. 25. Supra cuncta est murium foetus, haud sine cunctatione dicendus, quanquam auctore Aristotele, & Alexandri Magni militibus, generatio eorum lambendo constare, non coitu, dicitur. Ex una genitos centum & viginti tradiderunt; apud Persas verò prægnantes & in utero parentis repertas; & salis gustata fieri prægnantes opinantur. Itaque definit mirum esse unde vis. tanta messes populetur murium agrestium. *Plin.* 7. 10.

65. ubi de mure fœminâ loquens adjectivum adjungit fœmini generis; sed usitatius aliter facit. Sic ejusdem *lib. cap. 16.* Mus marinus in terrâ scrobe effossâ parit ova. Et de Corvis, *lib. 10. 12.* Corvi pariunt cum plurimum, quinos: ore eos parere vulgus arbitratur. Et sæpe eodem modo, unde ad ejus exemplum sequitur Elephantus montosus, & turriger; quanquam Plautus adjectivum fœmininum Elephantum fœminæ addat in Stichis, Solere Elephantum gravidam perpetuos decem esse annos. Sed putant gravidam regi à verbo subintellecto, nempe fœminam.

Jungit utrasque Venus, & connubialia sese

Incipiunt mistâ puncta movere face.

At circum rubor attritu motûque duorum,

Et sanguis, signum virginitatis, adest.

Ut placuit florens, Inventum nobile, sanguis !

Et semel inventis addere prona via est.

Néve augere labor minimum quem eliseris ignem,

In promptu fomes si satis aptus erit.

Non opus est alios flammæ inducere rivos ;

Hoc fulvas tactu gignit Elixer opes.

Adsit materies, & non dignabitur ulla

Æternis Vestæ cedere flamma focis.

Guttula sic crescit primi generosa cruoris,

Et spernit factò sanguine fortis ali.

Album principio nativi seminis haurit,

Atque opibus læta est ædificare suis.

Hæc cum deficiunt, tum vita operosior exit,

Et bene maternam sedula poscit opem.

Materiam poscit, sed quam sibi præparet ipsa,

Et puram roseo murice tingat agens.

Namque uteri plenis hærescens lacte mamillis

Venarum multo jugiter ore bibit.

Aspice vitales modò natum in luminis oras,

Quàm promptus lactis nota alimenta petit ?

Blanditias mammis facit, arridetque papillis,

Et gaudet veterem se reperisse dapem.

An pascet prolem natura cruore tenellam ?

Proh scelus ! hæc morum sæva elementa dabit ?

Tale rudimentum quid mirum si genus ipsum

Efferat humanum, Cannibilesque facit ?

Non illaudati mirarer facta Neronis

Impia, nec furias, tristis Oresta, tuas ;

V. 56. Elixer verbum est Arabicum, sed in rebus quas Romani ignorârunt necesse est ut vocabulis utamur non Latinis, &

ridiculè superstitiosus est qui id vitio vertit.

V. 63. Umbilicalium.

Si Deus infantes materno sanguine nutrit,
 Et primam miseris hanc jubet esse sitim.
 Restat adhuc causam fluxûs aperire rubentis, 75
 Qui tantâ fontem religione tegit.
 Fœmina bruta parit, catulôsq; in ventre saginat;
 Nec venas ideò tunderè luna solet.
 Pro causâ quærendum aliquid quo sola superbit,
 Quod proprium mulier præcipuûmque tenet. 80
 Atque hoc occurrit solum mihi multa putanti,
 Quòd superat formâ mollitiêque virum.
 Non equa vincit equum, non taurum vacca; sed ista
 Si digna est Io, dignus & ille Jove est.
 Si leo tu torvus visu, tua torva læna est; 85
 Terribilêsq; minùs non quatit illa jubas.
 Nec magis ursa rudi concinnè lambitur urso,
 Nec nitido magis est apta figura polo.
 Fœmina nec tigris maculâ est ornatior unâ,
 Et sus fulmineo conjuge fœda magis. 90
 Non avis incultum ridet decorata maritum;
 Peniculo æquali pingit utrumque deus.
 Mollities candôrque idem commendat olores,
 Nec sexum aspectu Leda vel ipsa sciat.
 Quid? gracilîsne magis, vel bella est fœmina piscis? 95
 Squammarûmve auro nobiliore nitet?
 Se satis hîc armat nudo Venus improba sexu;
 Addere nec formæ tela necesse putat.
 Nulla sagittiferis oculis victoria parta est;
 Rem peragit totam conciliator odor. 100

V. 84. Io in Vaccam; vide
 Fab. *Metam.* 1. Jupiter in Tau-
 rum, *Met.* 2.

V. 88. Callisto à Junone in
 ursam commutata, à Jove in
 etelum translata, efficit Ursam
 Majorem quæ Arctos dicitur,
 Vide Fab. *Met.*

V. 90., Apro.

*Fulmen habent acres in aduncis
dentibus Apri.* Ovid.

& passim alii

V. 94. Utpote quæ cum
 oløre concubuerit, notitiâmq;
 habuerit.

At gentem humanam formosior ignis adurit,

Nec rationis egens, nec sine luce calor.

Nec facit hunc coitus brevis & coenosa voluptas:

Ah! pereant, quibus hæc sola vocatur amor.

Larga venustatem tribuit natura puellis,

105

Et nivei blandas corporis illecebras.

Auratâque viros voluit retinere catenâ,

Et frænare vagos dulcibus imperiis.

Nec solùm incestas turpissima pascere membra,

Sed spectantum oculis gaudia casta dare.

110

Sanguinâ hinc partem, pressura novissima tandem

Quem facit, & duri vilis amurca chyli,

Quæque pilos abit in tristes barbâque ferocem,

Densatæque infert nubila fusca cuti,

Derivare omnem voluit de corpore pulchro,

115

Laxatâsque dedit Lunæ aperire vias.

Quòd si impura suis decurrere flumina rivis

Fors vetet, & magnus digerat ille calor,

Paulatim formam mulier solidata virilem

Induit, & stupor est qui fuit, Iphi, tuus.

120

Sic Phaethusa pilis sibi totum horrescere corpus

Mirata est, densas & fruticare genas.

Sæpe manum damnans speculum sibi poscere testem,

Et speculum damnans sæpe referre manum.

Ipsa diù proprio est infælix territa vultu;

125

Ipsa diù infælix territa voce suâ est.

Hæc & plura quidem (sed quis pote cuncta referre)

Veridico edocuit laurus amata Deo.

Hinc ærumnosi dura ad miracula partûs

Se via sermoni præbuit ipsa ducem.

130

V. 117. Aliter enim morbi
morsque consequentur.

V. 121. Pithæi Abderitæ
Conjux, quam refert Hippocrat.
lib. 6. Epidem. cùm antea fœ-
cunda fuisset, viro exulante

mensibâsque subsistentibus, to-
to corpore hirsutam factam es-
se, barbam erupisse, vocemque
asperam & virilem effectam;
idémque Nemisæ Gorippi con-
jugi contigisse.

Obstetrîxque

Obstetríxque loqui iussa est Junonia planta,
 Quæ meritum à Lochiis optima nomen habet.
 Arrexit caules, & non invita loquuta est,
 Nec piguit proprium commemorare decus.

V. 131. Aristolochia Juno-
 ni Lucinæ sacra: Nominis cau-
 sa quòd sit *ἀρλόχη τῆς λοχείας*,
 non *λεχέας*, ut in *Plin.* le-
 gitur, *optima parturientibus* Vel

à Lochis, i. e. purgamentis om-
 nibus post partum, quæ feliciter
 expellit.

V. 133. Habet enim caules
 humi arrepentes.

A R I S T O L O C H I A .

ET florem, & baccas virides, & semina fundo;
 Patronámque uteri non sterilem esse decet.
 Sed magis est altè mea summa recondita virtus,
 Et fructus radix maximus ipsa mihi est.
 Hanc natura uteri signavit cauta figurâ,
 Nec passa est vires dissimulare suas.
 Indè vocor terræ malum; tam nobile malum
 Non ipse Hesperidum lucidus hortus habet.

V. 1. Angl. *Birthwort*.
 Plurimis modis Aristolochia
 prodest; nam & menses & se-
 cundas sciēt, & emortuos par-
 tus extrahit: myrrhâ & pipere
 additis, pota vel subdita: Vul-
 vas quoque procidentes inhi-
 bet fotu, vel suffitu, vel sub-
 jectu, maximè tenuis. *Plin.*
lib. 26. 15. Nostri Malum
 Terræ vocant, & quatuor ejus
 genera servant — omnes co-
 lore buxæ, caulibus parvis,
 flore purpureo; ferunt bacu-
 las parvas ut Capparis. Va-
 lent radice tantum —
 Odor omnium medicatus, sed
 oblongæ radici, tenuiorique
 gratior — Oblonga in sum-
 mi gloriâ est; si modò à con-
 ceptu admota valvis in carne

bubulâ, mares figurat, ut tra-
 ditur. *Plin. lib. 25. 8.* Quod
 postremum dignius erat hoc
 poemate quàm opere Philoso-
 phico inferi; imò nè hoc qui-
 dem dignum. Libet adjungere
Fernel. Aristolochia utraque
 menses, secundas, & foetus cum
 myrrhâ & pipere pota pellit;
 subdita eadem præstat, & ute-
 ri sordes expurgat.

V. 5. Crollius, qui in Sig-
 naturis Plantarum multus est;
 hanc similitudinem inter figu-
 ram uteri atque radici Ari-
 stolochiæ rotundæ observavit,
 ut arbitror, primus. Quantam
 vim habeant hæ signaturæ re-
 rum nescio; Poeticæ non ma-
 le conveniunt.

Dignius.

Dignius hoc tolli (tu nupta fatebere) cursum
 Quàm quod tardavit, pulchra Atalanta, tuum. 10
 Hinc proprio fovet amplexu, nec pondera tanti
 Ausa est arboribus credere mater humus.
 Néve in me partus solventem molliter omnes
 Mirandus terræ est omniparentis amor.
 Non falsus fuit ille animi qui carmine dixit, 15
 "Præsentem monstrat quælibet herba deum.
 Nec falsa Egyptus coluit sanctissima quondam
 Florenti virides quæ pietate deos.
 Roma, quid indulges rhonchis? "Nascuntur in hortis;
 "Nascuntur campis numina densa tuis. 20
 Quid seges est nisi flava Ceres, & vitis Iacchus?
 Vestitúrque deis religiosus ager.
 Et Lucina ego sum; valvis bipatientibus arctas
 Laxato vitæ cardine pando fores.
 Ignoscas precor ô temerè mihi, Luna, loquutæ, 25
 Impia si mihi vox excidit ore pio.
 In me tu numen, tu in me Lucina moraris,
 Et sub personâ te tenet herba deam.
 Claudis & exiguo nostræ radicis in orbe,
 Virtutum partem quas tuus orbis habet. 30
 Ingentes refero victrix de morte triumphos,
 Armis usa meis, viribus usa tuis.

V. 9. Notissima fabula: Vide *Metam.* 10.

V. 15. * * * * *

V. 17. Allium cepâsque inter deos in jurejurando habet Egyptus. *Plin. lib. 19. 6.*

Porrum & cepe nefas violare aut frangere morsu. Juv.

Sat. 15.

V. 19. A Romanis irridebatur hæc superstitio Ægyptiorum, quanquam omnigenarum Deorum avidissimis, ut patet (præter multa alia) ex illo notissimo scommate,

O sanctas gentes quibus hæc nascuntur in hortis

Numina! ——— Juv. Sat. 15.

Sum præfecta viis, totúmque in corpore purgo,
 Perfuncta Ædilis nobile munus, iter.
 Dilato angustum nimis, obstructúmque recludo, 35
 Et latè præceps omne quod obstat ago.
 Nulla objecta mora est animæque animæque ministris,
 Nè possint puras ire redire vias.
 Sentinas etiam exsicco, foedásque paludes,
 Hæreat in medio nè vaga turba luto. 40
 Sed mihi mandata est curá propiore tuenda,
 Ducit ad ætherias quæ Via Sacra plagas.
 Cimmericas patriæ tenebras cùm linquere vellet,
 Et nova cognatum cernere vita diem,
 Thermopylas uterì nè mors prius occupet obsto, 45
 Præcludátque arctum nè vigil hostis iter.
 Mireris (nam, mirorum ditissima mater,
 Nil natura magis prodigiale facit)
 Quo materna modo pondus malè mobile possint
 Tantillo tantum claustra tenere sinu; 50

V. 33. Aristolochia, præsertim rotunda, calida atque sicca tertii gradûs initio, adeoque validè cerebri & Pulmonum lentam crassâque pituitam expurgat, ut epilepsie ab utero, tussi & asthmati conferrat, & interiores rumpat abfcessus, & abortum quoque provocet. *Fernel. lib. 5. Med. Med.*
 Et, Aristolochia utraque amara & subacris, abstergit & digerit, sed rotunda crassos humores validiùs extenuat, & ab iis natas obstructions promptiùs expedit; hinc asthmaticis, suspiriosis & pleuriticis auxilio est, *cap. 20.* Aristolochia multò validiùs lienem obstructione liberat, laterisque doloribus auxiliatur. *cap. 24.*

V. 39. Putrescentia sanat & sordida expurgat. *Fernel. Ibid.* Et Aristol. utriusque radix strenuè abstergit, sed rotundæ potentius; putredines sanat & exest, ulcerum sordes expurgat, vermésque necat & extrahit. *Id. lib. 10.*

V. 42. Uterus, membra muliebria.

V. 45. Celeberrimæ angustie montium in Græciâ, quas Leonidas Rex cum quatuor millibus occupavit, & numerosissimo Persarum exercitui aditum in Græciam intercludere ausus est; dictæ à *πύλαι*, *Portæ*, i. e. angustie montium, & aquis calidis scaturientibus, quæ cum cervice uteri non malè conveniunt.

Quo moles tam magna modo, quo fulmine adacta,
 Transeat angustæ limina clausa foris;
 Compages uteri quo dura reciprocet æstu,
 Quo sese evolvat, quo replicetque modo;
 Quid laxet nodos quâ vi solida ossa dehiscant, 55
 Quâ subeant iterum vincula nota fide.
 Non opis hoc nostræ, nec quicquid ubique potentum
 Herbarum est, quotquot maxima terra parit.
 Ipsaque vósque meæ, non segnis turba, sorores,
 Instrumenta operis parva, sed apta, sumus. 60
 At peragit deus (ut facile est agnoscere) primas;
 Nam dignus tanto vindice nodus adest.
 Ille jubet crescenti uterum decedere proli,
 Crescentique utero cedere membra jubet:
 Et concurrentis Symplegados ora resolvit, 65
 Atque aperit molli saxea claustra manu.
 Interea forti conatu industrius infans:
 Et capite audaci fissile tentat, iter:
 Interea magno mulier disrupta dolore,
 Commotum totis artubus urget onus: 70
 Et meus instigat penetrabilis ardor utrumque,
 Et rarecentes cogit hiare plagas.
 Sæpe intra miseræ funebria viscera matris,
 Heu! nondum proles nata, sepulta jacet.
 Incestat patrias vitæ mors impia sedes, 75
 In tam foecundo fertilis ipsa loco.

V. 55. In partu ossium commissuræ, nempe synchondrosis coxendicis cum osse sacro & pubis, & coccygis synneurosis solvuntur & mollescent.

V. 61. Nec deus interfit, nisi dignus vindice nodus

Inciderit, — Horat.
 Hic autem contra regulam Horatianam non peccatur.

V. 63. Symplegades insulæ, vel potius scopuli, in ostio

ponti Euxini, quas inter se concurrere poëtæ finxerunt. Vide *Valer. Flac. lib. 4.* Et singularis in usu est Συμπληγάς.

Si constringantur geminæ Symplegade culi. Mart.

V. 68. Omnia animalia naturaliter in caput exeunt; oblique autem, vel in pedes, contra naturam, *Aristot. Hist. Anim. l. 7. 8.*

Spargit

Spargit lethiferos inclusum funus odores,
Sarcophagumque suum (monstra!) cadaver edit.

Quis credat? Matrem tollit præposterus infans;
Et tumulum vivum mortuus ipse necat.

80

Prodigium castæ dii tantum avertite genti;
Nec nisi adulterio sit labor ille datus.

Quà licet auxilior; putridum salvâ arbore fructum
Stringo; concussus molliter ille cadit.

Gaudeo, nè tantâ præceps eat ipsa procellâ,
Quassatæ merces præcipitare ratis.

85

Sæpe fugit vinclis proles temeraria ruptis,
Exuvias linquens sarcinulâsque suas.

Linquitur & chorion tunica, atque subucula ralla
Amnios, & turgens lacte placenta penus.

90

Lucinam implorat mulier recidiva secundam,
Nec miserè ad partum parturiisse fat est.

Hic etiam miseræ succurro, uterumque repurgo:
Nec facilis, purus nec nimis ille labor.

Quas ibi sustineam foetris detergere sordes
Scitis; sed nullus vir (precor) ista sciat.

95

Si sciat, amittet multum Venus improba juris,
Et minùs incipies esse, Cupido, ferox.

Sed quamvis arcana in me chirurgica virtus.

Infixa ex alto vulnere tela trahat,

100

Non tua, blande Cupido, revellere spicula conor;
Heu! malè tunc uteri dicta patrona forem.

V. 88. Secundas.

V. 89. Exterior Membrana
foetum in utero circumvesti-
ens, *Χόριον*, interior *Ἀμνιόν*
dicta est; unde hæc subuculam,
illa tunicam refert. *Placenta*
uteri, vel Hepar uterinum, vel
fortasse rectius Mamma uteri-

na, unde infans per vasâ umbilicalia partem nutrimenti haurit.

V. 99. Aristolochia utraque
furculos & spicula extrahit,
squamas ossium illita educit.
Fernel. Ib.

Una in me vis est, quam certè miror & ipsa,
 (Ah quæ se poterit noscere planta fatis ?)
 Omnia sunt tenebræ ; multos meditata per annos, 105
 Quod feci toties quâ faciam arte rogo.
 Nam tanta humanæ quæ præbeo commoda vitæ,
 Piscibus exitium, nec sua fata, fero.
 Ut me libârunt, patrias anima uda sub undas,
 Vitæque cum nullo murmure muta fugit. 110
 Unde hoc fluctivagis bellum cum gentibus ortum ?
 Nam nec eas novi, nec nocuere mihi.
 Et fœcunda magis vivunt animalia nusquam:
 Persequor hæc odio fertilitatis amans.
 Exerit effectus sese, præbétque videndum; 115
 Sub terrâ radix causa profunda later.

V. 103. Piscatores Campa- | calce in mari sparsere: advo-
 niz eam que rotunda est ve- | lant pisces cupiditate mirâ,
 nenum Terræ vocant, corâm- | statimque exanimati fluitant.
 que nobis contusam immistâ. | *Plin. l. 25. 8.*

L E N T I S C U S.

EXcipit hîc oriunda Chio Lentiscus ; & inquit,
 Nunc quod adest, non hoc temporis hujus opus..
 Ut lubet in pisces (non hoc erit, optima, fraudi)
 Et sævi, & totum depopulare mare.

V. 1. Lentiscus, Anglicè
 The Bastick Tree, Græcè
 ῥῖζον, & bacca ejus γαρίδα.
 Nomen Latinum fortassis à len-
 tore lacrimæ & folii. Omnes
 fluxiones, non solum mensium,
 cohibet. Meritò ei hæ partes
 contra fabinam attribuuntur;
 non solum enim obortum pro-
 hibere creditur, sed & ipsa
 semper tœcunda est, ut ex
 Ciceronis versu discimus.

*Fam vero semper viridis sem-
 pèrque gravata
 Lentiscus triplici solius est
 grandescere fœtu;
 Ter fruges fundens tria tem-
 pora monstrat arandi.*

Hujus arboris gummi Mastiche
 dicitur; optimum genus in Chio
 nascitur magnâ copîâ.

Viderit

Viderit hoc Glauci quæ reddit in æquora pisces,

Viderit æquoreos quæ facit herba deos.

Parva queri piget, ô, quando hîc, hîc causa sabina est

Inter tot plantas stare scelestâ pias :

Ausa sacros aditus, & non violabile templum,

Vivificósque uteri cæde replere lares ;

Impatiens sceleris spem nudam occidere vitæ,

Et designatos ausa necare viros.

Infantem tenerum maternis abripere ulnis,

Extremus belli est immodicúsque furor.

Hîc intuta (nefas !) clausi custodia ventris,

Præsidii que parùm viscera matris habent.

At tantùm natos civili tollitis irâ,

Arma novercalis tarda, aconita, manûs.

O ignara mali, simplex & rustica Colchis,

Flagitiique artes erudienda novas !

Medeam erudiet pueros Medea sabina

Doctiùs & citiùs dilacerare suos.

Ingeniosa parùm es, vindictæque inscîa Progne :

Grande moræ pretium est ; hic sine vivat Itys.

Concumbásque fero quamvis invita marito,

Spémque novam Tereo, ventre tumente, feras.

Tunc matura odio, tunc nostram admitte sabinam,

Funestásque utero præparet illa dapes.

Ore calescentes avido vir devoret offas,

Et sua visceribus viscera rapta tuis.

Quem vindicta facit, generosum est crimen abortus ;

Nunc faciunt nugæ deliciæque leves :

Ut vultum famæ componat adultera castum,

Nè ferat indicium criminis ipsa sui ;

V. 5. Fid Fabul. ultimam 13.
lib. Metam. Cùm pisces in ripâ
explicuisset, illi contactâ quâdam
herbâ in profundum præsilue-
runt: admiratus vim herbæ Glau-
cus eum degustat, sêque eodem

modo in mare projiciens Deus
marinus factus est. Prov. Græc.
Γλαύκος φαρῶν πόναν οἰκῶν
ἐν θαλάσσῃ.

Ut vitet sumptus, & sit Venus impia frugi,
Nè tua sit nimium laxa, libido, domus:
Monstrando ventri rugarum ut dedecus absit,
Et matronales (res inhonora) notæ.

Omnibus his causis æquè officiosa sabina est,
Nobilis ingenii sedulitate mali.

Si conspirarent homines cum germine tali,
Mox cultor vacuo nullus in orbe foret.

Vos brutis oculis spectacula vana daretis,
Materies vestræ tota deesset opis.

At vos, quæ rapidum sufflamine stringitis ævum,
Et Parcis dulces nectitis arte moras,

Utque estis pictæ florentia sidera terræ,
Jure homini vitæ fata necisque datis,

Vos, ô, infantum viva incunabula foedè

Vexantem, arboream flammâ abolete strygem.

Hostem naturæ sceleratam tollite, & ipsum

Ter madidâ lauru ritè piate locum.

Se saltem Cretæ teneat natalibus arvis,

Pasiphaes uterum digna subire gravem.

V. 45. Machina quâ currus
descensu prono rapidus stringi-
tur, i. e. retinetur.

*Ipse rotam stringit multo suf-
flamine Consul. Juv. 8.*

Unde Augusti dictum. *Hatterii*
ingenium sufflaminandum esse.

V. 47. Eodem jure fortasse
quo Cœli sidera.

V. 50. *Noctæ volant, puerosq;
petunt nutricis egentes.*

*Et vitiant cunis corpora rapta
suis:*

*Carpere dicuntur lactentia vi-
scera rostris,*

*Et plenum pocò sanguine gut-
tur habent.*

Est illis Strigibus nomen, &c.
Ovid. Fast. 6.

V. 52. Ritus antiquus lu-
strandi.

— *Cuperes lustrari, si qua
darentur*

*Sulphura cum tædis, & si fo-
ret humida Laurus.*

V. 53. Ubi magnâ copiâ
crescit, & unde in alias regio-
nes provenisse creditur. Qui-
dam Creticam Cupressum ap-
pellant, teste *Plin.*

V. 54. Quæ Minotaurum pe-
perit,

*Semibovémque hominem, se-
mihominemque bovem.*

*Gravem, i. e. gravidum: sic
Quinctil. Gravis fructu vitis.*

Corporis

Corporis hîc duplicem unius fecisset abortum :

O iterum nullo palma futura die !

Sed, puto, maternâ nunquam voluisset in alvo

Tam magnæ monstrum dilaniare spei.

Nam pueros septem forti faustoque quotannis

Ore voraturus semivir ille fuit.

Curre, sabina, redi in patriam ; nec fortè queremur

Dictamnus tecum si popularis eat.

His dictis divisi animi ; varióque tumultu,

Murmure & incerto concio tota fremit.

At frondis commota Sabina erexit acutas,

Ut viso arduentes hoste Læna jubas :

Cuique prius ternos mater Natura calores

Attribuit, calidam jam quater ira facit.

V. 59. Minos victis Atheniensibus hanc iussit esse partem stipendii quam penderent, ut septem nobiles pueros quotannis in Cretam mitterent Minotauro obijciendos.

V. 62. *Dictamnus Popularis*,

eiusdem patriæ, nempe Creticæ. Dictamnus autem mirè efficac creditur ad expellendum embryonem.

V. 67. Vulgò dicunt *Calidam* tertio gradu.

S A B I N A.

TUne, miselle frutex (his turbida vocibus inquit)

Túne inimicitias, ambitiose, meas ?

Tu celebrem mundo maledictis stringere plantam,

Et multâ notam laude, miselle frutex ?

V. 1. Herba sabina, Brathy appellata à Græcis, duorum generum est, altera Tamarici similis folio, altera Cupresso ; quare quidam Creticam Cupressum dixere — partus emortuos apposita extrahit & suffitu. *Plin. lib. 24. 11.* Anglicè *Sabin* dicitur. Crollius in eâ sig-

naturam venarum uteri vidit, mirâ (ut mihi videtur) perspicacitate. Sabina (inquit *Fernel.*) tertio est gradu calidorum & siccorum, acris & validè digerens. Menses, siquid aliud, provocat : foetum etiam viventem enecat & mortuum ejicit.

Tu,

Tu, dentis medicina cavi, quam sede remotâ

Vix in tonstrinis ultima theca capit ?

I nunc, votivas circum suspende tabellas,

Atque onerent ramos parta trophæa tuos.

Inter tot titulos monumentâque tanta laborum,

Pars putridi dentes maxima laudis erunt.

An quoniam flentes tua lacrima dura catarrhos,

Et decurrentes lignea sistit aquas,

Naturâmnè putas tenui constringere vinclo,

Conceptûsque udam posse inhibere fugam ?

Non itâ ; sed nomen fallaces vana per artes,

Et magno vilis planta licere, cupis.

Quod non es simulas, famæque imponere quæris :

Non ego sed quæ sim dissimulare volo.

Confiteor nondum natos me avellere foetus :

Uttere confessæ commoditate reâ.

Confiteor ; nec tu, matre indulgentior ipsâ,

Lacrimulis poteris hoc prohibere tuis.

Te comedat, totam te prægnans allinat alvum,

Junge & cum lentâ mascula thura pice ;

Et lapidem gestet (labor hic est Hercule dignus)

Herculeum ; vires, credo, habet ille tuas.

Scilicet ille hominis primordia ferrea duri,

Invictâ retinet fortiter ille fide.

V. 5. Nempe Mastiche, lacrima ejus, in doloribus dentium vulgatissimum remedium. Mastiche laudatissima Chia, candida. *Plin.*

V. 13. Ad firmandum foetum atque uterum in iis quæ abortui sunt obnoxie nihil frequentius à Medicis quam Mastiche & intus & extrâ adhibetur.

V. 25. *Lap. Herc. i.e.* Magnetem, ob admirabiles vires sic dictum. In manum gestet gravis (quæ abortum timet) magnetem, vel umbilico apponat : brachio alliget, & sub aliis gestet lapidem aquilæ, vel qui in utero cervæ aliquando reperitur : Corallia item, Jaspidas, Smaragdos, Adamantas. *Sennert.* Aliique passim eadem.

Adfint

Adfint coraliúmque smaragdorúmque cylindri,
 Et circum digitos plurima jaspis eat ;
 Indomitúsque adamas, & proles unio conchæ,
 Quæ fele & prolem claudere docta suam.
 Ante omnes prægnantem Ætiten ferre sub ulnis
 Sit memor ; imò illi consule ferre duos.
 Nil gerit in gravidâ sobolem constantiùs alvo ;
 Æternùm sobolem providus ille gerit.
 Omnia cùm faciet, faciet tamen omnia frustra,
 Attingat succos si simul illa meos.
 Confiteor ; neque ero naturæ ingrata benignæ,
 Nè tibi displiceam quæ mihi nulla places.
 Hoc natura dedit, puto te sapientior, ipsa,
 Arboreus quamvis tu videre Cato.
 Non in proliferam soleo subrepere furtim,
 Aut dominâ invitâ vi penetrare domum.
 Mallem ego formoso formosa virefcere in horto,
 Atque illibatas integra ferre comas.
 Discerpor, tundor pilis, cædémque coacta
 Sum facere indignam, sed priùs ipsa pati.

V. 29. Claudian. dicit,

— *Vellitque Corallia Clotho* ;
 & Græcè scribitur *καρχήσος* cum
 o : sed his prævalere debet O-
 vidii autoritas, qui bis in *Met.*
 4, & 15. habet Corallium.

V. 29. Cylindros ex iis
 (smaragdis) facere malunt quàm
 gemmas, quoniam est summa
 commendatio in longitudine.
Plin. lib. 37. 5.

V. 31. Margaritarum etiam
 pulvis passim præscribitur.

V. 33. Ætites Lapis ex
 argumento nominis magnam fa-
 mam habent ; reperiuntur in ni-
 dis aquilarum : aiunt binos in-
 veniri, marem & foeminam, nec
 sine iis parere quas diximus a-
 quilas, & ideo binos tantum—

Huic est in alvo lapis qui voca-
 tur Callimus— Ætitz omnes
 gravidis adalligatz mulieribus
 vel quadrupedibus in pelliculis
 sacrificatorum animalium con-
 tinent partus, non nisi cum par-
 turiant removendi, alioqui vul-
 væ excidunt ; sed nisi parturi-
 entibus auferantur, non pariunt.
Plin. lib. 36. 21. Est Lapis iste
 prægnans ; intus, cùm quatiat,
 alio velut in utero sonante, *Id.*
lib. 10. 3. Suprà alligatus (in-
 quit Lev. Lemnius *de Occult.*
Nat. Mirac.) foetum retinet:
 ad femora applicatus attrahit,
 partumque facilem reddit : &
 hoc usû quotidie in Galliâ com-
 probatum esse.

Jure quidem summo sceleratam Colchida damnas
Numquid & in cultrum transit inepta, scelus? 50

Quid Nemus omne tibi nisi, non es sobria, dicet,
Quando reas vites ebrietatis ages?

Vim Deus hanc tantam dono mihi non dedit; illam
Sed majora sequi dona necesse fuit.

Nam menses utero cunctatricésque secundas, 55
Membráque mortiferum mortua pondus ago.

Et per me liber nativo carcere foetus
Attonito ignotum suspicit ore diem.

Sed nihil, ah! tanto dignum videt ille labore :
Vellet & in tenebras, credo, redire suas. 60

Optaret venisse meum maturius haustum,
Cum nondum vivum perficeretur opus.

Quod scelus appellas, gravis autor, & esse fatebor;
Sed, lentisce, hominum, non scelus esse meum.

Hoc emeret quanti primis sub mensibus infans, 65
Si sciret quòd mox esset iturus iter?

Ah! minimè prorsus decuit producere talem
Augustam in mundum difficilémque viam.

Ad coelum ire putes magnis conatibus ægrum;
Cum poenâ ad poenas nascitur innumeras. 70

Nixibus in lucem prodit lethalibus Infans;
Ipse dolor partus omnia mortis habet.

Ah! quanti Veneris fallacia gaudia constant!
Quam carè matris nomina mater emit!

At tu dilecto cruciata puerpera morbo, 75
Quam vivum torquet (vipera dulcis) onus,

Carpe meum properè folium, nè carpere differ;
Et crede in succo nectar inesse meo.

Protinus impulsu referantur claustra potenti;
Exitus è mundo vix magis ipse patet. 80

Protinus à ramis maturus decidit infans,
Et plorat tantum, matre tacente, puer.

Illà rudi gaudet vagitu oblita doloris;
Ausa animo Venerem mox agitare novam.

F

At

Jure

At tu legitimæ cui desunt tempora Lunæ,
 (Noctem ūteri princeps humida Luna regit.)
 Tu folium nè carpe meum, nè carpe, monebo ;
 Sed longè, quanquam pondere tarda, fuge.
 A me concussus totâ pluit arbore foetus,
 Atque cadit, vel si fructus acerbus erat. 90
 Hoc ego prædico, nè me post damna petita
 Lentisco dicas imposuisse tibi.
 Scilicet innocuæ non peccant spontè puellæ,
 Nulla volens unquam vel gravidata fuit.
 Sed si ego non essem, credo, committere tantum 95
 Nulla quidem posset (da voluisse) nefas.
 Ac centum præstant operam bona germina eandem ;
 Exiliûmque ideo si meruisse putor,
 Exilii comites video non defore nostri ;
 Ibimus in Cretam quàm bene magna cohors? 100
 Ibis, Myrrha, simul mecum, virgo impia quondam,
 Nunc pia, supplicio nunc pretiosa tuo.
 Sed labefactâsti neque tunc, licèt impia, foetum :
 Quem foetum? & crimen quem peperisse fuit.
 Et Panaces magno mortem quod nomine terret, 105
 Cùmque ammoniaco galbana flava suo ;
 Divitibûsque Lafer planta inficianda Cyrenis,
 Ni simul & lucris dulcis adesset odor.

V. 104. Nempe ex patre conceptum. Vid. *Fab. Metam. lib. 10.*

V. 105. Panaces ipso nomine omnium morborum remedia promittit. *Plin. lib. 25. 3. ἀπὸ τοῦ πᾶν ἀκέρ.* Vocatur & Panax & Panacæa, & propter eximias vires, Panax Hercules. *Virg.* appellat *Oloriferam Panaceam*. Est autem Panaces neutrius generis, sicut Caccæthes Nepenthes, Hippomanes. Angl. vocatur *All-heal*. Ab hoc exsudat Opoponax, qui succus

cum multis potestatibus & hanc obtinuit abigendi partus.

V. 106. Galbanum, gummi Ferulæ Syrz, Ammoniacum Cyrenaicæ.

V. 104. Propter odorem foetidum. Planta ipsa Laferpitium proprie dicitur, succus Lafer, i. e. Asa foetida. *Catul.*

Laferpitii vis jacet Cyrenis. Plin. lib. 19. 3. Laferpitium, quod Græci Σίλφοι vocant, in Cyrenaicâ Provinciâ repertum, magnificum in usu medicamentis.

Ibis,

Ibis, thus terræ (nec thura Sabæa moramur)

Ibis tu luto quem, croce, tinxit amor.

110

Ibis ereuthodanum, & colocynthis fellea, mecum,

Pictæque quæ varii terga Draconis habes :

Eminus & tacitis cyclaminus noxia telis,

Nec temero gravidis transfilienda pede :

V. 103. Abiga, *Ground-pine*, de quâ suprâ. Nec *Thura Sabæa* moramur, quia scilicet contrariæ virtutis existimantur, unde Sabina modò,

Junge & cum lentâ mascula Thura pice.

V. 110, Allusio ad versum Tibulli,

Sed nimius luto corpora tingit amor.

Lutum, vel Luteum, vel Lutea, (*λευκόμελον* quibusdam) herba erat croceo colori tingendo in usu. *Virg.*

— *Croceo mutabit vellera luto.*

Crocus amore Smilacis contabescens, in florem sui nominis conversus esse fingitur.

V. 111. Erythrodanum, *Angl.adder*, de quo prius. Alia est Erythrodanus, quam aliqui Ereuthodanum vocant, nos Rubiam, quâ tinguntur lanæ, pellesque perficiuntur, &c. *Plin. lib. 24. 11.* Rubear radice atque semine pollet, callida ordine secundo, sicca tertio, eximiâ detergendi facultate insignis, quâ jecur, lienem, renes atque ute-

rum exquisitè purgat : Nam Isterum sanat, lienem absomit, urinam crassam atque copiosam, nonnunquam & cruentam, movet, menses ciet, appositæque secundas ac foetum detrahit, ut proinde minimè sit tuta prægnanti. *Fernel. lib. 5. Meth. Med.*

Colocynthis, vel Cucurbita sylvestris, appellatur etiam Fel Terræ, propter amaritudinem ; & Mors Plantarum, quia herbas quæ propè crescunt, aut necat aut amarescere facit. *Angl. Coloquintida, vel Bitter Gourd.* Nec puerorum nec senum nec prægnantium (foetus enim vel supposita enecat) sed ætate duntaxat florentium & robustorum medicamentum est. *Fernel. lib. 5. Meth. Med.*

V. 112. Dracunculus, Dracontium, Serpentina à quibusdam, *Anglice Dragon*, à caule maculoso instar Draconum. Semen Dracunculi fervens mordaxque, tantùmque inesse ei virus, ut olfactum gravidis abortum inferat. *Plin. l. 24. 16.*

Antidotusque aliis, sed foetibus ipsa venenum, 115

In coetu nulli ruta secunda pio. (ibis)

Quid memorem reliquas? agmen sumus; ipsa quoque

Quæ meritum à Lochiis Optima nomen habes.

Sed neque tu tandem, præses veneranda, manebis:

Surge, age, & exilium concomitare meum. 120

Finierat; favor orantem plaususque sequentur:

Nec causam dubium est obtinuisse suam.

Parthenis incepit; reverentia præsidis omnem

Compressit motum, conticuitque locus.

V. 115. Quæcunque autem Ruta & per se pro Antidoto valet, foliis tritis & ex vino sumptis, contra aconitum maximè & viscum; item fungos & serpentium ictus, ut pote cum mustelæ dimicaturæ cum his rutam prius edendo se muniant. Valent & contra scorpionum ictus & araneorum, apum, crabronum,

vesparum aculeos, & cantharidas ac salamandras, canisve rabiosi morsus, &c. *Plin. lib. 20. 13.* Sed addit tandem, Præcavendum est gravidis abstinere hoc cibo, necari enim partus invenio.

V. 123. Artemisia. Vide quæ prius.

A R T E M I S I A.

Cum te, chara soror, viridis respublica pellet,
Ire relegatæ non dubitabo comes.

Si nos foeminei luimus scelera omnia sexûs,

Næ nostra Ecboticæ stirps miseranda domûs.

Sit capiti ipsius siqua in sua viscera sævit;

Nec pars, sed totum mortis agatur opus.

Intempestivâ cur nos accersimur horâ?

Illa dies nostra est cùm bona Juno venit.

Impia & infælix, virtutis tempora tantæ

In magnum impatiens anticipare nefas!

At semel admissi non nôrunt otia succi,

Otia non nôrunt torpida; semper agunt.

V. 4. Plantæ quæ foetum imperfectum aut mortuum ejiciunt.

Nec

Nec labor est magnus tabulata revellere nondum

Vel bene fixa solo, vel bene juncta domûs.

Spreturam ventos cùm sint retinacula firma,

15

Nunc dubiam abripiet quælibet aura ratem.

Quid non evertit primordia frivola vitæ?

Nec mirum; vita est integra penè nihil.

Nunc perit, ah! tenui pereuntis odore lucernæ,

Et fumum hunc fumus fortior ille fugat.

20

Totum aquilis Cæsar rapidis circumvolet orbem,

Collegamque sibi vix ferat esse Jovem.

Quantula res quantos potuisset inepta triumphos,

Et magnum nasci vel prohibere Deum!

Exhæredâsset moriente lucernula flammâ

25

Tot dominis mundum numinibûsque novis.

Tu quoque tantilli, Juvenis Pellæe, perîsset,

(Quàm gratus terris ille fuisset odor?)

Tu tantum unius qui pauper Regulus orbis,

Et propè privatus visus es esse tibi.

30

Nec Tu tantum, idem potuisset tollere casus

Téque, Jovis fili, Bucephalumque tuum.

Dormitorque urbem malè delevisset Agafo

Bucephalam è vestris, Indica fata, libris.

V. 19. Miseret, atque etiam pudet, æstimantem quàm sit frivola animalium superbissimi origo, cùm plerumque abortûs causa fiat odor à Lucernarum extinctu. His principiis nascuntur Tyranni, his carnifex animus. Tu qui corporis viribus fidis, tu qui fortunæ munera amplexaris, nec te Alumnum quidem ejus existimas, sed Partum, tu qui te Deum credis aliquo successu tumens, tanti perire potuisti, atque etiam hodie minoris potes. *Plin. lib. 7. 7.*

V. 22. *Divisum imperium cum Jove Cæsar habet.*

V. 26. Imperatoribus Romanis, qui post obitum in deorum numerum plerique relati sunt.

V. 31. Ad eundem odorem equæ dicuntur abortire.

V. 33. Id est, Si Agafo (qui curam Equorum agit, *A Groom*) dormitans fortè in stabulo equæ Bucephalo prægnantis extremitatem candellæ foetentem reliquisset, in causâ forsitan fuisset cur abortum faciente equâ, Bucephala urbs (in memoriam illius celebris equi ædificata) nunquam condita fuisset.

Vix credenda quidem tam nugatoria pestis, 35
 Mollitia hæc uteri ni mihi nota foret.
 Ingratos scitis quantum aspernetur odores
 Arcanâ olfactûs tetricitate sui.
 Vix bene prudenter, mihi credite; nam locus aptum
 Deliciis tantis non habet ille situm. 40
 At contrâ, totis bene-olentia sensibus haurit,
 Occurrîtque illis, interiûsque trahit.
 Nec facile affectûs causam indagare latentis,
 Nec docti fatîs hanc explicuere viri.
 Tentemus siquid melius possimus & ipsæ; 45
 Ultima nam cursûs tempora luna terit:
 Et quæ de partu miracula mille supersunt,
 Conventum poscunt discutienda novum.
 Edita tu proavis, Cynareia planta, tyrannis,
 Jam tandem offensi gloria summa patris; 50
 Jam sacra, jam divûm gratissima naribus arbor,
 Atque iterum virgo, virgo perennè manens,
 Tu bene foeminei mysteria foemina mundi
 Commemorare potes, nam meminisse puto,
 Téque olim patriæ natam inter aromata dulcis, 55
 Præclarè fas est noscere quid sit odor.
 Quinetiam infelix cùm te ratione minori
 Tentantem frustrâ vincere vicit amor.
 In medio longæ miseram discrimine pugnæ,
 Ah! sæpe Hystericam decubuisse ferunt. 60
 Ergò agè, quæ tandem tua sit sententia pande:
 Quid dubitas, nimiùm Myrrha modesta, loqui?
 Quid fles? quid rupto dimanant cortice guttæ?
 Illa vetus nil jam culpa pudoris habet.

V. 39. Inter vesicam & re-
 ctum intestinum positus.

V. 49. Myrrha, filia Cyna-
 re regis.

V. 51. Quæ adoletur diis
 immortalibus Thuris modo.

V. 55. Panchaïæ.

——— sit dives amomo,
 Cinnamâque costûmque suum
 sulatâque ligno
 Thura ferat, florêsq; alios
 Panchaïca tellus,
 Dum ferat & Myrrham, &c.
 Ovid. Metam. 10.

Felices

Felices culpæ, lacrymas producere tales,
 Et tantum terris quæ potuere bonum!
 Nulla unquam merita est tantum virtutibus ipsis
 Fœmina, Tu quantum crimine, Myrrha, tuo.

MYRRA.

AT tandem abstergens fletum Cynareis odorum,
 Diductis leviter frondibus ora levat.
 Incipit, exactoque calet mox lingua pudore;
 Mox nullâ ut pergat sollicitanda prece.
 Sic prima est cochleæ dura exantlatio siccæ;
 Mox densum pleno flumen ab ore vomit.
 Nota quidem res est, aliis longè omnibus unam
 Plura Gynæcitin fundere verba tribum.
 Inque illâ longè reliquis plura omnibus unam
 Fundere, siqua olim planta puella fuit.
 Ergo hîc historiam contexuit origine ab ipsâ,
 Quâque licet, molli mitigat arte suam:
 Quàm longum illicito pugnavit fortis amori,
 Et mala ne faceret, quàm mala sæva tulit:
 Quàm sit sæpè suâ conata arcessere dextra
 Mortem, dum potuit Myrrha pudica mori;
 Impar cum sævo congressa Cupidine virgo,
 Sub juga quis magnas mittit athena deas.
 Multaque præterea quæ mens mihi dicere non est,
 Cum melius Naso dixerit illa prius.
 Tum verò innumeros uteri (haud ignara) labores
 Flebilibus fertur quæsta fuisse modis.
 Vix ego, si ora mihi dentur muliebria centum,
 Et detur pulmo roboris instar habens,
 Tot genera & formas & nomina sæva malorum,
 Tot varii vultûs monstra referre queam.
 Quæ Superûm invidia est tam multo milite mortis
 Ipsius vitæ velle replere domum?

Quid tutum est homini tua dulcia regna, voluptas,
 Metropolimque tuam si dolor hostis habet? 30
 Sed mihi præcipuè laurus mea rettulit illam,
 Hysterici incurfus ingemuiffe mali.
 Væ miseræ (dixit) totius corporis urbi,
 Si castellum uteri vis inimica tenet!
 Eminus hinc dirum jaculatur ubique vaporem, 35
 Fit fuga vasta animæ quâ vapor ille subit.
 Spirituum turbas intercipit ille volantum,
 Ut procul incautas teter avernus aves.
 Si stomachum attingit, stomachus collabitur æger,
 Pensâque venarum semiperaçta jacent. 40
 Immemor officii dulces avertitur escas;
 Friget & extincto cruda culina foco.
 Cor petit? ipsa tremunt labefacta palatia cordis;
 Vitale excusso sanguine turbat opus.
 Intransesque novos suspendit ad ostia fluctus; 45
 Territa vel retrò cedere vena jubet.
 Et cava vel dubio, vel nullo, tympana pulsu,
 Significant animæ prætereuntis iter.
 Splendida lætities afflatu extinguitur atro,
 Et spes, & quicquid pectore lumen habet. 50
 Ut dicunt, Stygiis olim apparentibus umbris,
 Oppressâ tremulas luce perire faces.
 At subeunt luctusque metusque odiûmque diei,
 Et formis horret Scena maligna nigris.
 Mox in processu fauces crudeliter ipsas 55
 Carnificis stringunt vincula sæva mali.
 Æthereâ infelix aurâ non vescitur; ignis
 Sola alimenta sui vita pyralis habet.

V. 46. Vena Cava ubi ingreditur dextrum cordis ventriculum.

V. 47. Arteriæ.

V. 47. Sanguinis, vel animæ in sanguine.

V. 58. In Cypro ærariis for-

nacibus ex medio igne majoris muscæ magnitudine volat pennatum quadrupes, appellatur Pyralis, à quibusdam Pyrausta: quamdiu in igne est, vivit; cum evasit longiore paulò volatu, emoritur, *Plin. lib. II. 36.*

Sæpe

Sæpe & in alta volans caput occupat impigra pestis,
 Ardentemque animi fertque rapitque domum. 60
 Barbarico trahitur ratio captiva triumpho,
 Nunc religata oculos, nunc religata manus.
 Scilicet hanc hilaris miseram dementia ludit,
 Et risu effræni viscera mœsta quatit.
 Et (vigil ah frustra!) præsentia somnia narrat, 65
 Miraturque suos non placuisse jocos.
 Cuncta tremens pavet hæc, & cunctis illa minatur,
 Ac miseranda jacet terribilisque simul.
 Huic vanis irarum ardescunt ignibus ora,
 Atque illi vanis imbribus ora madent. 70
 Mortis imago alias premit exactissima, quâ cum
 Collatus, vitæ somnus imago foret.
 Constringit sensus torpor solidissimus omnes,
 Arboreæque animæ non magis alta quies.
 Nec levis aura potest tenues impellere pappos, 75
 Siqua ex ore venit; sed, puto, nulla venit.
 Defunctam hystericæ conjunge, jacere putabis
 Defunctasve duas, Hystericasve duas.
 Hoc tanto in morbo (quis credat? sed tamen æquum est
 Credere quam longus perdocet usus opem) 80
 Subjice sopitis grave-olentes naribus auras;
 Huic tetro cedit tetrior ille vapor.
 Perdicum plumæ variæ suffimina sunt,
 Humanæque comæ, quadrupedumque pili,
 Cornuæque coriûmq; boum, & quæ plurima quondam
 Verruca ægroti crure tumescit equi. 86
 Nil virtutis eget: Quis casus repperit istam?
 Aut tantum ingenium casibus unde fuit?

V. 7. Pappus, Lanugo florum (proprie papaveris)

Papposque volantes. Lucret.

V. 83. Plumæ avium auxiliantur, imprimis perdicum, combustæ. *Sennert.*

V. 85. Imprimis utiles sunt &

à pluribus commendantur ut præsentaneum auxilium, & quod momento quasi mulieres suffocatas revocent, verrucæ quæ tibiis eorum adnascuntur, si in furno siccantur, & in pulverem redigantur, & fumus ex eo naribus obijciatur injecto carbonibus. *Id.*

Ure simul petrelæ, & matrem sulphur odorum,
 Virosamque assam, castoreumque grave. 90
 Hæc per mille poros, nervosque, viasque micantes,
 Descendunt acie densâ, utrumque petunt.
 Ille omnes aditus contrâ munire supernè,
 Et claustra aggeribus firma tenere bonis.
 Ergo in se magnis contractus nixibus ipse 95
 (Nam spatium in magno vis malè fusa perit)
 Humoresque supervacuos foedosque vapores
 Emittit tristes inferiore via.
 Non jam cura manet longinqua invadere regna ;
 Tutari cura est seque suosque lares. 100
 Nec tandem Hannibali nova sufficit agmina, possit
 Ult procul Italiæ frangere victor opes,
 Romanas aquilas & pila minantia circum
 Carthago è muris cum videt ipsa suis.
 His nares ; utrum contrâ suffire memento 105
 Quo placas magnos largus odore deos.
 Cinnamamque ladanumque illic supponè caprinum,
 Et costum, & staeten, si sapias, adde meam,

V. 89. Πατρίλαιον, quasi
oleum petrarum, ex quibus
 odore validissimo extillat.

V. 89. Ex Chymicorum sen-
 tentiâ, quæ sanè probabilis est.

V. 90. Grave-olentum : sic
Plin. Virus alarum, & Mustela-
 rum virus exitio est, i. e. odor.
Colum. Virus paludis. *Virg.*

— Virosâque Pontus.

Castorea —

Stattius tamen eo in bonam par-
 tem utitur,

— Atque omne benignè

*Virus odoriferis Arabum quod
 crescit in arvis.*

Ubi Virus significat rem mul-
 tum non malè olentem.

V. 107. Ἀλδαρον Herodot.
 sed Ionicè, nam communiter

Ἀλδαρον scribitur, & corripitur
 à Marcello.

V. 107. Arabia etiamnum
 & Ladano gloriatur, fortè casu
 hoc & injuriâ fieri odoris plures
 tradidere, capras, maleficum a-
 liàs animal, odoratum autem
 fruticum appetentius, tanquam
 intelligant pretia, carpere ger-
 minum caules prædulci liquore
 turgentes, distillantemque ab
 his casus misturâ succum impro-
 bo barbarum villo abstergere,
 hunc glomerari pulvere, inco-
 qui sole, & ideo in Ladano ca-
 prarum pilos esse. *Plin.* l. 12. 17.

V. 107. Sudant (myrrhæ ar-
 bores) sponte priusquam inci-
 dantur Staeten dictam, cui nulla
 præfertur.

Sudorém-

Sudorémque sacrum zibethi, vomicámque gazelæ

Ignotúmque homini te genus, ambar, habens, 110

Et mea quod spirat Panchaia ditibus hortis,

Atque revicturæ quod rogos halat avis.

Nec tu thura bonis dubites avertere divis :

Dii bene concedent usibus illa piis.

Tum membra obscuro cernes undantia motu 115

Experrecti animi lucida signa dare.

Tum cava non solito fremere intestina tumultu,

Disjectique hostis tota sonare fugâ ;

Subter & obscæno stillare venena canali,

Sanguineasque iterum lenè micare vias. 120

Et se sæpe levant oculi, coelúmque requirunt,

Purpureúsque redux floret in ore calor.

Ultima constrictas referant suspiria fauces ;

Ad vitæ expirat morbus & ipse modum.

Quod tibi, dulcis odor, cum membro à nare remoto 125

Et nari inviso, quod tibi foedus, odor ?

Tu quoque quâ causâ, foetor spurcissime, bello

Tam clara & longè dissita regna petis ?

Quâ vos, quâ celeres emittitis arte sagittas,

Nasus ubi, vester tam procul arcus, abest ? 130

Ergò aliqui ad cerebrum credunt pertingere solum,

Quâ via sub celso fornice nota patet ;

V. 109. Zibeth vocatur odoramentum quoddam pingue, crassum, nigri saponis facie, quod sudor est animalis cui Felis est figura. Qui liquorem illum esse ejus semen arbitrantur, ineptiunt ; Strigmentum enim est, non, ut putabas, humor extractus è loculis genitalibus, *Scal. Exerc. 211. 2.*

V. 109. Gazelæ Vomica, cuius excellentiam probant Persæ, si odorantibus sanguis è naribus

eliciatur, *Id. Exerc. 211. 6.* — Gazela tibi ignota non fuisset ex quâ Moschus : est autem Gazela tota capreoli facie, *Sc. Ib.* Vide etiam *Exercitat. 21.*

V. 110. Græci recentiores (veteres enim non noverunt) *Αμβap* appellant, alii Ambram quidam Ambaram : quidam balanzæ semen esse putant, alii gummi arborum in mare delapsum, alii genus bituminis. *Scaliger* Fungi speciem esse.

Cogna-

Cognatōque utero mox impertire cerebrum,
 Aut triste aut lætum quod ferat hospes odor.
 Nec sua sæpe uterus, sed gaudia gaudet amici, 135
 Et læsi læsus sæpe dolore dolet.
 Quod cerebrum Pyladen, uterum delectat Oresten;
 Quod fugit & Pylades, noster Oresta fugis.
 Non equidem inficior nodum quo jungit utrosque
 Naturâ simili conciliatus amor. 140
 Conceptusque suus, suus est & partus utrisque,
 Atque ambo foetus ora parentis habent.
 Quid, quod inest nunquam satiata libido creandi?
 Magnorumque capax, arcus utrisque sinus?
 Multaque prætereo (concurrunt multa in utrisq;) 145
 Scilicet hæc matrix corporis, illa animi est.
 Sed tamen hæc isti propria est ac prava facultas,
 Nec caput & nares semper, agatæ, rogat,
 Surgere conantem atque urgentem vincula frustra
 (Sæpe rebellantem vincula nulla tenent) 150
 Suppositus revocat (nasō ignorante quid actum).
 Et firmat grato glutine blandus odor.
 At descendentem devexo pondere eundem.
 (Nam proprio imbellis pondere sæpe labat)
 Suppositus fugat occursum, sursumque repellit 155
 Horrenda intentans arma molestus odor.
 Sic cum tota suis gens olim excefferat arvis,
 (Ingens finitimis undique terror agris)

V. 148. Ut Minister in facris Agonalibus.

Semper Agatæ roga, nec nisi iussus agit, Ovid. Fast. I.

V. 149. Galeni motus auctoritate nonnunquam putavi uterum nihil aut. perexiguum. è sua sede dimoveri: at ægotarum mulierum modò querimoniâ modò precibus adductus, hunc sæpe tactu deprehendi instar globi cuiusdam in ventriculum effe-

ri, eumque graviter opprimere; hinc sæpe manu depressus est, manifestoque in propriam sedem propulsus: neque id fanè magis alienum videri debet quàm ejusdem prolapsus quo totus ferè procidit. *Fernel*. Alii tamen hunc ascensum uteri negant.

V. 157. Helveti. Vide Histor. lib. I. Comment. Cæsar.

Invitam

Invitam ad patriæ semirutæ testæ relictæ

Reppulit obstanti major ab hoste metus.

160

Ergò alias alii causas; sed nulla relatu

(Nam legistis eas, sat scio) digna novo.

Quid potero ipsa novi? mihi tu, doctissima præses,

Fare aliquid, dicis; res ait ipsa, tace.

Fas parere tibi; verum reperire Deus me

165

Fortè vetat, verum quærere & ipse jubet.

Longiùs hæc ratio, puteoque petatur ab imo:

Haurio si lentè, da veniam, alta latet.

Admiranda vides, & bella & foedera rerum;

His constat mundi musicus ille tenor.

170

Hæc qui haurire velit noto de fonte quaterno,

Gnaviter insanus cum ratione foret.

Causarum hîc varii se pandunt undique rami

Sed causis radix omnibus una subest.

Namque ea quæ vulgò jam quatuor esse putantur, 175

Non sunt immensi semina prima globi.

Thesauros elementorum congeffit in illis

Verorum, in promptu numen habere volens;

Principia unde suos depromere posset ad usus,

Et mista æternùm suppeditare nova.

180

Infinita favis latitant elementa minutis;

Infinita homini, sed numerata Deo.

Nec magis antiquus claro calor insidet igne,

Famolumque suæ frigus inhæret aquæ,

Quàm vel amarities, dulcedo, albórque nigrórque, 185

Atque omnis, variæ copia naris, odor,

Vel nostræ ecbolicæ vires, vel styptica virtus,

Propria materiæ puncta habuere suæ.

Terris cuncta, & aquis, flammisque animisque coæva.

Quid parcè & timidè dico? Priora volo. 190

Nam quæ terræ & aquæ, flammæq; animæq; vocantur,

Ex his compositum corpus habere reor.

V. 167. A notissimâ Democriti sententiâ, *Veritatem in profundo puteo latere.*

Quip-

Quippe—Sed oblatuſ ſubito vocem abripit horror,
Nam longè verſâ janua clave ſonat.

Intrantemque ipſum cultorem nobilis horti 195
Vidit ruta procul ; vidit, & intremuit.

(Nam nulla in terris diſtancia longiùs herba
Purgatrix oculi quàm bona ruta videt)

Et fugite hinc properè ſubmiſſâ voce ſuſurrat ;
Cultor adeſt horti, diffugiamus, ait. 200

Nondum erat orta dies, ſed luce afflata propinquâ
Luna iter admiſſis præcipitabat equis.

Nec ſe more ſuo tam matutinus agebat,
Sed caſu è ſomnis excitus ille novo.

Nam ſubitis uteri lacerata laboribus uxor, 205
Inclamabat opem, Juno benigna, tuam.

Ille autem, qui vel centum Junonibus horti
Prætulit attonitus germina multa ſui,

Quæſitum huc properè Cyclaminum forte cucurrit,
Quo lentum excuteret parturientis onus. 210

Ut procul aſpexere virum, ſeſe ocyùs omnis,
Sed furtim, & nullo murmure, turba levat.

Et breviter præſes, Nunc miſſa eſt ; Ite, ſorores :
Interruptum aliàs perficietur opus.

Diſcedunt, nullòque ſono nullòque tumultu 215
Areolas repetunt germina quæque ſuas.

PLAN-

PLANTARUM

LIB. III.

FLORA.

Nunc, siquando, mihi, nunc lætùm, Musa renide,
 Tempus adest veris; temporis ora refer.
 Nunc varia innumeros, facundia, pande colores,
 Et quicquid florum picta poësis habet.
 Undique se trudent viridanti è carmine gemmæ, 5
 Et resonet toto musica verna libro:
 Undique laudis odor dulcissimus halet, & omnis;
 Pluſquam Pæſtanas pagina fundat opes.
 Undique formosas lumen discriminet umbras;
 Nullaque non veris gaudia carmen agat. 10

Primus, Io, Maii, mundo gratissimus omni,
 Primus, Io, venit, præcipuûſque dies.
 Hoc olim (sic fama) die (nec rumor inanis
 Sed sic fama refert vatibus orta sacris)
 Nupſit odorato Chloris formosa marito, 15
 Nupſit, & ex illo tempore facta dea est.
 Tunc & terra ferax, & cœlum, & pontus & aer,
 Publica lætitiæ signa dedêre suæ.
 Nulla erat in toto nubes circum vaga cœlo,
 Vel si forſan erat, picta decenter erat. 20
 Nullus composito ſpirabat in aere ventus,
 Aut hilares flatu ſollicitabat aquas.

Vel

Vel si forsan erat, dulces spirabat odores,
 Mulcebátque hilares officiosus aquas.
 Tunc mille ignotis florum radiare figuris, 25
 Attonitam monstro fertilitatis humum.
 Tunc nova per steriles se attollere lilia montes,
 Innocuósq;ue rubos dulcè nitere rosis.
 Pro tristi urticâ pro vulnifico paliûro,
 Narcissum & violam surgere purpuream, 30
 Hunc talem tantúmque diem, de virgine crudâ
 Quò facta est eadem scœmina, quóque dea.
 Grata quidem ludis celebravit Flora quotannis,
 Et voluit lautâ religione coli.
 Dum dea Romanæ mansit non ultima gentis, 35
 Et numen dominâ dives in urbe fuit.
 At tandem omnigenûm turbâ comitante Deorum,
 Cum vaga Romanis finibus exul, abit,
 Ludorum, & pompæ, templique & thuris honore,
 Omnibus & divæ despoliata bonis. 40
 Cum generi infoelix humano desit esse,
 Et coepit tantum floribus esse dea.
 Quo potuit miseranda modo (non more vetusto .
 Prodigâ inexhaustas cum malè sparsit opes,
 Non ea vis animo, nec tanta superbia tanto 45
 Culmine dejecti numinis esse potest.)
 Sed furtim modicæque & libertate modestâ
 Et coluit tamen hunc, & colit usque diem :
 Quóque magis variis dispersum partibus orbis,
 Regnum obeat florum, quod sibi restat adhuc. 50
 Hæc, memor officii, solennia sacra quotannis,
 Nunc his, nunc aliis partibus orbis agit.
 Nec labor est illi terras peragrarè remotas,
 Et latè mundum visere floriferum,
 Nam pictis zephyri vaga curribus aera tranat, 55
 Et placidum aurigâ conjuge radit iter.
 Annus erat longè ante alios pulcherrimus annos,
 Annus, Iô, nomen cui Carolinus erat,

Aureus ille quidem cœlo processit ovanti,
Cinxeruntque aureis astra benigna choris. 60
Ille dedit toti pacem mitissimus orbi;
Ille fores Jani clausit ubique sui.
Ille dedit majus tibi, fausta Britannia, donum,
Ille tibi pacem Carolidémque dedit.
Viginti annorum reparavit damna malorum, 65
Composuitque vetus jam, validumque chaos.
Nec fuerant urbes tantum illi atque oppida curæ,
Respexit flores, arboreumque genus.
Restituit sylvarum, hortorumque auxit honores;
Et nullum nitidæ pacis omisit opus. 70
Ipsa deos reliquos & dulcia numina ruris,
Exul Flora diu concomitata redit,
Illam ego curvatæ dorso super iridis altam
Vidi equidem (mihi tum Musa specilla dedit)
Anglica purpureo repetentem regna triumpho, 75
In pompâ agnovi versicolore deam.
Substitit illa tuâ, Thamisis, celeberrime, ripâ,
Cui chara ante alias & vetus hospes erat.
Hic dea totius conventum indixerat orbis
Floribus, hinc justo conveniuntque loco. 80
Convenere omnes, quotquot plaga fervida torret,
Frigida constringit, vel moderata fovet.
Quotquot prima dies roseo de carcere Eoo
Erumpens, madidi luminis imbre rigat.
Quotquot sera dies pronæ contermina metæ 85
Lumine purpureo florida & ipsa videt.
Germina conveniunt, non hæc (nè fortè putetis)
Quæ radice altâ fixa videtis humo.
Fixa videtis humo, nec se posse ipsa levare,
Vivere materno vel malè rapta sinu. 90
Quis negat? at certè venêre (quid impedit) illa
Quæ vidisse sacrâ mente Platona ferunt:
Agnovisse ferunt simul, idæasque vocasse,
Divinumque genus, filiolasque Jovis.

O quanta ætheriis quam fulgida gloria plantis, 95

Quantus honor nudæ est Archetypæque rosæ?

Qualis odor, quantusque rubor! sed & hæc tamen ipsa
Nostates multum est dicta referre rosas.

At constans & firma per omnia sæcula vernat,

Non violabile habens occiduûmve decus. 100

Namque idæa rosa est divinæ mentis imago,

At rosa terrestris, quæque superbit humi.

A Jove plus distans vel imaginis hujus Imago est,

Quid mirum, stabili si minus ore nitet?

Talia conveniunt viva exemplaria gentis 105

Florea floridulæ; concelebrantque diem

Tanta, tot istius spectacula dædala lucis,

Pingere tu, credo, solus, Apollo, potes.

Tu qui peniculo radiorum pingis, Apollo,

Hoc varium mandi multicoloris opus. 110

An possis planè dubito describere versu,

Plantarum & varum sis licet ipse deus.

Confiteor rem tantam operum non esse meorum;

Pauca legam, ritu prætereuntis apis.

Fasciculus nobis è tanto parvulus horto, 115

Sufficiens unus, sit modò dulcis, erit.

Cùm jam solennis pars magna peracta diei

Effet odoratis magnificisque sacris.

(Sacris, quæ nec lingua potest humana referre

Forsthan, & quæ sit fortè referre nefas) 120

Judicio tandem placuit certare joco;

(Sed res certè acta est acrius illa joco)

Reginam hortorum regni si vellet amari,

Et quasi pronumen diva creare suum.

Quæ foret ingenti dignissima nomine planta, 125

Et tituli radiis nobilitanda novi.

Scena recurvatis stabat topiaria ramis,

Exigui formam templi imitata cavam.

Multa

95 Multa arbor, multúsq; frutex bene olentibus umbris,
 Et lepidè pictis composuere tholum. 130
 Punica ibi, regale rubens, & candida jásme,
 Candidáque Idaliæ myrtus amata deæ.
 Et flore argento simili stetit aurea malus,
 100 Tota odor; atque maris ros & utrúmque lilac.
 Lenta periclymenos, vultúque colutea flavo, 135
 Intextúsque rosæ multus ubique decor.
 Et pulchrum quicumque alius caput extulit altè
 (Emblema adjectum) flos variabat opus.
 105 Interiùs posita est summi testudine templi
 Sub mediâ, fedes judicis alta deæ. 140
 Conflata innumerabilibus (mirabile dictu)
 Ex foliis horti versicoloris erat.
 Quæ variis oculos ludebant scita figuris,
 Non effabilibus confociata modis.
 110 Vermiculatum opus egregiè, gemmísque per artem 145
 Dispositis solidum, tesserulísve putes.
 Nil opus est solido; sunt tenuia corpora divis,
 Quæque super pappis firma sedere queant.
 115 Illa sedet totâ cum majestate venustâ
 Immenſæ poterant quam dare veris opes. 150
 Illa Ariadnæâ frontem stellata coronâ,
 Iridis & festâ veste superba sedet.

120 V. 134. Album & cæruleum, alio nomine dicitur Syrinx vel Syringa alba aut cærulea, quod furculos spargat (aliquando & truncum arboreum cærulea) fungosâ medullâ plenos in morem Sâmbuci, & fistulis effingendis aptos, unde & Anglicè vocatur *Pipetree*, spicam vel racemum portat florum minorum, cærulea longiorem, alba brevior, odoratorum.

V. 135. Frutex sepibus familiaris flore odoro, vulgò dictus Caprifolia vel Matrisilva. Angl. *Woodbind*, *Woodsuckle*.

V. 135. Arbor florem ferens similem genistæ, à nostratibus Sena Notha dicta, quod folium habeat non dissimile Senæ, vim autem purgandi acriorem multò & periculosam.

Ante deæ solium & nullis non mite tribunal,
 Stabat in officiis turba parata suis.
 Mollibus & pictis, sed &, heu! pernicibus alis, 155
 Subnixa horarum bis duodena cohors.
 Has prope ter deni stabant ex ordine pulchri,
 Insignesque pedum mobilitate, dies.
 Vos quoque bis seni sed vultu dispare menses;
 Sedula lunares gens agitare rotas. 160
 Ver aderat, roseus juvenis, sua in ora notatus,
 Attrahere haud rarò judicis ora deæ.
 Pulchra quoque astatat, cultúque modestior æstas,
 Spicea ferta illi, flaváque vestis erat.
 Pomonæque tumens, Bacchíque autumnus honore, 165
 Purpureas vitis qui pede calcat opes.
 Et parvo contenta, famémque & frigora spernens,
 Tempestas planè Stoica, pauper hyems.
 Non tamen huic nullum indulsit natura nitorem,
 Nec vel languenti gratia nulla solo est. 170
 Rebus in adversis tristem non deferit annum
 Plantarum fragili natio tota fide.
 Sunt aliquæ plantæ (sunt flores inter amœnos,
 Deliciis natum luxuriæque genus)
 Quas hyemis nunquam certè inſœlicis amicas 175
 Esse pudet, non si terra polúsque fremant.
 Sunt paucae fateor, sunt germina parva minorum
 Gentium, at à meritis nobilitata suis. (rem,
 Ergò hyemem primam (dedit hunc novus annus hono-
 Atque hyemi vultu Janus utroque favens) 180
 Diva suam jussit non magnam educere turmam,
 Copiolámque inopem, gloriolámque levem.
 Paret hyems, raro disponit & agmine flores
 (Virtuti haud numero fidere sueta) suos.
 Stant acie in primâ duo florum pænè gigantes 185
 Pigmxas inter militias hyemis.

Nobile mezereon mater laurúmque tinum, quos

Pænè gigantæo nomine terra vocat.

Quæ si florent minùs anni tempore duro

Germina, vix nomen florum habitura puto. 196

Nunc ità censentur; titulúmque hunc forma mereri

Et non indignus vere probabit odor.

Stat juxtà, quam sæpe malæ legere novercæ,

Quam genuit triplicis spuma cruenta canis,

V. 187. Chamæla Germanica, Angl. *Spurge-Olive*, or *Dwarf Bay*. 1. Laurus Pumila, nec differre videtur à Chamædaphne *Dioscrid. Arab.* Mezereon dicitur, floret circa Calendas Januar. Frutex est, aliquandò in altitudinem sex pedum crescens, & multos ramulos diffundens, folio ligustri, sed minore, & pallidiore, racemis florum minorum ex ipso ligno erumpentibus, quibusdam saturi, aliis diruti ruboris, odoratis.

V. 187. Quamobrem ità vocetur nescio, aliqui Laurum sylvestrem vocant, æquè malè. Tini meminit *Plin.* Hanc (ait) silvestrem laurum aliqui intelligunt, nonnulli sui generis arborem: differt colore, est enim cærulea baccà, *lib. 15. cap. 30.* Pumila est planta (verba sunt Bapt. Portæ, sed in Anglià novem pedes altas vidi) foliis inodora admodum florida etiam Hyeme, quo tempore maximè expetitur opere topiario, Flos in umbella corymbacea ex albo purpureus, femine ut Terebinthi, gigartis uvarum ex argento in cæruleum luridis & Cestrum Theophrasti putat esse.

V. 193. Aconitum, *Ursula*.

hanc, Angl. floret Mense Januario (nempe Aconitum hyemale dictum, sunt enim aliæ species.) Constat omnium venenorum occysimum esse Aconitum, & tactis quoque genitalibus femini sexus, animalium eodem die inferre mortem. Hoc fuit venenum quo interemptus à Calphur. Bestiâ uxores M. Cæcilius accusator objecit, Hinc illa atrox peroratio, Ejus in digito mortuas. Fabulæ narravère, à spumis Cerberi canis, extrahente ab inferis Hercule, ideòque apud Heracleam Ponticam ubi monstratur is ad inferos aditus gigni. *Plin. lib. 27. c. 2.* Addit 3. Nascitur in nudis cautibus, quas aconas vocant, & ideò Aconitum aliqui dixere, nullo ne pulvere quidem nutriente, hanc aliqui rationem nominis attulère, Alii, quoniam vis eadem in morte esset, quæ cotibus ad ferri aciem deterendam, statimque admota velocitas sentiretur. Postrema ratio nominis satis inepta est, priorem probat *Ovidius*.

Quæ quia nascuntur durâ vivacia caute,

Mortales Aconita vocant—

Florem habent Ranunculo similem, radicem Anemonæ.

Planta

Planta nocens, duris plerumque in cautibus orta, 199

Nomen & indè ferum, durior ipsa, trahens.

Nunc viget, auratúmque caput levat improba terrâ,

Nec, similis patri, solis ad ora tremit.

At propè Leucoion tenerum tremit ore modesto,

Territa vicinæ proximitate malæ. 200

Illa nives inter nivæque simillima guttæ,

Dignoscenda tamen, candidiórque nitet.

Nobilis hanc sequitur coelesti concolor oræ

Hepatica, atque omni cærulea nube caret.

A se servato clarum & venerabile terris 205

Sanguinis artificii viscere nomen habens,

Conscia virtutis sæva inter frigora brumæ,

Profilit è duro, planta pusilla, solo.

Aspectus aliæ molles & tempora cœli;

Et solem & zephyros, opperiantur, ait. 210

Profilit illa ferox, heu, caule tenerima nudo,

Præpropera, & foliis incommitata suis.

Primula jungitur, his, quam ver cognominat ipsum,

Et decorat vernus purpureúsque color :

Atq; anemonarum, cyclaminorúmque; crocorúmque; 215

Audax sub dio quoddam hyemare genus.

Quas velut istius non veras temporis herbas

Diva ad gentiles jussit abire suas.

V. 199. Nempe Leucoium bulbosum præcox (nam Leucoium significat *Stockgilliflowers*, & Leucoium luteum, *Wallflowers*) quod Febr. floret, vel aliquandò sub finem Januarii; Aliqui Violam albam bulbosam appellant; Angli *The bulbous Violet*, or *Snoutdrops*, quasi dicas *Guttas Nivis*.

V. 203. Hepatica nobilis; *Noble Liverwort*. Flos ra-

nunculo similis, Januario florens.

V. 213. Primula Veris cærulea vel purpurea, quæ mediâ hyeme floret, nam reliqua genera tardiora vernâque sunt. *Blue Primroses*.

V. 216. Anemonæ arte & satione tempestivâ quovis anni mense florent, sed & spontè quædam Febuario, sicut & Cyclamini, Croci que.

Restabat canæ genuino ex milite brumæ,
 Helleborus, gelidi gloria prima soli.
 Solus hic ausus erat pulchrum certamen inire,
 Floreâque intrepidus poscere regna sibi.
 Et radice nigrâ se sistens antè tribunal
 Pallidulo cæpit fortitè ore loqui.

V. 220. Helleborus, Bears
 foot, floret Decembri, unde &
 Angl. dictus est, Christmas-

Floret. Flos Rosæ albæ sim-
 plici similis.

HELLEBORUS NIGER.

Non mihi nunc animus formæ contendere honore,
 Lilia vobiscum, purpureâque Rosa.
 Prætidas hæc olim vesania perdidit, ausas
 Junoni vultus æquiparare suos.
 Cum subitò falsis silvam mugitibus implent,
 Sèque putant turpes rus peragrare boves.
 Hæc ego curavi læsæ deliria mentis,
 Humanâque iterum vocem animûmque dedi,
 Et meus haud pretium retulit vulgare Melampus
 Conscendens thalamos, Iphianassa, tuos.
 Nec mihi stultitiam quisquam exprobat eandem,
 Quam pepulit plantæ vis animosa meæ.

V. 3. Melampodis fama di-
 vinationis artibus nota est, ab
 hoc appellatur unum Hellebori
 genus Melampodion. Aliqui pa-
 storem eodem nomine invenisse
 tradunt, capras purgari pasto-
 rillo animadvertentem, datoque
 lacte earum sanasse Prætidas fu-
 rentes. *Plin. l. 25. c. 5.* Præ-
 tides Præti Argivorum Regis
 filia, Iphianassa, Lysippe, Mæ-
 ra, & Euriale dictæ, quæ cum
 e formâ Junonem superare ja-

ctitassent, in eum furorem actæ
 sunt, ut se vaccas esse crederent.

*Prætides impleverunt falsis mu-
 gitibus agros. Virg.*

Melampus autem (sive Augur
 ille celebris, sive alius)

— Helleboro curavit eas &

*Iphianassam uxorem duxit cer-
 tæ Melampus. Virg.*

Medicus dicitur. *Georg. 3.*

— Cessere Magistri

*Phillyrides Chiron, Amathao-
 mûsque Melampus.*

Form

Forma bonum magnis solidum atque fidele deabus,
 Cum coelo & magnis illa coæva deis :
 Non illam hostili irrumpens capit impete morbus, 15
 Nec longi expugnant obsidione dies.
 Frivola res forma est in floribus atque puellis,
 Par hominum vitæ frivola ridiculæ.
 Talis inauratæ fugitiva superbia nubis
 Quam Phœbi Artificis lucida pingit acus. 20
 Nunc lætū nitet ac ridet, sed proxima tristes
 Turpiter in lacrymas desinere hora videt.
 Hæc teneros angusta coarctat gloria flores,
 Hos malè cancellos Hemerocallis habet.
 Illos & pluviae necat, & vis improba venti, 25
 Illos astrorum cæca venena necant.
 Ut Semele infaelix inter blanda oscula solis,
 Atque sui, pereunt ipso in amore dei.
 Illis per fibras cæsum læthale calores,
 Mortiferum punctim frigora vulnus agunt. 30
 Frigora si veniant, Progne pernicibus alis
 Adventum brumæ non magis ipsa fugit.
 Siquis in hæc, divū æternis flos dignior hortis,
 Tam fragili vitæ conditione brevis.
 Siquis subjecit pedibus strepitūque furorēque 35
 Et raucas hyemis terribilēque minas.
 Indomitūque nives calcat, pluviasque repellit
 Victor, & aeris bella sonora plagæ.

V. 24. Hemerocallis anti-
 quorum flos diversus est diversis
 autoribus, Dioscoridi ex gene-
 re Liliorum est, *Theoph.* Longe
 alius, & *Plin.* qui eam folio co-

ronare dicit. Nomen certè max-
 imæ parti florum convenit, sed
 minùs fortassè Lilio quam ple-
 risque aliis, si à fugacitate ti-
 tulum obtinuit.

Huic,

Mec
 Ver
 nien
 phat
 trem
 cis,
 stom
 Ischi
 ter n
 flamm
 omni
 alis

Huic, dea, pro meritis da sceptrâ hortensia tantis,
Imperium in flores da, dea iusta, tuos.

49

Sola quidem virtus facit & sapientia regem,
Si benè rex magni dictus Imago Dei.

Hâc ego confidens, non formæ dote superba,
Florea non temerè vindico regna mihi :

Nec forti imbellis mihi cedere turba rubescat,
Luxuriâ & vernis ebria, turba bonis.

45

Venit hyems ; Eheu ? lætus modo, nunc simul annus
Lugentis vultus atque furentis habet.

Undique carceribus venti effunduntur apertis,
Et latè infelix dispoliatur ager.

50

Frondebis arboreis primo conamine raptis
Truncum & radices vix sua servat humus.

Imbribus immodicis latet obruta terra, vel illa
Lanatis nivium tota operitur aquis.

Vel concreta gelu riget, & simul ipsa supernè
Fert ripam in dorso fluminis unda novam.

55

Marmoreo in tumultu natura sepulta videtur ;
Frigora captivam desidiosa tenent.

Germina miraris tanto in discrimine rerum
Multa mori ; ingenti multa latere metu ?

60

Aspice languidulo nictantem lumine, & ipsum,
Plantarum credes non benè habere deum.

V. 39. Audiamus unum *Plin.*
Medetur morbis Comitialibus,
Vertigini, melancholicis, insa-
nientibus, Lymphaticis, Ele-
phantiaæ albæ, lepris, tetano,
tremulis, podagricis, Hydropi-
cis, incipientibus Tympanicis,
stomachicis, spasticis, clinicis,
Ischiadicis, Quartanis, quæ ali-
ter non desinant, tussi veteri, in-
flammationibus, torminibus. Hæc
omnia cumulatim, sed & multa
alis sparsim attribuit. Libet

nunc titulos videre Imperat.
Justiniani, Imperator, Cæsar,
Flavius Justinianus, Aleman-
cus, Gothicus, Franciscus, Ger-
manicus, Anticus, Alanicus,
Vandalicus, Africanus, Pius,
Fœlix, Inclytus, Victor ac Tri-
umphator, semper Augustus.
Satis hæc gloriosa, sed pro-
fecto Imperator Helleboro no-
stro immane quantum inferior
est.

G

Nunc,

Nunc, violæ, nunc ô bellæ prodite tulipæ,
 Nunc, rosa, purpureum pande superba decus.
 Quid nitidi vivas expromere, Lilia, vultûs
 Cessatis (propria est hæc nivis hora) nives?
 Omnia secretis conduntur germina in antris,
 Omnia surda jacent, omnia muta metu.
 Ausa laborantis tantâ in formidine mundi
 Pænè ego belligerum sola levare caput.
 Nec me virtutis, nec me rationis egentem
 Circumstat telis millibus acris hyems.
 Quod tibi si mens est reginam, diva, creare,
 Et titulo plantam nobilitare sacro.
 Conveniant omnes, te coram iudice certent,
 Ut dignam tanto munere, diva legas.
 Cauta sed in mediam conventum indicito Brumam,
 Quæque petunt fortem tempora dura ducem.
 Siqua ex molliculis, siqua ex redolentibus istis,
 Et nimiâ ornatis ambitione venit,
 Si caput audebit pulchellum ostendere, cedo;
 Pulchellum exornet pulchra corona caput.
 Nulla quidem veniet; discrimine picta venustas
 Tam magno imperium non benè credet emi.
 At solæ comparebunt non divite cultu,
 Quas, dea, nunc comites cernis adesse meas.
 Nec sibi nunc (non est fiducia tanta) petatum
 Adveniunt istæ, sed mihi regna vovent.
 Fortiter hæc patior; quid agam nunc fortiter audi,
 Cognita nam virtus parte in utrâque mea est.
 Nec solum invictum bellis civilibus esse,
 Sed latè populos vincere regis opus.
 Si mihi de partis cognomina clara triumphis,
 Atque honor ex omni surgeret hoste novus.
 Vix (puto) Romanus vel jactantissimus olim
 Tot titulos princeps accumulare potest.
 Serpentes latè canculos, scabiémque vagantem
 Monstra superveniens irrequieta domo;

Quartanas cunctatrices lentoque duello
Terribiles celerem carpere cogo fugam.

100

65 Cum vertigo rotat cerebrum, sufflamine nostro
Sistitur, & firmo permanet orbe caput.

Cum membris exundat aquosus & æstuat hydrops,
Siccatur nostro pulvere dira palus.

70 Quid memorem reliquos, cum morbum tollo caducum,
Sit licet Herculeus, sit sacer ille licet?

105

Quid memorem morbos? mihi mors apoplectica cedit,
Néve animâ patior membra manente mori.

Magna quidem memoro; sed & his majora supersunt,
Tantaque res meriti pars quotacunque mei est.

100

75 Me penes est unum læsæ curatio mentis,
Efficere hoc solis diis que mihi que licet.

Infanis medeor stultisque, quid addere possit,
Quæ majora mihi vel dare regna deus?

80 Qui facit hoc, illi est totus provincia Mundus,
Imperium magno Cæsare majus habet..

115

Dixerat, & læto comites plausere tumultu,
Ipsaque (si fas est credere) risit hyems.

85 Protenüs eduxit legiones purpureum ver,
Floreæ per totum funditur umbra solum.

120

Vix (puto) qui tantâ potuit facundus Homerus
Argolicas acies dinumerare fide.

i, 90 Vix (puto) tot poterat formosa examina florum
Exactâ & certâ dinumerare fide.

O Ver! ô pulchræ ductor pulcherrime gentis!

125

O florum Xerxes innumerabilium?

Quos ego (nam gens est non averfata liquores)
Epotare etiam flumina posse reor.

95 Talis erat pictis fulgens exercitus armis,
Et forma atqua ingens arma fuere decor.

130

Nomine tum formæque tubæ flos æmulus æræ,
 Stans medio, clarum ter dedit ore sonum.
 Edicítque altâ voce, ut simul audiat omnis
 Concio (nam vox est candida & alta tubæ.)
 Quisquis (Io) florum quos hic astare videmus,
 Non petitis regnum, cedite ritè loco.
 Ritè prius sanctum venerati numen abite,
 Qui regnum ambitis, vos remanete loco.

135

Prima racemosi submisso vertice caulis.
 Antè dæx solum judicis, Orchis abit.
 Orchis apes portans maculoso examine pictas,
 Montrâque ridiculi ludicra floris habens.
 Orchis, quam Satyri & nequam deus ille Priapus,
 Et Venus, & iudex nostra vel ipsa probat.
 Hanc sequitur cognata canini nominis herba,
 Nec minùs ipsa iisdem fida ministra deis.

140

145

V. 131. Ex genere Pseudo-narcissorum Juncifoliorum, propter figuram tubi in medio flore à Gall. *Trompettes* dicitur, ut à nostratibus, *Trompets*, vel, *Bastard Jun.*

V. 139. Famosissimo nomine Satyrion, à libidinosis Satyrorum testiculis. *Opus* Testiculi, quorum & figuram radices referunt, & vim mirificè augere dicuntur. *Diosc.* scribit à Romanis, Molorticulum Veneris nominari, quasi (interprete *Lauremburgio*) efficax in permolendo Orticulo muliebri. Multa sunt Orchidum species, sed tres à floris figurâ cognomi-

natz, nempe Orchis, Sphzodes, Melittias, Myodes. Angl. *The Wasp Dichis*, (quam malè *Parkinsonus* noster appellat, *The Gnats Dichis*, *enim* Vespæ est, non Culex) *The Bees Dichis*, *The Flies Dichis*.

V. 145. Dens Caninus. *Dog-tooth*. Flore albo vel purpureo, ex Satyriorum (ut quidam existimant) genere, & Satyrion Erythronium, *Teirotion Diosc.* voluit esse, quod *Parkinsonus* nostras Tulipam esse contendit, utcumque non minus efficax in excitandâ Venere creditur.

His

His quoque se jungunt pulchri comites Hyacinthi,
 Nobilis illa, potens, & numerosa domus.
 Nec tamen hæc causa est hoc tempore poscere regnum,
 Heu ! ignominiâ nuper inusta gravi. 150
 Nam quondam Oebalio cum se de sanguine cretum,
 Et magni Ajacis diceret esse genus.
 Res ea judicio Floræ commissa supremo,
 Nuper erat, causâ sed cecidisse ferunt,
 Quod sua non poterant insignia scripta probare 155
 Litterulis mœstis flebilibusque notis ;
 Tu quoque qui Græcis gallinæ filius albæ,
 Ignoti titulum, candide, Lactis habes,
 Quamque parens florum miti lætissima coelo
 Bethlemix Stellam terra Britannia vocat, 160
 Ambitione vacans omni, Leucantheme bulbe,
 Ut decet affinem, tu comitaris eos.

V. 147. Varie sunt dissimilimæque Hyacinthorum species quarum nulla litterulis notisve signata est, sed neque Liliæ formam habet, itaq; nullo jure hoc nomen invaserunt. Columellæ, Vitruvio, Palladio Iris, cærulea Hyacinthus dicitur, quæ non minus ab illo Heroico poetarum differt; de quo magna inter Criticos & inextricabilis contentio est. *Parkinsonus* Hyacinthum illum purpureum quem stellatum dicimus, Virgilianum Vaccinium putat esse.

V. 157. Orinthogalum, Lac Avis, vel Gallinæ, an propter excellentiam & raritatem cum primò id nominis adeptum sit? quo sensu dicimus,

Rara avis in terris nigroque simillima Cygno ?

Certè *Plin.* in præfatione sic ait, Alii *Kίτας* Ἀμυλδίας, (libros inscribere) ut vel Lactis Gallinæ sperare possis in volumine haustum, super quo Dalechamplus, Lac Gallinaceum olim de summâ felicitate usurpabatur, *Strabo. l. 14.* Eos qui Sami fœcunditatem laudabant, ei proverbium accommodasse tradit, quo aiunt, *Φέρειν ὀρίδων γάλα.* At nullus hoc bulbo vulgarior; an quod flos iste parvus, intus lacteus, foris viridis, albas quodammodo avium super foliis dejectiones (quæ quasi lac Avium videntur) representant? vocatur & alio nomine Bulbus Leucanthemus, & ab Anglis honorificentissimè, Bethlemix Stella propter stellarem floris figuram.

Sed neque te summæ tanto in certamine laudis,
Virium habere satis, belli modesta, putas.

Militiæ quanquam pars tu firmissima vernæ, 165
Præcedis, comitas, subsequerisque ducem.

Quanquam Consolidæ nomen tibi jure tributum est
Et magno dignum principe munus habes.

Quanquam nulla facis, quanquam omnia vulnera curas,
O verum plantæ militis officium ! 170

Hæc eadem guttis Sanicula sparsa cruentis,
Et Cotyledonis sanguine sparsus apex.

Hæc eadem rubro Lunaria cærulea caule.
Et Gerani virtus Hæmatoidis agit.

Hæ cessere tamen; flores plerumque feroces 175
Non sua tam virtus, quam sua forma facit.

Cedit & ipse etiam gladii de nomine dictus,
(Quis putet hoc?) cedit, picta tulipa, tibi.

Tot cinctus gladiis, truculenti more tyranni,
Regni affectati suspicione caret. 180

V. 163. *Daisie*. Gall. *Mar-garie*. Officinis *Consolida* minor appellatur propter vim astringendi curandorumque vulnerum eximiam.

V. 171. *Sanicula* guttata dicta, propter plurimas minutissimas coloris sanguinei guttas per florem minutum sparsas. Angl. *Spotted Sanicle*. Nec dissimilibus guttis notata est *Cotyledon*, sed paucioribus, majoribusque, herba est ex *Sedorum* genere, Angl. *Navelwort*; *Lunaria*, *Woon-wort*, Angl. aliquibus *Soldanella Montana* dicitur, vel *Alpina* propter similitudinem folii cum *Soldanellâ marinâ*, i. e. *Sea Bindweed*. *Geranium*, Angl. *Crane's-bill*, à *græc.* *crus*, quod in summis alis quasi gruum capitula ac rostra spectantur.

Multas habet species, *Geranium Tuberosum*, *Romanum*, *Batrachoides*, *Hematoides*, propter sanguineum floris colorem, & astringunt hæ quatuor *Herbæ*, & egregiam vim habent in vulnerariis remediis, sed & florum etiam gratiâ in hortos aliquando recipiuntur.

V. 177. *Gladiolus*, quod folium ad effigiem gladii formatum sit, quâ de causâ & *Græc.* *Gladiolus* appellant, & *Maximilianus*, Angl. *Corn-flag*, quoniam crescat inter segetes, *Scgetalis* etiam Lat. dictus. In pulverem redactus bulbus, & inspersus, Sanguinem sistit, & vix uspiam planta est tantæ potestatis in emolliendis discutendisque tumoribus & quam *Gladiolibalbus* foris impositus cum adipe porcino. *Lauremb.*

Quantum

Quantum immanè aliis hic distat ab ensibus ensis,
In rabiem effingit quos fera flamma suam.

Huic tribuit natura parens armaria verè
Unguenta; hoc solo sistitur ense cruor.

Tu quoq; cessisti, locuples, Aquileia, colorum,
Et lauta & centum conspicienda togis.

Obsessasque vias audax perrumpere, & hostes
Dejicere obstantes, precipitesque dare.

Quodque magis mirum est, tam formidabile nomen
Tam regale sonans, ora Leonis habens.

Nec tibi majores animos, Gavianæ modesta,
Tigridis in morem dat maculosa cutis.

V. 185. Vel Aquilina, vel
Aquilegia, Angl. **Columbine**
quia florum calcaria recurva col-
umbarum cervicem cum capite
& rostro referunt, sicut Latine
ab Aquilâ denominatur propter
mucronem floris aduncum instar
Aquilini Unguis. Fab. Columnæ
Ispyrum est *Dioc.* Costæa Po-
thos *Theophrasti*, at Dalecham-
pio *Theop.* Diosanthos. *Dodo-*
neo Leo herba vocatur, *Gesne-*
ri Leontostomium; non alium
existimantibus Ore Leonis, à
Columellâ dicto.

Narcissique comas & hians
sæva Leonis

Ora feri

Lib. 10. Radix in Hispaniâ e-
st post longa jejunia ad detur-
bandos renibus calculos. *Park.*
ex Camerario, ex Clusio autem
refert semen contra Morbum
Regium atque omnes Hepatis
obstructiones utiliter sumi, im-
mo & parturientibus facilem
partum præstare.

V. 181. Fritillaria vulgo no-
minatur, errore ridiculo no-
menclatoris qui putavit Fri-
tillum significare Fabulam il-
lam Lusoriam quâ Scaccho-
rum in ludo utimur, quadra-
tis areolis bicoloribus distin-
ctam, Alii Meleagridem appel-
lant, quod ejusmodi maculis
Meleagridis *i. e.* Affricano-gal-
linæ, & plumæ & ovâ noten-
tur, Alii Narcissum (videtur
enim Narcissorum esse ex ge-
nere) Caperonium, à nomine,
ut ferunt, Inventoris. Alii Li-
lium variegatum. Nomen Ga-
vianæ primus ei indidit *Lau-*
rembergius, ab ovis Gaviarum
punctis luridis eundem in mo-
rem variis. Gavia avis est a-
quatica, Anglicè puto dicitur,
Sea-gull, eandemque ob cau-
sam Belgas hunc florem appel-
lare ait *Ribitsblomen*, *i. e.*
Gaviæ florem.

Cur non hoc profit, maculas mutare vel auro,
Cum nollet Citrus luxuriosa suas.

Discessere simul ferrugine tincta rubenti

194

Lilia, quæ foelix Persidos ora tulit.

Lilia discessere simul, tollentia stellis

Spicatum exiguis lacteolisque caput.

Gemmantis gratos uvæ redolentia odores,

Pergratos hominum sensibus atque deum.

200

Non viret in terris cerebro indulgentior herba,

Vim non immodici sobria nacta meri.

Hanc sequitur repens per humum, baculumque requirens,

Clematis infirmo non bene fulta genu.

Purpurei denso Ranunculus oris honore

205

Bellus it, à tergo gens numerosa subit.

Gens agris hortisque potens, latèque per hortos

Nobilitas, latè plebs dominatur agris.

V. 194. Prodigiosa Mensarum Citrearum pretia vid. apud *Plin. lib. 13.* & Mensarum insaniam vocat, quas foemina viris contra Margaritas regerunt. Et, Inter pauca nitidioris vitæ instrumenta hæc arbor est. Has mensas propter maculas & colorum discursus varios, Tigrinas & Pantherinas ibidem vocat.

Accipe felices, Atlantica muna, sylvas;

Aurea qui dederit dona, minor dabit. Mart.

V. 195. Lilia Persica, non ita pridem è Persiâ hæc advenit à Mercatoribus nostratibus. Radicem habet Coronæ Imperiali similem, sed sine graveolentiâ scapum minorem humilioremque; à medio ad summum stant quidam ordines florum

pendulorum instar Gavianæ, sed vix tantæ magnitudinis, color ferrugineo, &c.

V. 197. Liliun Convallium dictum, nescio quamobrem, exiguorum alborumque foliorum spicâ constans. Putatur hæc esse veterum Oenanthe, quam *Theod.* Vitifloram vertit ab odore germinantis uvæ. Incertum hoc quidem, sed ponamus hic ita esse.

V. 203. Vinca pervinca. Angl. *Perwinckle*, or *Ladies Bower*, sed plures ejus species sunt.

V. 205. *Crotu-foot.* Angl. Ranunculum vocamus, quem Græci Batrachion, genera ejus quatuor — nascitur in limitibus humidis, & opacis *Plin.* unde à Ramis cognominatur sed hodiè multa ejus generis nota sunt quædam certe bellissimo flore.

Bellus

Bellus it Asphodelus, sed enim, me iudice, radix

Non dedit Ascræo fercula lauta seni.

210

Flos propè consequitur, sed multum dispare formâ,

Nomine non humilis, pulcher Adoni, tuo.

Sed tua progenies Anemone fertur euntem

Risisse indignum nomine, Adoni, tuo.

V. 209. *Asphodil*, Day Lilly. Asphodelus manditur & semine tosto & Bulbo, sed hoc in Cinere tosto, deinde sale, oleo addito, pretereà tuso cum ficis, præcipuâ voluptate, ut videtur *Hesiodo*, traditur & ante portas villarum satum remedio esse contrâ veneficiorum noxam. Asphodeli mentionem & *Homerus* fecit, Radix ejus naxis modicis similis est, neque alia numerosior 80 sæpè acervatis bulbis. *Theophrast.* Et ferè Græci, principique *Pythagoræ* Caulem ejus cubitalem & sæpè duâ cubitorum, foliis porri-sylvestris, Anthericon vocavere, radicem vero, i.e. Bulbos Asphodelon, nostri illos Albucum vocant, & caulem Hastulam Regiam, &c. *Plin. lib. 21. 17. Hesiod.*

Νήποι, ὅσον ἴσασιν ὄσων
πλέον ἤμισυ πάντες,
ὄσον ἐν μαλάχῃ καὶ
ἀσφοδέλῳ μέγ' ὕψους.

Plato, 3. de Legibus, Epimenidem vilissimo cibo confecto ex Malvâ & Asphodele contentum

fuisse tradit. Dalech. Ἐδω-
δοί μοι μὲν γὰρ ὁ μόνον Βολ-
βοὶ καὶ τὰ ὅμοια τέτοις, ἀλ-
λὰ καὶ ἡ τῆς Ἀσφοδέλης ῥίζα.
Theophrast. Quidam igitur ve-
terum Ἀσφοδέλον, Sisarum pu-
tant esse, sed folia Asphodeli
οὐδὲν μᾶλλον ὅμοια non au-
tem Sisari; nostri quidem As-
phodeli tuberibus porci vescun-
tur, sed hominum stomacho a-
versatur ac vomitum ciet, ergo
aut Asphodelum poetico more
pro quacunque radice ponit *Hesiod.* Aut delicatius Ascræ ge-
nus nascitur, aut planè nescimus
quid sit illius Asphodelus.

V. 212. Flos Adonis, eo-
dem nomine & Anglicè vocatur,
fatis ineptè. Flos est exiguus,
ruber, sex foliis minutis con-
flatus, ex Anthemidis genere vi-
detur esse; ridet hanc nomi-
nis arrogantiam Anemone, quod
ea ex ipso Adonidis sanguine
nata dicatur. Anemonis hanc
aggregant quidam tanquam in-
simam & simplicissimam earum
speciem.

G 5

Leucoion

Bellus

Leucoion, quanquam totum vix deferat annum, 215
 Curriculum faciens, solis ad instar, idem,
 Officii plenum, & nullis non mensibus aptum;
 (Sed tamen hic veris maluit esse comes.)
 Egreditur campo simul, & cognomine eodem
 Cingit odoratum lutea planta latus. 200
 Proxima Caltha subit, penè omnibus illa calendis
 Certa cliens mensis stet licet ante fores.
 Calceolusque cavo bellòque adapertus hiatu,
 Calceolus dignus vel pede, Flora, tuo.
 Nec non Barba Capri, socros nimique veterni 225
 Dormitum medio quam juvat ire die.

V. 215. Anglicè *Stock-Gilliflowers*, i. e. Caryophyllus fruticans, ab odoris similitudine. Leucoion dicitur, quanquam omnium ferè colorum flos sit, vel à canitie foliorum, non floris; ut putat B. Peria: vel fortassè quod omnes flores, cujuscunque coloris sint, degenerent tandem in album, ferè post triennium. *Columella* addit etiam iis Epitheton Candidi, admodum superflue, sed hoc tamen innuit & alios Leucoion colores habere, cur autem Candida Leucoia præcipuè nominat, cum illa sint vel ignobilissimum genus, vel degenerantia & quasi valetudinaria Leucoia?

V. 219. Leucoia lutea, materis ac muris ædificiorum familiaria quanquam & in hortos quoque recepta, præcipuè flore multiplici, unde Angl. dicuntur *Wall-flowers*, quasi flos murorum, vel *Parietaria* Officinis *Cheiri* vocatur unde fit oleum *Cheirinum*, Arabico, ut arbitror, vocabulo.

V. 221. *Callendula* nostra (sic dicta quod omnibus Calendis, i. e. mensibus floreant, *Fior d'ogni Mese*, Ital. quod exactè verum est) *Caltha* veterum putatur esse. *Leuteolam* *Virgil* vocat, *Colum.* ait.

Flaventia lumina Calthe — *Marigold* An. I.

V. 223. *Helleborine* dicitur, quod sit *Hellebori* alibi f. lio, flos *Calcei* formam quodammodo representat, unde *Calceolus* *Maris* vulgò indigitatur, Angl. *Ladies-slipper*. Unde & *Cosmosandalos* existimatur esse veterum, à *Sandalis* figurâ.

V. 225. *Barba Hirci*, *Τριμύρον*, Angl. *Goats-beard*, quod flos nondum explicatus barbe hircinæ figuram imitatur, vel à pappo cano grandiori qui in summo vertice ejus nascitur. *Flin.* Comen etiam vocat. Quotidiè circa meridem flos occludit folia nec nisi manè postero explicat.

Buthal-

Buthalmósque oculi lato fulgore bovini,
 Sive tuo potiùs, maxima Juno, micans.
 Scorzoneraque flava, malis inimica novercis,
 Ipsaque materno lacte benigna tumens.
 Et cava non æstum patiens non frigora Radix.
 Quæ cautè post ver advenit, antè fugit.
 Et tu Lunaris Viola, & Blattaria dulcis
 Digna quidem titulo nobiliore frui.

V. 227. Angl. *Dr-eye*. Buphthalmos flore similis boum oculis, folio fœniculi, circà oppida nascens, fruticosa caulibus, qui & manduntur decocti, quidam Cachlam vocant. *Plin. l. 25. 8. Dalech.* legit Calcham; fortasse non malè Caltham legemus, nam ex earum genere videtur esse, & colore & figurâ flor. Notum est bovinos oculos, i. e. magnos, Junoni attribui.

V. 229. Anglicè *Vipers-grass*, Scorsonera Hispanicè sonat quasi Viperaria herba non ita pridem inventa, contra venena laudatissima, lacteo humore abundans, flos luteus dilutâ flavedine, & non absimilis barbæ Hircinæ; Tragopog.

V. 231. Radix Cava, Angl. *Hollow-root*, A re nomen habens, nam intus cava est, testamque refert. Herba est Delphinio flore similis folio Aquilegiæ,

Tota veri mancipatur, reliquo anni tempore sub terrâ latens.

V. 234. Variis nominibus nuncupatur Viola Lunaris, *Bolbonach*, (barbarico nomine) Viola latifolia, Viola peregrina, Lunaria Græca, Lunaria major, Lunaria odorata, Angl. *Sattin flower*, *Honesty*, *Penny flower*.

V. 233. *Plin. lib. 25. 9.* Est similis Verbasco herba, quæ sæpè fallit pro eâ capta, foliis minùs candidis, cauliculis pluribus, hæc abjecta blattas in se contrahit, ideòque Romæ Blattariam vocant: Atque idem scribit *Dioscor.* de verbasco sylvestri; negat id *Parkinsonus* in nostratibus Blattariis observari; quæ tamen & Anglicum à Blattis nomen trahunt. *Both*, *Mullem*, quarum quæ Lutea est, odorata est.

Albaque

Albáque Cardamine & Pulmonaria fusca,
 Et quas mille alias longa referre mora est.
 His etiam arborei foetus, fruticésque nitentes,
 Se jungunt comites non renuente deâ.
 Quis dedit hortorum læto considerare regno
 Numen floripotens, & meruere locum.
 Dulce Periclymenum, dulci Libanotis odore,
 Dulcis & Hispano nata Genista solo.
 Et Syringa duplex, cultu formosa decenti,
 Albam sive gerit cæruleámve togam.
 Additur his rosæ Sambuci lacteus orbis,
 Mille unus stellis conglomeratus honos.
 Additur & Cerasus, nostrásque & Persica Malus,
 Quarum multiplici flore superbit apex.
 Quis natura tamen fructus prolémque negavit,
 Et sterili passa est luxuriare bono.
 Sed, velut eunuchi, formæ decus atque coloris
 Præmiolum raptæ fertilitatis habent.
 His & mille aliis cedentibus æquore campi,
 Turba petitorum sola relicta manet.

239

240

245

250

V. 235. Sifymbrii genus est, quod officinæ Nasturtium aquaticum vocant, *Water Cresses*: Sed Cardamine flore pleno & Cardamine trifolia recipiuntur etiam in hortos. Angl. *Cuckow Flowers* (flos Cuculi) *Ladies Smocks*.

V. 235. Herba Buglossi folio sed promisso magis atque læviore, colore quoque dilutiore albicantibus maculis notato, ad similitudinem pulmonis, unde nomen, & ad omnes pulmonis morbos utilissima existimatur. Quidam Symphytum maculosum vocant, i. e. *Spotted Comfrey*. Florem

fert Paralyti vulgari similem, sed colore ferrugineo, unde & Angl. dicitur. *Cotullip of Jerusalem*, aliisque nominibus *Lugwoyt*, *Sage of Jerusalem*.

V. 245. *The Elder Rose*, Anglicè *Dr the Guelder Rose*, quod in Gueldria frequens nascatur; flos quasi pila quadam alba apparet ex innumeris minutissimis conglobata flosculis.

V. 247. Fructum, nisi rarissimè, non ferunt, eamque non probabilem, itaque ad topiarias magis scenas, quàm usum pomarii adhibentur.

LIBER TERTIUS.

133

239 Omnis erat totâ comitatus gente suorum,
 Omnis & in festâ veste superbus erat.
 Procedit prima ante alias, quasi Phosphorus almi
 Veris, & hos dulci dat Viola ore sonos.

255

V I O L A.

240 A Ureus portis Aries supernè
 Exit auratis quadriformis anni,
 Vêrque formosum radiante portat
 (Plaudite) dorso.
 245 Vêrque dum procedit (Io triumphe!)
 Floreo procedit (Io!) triumpho,
 Ferculum primum venio superbæ
 Nobile pompæ.

5

250 Ut decet veris sobolem decori,
 Maximam natu sobolem decoram,
 Purpurâ involvor, viridîsque gesto In-
 signia regni.

10

Regio quamvis veneranda cultu,
 Regios odi tumidîsque fastus,
 Nec sinum amplexûmque humilis parentis
 Impia sperno.

15

Gaudet aspectu Cytheræa nostro
 Sentiens anni reditum tepentis,
 Nec magis certa est calidorum hirundo,
 Augur amorum.

20

Ergo nascenti mihi multa raptim
 Millia impingit Venus osculorum,
 Et sacro labrum mihi purpurascens
 Nectare tingit.

25

Hinc calix nostri simul atque floris
 Panditur blandâ resolutus aurâ,
 Parva jucundos adaperata pisis
 Fundit odores.

Dumque

Dúmque odoratum mea mulcet aura,
Dúmque gustatum sapor ipse inescat,
Dúmque mirantes color & venustas
Palpat ocellos.

Utili lenocinio salubres
Corpori succos simul administro
Blanda & ægroto medicina quondam
Digna Epicuro.

Fervidos hostes minimo tumultu
Exigo sensim sine clade victrix
Corpus haud sentit placidè peracti
Vulnera belli.

Cedit, & cessisse rubescit herbæ
Ad coronamenta epulâsque natæ,
Virium atque iræ nimium potentis
Conscia febris.

Ponit ut ventus timidèque mussat,
Ipse Neptunus simul atque lætum
Increpans ventos caput æstuosis
Extulit undis.

Quid mihi paucos numerare flores
Viribus magnis nimium furentes?

Quid mihi multos specie decoros
Rebus ineptos?

Principem siquid deceat rogabis;
Omnis hoc mundus referet roganti,
Magna cum multâ bene lenitate
Juncta potestas.

Dixit, & extemplò divini spiritus oris.

Demulcet totum lætificatque locum,
Aura diù mansit, Violâmq; fuisse locutam,
Si non audisses verba, probasset odor.

Dixit, subiitque locum, quæ proxima stabat,
Auricularum ingens nec numeranda cohors.

Tincta cohors Violâ, coccis, & murice tincta,
 Pallida, flava, rubens, candida, fusca, cohors.
 Quæque (genus duplex) consanguinitate propinqua 63
 Sed formâ inferior, Primula veris erat.
 Auricula has ducit cunctas, causâque perorat
 Lutea, quæ merito Maxima dicta suo est.
 Centena attollens quæ prodigialiter ora,
 Centeno poterat (cùm lubet) ore loqui 70

V. 66. Primulam Veris à Paralyfi itâ distinguit *Parkinsonus*, (Nam ab aliis plerumque confunduntur nomina) quod illa non nisi unicum florem eodem caule attollat, hæc plures. Illam *Primrose* Angl. vocamus, hanc, *Cotullip*. Sunt igitur omnes Auriculæ Ursi, genus quoddam Paralyfis quod nomen Auriculum satis quidem ineptum, suo tempore obtinuisse testatur *Marbriolus*. Mirum sanè foret si hæc omnia genera Primularum, tam insignia atque ubique ætate nostrâ crescentia, veteribus ignota omninò fuerint, vix minùs certè mirandum est, vetus illarum nomen à Criticis nostris adhuc ignorari.

AURICULA URSI.

FLorum diva potens ô radiantium,
 Quid mistum è variis floribus in sinu:
 Gestas fasciculum mollis eburneo?
 Me, me multiplicem caule vel unico
 Unam fasciculum Diva fer integrum,
 Me turbâ caput dulce micantium
 Plusquam Geryonem, monstrum & amabile:
 Me sidus radiis dulce salubribus
 Multis compositum fer, dea, stellulis.
 In flores alius jus sibi regium
 Et summum titulum flosculus arroget,
 Dicar vel populus floripotens ego.
 Nec natura mihi vana sine omine
 Lætorum tribuit tot caput decus,
 Humani capitis, principis omnium
 Partis, nobilibus dedico usibus.

Mentis

Mentis conspicuam sed fragilem Pharon,
 Æternæ dominæ nec bene congruam
 Virtus non patitur nostra fatiscere;
 Cùm nutat dubio pondere machina
 Laxatis superans vix retinaculis
 Extinctoque fere lumine mobilis.

I, nunc, illepidum nomen & horridum
 Ride, si lubet, ô, quod mihi inusserit
 Sæcli barbaries sordida nuperi.
 Nam verum & proprium gens veterum pio
 (Rem sacram) occuluit cauta silentio.
 In mentem tibi quid venit, ineptule,
 Qui primus lepidos dicere flosculos
 Foedæ consimiles auriculis feræ,
 (O quisquis fueras) ausus es, impudens?
 O, non Auriculis digne, sed Auribus!
 "O amplis asini dignior auribus,
 "Quam iudex cytheræ ridiculus Midas!

Talia cantanti (neque enim tam læta loquuntur
 Germina, more hominum, sed sua verba canunt)
 Succedis, Narcisse, puer (si credimus) olim,
 (Pérque sacram vatum credimus ista fidem)
 Et ducis longúmque genus, variósque propinquos,
 Suffragatores, ambitiose, tuos.
 Omnes pallor habet, vel fulgor luteus omnes,
 (Pallore & luto corpora tingit amor)

Quanquam

Quamquam purpureos illis indulfit honores
 Blandus adulator, munificusque Maro.
 Pro eunctis albo Flos Chalcedonicus ore
 Narcissi soboles indubitata, canit.

45

V. 44. *Parkinsonus* noster
 nullum agnoscit purpureum
 Narcissum, aliquem Medio-pur-
 pureum appellat, qui calycem
 nempe habeat vel circulis vel
 punctis purpureis signatum. At
Virg. Eclog. 5.

Pro molli violâ, pro purpureo
 Narcisso.

Fortassis more suo quemvis pul-
 chrum colorem, purpureum,
 quemvis florem Narcissum vo-
 cat, ut cum dicit

Manibus date Lilia plenis,
 i.e. Flores omnes, sicut *Home-
 rus, Aeneis* nomine genus om-
 ne florum complectitur, sed
 quid respondebimus *Plin.* qui
 ait, Narcissi duo genera in usu
 Medici recipiunt, unum purpu-
 reo flore, alterum herbaceum.
 An illum indigitare vult quem
 medio-purpureum vocat *Parkin?*
 An illâ ætate quidam fuerint
 toti purpurei? An non denique

(quod suspicor) Romani aliam
 aliquam plantam præter croce-
 um illum fabulosum ex Narcisso
 florem, Narcissum nuncupave-
 rint? Cur enim ei peculiariter
 comam attribuerunt? *Colum.*
 Narcissique comam; *Virg.*

————— *Sera Comantem*

Narcissum —————

& certè longè maxima pars
 Narcissorum verna, non sera
 est: cur illi etiam lacrymam,
 tanquam arbori aut frutici,
 glutinosam dederunt? *Virg. 4.*
Georg.

————— *Pars circa septa domo-
 rum,*

*Narcissi lacrymam & lentum de
 cortice gluten;*

*Prima favis ponunt funda-
 mina* —————

V. 45. Narcissus Chalcedo-
 nicus flore pleno albo Polyan-
 thos. *Parkins.* qui & pulcher-
 rimus & suaveolentissimus est.

N A R C I S S U S.

O Lim quis fuerim-puer,
 Quam formæ nimio terribilis bono,
 Quæ fataliter impotens
 Et multis nocuit, nec domino minùs,
 Cujus vanâ ab imagine
 Flammas elicuit vel sub aquis amor.
 Notum stirpibus infimis
 Jam notum anniculis stirpibus arbitror.

Et

Et quas tosta caloribus
 Urunt perpetuis Æthiopum sola.
 Et quas ripa Borysthenis
 Urit perpetuo languida frigore.
 Ut quondam pueris puer,
 Sic flos emineo floribus omnibus,
 Nec causam poteris dare,
 Cur mi forma minùs nunc placeat mea.
 Demissum teneo caput,
 Antiquum speculum cernere gestiens,
 Da fontem mihi limpidum
 Antiquis videas fervere amoribus,
 A Nymphis & adhuc color,
 Et nostris decorant tempora floribus,
 Me gestant tepido sinu,
 An mallent puerum dicere, nescio.

Gens Anemonarum tum se promovit, & illi
 Arrisit placido lumine diva favens.
 Nam neque splendidior, nec gens numerosior ulla
 Hortacula est, dicam pace, Tulipa, tuâ.
 Purpurea his dux est juvenis de sanguine pulchri
 Derivans certo stemmate pulchra genus.
 Cuique Anemonarum (domus est quæ maxima gentis)
 Haud dubiè primas dat Platyphylla domus.

V. 32. Vulgatissima Anemo- | res in latifolias atque tenuifo-
 narum divisio apud recentio- | lias.

10 Illa decenter hiat Zephyro spirante benigno,
Solvit & in tales ora venusta modos.

15 V. 33. Flos nunquam se aperit nisi vento spirante, unde & nomen accepit. *Plin.* 21. 23. Fallitur ergo *Ovidius*, Qui ita dictum putat, propter brevitatem floris, pauci enim sunt diuturniores,

— *Ercvis* est tamen usus in illis;

Namque malè hærentem, & nimia levitate caducum,

20 *Excitant iidem* qui perflant omnia venti.

Ovid. lib. 10. Metam. Ubi Fabulam vide. Ex Adonidis cruce natam Anemonem fabulan-

tur & *Ovidius*, & *Nicander*, & plerique poëtarum. Eion solus ex illo Rosam asserit creatam, è lacrymis autem Veneris Anemonem.

Δάκρυον ἂ Παφίη τόσον
ἐκ χέει, ὅσον Ἄδωνις,
Ἄϊμα χέει τὰδε πάντα πο-
τὶ χθονὶ γίγνεται ἄνθη.
Ἄϊμα Ρόδον τίπτει, τὰδε
δακρυὰ τὰν Ἀνεμώναν.

Liceat mihi Anemonæ gratificari, atque ex utrisque ortam prædicare.

ANEMONE.

25 O Omni requie mollior inquires,
Qui mundum exhilaras flamine fertili,
O ter digne Favoni,
Nostræ connubio deæ.

30 Inspires dominæ leniter auribus
Blando quo recreas omnia spiritu
Commendantia verba,
Et voto faveas meo.

Si ventus meritò congenerem mihi
Non falsi titulum nominis addidit,
Si cum carcere ventus
Marcens Æolio jacet.

Confusa, & simili vincta silentio
Ornatum capitis complico fulgidum, &
Casu tristis amici,
Florem incarcerationo lugubrem.

Si

Si me ornat variis copia vestibus,
 Et læta innumeris pompa coloribus,
 Si me regibus aptum,
 Divum nobilitat genus.

Me flavi genuit sanguis Adonidis,
 Commistus rosæ cum lacrymis deæ,

 Cum sacri puer oris
 Sylvæ gloria flebilis ;
 Apri fulmineo vulnere concidit ;

Ut valdè historicus Naso probabilis,
 Antiquarius ingens,
 Non vanâ retulit fide.

Quot guttæ juveni purpureæ cadunt
 Tot rorat lacrymis diva nitentibus,

 Formosique cruenta
 Æquant flumina rivuli.
 Tanquam conjugio nexibus intimis
 Se miscent lacrymæ & sanguis amantium,

 Pulchrorumque parentum
 Nascor filia pulchrior,
 Quas vires habeam fortè requiritis ?
 Quas vires habeam ? Formam habeo bonam,
 Pulchræ filia divæ,
 Pulchri filia Adonidis.

Proxima se multâ cum majestate decoris
 Et nimium fastûs Imperialis habens,
 Clara Corona infert ; nec vel Divi vel Iambi
 Incedunt Tragici nobiliore gradu.
 Illa propinquorum nullo venit agmine cincta,
 Illa sibi fidens, agminis instar erat.
 Erigitur, vultûque ipsâ vel Judice digno
 Persequitur numero jus graviore suum.

V. 47. Omnium florum au- | *gius* Archithyrso nomen illi
 gustissimus visu ; Laurember- | indit.

CORO-

CORONA IMPERIALIS.

20 **M**Agnum hîc videtis, maximum, & acribus
 Certamen actum seditionibus,
 Natura sed nostræ verendum
 Imposuit diadema fronti.

O tot peracto verba negotio
 Consumpta frustra ! Quæ loca litibus,
 Natura si nostræ verendum
 Imposuit diadema fronti?

Mî glorianti insignibus imperi,
 Flori invidetis forte novitio,
 Fraudique mî forsan futurum est,
 Nomina non habuisse Græca.

Plebeia forsan filia pauperum
 Dicar parentum, quod trahor originem
 Nullis pudendam fabulosis,
 Aut pueris superum aut puellis,

35 Hujusce mundi non vetus incola,
 Rexi per annos innumerabiles,
 Et Bactra Susasque & beati
 Floriferos orientis hortos.

40 Bulbus me honestat maximus aureus,
 Qualem videmur sæpe manu globum
 Regum timendorum teneri,
 Orbis & imperium notare.

Et celsa thyrsus purpureum erigo
 Regumque dignum sceptrigerâ manu,
 Te, Bacche, victorem decere,
 45 Qui domitis potuisset Indis.

V. 18. Ab oriente non | nes venit, veteribus ignotus.
 ita pridem in nostras regio- | V. 21. Sæpè bilibris est.

Florum

Florum coronâ cingor & aureâ,
 Intérque Flores turgidulæ micant
 Dulcique distentæ liquore,
 Parvula sidera, Margaritæ.

Ornant coronam argentea stamina
 Et stamina ornant; aureoli croci
 Et circulum supra nitentem
 Exeritur viridis capillus.

Quandoque florum tergemino ordine
 Augusta surgo; nec mihi sat placet
 Regalis ornatus supremæ
 Pontifici locupletis horti.

Invidit æther, me aspiciens, humo;
 Clarâmq; stellis obtinuit novem
 Minoidos pulchræ coronam,
 Debet adhuc tamen invidere.

Talia voce tonat, graditurque deâmq; salutat,
 Non humili gestu, sed quasi diva deam.
 Ah nimium foelix, omniq; ex parte beata,
 Ni gravis ornatum dedecoraret odos.
 Occupat inde locum dives sine fine Tulipa,
 Lasciva & nullo luxuriosa modo.
 Quotquot habet mundus tot possidet una colores,
 Callida misturis se variare novis.

Non satis est auro coopertam stare corusco,
 Nec cocci aut conchæ purpura lauta satis.

Licia sola juvant sed multicoloria vestis
 Attalicâ pictæ, vel Babylonis acu.

Sola placere oculis cura est; & dicier horti
 (Hoc juvat, hoc melli est) nomina summa sui.

V. 30. In intimis foliorum
 singulorum floreis ungulis enas-
 cuntur tubercula quædam can-
 dida, Margaritis non ab similia,
 liquore melleo plena.

V. 37. Archithyrus triplici
 florum ordine Constantinopoli
 familiaris est, apud nos raris-
 sima.

V. 43. Ariadnes.

Sæpè aliqua ex illis proprii pertæsa coloris,
 Nec contenta suis (ut fit ubique) bonis. 60
 Nescio quo, magno certè conamine, & ægrè,
 Ora sibi mutat, nobiliùsque micat.
 Medea veluti si cocta fuisset ahenò,
 (Medea herbarum talia fecit ope)
 Certa mori, sed læta tamen, neque enim illa recusat, 65
 Aut dubitat tali conditione mori.
 Tantus Amor laudis, tantique est gloria formæ!
 "Plus vitâ indecori mors celebrata juvat.
 Pro reliquis causam nunc suscipit alba Tulipa,
 Sive quod haud illâ rarior ulla fuit. 70
 Sive magistratum veteri quod more petenti
 Conveniens semper candida visa toga est.

V. 59. Qui bulbus continu- hilaraturus est colonum, sed
 aliquot annos vulgarem flo- brevi & non durabili gaudio;
 rem, flavum aut rubrum osten- nam cum plantâ ipsâ bulbus to-
 dit, is unâ forsitan æstate tus sequenti emoritur. *Lau-*
 pulcherrimi coloris flosculo ex- *remb.*

TULIPA.

In libris (memini) vatis Horatii,
 (Nam vates legimus natio florea
 Nos vates redamant, nullâque cernitur
 (Florum gens studiosior.)
 Quidam se chlamydem dives opum domi
 Possedisse refert millia quinquies;
 Et magnum numerat millia quinquies;
 Vestes bis totidem mihi.

V. 7. — Chlamydes Lu-
 cullus, ut aiunt,
 Si possit centum Scenæ præ-
 bere rogatus,
 Qui possum tot? ait, tamen &
 quæram, & quot habeo

Mittam —
 Post paulo scribit.
 — sibi millia quinque
 Esse demi Chlamydem partem
 vel colleret omnes.
 Horat. l. i. Epist. 6.

Quot

Quot terræ facies verna puerperæ

Quot fulget volucrum picta superbia,

Quot scitè artificum dispositus manu

Gemmarum varius dies,

Quot vel lucis acus docta coloribus,

Intexit lepidè stragula nubium,

Tot vestes mihi sunt, & sequitur decor

Me regalis in omnibus.

Me vestrùm miseret, candida lilia,

Me vestrùm miseret, purpureæ rosæ,

Quas una atque eadem continuò facit

Vestis trita beatulas.

Tam frugi studiis conveniunt togæ,

Et quandoque gravem germina florida

Picto constituent horto Academiam,

Vobis non deerit locus.

Ornet divitior cōpia principem,

Ornet lautities ambitiosior ;

Regem pompa decet splendida ; parcitas

Vestigal malè sordidum est.

Hinc ver purpureum (veris an abnuat

Quisquam in iudicio flos requiescere ?)

Me totis retinet mensibus ad sui

Extremum imperii diem.

Atque his eximiis auget honoribus

Pars anni tenero chara Cupidini,

Non tantùm faciem propter amabilem,

Sed multò mihi plus Amor.

Devinctus meritis interioribus;

Magnum nescio quid, præsto Cupidini;

Magnum; sed taceo; quid taceam tamen?

Non nos tetrica natio

40

Flores, progenies nec sumus arboris

Lentæ, frigidulæ, putidulæ, gravis,

Moroso Cereris nobilis in sacro;

Sed nec tu dea tetrica es.

Radix deliciis molliculis favet,

45

Radix nequitiis nostra procacibus,

Tormentes agitat lenè medullulas

Blandis foeta caloribus.

Si coenasset eam nocte nefariâ

Infelix Juvenis regii adultera

50

Non invita die, nec nimum ferox

Vixisset, puto, postero.

V. 33. Ante non ita multos annos cœperunt quoque bulbi illarum inferri culinis, & præparari in gulosum, neque ingratum ferculum, quo non solum creditur corpori laudabile alimentum adjungi, sed & stimulos addi exercitiis venereis. Asstantur bulbi sub cineribus, vel coquantur in aquâ, & apponuntur cum aceto, oleo, sale, pipere. *Laurember. Gerardus, & Parkinsonus* contendunt, &, ut arbitror, evincunt, Tulipam nostram non aliam esse Satyrio *Dioscoridi*, inter venereos bulbos olim famosissimo.

V. 42. Ἀγρὸς Græcè quasi Agros i.e. purus, castus. Undè Officiæ eam barbærè Agnum Castum vocant, hoc est, Arborem Castam

castâ. Est ex falicû genere: *Gaza* Amerinam vertit. Rationem nominis reddit *Galenus*, quod castitatem conservet iis, quibus aut estur, aut bibitur, aut substernitur: *Vitex* latinè dicitur. *Plin. lib. 24. 9.* Non multum à falice vitilium usu distat *Vitex*, foliorum quoque aspectu, nisi odore gravior esset, Græci *Lygon* vocant, alii *Agnon*, quoniam Matronæ *Thesmophoriis* Atheniensium castitatem custodientes, his foliis cubitus sibi sternunt. *Θεσμοφόρις* autem *Ceres*; *Legiferam* *Cerere* appellat *Virgil.* Romanis *Bonæ Dæ* nomine innotuit, cuius castissimæ sacra viris ne aspicere quidem licuit.

V. 50. *Sexti Tarquinii.*

H

Dixerat,

Dixerat, erubuit paulum dea conscia veri,
 Nec tamen & risum continuasse ferunt.
 Iris subsequitur, coelestiaque ora resolvit,
 Iris odorato concomitata choro.

I R I S.

SI forma imperium potest mereri,
 (Flores forsitan inter & meretur)
 En ora imperio creata florum,
 Et cognomine pulchriora gemmâ
 Et cognomine pulchriora divâ
 Erectâ ad superos verendâ fronte,
 Et coelum referente, sed serenum.
 Par est regia numini potestas
 Par coelo facies decetque regem,
 Nullus principe dignior potenti
 Quam mollis titulus serenitatis,
 Nec certè satis est mihi esse pulchræ,
 Omnis livor abest malignitasque
 Pulchros efficio, meoque succo
 Purgatis nitor additur puellis.
 Hic formosa tenui virum & deorum
 Captis blandior innocens ocellis,
 Nec nasum minus obligo beatum,

V. 4. Quidam radicem crystalli esse dixerunt, vocatur ex argumento *Iris*; nam sub tecto percussa sole species & colores Arcus cœlestis in proximos parietes ejaculatur, subinde mutans, magnæque varietate admirationem sui augens. *Plin. lib. 37.9.*

V. 14. Succus radicis tollit maculas, & impetigines.

V. 18. Quidam locum ip-

sum odoratiorem faciunt, ut *Iris*; quia & arborem totam, cuius radices attingit. *Plin. lib. 17.*
 7. Et paulo post, *Iris* radice tantum commendatur, unguentis & medicinæ nascens, & alibi eam dicit esse nobilissimam odoris. Hinc ex radice *Iridis* cæruleæ pulvis ille conficitur vulgò Pulvis de Cypro dictus (Angl. *Oiris-powder*) quæ capillis inspergi solet.

Auram nectaream undequaque fundens,

Nullam præposuisse fertur olim,

20

Ridenti mihi dulce, dulce olenti

Nec Seplasia delicata plantam,

Nec molli Sibaris soluta luxu

Cunctarumque potens amœnitatum.

Spirant (quis negat?) ore blandienti

25

Divinos violæ rosæque odores,

Spirat Leucoion, Crocûsque serus,

Et nunc nomen aromatis calentis

Flos quondam Jovis, obtinens, & omnis

Dives copia suaveolentis anni.

30

Sed (credo) mihi soli odora radix,

Formosissima partibus supernis

Fragrantissima partibus profundis,

Utrumque utilis atque utrimque flos sum.

Inter delicias severa tantas

35

Morbos undique pello sævientes

Sic turmas trepidas agit virorum

Vultu Penthesilea virginali;

Sic Martem Veneremque Pallas una

Diversissima numina, æmulatur.

40

Nec hæc inferior superba forma est,

Non illo inferior superba virtus.

V. 22. Forum Capuæ, ubi
ot unguentarii negotiabantur,
ut Seplesiarius inde absolutè pro
unguentario acceptus sit.

V. 23. Famossissima deliciis
olim urbs magnæ Græciæ.

V. 27. Angl. *Stock Gillo-*
flower, Crocus serus. Verus

ille Crocus, qui medicinæ usi-
bus feritur, & autumnò tantum
flore, odoris suavissimi.

V. 24. Caryophyllus. *Gillo-*
flower Angl. quem quidam pu-
tant esse *σὺς ἀνδρῶν* Theophr. sed
non nimis hoc certum est.

Me pictam fugit obstinata bilis,
 Me luxus comitem Cupidinisque
 Unguentis madidam fugit, mihi que
 Indignata velut læna, cedit
 Hostis fulva feròxque delicatæ.
 Me vel plus lepore hinnulòque pernix
 Vitat præcipitans aquosus humor,
 Audax diluvium minatus hydrops,
 Erumpensque vagus latente fonte,
 Cùm me corpore sentit ingruentem,
 Cedit corpore panè naufraganti.
 Ut Nilus refluitque subsidetque
 Contactus radio potentis astri,
 Hebræi (pia gens) licet deorum
 Heu sacris aliena dicta nostrum,
 Gens vobis Solomone nota rege.
 Promisisse ferunt Jovem supremum
 Cùm mersum æquore recrearet orbem,
 Nullo tempore velle se futuro,
 Submersum æquore perditum ire mundum,
 Promissique sui velut sigillum
 Æternum diplomatis sacrati
 Impressisse polo Iridem decoram;
 Iris nunc ego, nec minùs venusta
 Nec formâ minùs efficax venustâ,
 (Ipsam rem gero, cujus illa signum est)
 Parvo polliceor venusta mundo,
 Illum, me simul atque cernat intus,
 Nulli diluvio obnoxium futurum.

V. 43. Succus recenter ex-
 pressus, partim ex radicibus so-
 lis, partim ex floribus etiam
 valide deturbat ex corpore A-
 quam & Bilem; adeoque cele-
 bre est Hydragogon. *Lauremb.*
 Iris cui flos purpureus est, effi-

caciore ea cui albus, dejectione
 nonnunquam & vomitione
 quam, præcipuè Citrinam duci
 deinde & crassiolem pituitæ
 viscerum obstructionibus expel-
 endis efficacissima. *Fernel.*

Protenus in medio comitatus conjuge solâ

Pæonis ingenti flos ruber ore stetit,

Non ea de numero magnæ fiducia venit

Gentis ; tota quidem gens erat una domus. 75

Nec dedit hos animos regalis copia vestis,

Idem habitus cunctis & color unus erat,

Non tamen hæc frugi toga majestatis egebat,

Atque inerat constans cum gravitate decor,

Nam clarum floris latè centuplicis orbem 80

Fulgentem saturo murice tollit ovans,

Aglaophotin eum titulo appellare superbo

Non dubitant aliqui, nec meruisse nego.

Quin medicorum etiam diplomata publica jussu

Fertur honorificè scripta tulisse deæ 85

Namque deis Pæon medicus primarius olim,

Nomen apud medicos nobile servat adhuc :

Hic igitur, meritisque suis, quæ maxima, fretus,

Intrepido causam sic agit ore suam.

V. 62. Vetusissima inven-
ta Pæonia est, noménque au-
toris retinet. *Plin. lib. 25. 4.*
nempe à Pæone, cujus memi-
nit *Homerus*, eamque Phuto-
nem curasse dicit vulneratum
Hercule. Vid. *Iliad. 5.* Ce-
lesterrimus hujus plantæ usus in
omnibus Epilepticis Cephalicis-

que morbis, præcipuè verò Pæo-
niz Maris, non Fœniz languis-
dior virtus. Appensa collo ra-
dix (præcipuè infantum) Epi-
lepsiâ (quæ non sit invetera-
ta) curat, sicut ipse experi-
mento sæpius cognovi. *Parkins.*
atque hujus rei author est etiam
Galenus.

PÆONIA.

Illusa pictis si Tulipa virgulis

Et morionis in togâ,

Gemmata vel proles Anemone Adonidis

Si præferatur nunc mihi,

Cedat tonantis ales, & regno excidat 5

Pavone victus aureo.

Cedat tyrannus saltuum, verus leo,

Chamæleonti futili.

H 3

Vos

Vos in corollis gestitent nymphæ suis,
Nec me corollæ respuunt.
Eóne nomine arrogaturam mihi
Me nunc coronam creditis ?
Me regia virtus, inque rebus arduis
Foelicis efficacix,
Victoriæque nobiles regem creant,
Non pictus armorum decor.
Sic, sic furentem viribus morbum sacris,
Sacróque nomine Herculis,
Humana clavæ corpora Herculeæ modo
Ictúque sternentem unico,
Depello capitis arce jactantem minas
Iráque spumantem improbâ.
Hinc ille succo præpotens Pæon meo,
Curasse forsan dicitur,
Plutona magno vulneratum ab Hercule,
Curavit hunc morbum scio.
Immite mortis numen, & regem inferum
Fuisse Plutonem ferunt.
Hic ipse mors est morbus ; at furens, neque
Defuncta mors, sed saucia.
Inepta sim profectò si vires meas
Cum gente molli conferam,
Præfiscinéque dixerim, plantam mihi
Sol ipse non videt parem.
Non ista facio cognitâ plantis viâ
Diviniori sed modo,
Nec me necesse est corpus ingressam intimum
Hostem ferire cominùs,
Non est opus vaginâ, ut ensen conditum
Virtutis internæ extraham,
Emissa longè namque odoris ipsius
Hostem sagitta conficit.

Suspensa collo perduelles abditos

Vallisque munitos fugo,

Non ipsa vidi castra, non veni (quid hoc

O Cæsar ?) & vici tamen.

Talia commemorans abit ille, modesta maritum

Prosequitur conjux ore rubente suum ;

Ecce autem totum fragrantior aura repente

Exhilarare locum, splendidiórque dies. 50

Processere Rosæ ; quas ; turma triaria, magni

Scilicet hæc acies ultima veris erat,

Sylvestres aliquæ ; sed & his non gratia nulla est ;

Et virtus horto digna vel Hesperidum.

Hæc portentificum valet exarmare venenum,

Formidantis aquam quod vomit ira canis,

Hæc valet & lapidum duras in corpore venas,

Saxeæque obsessæ rumpere claustra viæ.

Nec, quanquam agrestis, fuerat cognatio talis

Dedecori, aut summis inficianda Rosæ. 60

At stetit urbanæque tribus, turbæque togatæ

Quatuor attollens signa quaterna phalanx,

Quarum prima venit, próque omnibus una locuta est,

Puniceo spirans suaviter ore Rosa :

Gloria quæ quondam locupletis magna Damasci, 65

Dicitur Astartes sanguine nata deæ.

V. 55. A morsu canis rabio-
si unicum remedium oraculo
quodam nuper repertum radix
sylvestris Rosæ quæ Cynorrh-
odos appellatur, lib. 8. 41. Hi-
storiam vide lib. 24. 2.

V. 57. Fructus Lithontri-
ptici, in quibus excellunt exem-
pti Arilli, spongiæ quoque cal-
culosos efficacissimè juvare di-
cuntur, & imprimis qui inibi
continentur lapilli & vermiculi.
Schroder.

V. 65. Veneris Syriæ, Quar-
ta Venus Syriâ Tyroque con-
cepta, quæ Astarte vocatur,
quam Adonidi nupsisse tradi-
tum est. *Cic. lib. 3. de Nat.
Deor.* Fabula autem sic se ha-
bet. Rosam non nisi candi-
dam primò extitisse, rubuisse
demum, vulnerato Veneris pe-
de, cum Adonidi opem latu-
ra, præcipiti cursu per dumeta-
raperetur.

R O S A.

ESse me quisquam dubitare possit
Sanguinem verum Veneris beatæ?
Ipse germanum sine fraude vultus

Pingit amorem.

Dulcis, & mollis, juvenisq; semper
Sic meus ridet, lacrymâtque quondam
Mane vel frater; similique nobis

Purpurat ore.

Frater alatus; foliorum & alas
Ipsa distendo; facibus relucet
Frater, ardentes apices & ipsa

Vertice tollo.

Quis meas nescit, quis in orbe spinas?
Quis mei fratris, quis in orbe spinas
(Quas magis densas gerit atque acutas)

Nescit amoris?

Quicquid hoc mundo superoque pulchrum est,
Optat & gaudet roseum vocari,
Hæc puellarum propè summa laus est,

Summa dearum.

Me colit princeps orientis alti
Memnonis mater, similisque nobis
Vel sibi tantum digitos habere

Ducit honori.

Cum dies portâ bipatente coeli,
Prodit aurato nitidus triumpho,
Cæulam nimbis roseis plateam

Molliter horæ

Divites spargunt, superas coronis
Undique exornant roseis fenestras,
Primus exorti videor diei or-
natus & omen.

Cumque

LIBER TERTIUS.

153

Cúmque jam laudis satur æstuosæ
Sedomum pompâ recipit peractâ
Limine occurro, reducique læto
Gratulor ore.

35

Elegans pulchri speculator oris,
Arbiter formæ criticus Cupido,
Intuens vultus vacuos rosarum
Vitat & odit.

40

Sic apis (quandoque meus, fatebor,
Melleæ frater similis volucris est)
Præterit flores inopes odorum, ig-
nobile vulgus.

10

Ipsa nimum nisi tincta plenè
Spiritu vivo fuerint rosarum
Ipsa, vix summis patièda labris;
Oscula sordent.

45

15

Quid quod & morbos fugo delicata,
Efficax virtute, modòque suavis?
Ipsa tormento resoluta leni
Corpora purgo.

50

20

Phœbus ut nubes referans aquosas
Solvit in rorem placidè salubrem,
Non Jovis ritu, rapido exprimentis
Fulmine nimbos.

55

25

Quid mihi objectant breve tempus ævi?
Non ob hoc regina minus vocari
Debeo; hoc obsit mihi nuncupari
Si dea vellem.

60

Arroget nomen superis dicatum,
Nomen immortale Amaranthus audax
Arroget; nullum tamen ipsa novi
Nestora florem.

30

Ah potens flores nimum propago,
Et videremur genus invidendum,
Longa si tanti, propria & decoris
Dona fuissent.

65

inque

H 5

Quid

Quid querar nostram doleámve sortem?

Omnis humanæ miserè caduci

Gloriæ flores, fugiunt eodem

More modóque.

Fama sed fortes vetat interire :

Et mihi abruptum properante Parcâ

Non fugax virtus, odor & superstes

Prorogat ævum.

Infimus vermis remanente vitâ

Mortuo fertur melior leone;

Ipsa viventes validósque flores

Mortua vinco.

Mortuam si me reputare fas est

Cujus insignem vel adhuc cadaver

(Corporis functi quasi vivus hæres)

Spirat odorem.

Torqueant ipsum mihi vel cadaver,

Torqueant sævi lacerata membra,

Exprimant omnem clibani calentis

Turbine succum.

Aridi blandum cineres olebunt ;

Ut decet magnos sepelire reges,

Me meo natura parens odore

Funera condit.

Dixerat, ambrosiâque locum compleverat aurâ ;

Gratia virginei mira ruboris erat.

Laudibus accessit, quod eam non spontè putares,

Nec temerè laudes commemorasse suas.

Rivales tremuisse ferunt; nam diva favoris

Multa sui vultu signa loquente dedit.

Suffragatores steterunt post terga potentes,

Terna propin quarum congenerumque phalanx.

Lutea prima fuit, bello minus utilis illa,

Nullâque morborum capta trophæa ferens.

Alba secunda phalanx, & non ingloria factis,

Quæque oculis fidam sæpè tulisset opem.

Tertia vexillo, bellatrix maxima, rubro,

Et non pacifero læta colore micat.

Immodico fluxu labefactos sustinet artus,

Humorūque vagam sistit ubique fugam.

Illa feros hostes ligat astringentibus armis,

Vincula dat victis, implicitosque tenet.

Subsidio illa solet cordi cerebroque venire,

Cum cor aut cerebrum vis inimica premit.

Illa docet spirantem ignes mitescere febrim,

Paulatim & somno lumina victa dare.

Germinis auxilio talis demulsit Iason

Flammivomos tauros, supposuitque iugo.

Hæc ope pervigilem didicit sopire draconem;

Fallor, an ille draco nil nisi febris erat?

Talis rubra phalanx, quæ cum popularibus albis

Dicitur, heu, lites quondam habuisse graves.

Quid de lite loquo? Longum & lacrymabile bellum,

Et certamen atrox inter utraque fuit.

Nec miser Æmathiæ bis inundans sanguine campus,

Spectavit majus nobiliusque nefas.

Scilicet (ut mos est) regnandi dira libido,

Solennis tanti causa furoris erat.

Nam Rosa non potuit per campos rubra Britannos,

Et Rosa non potuit candida ferre parem,

Huic ager Eboraci, Lancastræ fertilis illi

Ad bellum ingentes suppeditavit opes.

V. 127. Rosa Candida insignis erat Regiæ familiæ Ducum Eboracensium, Rubra Lancastriensium, inter quos per seculum ferè duravit bellum omnium longè crudelissimum, in quo plus sanguinis Britannici quàm in bis superandâ Galliâ effusum

esse dicitur, in quo octuaginta principes regii sanguinis occidisse feruntur. Certè duodecim ferè annorum spacio duodecim magna prælia inter Reges Henricum sextum & Edwardum quartum commissa sunt.

Quis furor, ô, vestras in vosmet vertere spinas,
O consanguineæ, congeneresque Rosæ?

Non desunt hostes vobis, non iusta triumphī
Materia, & nullo fama pudore rubens.

Gallica nam vestro bis subdita Lilia regno

135

Per roseos latè nunc dominantur agros,
Vicinúsque nimis nudum latus improbus haurit.

Carduus, & stimulos irrequietus agit.

Interea vobis per bella domestica sceptrum,

Et petitur nimium grata corona Rosis

140

Ah nimium Veneris pulchræ de sanguine cretis,

Ah nimium (video) Mars violente, places.

Nunc ego crediderim Martem de flore creatum,

Accepit tandem fabula mira fidem.

Mars totis violentus agris bacchatur, ut horto

145

Immissus nitido sævit aduncus aper,

Ille ruit frutices & sepimenta decora,

Et laceram pando fulmine vexat humum,

Eruit ille Crocos, & purpureos Hyacinthos,

Atque epulas bulbi, lauta Tulipa, tui.

150

Egestos tumulos subversa que germina fleres,

Et vastum informi strage videre solum.

Quo me, Musa, rapis? vel quo producis, ineptum?

Non hæc est numeris res tenuanda meis.

Dicam ego Plantarum lusus rixasque jocosas,

155

Par erit his forsan fistula nostra modis.

Prælia Plantarum & plusquam civilia bella,

Lucanus tragicâ personet ipse tubâ,

Vel Thebanorum cecinit qui funera fratrum,

Virgilio vates proximus ille, canat.

160

V. 138. Insigne Regni Sco-
tici.

V. 143. Vid. Fab. 5. Lib.
Fastorum.

PLANTARUM

LIB. IV.

F L O R U M II.

FOelix, quem miserâ procul ambitione remotum,
 Parvus ager placidè, parvus & hortus, alit.
 Præbet ager quicquid frugi natura requirit,
 Hortus habet, quicquid luxuriosa petit,
 Cætera sollicitæ speciosa incommoda vitæ,
 Permittit stultis quærere, habere malis.

Talis erat magni memoratu digna Maronis
 Corycii quondam vita beata senis.
 Talis (crediderim) tam lætus & impiger hortis
 Dives in exiguis Abdolominus erat,
 Illum damnosas runcantem gnaviter herbas,
 Ecce ab Alexandro rege. satelles adit,

V. 7. Nūque sub Oebaliæ me-
 mini me turribus altis,
 Quæ niger humectat flauentia
 cuncta Galefus
 Corycium vidisse senem : cui
 pauca reliqui
 Jægera raris erat ———
 & paulo post,
 Regum aquabat capis ani-
 mis, &c. Virg. 4. Georg.
 Ubi mallem per Corycium,
 Phocensem; quam cum Virgi-

lianis interpretibus Cilicem in-
 telligere, nempe ex Coryco. vel
 Coryceâ Phocidis prope Parnas-
 sum non ex Coryco, Ciliciæ mon-
 te, oriundum meminit ejus Stat.
 Theb. 7.

Vel qui Parnasson utrumque
 Aut Cyrrham tauris ætemori-
 amque supinant
 Coryciumque nemus ———

V. 10. Historiam vide initio
 lib. 4. 2. Curtii.

Accipe.

Accipe Sidonii, vir magne, insignia regni,
 Sceptrum, ait, & mitram, Sidoniámque togam:
 Missus in imperium tantum (quis credat?) amatam 15
 Dicitur invitus deseruisse casam.
 Respicit ille gemens hortum; meliora relinquo.
 Heu, ait, infœlix, deteriora sequor.
 Talis erat generi humano vix nomine notus
 Aglaus, in parvo diis bene notus agro. 20
 Namque Gyges Lydas, regum ditissimus olim,
 Impius & scelerum prosperitate tumens,
 Ecquis, ait, toto, me fortunatior orbe est?
 Hic Clarium est ausus voce rogare deum.
 Numen adulari nescit; fœlicior, inquit, 25
 Aglaus; ille furens, Aglaus iste quis est?
 An sit eo quisquam rex nomine quærit? At illo
 Rex certè dictus nomine nullus erat.
 An sit eo quisquam dux belli nomine clarus,
 Aut superis tractâ nobilitate potens? 30
 Anne aliquis prædives opum nullóque periclo
 Inter inexhaustas luxuriosus opes?
 Nullus erat talis generis splendore, vel armis,
 Divitiisve potens; Aglaus iste quis est?
 At tandem Arcadiæ vix notâ in valle repertus, 35
 (Arcadas alta quies umbrâque densa tegit)
 Strenuus exigui cultor prope Ptochida fundi.
 (Ptochida sed tantum viderat ille semel)
 Invidiâ regum dignissimus ille repertus,
 Teste deo, fœlix Aglaus ille fuit. 40

V. 20. A Gyge Rege tunc amplissimo terrarum consultum oraculum Apollinis respondit, Aglaum Ptochidiam esse fœlicio- rem. Senior hic in angustissimo Arcadiæ angulo parvum, sed annuis victibus largè sufficiens prædium colebat, nun-

quam ex eo egressus, atque (ut è vitæ genere manifestum est) minimâ cupidine minimum in vita mali expertus. *Plin. l. 7. c. 46.* Quam Historiam fusiùs narrat *Valerius Maximus. lib. 7. c. 1.*

V. 38. Arcadiæ civitas ab *Ovidio, Statio, &c.* memorata.

Talis magne Deus (si te mihi dicere fas sit
Ridiculorum inter nomina vana deum)

Talis, vere Deus, nunc inclinantibus annis

Sit, precor, ætatis scena suprema meæ,

Finis inutilium mihi sit precor illa laborum,

Jactatæ statio firma sit illa rati.

Sic mea coelestem prægustet vita quietem ;

Dormiat, & mortem discat amare suam.

Ecce iterum abripior longè ; quo Musa rapis me ?

Otii laudatrix irrequieta sacri ?

Pulchra via est (fateor) sed nostris devia coeptis,

Verte aliò, inceptum perficiamus iter.

Nunc tibi dicendum est, per totum autumnus & æstas

Quot quantas acies explicuere locum.

Fulgentem juncto complerunt milite campum,

Aut quia vir numero par vel utrisque fuit.

Aut quia fortassis non germina pauca fuerunt,

Militiam exercent quæ sub utroque, duces.

Pauca, precor, mihi Musa refer, neq; enim omnia quan-

Filia Mnemosynæ sis, meminisse vales.

Si poteris ; densas foecundæ ætatis aristas,

Autumnique uvas enumerare potes.

Principium ¹ Viola æstati, lætùmque dat omen

Flammea, & æstivum concomitatur iter.

Et comes autumnus ; veluti Proserpina lucens

Anni dimidio, dimidiòque latens.

¹ Viola Flammea.

V. 63. Viola tricolor. Angl.

Heart-ease, pansie. Theophr.

Hist. In flore triplicem colo-

rem ostendit, candidum, lute-

um, cæruleum, videturque non

potuisse decentiori vocabulo à

Theophr. nominari quàm Flam-

mea ; cum in lucernæ sive ligno-

rum flammâ terni ejusmodi colo-

res conspiciuntur, cæruleus in

imo, luteus in medio, candi-

dus in cacumine, ut & in tride

cælesti. B. Porta. Maio floret,

& ad finem usque autumnus per-

durat. Sed inodora est.

Pu

Pulchrior illa quidem Violâ cognomine vernâ
 Ornatus generum possidet una triûm.
 Argentûmque aurûmque & purpura fulget in illâ
 O foelix, similis nî tibi dêffet odor!

70

² Hesperis & Violæ sibi nomen amabile sumit,
 Rectius in titulos, hespere, sumpta tuos.
 Omnes illa tibi referat, tibi fundit odores
 Prodigâ, quos toto claudit avara die.
 Te plus sole colit; nec te nova nupta salutat
 Blandius, ut lucem sentit abire, gravem.

75

³ Anthemis exiguum sed non ingloria florem
 Vix levat; at vires parva gigantis habet.
 Illa specum referat victrix, quo tumida Caci
 Ignivomi febris condita more latet.
 Illa fovet lassos, labefactos erigit artus,
 Egeriturque dolo, discutiturque tumor.
 Calculus impulsu illius dissolvitur acri,
 Damnantis fati calculus ille malus.

80

² Hesperis. ³ Anthemis.

V. 71. Flos Leucoio non ab-
 similis. Angl. ~~Dames-Vio-~~
~~lets, Queens-Gilliflowers,~~
~~but inter-Gilliflowers.~~ Vi-
 ola matronalis, vel hyemalis,
 vel Damascena, vel Muscatella
 quibusdam dicitur, non certum
 hanc esse Hesperim *Toeoph.* Hes-
 peris (inquit *Plin. lib. 21. 7.*)
 noctu magis olet, inde nomine
 invento. Quâ in re certè cum
 veterum Hesperis hæc nostra
 convenit.

V. 78. Chamæmelon, pro-
 pter odorem mali dictum. Leu-
 canthemis — Anthemum *Plin.*
lib. 26. 8. Videtur alia ab hac
 herbâ esse, quanquam & illud

calculos ejicere dicat. Chamæ-
 melon febres quæ citra visceris
 alicujus inflammationem infe-
 stant; discutit dissolvitque; ac
 præsertim quæ ex humoribus bi-
 liosis aut cutis densitate prove-
 niunt, quâ dere & ab Ægypti-
 orum sapientioribus Soli con-
 secratum est; febrîumque om-
 nium putatur remedium, &c.
Sennertus ex Galeno. Quidam
 etiam affirmant calculum ex hu-
 mano corpore exemptum (sit pe-
 nes ipsos fides) & Chamæmelo
 obvolutum, brevi tempore dis-
 solutum iri, magno argumento
 illud validissimè calculosis opi-
 tulari.

Innatas

Innatas cautes, & claustra potentiùs ictu
Fulminis aut auri, saxea rumpere amat.

85

Te 4 Cyane infoelix vellem laudare, nec ipse
Diffiteor vultus sic meruisse tuos.

Sunt tibi formosi vultus, coelumque serenum
(Quàm distans coeli moribus!) ore refers.

90

Ergò vetat laudare Ceres, diva utilis orbi,
Agricolæque, sacrum diis que mihi que genus,

Sunt tibi mendosi mores, segetemque trucidas
Fertilis (ò monstrum!) perfidus hospes agri,

95

Nec Rubigo magis, nec belli ductor iniquus,
Nec magè frugiferæ sus inimica deæ.

Quin etiam messorì obstat, falcemque retundis
Improbis, agricolis vitâ obituque nocens.

Frons rudis est, mistâque decens feritate 5 Nigella,
Et Venus incompta est, horridulusque nitor. 100

4 *Cyanas.* 5 *Nigella.*

V. 88. *Bleto-bottle.* Angl.
In nomine Cyani colos. *Plin. l.*

21. 8. Quoniam à Cyano, gem-
mâ czulei coloris, nomen ha-
bet, quam quidam Turchinam
nostram arbitrantur; quanquam
ubique inter segetes nascatur,
cum tamen honorificentissimè
Plin. cum Violâ, & Rosâ & A-
marantho recenset.

V. 97. *Blaptifecula* rusticis
dicta est, quoniam metentium
falcem retundit.

V. 100. Anglicè *Fennel-
flower*, quodd fœniculi folio sit,
à Græcis *Melanthia* propter co-
lorem seminis, quod ad multa
utile esse dicitur, vid. *Plin. lib.*
20. 17. Gith, ex Græcis alii
Melanthion, alii *Melaspermon*

vocant, optimum quàm excita-
tissimi odoris & quàm nigerri-
mum; & Gith, etsi barbarum
videri possit, Romanum voca-
bulum est, nec à *Plinio* tantum
sed & à *Columella* & à *Plauto*
usurpatum, si verè *Calpinus* le-
git in *Rudente Pl. Act. 5. Sc.*
Secundæ, Os calet tibi, num
Gith frige factus? Gall. *Pourette*
dicitur propter calorem seminis
piperi non absimilem. *Ferocula*
floris figura est, (indè que rusti-
ci nostrates eum appellant *Ruf-
fling Robin*) extantibus barbâ
cornibusque viridibus: Semen,
nempe id genus quod suave o-
let, Catarrhos & humores aque-
os potentissimè exsiccare atque
exhaurire dicitur.

Sylva

Sylva impexa tibi viridis riget hispida barbæ,

Consimilique virent cornua torta modo.

Est & cæruleæ vultus tibi concolor undæ,

Flumineus quali fingitur ore deus.

Pictus in hoc habitu steteras, Acheloe, priusquam 105

Herculeâ fuerant cornua fracta manu.

Non hoc de nihilo est ; ornatu germina vestit

Natura, officiis conveniente suis.

Tu toto educis latitantes corpore rivos,

Currite, dicis aquis ; territa currit aqua. 110

Secretos regis anfractus, cæcosque canales,

Flumineum humano numen in orbe tenes.

Quid, ⁶ Speculum Veneris, tantum tibi sumere nomen,

Tam plenum invidiæ quid tibi mentis erat ?

Innumeris pingit vestem tibi purpura clavis, 115

Nobilem habes, fateor, patriciâque togam.

Sed Speculum Veneris ? tituli vix pondera tanti,

Sanguine nata dex, sustinet ipsa rosa.

⁶ *Speculum Veneris.*

V. 113. Nomen à Gerardo nostrate impositum, traductum ex Belgico, *Genus Looking-glass*, sed melius antè à nostris appellabatur *Corn-Violet*, i. Viola segetalis, quòd inter segetes crescat, ab aliis variè nominatur *Onobrychis*, Viola arvensis, Viola inodora, Viola pen-

tagona, Campanula arvensis. Flos minutus purpureus, ex unico folio campanularum mære compactus, sed pentagono ; parvitatem floris ingens numerus ex eodem caule pullulantium compensat, & bellum præbet spectaculum.

Non

Non tu tam lepidos titulos ⁷ Antirrhinon, ambis!

Te Caput hic Vitulæ nominat, ille Lex, 120

Formidabilius te nominat Ora Draconis

Anglia; Quæ tituli est ista Chimæra tui?

Gorgonas & furias nocturnaque spectra fugare

Quid mirum, si te territa credit anus?

Quid tibi casside opus, malè caute ⁸ Napelle? timésne

Insidias capiti, flos scelerate, tuo? 126

Ah utinam tantum galeam tibi fata dedissent,

Impia in humanam tela dedere necem.

Quid tibi cassis opus? non bello invadis aperto,

Militiam peragunt cæca venena tuam. 130

Dii benè quod galeam contra galea altera surgit,

Quæ premit alta tuas, ⁹ Anthora iusta, comas.

⁷ Antirrhinum. ⁸ Napellus. ⁹ Anthora.

V. 119. Antirrhinon vocatur, sive Anarrhinon, sive Lychnis agria, similis Lino, radice nullâ, flore Hyacinthi, semine vituli narium, &c. *Plin.* 25. 10. Nomen Antirrhini attribuitur huic plantæ, quam non omnimodò conveniat cum descriptione *Theophrasti* aut *Dioscoridis*; Ab aliis vocatur Orontium, Canis Cerebrum, Os Leonis, Leo Herba, Angl. Snap-dragon, Lyons-mouth, Calves-snout. Hoc perunctos venustiores fieri, nec ullo malo medicamento lædi posse, aut veneno, siquis in brachiali habeat, arbitrantur Magi. *Plin. ibid.*

V. 125. Napellus verus flore cæruleo. *Bleu helmet-flower*, (. Flos Galeatus, à figura) vel *Monks-hood* Angl. (. Monachi cucullus) ex Aco-

nitorum genere. Napellus venenorum præsentaneorum facile princeps, & planta adeò venenata est, ut non solum ii qui ejus succum hauserunt, raro vel nunquam evadant; sed & ii qui sagittis Napelli succo illitis vulnerentur. *Sennert.* A radice figurâ quæ Napum refert (nempe radice longæ non rotundum) nomen obtinet.

V. 132. Angl. *The whole som helmet-flower* (flos galeatus salubris.) *Counter-poison Monks-hood*. (Monachi cucullus Antidotum) Aconitum salutiferum; Avicennæ Napellus Moysis dicitur. Anthora quasi Antithora, hoc est, Thoræ nempe Aconiti antidotus. Usus præcipui in morbis ac ictibus venenatis; Pestilentie specificè adversatur, & peculiariter radices Thoræ. *Schroder.*

Excipit

Excipit hæc ictus, & vulnera vana retundit,
Casside sub tali prælia Pallas init.

Quis deus has vires tantillas, quis tibi robur
Monstruosum heroâ cum pietate dedit ?

137

Tu bona Medeis tantum Medea, venenis,

Tot scelerum vindex, sacra venena ferens.

Nec tibi devicti laus sola aut summa Napelli,

In nullo pateris germine inulta nefas.

140

Serpentes poterunt per te non esse nocentes,

Et non esse nocens Africa terra potest.

Secreti cum quicquid habent elementa veneni

Aer, & tellus, & gravis unda vomunt.

Inque homines miseros inspirant omnia mortem,

145

Et quo debet ali fomite, vita perit.

Cum possit natura venefica & ipsa videri,

Et pro matre bonâ facta noverca mala est.

Tum quoque lapsarum mundi miserescere rerum,

Tum quoque victricem sistere es ausa luem.

150

O pulchrumque sacrumque herbæ fatique duellum !

Hoc hominum oppugnat, protegit illa genus.

Sume secundanam ¹ Galegam tibi, Martia planta ;

Virtuti flos est proximus ille tuæ.

¹ Galega.

W153. Secundani, secundæ Legionis milites. *Liv.* Galega. *Ruta* Capraria, *Angl.* ~~Goats-Rut.~~ Galega Italicum nomen est, teste

Matthiolo, florem habet, vel potius spicam floream, albi vel carulei coloris, contra omnia venena pestilentiæque morbos laudatur.

Pulchra

Pulchra quidem es ² Lychnis, sed quâ ratione vetustas
Te voluit Græcæ nomen habere Rosæ. 156

Hoc Græcâ dixere fide ; mendacia Græca
Cernere ubique licet, nam tibi nullus odor.

Tu tamen antiquis decus es solenne corollis,
Et stellant radiis tempora cincta tuis. 160

Illustrata tuis gaudent convivia Lychnis,
Et largo vini munere facta Rosa es.

³ Lychnida majorem & speciosam lumine multo
Misit Cæcorum terra vocata prius.

Candelabrum ingens, variisque insigne racemis, 165
Nec plures oculos pavo superbus habet.

Tale ferè regum pendet laquearibus altis,
Auratôque aureas verberat igne trabes.

Altera divitibus mensis, altaribus ista,
Atque epulis divûm digna lucerna micat. 170

Si quibus in terris inscripti nomina regum,
Nascantur flores, me, Maro magne, rogas,
Nescio ; sed certè non pauci nomina regum
Magna ferunt ; néve est is mediocris honos.

² Lychnis. ³ Lychnis Chalcedonica.

V. 155. Quæ Græca (Rosa) appellatur à nostris, à Græcis Lychnis, non nisi in humidis locis proveniens (nostrates autem Lychnides nulla loca recusant) nec unquam excedens quinque folia, violæ magnitudine, odore nullo. *Plin, lib. 21. 4.* λυχνίς *στρανομένη* dicitur, vel à foliorum caulisque tomento, quo veteres fortasse pro *λυχνία* utebantur, vel à colore lucido, vel quòd noctu luceat: *Theodor.*

Gaza in versione *Theophr.* Lucernulam vocat. Angl. *Campion.*

V. 163. Flos speciosissimus, multarum Lychnidum umbellam portans. Anglicè *Pont-such*, or *flower of Bistolw*, Chalcedonii autem Cæci olim dicti, quòd non sedem potius in opposito littore elegissent, ubi postea Byzantium conditum est, multum commodiore loco.

⁴ Lyfimachusq; ornat, rex ornat ⁵ Gentius hortum, 175
⁴ Hortus (Iô) recipit nomina tanta libens.

Nec dedignatur te, ⁶ Saponaria, nomen
 Vile; sed & bella est forma, & amœnus odor;
 Magna quoq; est virtus; tibi cedit maximus hydrops,
 Atque lues pulchræ filia foeda dæ. 180
 Inde ministeriis victrix servilibus instas,
 Splendescitque operâ nigra culina tuâ.
 Ipse triumphatis dictator Quinctius equis,
 Ad sua (nec puduit) talis aratra redit.
 Direxitque manu stivas, & misit eâdem 185
 Sub juga curva homines, sub juga curva boves.

Quid voluit cum tot flores natura creatrix
⁷ Campanæ formam jussit habere cavam?

⁴ Lyfimachia. ⁵ Gentiana. ⁶ Saponaria. ⁷ Campanula.

V. 175. Invenit & Lyfimachus herbam Lyfimachiam quæ ab eo nomen retinet, celebrata Erasistrato, folia habet salicis, florem purpureum, fruticosa, ramulis erectis, odore acri, gignitur in aquosis, vis ejus tanta est ut jumentis discordantibus jugo imposita asperitatem cohibeat. *Plin. lib. 25. 7.* Unde quidam eam *παρὰ λυέιν τὴν μαζὴν* dictam volunt, quo sensu Anglicè vocatur *Loos-Grise*, *or, Willow-herb*, propter folium salicis.

V. 176. Anglicè *Gentian*, *Feltwort*, *Bitterwort*. Cujus diversæ species multumque flore differentes. Gentianam invenit Gentius rex Illyricorum, ubique nascentem, sed

Illyrico præstantissimam, &c.

V. 177. *Sopelwort*, Angl. Inter gentianas numerat *Parkinsonus* propter similitudinem folii. Nomen habet ab extergendi facultate quâ saponis ritu pannos eluit purgâtque, etiam lanas ac vasa culinaria emundant eâ rusticæ. Flos, qui aliquibus plenus est, Jasmini odorem æmulatur.

V. 188. Campanæ, vel Campanulæ, Angl. *Bell-Flowers*, à figurâ floris, multæ sunt earum species, sed quæ præcipuè & peculiariter ita nominantur (nam *Convolvulus*, *Trachelium*, &c. licet eâdem formâ sint, habent propria sibi nomina) Campanæ *Perlicifoliæ*, quæ vel albæ sunt vel cæruleæ.

Quænam hæc sunt tibi, Flora, oblectamenta jocosa?

Ad quæ, nescio quos, ludicra sacra vocas? 190

Nullus in his usus, nec tintinnabula nobis

Reddiderint ullos tam fabrefacta sonos:

Auris tarda homini est; vertentis machina mundi

Non notos homini fundit ubique modos.

Pars aliqua è florum populis, hominúmque; deúmque; 195

Gustatum, tactum, nasum, oculosque juvat,

Quid sensum excipimus quintum, cum forsitan illi

Harmonici poterint auribus esse deúm.

O bene commisto ⁸ Convolvule fuse metallo!

Ille Corinthiaco pulchrior ære color. 200

Dum blandi in laudes solvuntur rauca ⁹ Trachelî,

Guttura, tam leni quæ recreantur ope,

Nomen adhuc majus tribuunt collegia Romæ

Coccina purpureæ, pontificúmque togæ.

Ipsa tibi molles manicas ¹ Digitalis adaptat

Spinosas carpis cum dea Flora rosas. 205

⁸ *Convolvulus Major.* ⁹ *Trachelius Flos Cardinalis.*

Digitalis.

V. 199. Convolvulus autem

major cæruleus, multò largior

Campanulâ cæruleâ, Anglicè

beat blew Bellflower,

beat blew Bindweed, flos

bellus, jucundissimi coloris.

Alluditur ad campanas veras

quæ ex ære confluunt, cujus

sonus laudatissimum Corinthi-

colim fuit.

V. 201. Trachelium dicitur

leniendis faucibus gutturibuf-

que exasperatis Angl. Throat-

wort, or Canterbury-bells,

quorum omnium pulcherrimum

Trachelium Americanum flore

ruberrimo, sive Flos Cardinalis;

sic dictum vel à colore coccineo

longè vividissimo, vel quòd in

Cardinalis alicujus horto pri-

miùm Europæ innotuerit.

V. 205. Angl. Fox-glove,

quod aliquatenus Chirothecam

repræsentet.

Non

Non nimum ² Pomo flos est formosus amoris ;
 Lætior est fructus, floridulusque magis.
 Hoc in amore novum est ; plus totâ messe reique
 Possessæ fructu flos nitet ipse spei.

210

Quàm nitidas ³ Cancrî nova mittit America Chelas ?
 Talia sidereus brachia Cancer habet.

Pars eadem mundi ⁴ Nasturtia lutea mittit,
 Ille etiam in nostros flos venit hospes agros :
 Ecce, Eques auratus, de carcere stipitis arcto, 215
 (Agnoscent signum sole tepente datum)
 Profilit, & fulvis florem calcaribus urget,
 Et simili flavum suspicit ore diem.
 Tale solet Castor cum pervolat æquora cœli,
 Spadici nitidum subdere calcar equo. 220
 Credo aliquam pugnam fortis bellator inivit,
 Aspice sanguineis corpora sparsa notis :
 Ah utinam hoc habitu visus tibi, Naso, fuisset,
 Narrasses lepidam gnaviter historiam.
 Omnia dixisses ; genus altum & fata superbi 225
 Floris, & illa rubens quid sibi gutta velit,

² Pomum Amoris. ³ Canna Indica, Flos Cancrî. ⁴ Nasturtium Indicum.

V. 207. *Lobe-Apple*. Longo caule poma quædam portat (nam flos negligitur) magnitudine exigui mali sed gibbera colore mali Aurantiz.

V. 211. Flos coccineus, antequam explicetur cancrorum chelas aliquatenus referens, explicatus gladiolum. Anglice *The Indian flowry reed*.

V. 213. Nasturtium Indicum. *Indian Cresses*, Angl.

(quod folia esitantur nasturtii modo, similique sapore acri prædita sunt) *Pelloto Larkheel*, i. e. Delphinium luteum, quod Delphiniæ more calcaneum vel calcar habet longum. Flos bellissimus. Monardus, qui primus eam in Hispaniam transtulit, Florem sanguineam nominat, quod tria inferiora floris folia sanguineis punctis & quibus guttulis notata sunt.

At nos cuncta latent seros antiqua poetas,
Nec deus exagitat, nec vetus ille furor.

Et tibi ^s Regalis pulchrum dat gloria calcar
Consolida, & flores magnus es inter eques. 230

Ornatum decuit belli atque insignia ferre,

Si verum Ajacis te genus esse probas,

Floris inarmati non est pater ille, negata

Qui voluit nimium fortis ob arma mori.

Parte quidem ex aliquâ veteris titulos hyacinthi 235

Te certum est vultu sustinuisse tuo.

Nam tibi adhuc remanent vestigia grata decoris

Oebalii, & vel adhuc te, puto, Phœbus amat,

Et tibi lugubris signavit syllaba frontem,

Heu index miseri vix dubitanda patris: 240

Quique invasit adhuc Hyacinthi alienus honores,

Victus jure, novos jam sibi quærit avos.

Nec tamen hic finis magnæ de nomine litis?

Sed tibi adhuc, Princeps Consolida, hæret aqua.

Plurima signa favent, sed & heu, nonnulla repugnant,

Nam referunt formam Lilia nulla tuam, 246

^s *Consolida Regalis.*

V. 229. Flos *παραυμνος*,
Consol. Reg. Calcaris Flos, Flos
Regius, Buccinum Romanorum,
sed usitatissimè Delphinium. A
quibusdam creditur esse veterum
Hyacinthus fabulosus. E qua-
ternis conditionibus Hyacintho
attributis ab *Ovidio*, sola forma
Lilii obstat, alioquin affirma-
rem audacter Consolidam rega-
lem, eam scilicet cui Flos est
purpureus, esse ipsummet *Ovi-
dio* Hyacinthum, 1° color illi
purpureus, 2° evidentissimè &

expressissimè in flore hoc leguntur
literæ *Ai, Ai*, 3° Est etiâ primus
inter verni temporis flores, sed
prohibet figura quæ nimis remo-
ta à Lilii effigie. *Lauremb.* Sed
quid sibi velit cum Consol. Reg-
gal. primum inter vernos flores
vocet, non intelligo; est enim
certè omnino æstivus, propè
ad autumnum usque durans.
Angl. vocatur *Larks-heel* vel
Larks-spur.

V. 241. Hyacintho enim no-
stro veteri omnes notæ desunt.

Nescio Trojanis an te ver colligat hortis,

Hic comes ætatis tardior ire soles.

Et contendit adhuc tecum de nomine claro,

Martagon; & causam quo tueatur, habet.

250

Nec Laertiaden Ajacémque inter, Achillis

De sacris armis lis propè tanta fuit.

Quantam Consolidida exercent, & Martagon ingens,

Ob titulos, Ajax, relliquiásque tuas.

Sanguine nescio quo creta est & ⁶ Fraxinus herba, 255

Hectoris ingentis forsitan ille fuit :

Purpurea assurgunt tibi fila, cutimque rubellam

Percurrit saturo vena cruore rubens :

Tu tres Metropoles humani corporis, armis

Propugnas, uterum, cor, cerebrúmque, tuis.

260

Arfuras tandem defendis fortiter urbes

Interea, & differs quàm potes usque rogam.

Fata obstant, obstat deus imperiosus, habétque

Hectora nequicquam Troja caduca suum.

Nescio quas vires habeas, Cretæ incola, ⁷ Thlaspi, 265

Magnas credo, Jovis tu popularis habes.

⁶ Fraxinella. ⁷ Thlaspi Creticum.

V. 250. Pro Martago sic argumentantur, esse ex genere liliorum, esse inscriptum maculis quibusdam, quæ literæ possunt appellari, eodem certè jure quo *Plinius* in Fabâ literas lugubres inveniri ait ex sententiâ *M. Varronis*. Unde distinctionis gratiâ hunc Hyacinthum Inscriptum appellant, & ἀνθηράν ἡνδρῶν. *Theocr.* Sed & illi Epitheton Ferruginei, atque Purpurei, satis convenit si morem Poëtarum spectamus, qui nunquam ferè de coloribus exacte loquuntur. At verò tan-

dem non est vernus hic flos; Quid dicam? hæret aqua mihi, & assensum sustineo.

V. 255. Fraxinella, quod sit folio Fraxini. Angl. *Bastard Dittany*. Flos quinquefolius, rubellus, sed singula folia saturatiore & sanguineo rubore virgata, è quorum medio stamina purpurea dependent.

V. 265. Thlaspi seu Thlaspe; cujus multa sunt genera diversissimæ figuræ; hoc genus quod in hortos recipitur, dicitur Angl. *Candy Tufts*.

Quæ te dextra legit leprâ, ⁸ Scabiosa, decenti
Contactu ô fiat sic scabiosa tuo.

250 Igne salutari ⁹ Pyrethrum calet acre, molestas
Exhaurit torto dente potenter aquas.

Pars imi rubra est, summi pars candida floris,
Gingivam & dentem, natus utrisque, refert.

255 Tu porcis alimenta soles ¹ Cyclamine decora,
Sed medicinam homini, sed dare ferta deis.

Non ² Muri absimilis, muri cognominis herba, 275
Gaudet in obscuris cauta habitare locis.

260 Umbra amat; adversus Phoebeia spicula, plantam
Auratâ umbellâ protegit ipsa suam.

Tota riget fetis, sed & est holoserica feta,
Nec teneram offendit virginis illa manum. 280

Innumeris horret, sed multum innoxia, telis,
Telorumque piâ vulnera sanat ope.

265 Parvus aromatici speciem vultumque decorum

³ Armerius dicti de Jove floris habet.

Majestas propè sola deest divina pusilla, 285
(Crediderim) infantis flos fuit iste Jovis.

⁸ Scabiosa. ⁹ Pyrethrum. ¹ Cyclaminus. ² Auricula
Muris, Pilosella. ³ Armerius.

V. 267. Angl. Scabious, vel
quod scabiei medetur, vel quod
alba quasi farina quædâ scabiei
non absimilis, summis florib⁹ ad-
heret quasi aspersa. *Yves* Aëtii.
V. 269. Unde & Salivaris
dicitur, quod salivam moveat
ore recepta. Angl. Bellitory
of Spain.

V. 273. Flos Cyclamini Co-

lossinus in coronas admittitur.
Plin. lib. 21. 9. Colossinus, pur-
pureus, à Colossis urbe Troadis.

V. 275. Pilosella, quod to-
ta pilosa sit. *Mucronis*. Angl.
Mouf-e-ar.

V. 284. Anglicè Sweet
John, Sweet William.
Caryophyllis figurâ similis, sed
singuli flores admodum parvi.

At juncti florem multi sociantur in unum,
Qui vel barbato sic Jove dignus erit.

Te quidam Armerium, 4 Muscaria planta, vocarunt,
Te cui musca levis, præda jocosa placet. 290
Impendis succos in retia densa, tuosque
Gnaviter exudas insidiosa dolos.

Sunt triplices rami, ramo ramusculus omni
Tergeminus, foliis tergeminiisque datur.
Tergemini simul & flores 5 Epimedium ornant, 295
Quicquid id est, aliquid res habet ista sacri.

Tu quoque parva nites, neque enim tibi, 6 Ptarmica, parva
Candida multiplicis gloria floris abest,
Utque movere soles sternutamenta, salubre
Sic, puto, nascenti sternuit omen amor. 300

4 Muscipula. 5 Epimedium. 6 Ptarmica.

V. 289. Muscipula Lobelii. Lobels Catch-fly. Ben rubrum Monspeliensium. Inter Lychnidos recenset Parkinsonus, caule & foliis ita viscosis ut irretire muscas possit.

V. 295. Epimedium Dioscor. & semine & flore caret. Huic spissandi refrigerandique natura, foeminis cavenda. Plin. 27.9. Non est igitur Epimedium nostrum idem quod veterum; quanquam in illa potestate convenire cum illo credatur, quod sterilitatis causa sit, un-

de Angl. nominatur Barrenwort.

V. 297. Ptarmica flore pleno quod Τραπούς, i. e. Sternutamentum provocet. Angl. Double Belletory, florent Parthenio similem gerit. Amor sinistra ut ante dextram sternit approbationem. Nunc aspicio bono profecti, &c. Catul.

Num tibi nascenti primis, mea vita, diebus,
Aridus argutum sternuit omen
Amor? Propert.

At tibi formosi formosior accola ⁷ Mellæ

Aurea purpureis frons redimita comis.

Nec pudeat prati, prato collecta virenti

Rustica placavit sæpe corolla deos.

Tu pia melliferæ præbes alimenta volucris,

309

Cum tibi vix tellus præbeat ipsa parens.

Das hyemale penus, das anni tempore duro,

Atque æstate illi flos semel esse parum est.

Officio floris radix tibi fungitur ipsa,

Mellâque languenti sera ministrat api.

310

Est ⁸ Monstrum visu foedum, nec mole timendum,

Sed multum ingenio, viribus, arte potens.

Octo pedes, totidem crurum internodia terna,

Quæque importunâ mobilitate vigent.

Et pro corpore habet ventrem, deforme, rotundum,

316

Ventre venena tument, retia ventre latent.

Retia quæ tendit culici muscæque vaganti,

Dulciâque ex rapto fercula latro vorat,

Hoc satis est tibi, Arachne, urbes ac tecta colenti

Civilisque tibi est legitimusque furor.

320

⁷ Amellus, Aster Atticus. ⁸ Phalangium.

V. 201. Est etiam flos in pra-

tis cui nomen Amelle,

Fecere agricolæ, facilis quæ-

rentibus herba,

Namque imo ingentem tollit de

vertice sylvam,

Aureus ipse, sed in foliis quæ

plurima circum

Funduntur, violæ subluet pur-

pura nigra,

Sæpe Deum nexis ornata tor-

quibus aræ

Asper in ore sapor, tonsis in val-

libus illum

Pastores, & curva legunt prope

flumina Mellæ ;

Hujus odorato radices incoque

Baccho.

Pabulâque in feribus pl. nis ap-

pone canistris. Virg. Georg. 4.

Mella nobilis est in Galliâ

fluvius, aliique cognominis ali-

bi; Poetæ tamen notior Mela

Italus quem sinistrâ ripâ rece-

ptum Ollius fl. in Padum desert,

videturque hinc nomen inditum

flori Amello, Farnab. nostras.

Idem flos est atque Aster Atti-

cus antiquorum, qui & Inguina-

lis & Bubonium dicitur. Angl.

Star-wort.

At sævit majori agreste ⁸ Phalangion irâ,

Et minimo ingentes conficit ore feras.

Dico, Feras ? dentis non aspectabilis ictu

Mentem homini primam, mox animamque rapit.

Tale, Phalangita, & tam formidabile monstrum 325

Conficis, & meriti præmia nomen habes.

Sic cum Scipiadæ cessit pars tertia mundi,

Diripuit victæ miles avarus opes.

Dux habuit spoliū belli sibi majus, & hostis

Cognomen domiti præda superba fuit. 330

Producis lepidos, opulenta ⁹ Peruvia, flores,

Mirandi nostro germinis orbe parens.

Ne tibi tam placeas auri argentique metallis,

Quæ malè fœcundo gignis ubique solo.

Ut tantas admirer opes laudémque, requiris ? 335

Terra venenorum non magis ulla ferax.

⁹ Mirabile Peruvianum.

V. 321. Phalangium est Italiz ignotum, plurimorum generum, &c. *Plin. l. 29. 4.* Ubi genera nominantur; namque omnis Araneus venenatus Phalangion dicitur, quod internodia terna in cruribus habeat (quanquam id cum innoxiiis araneis commune) Φάλαγγξ enim propriè digitorum internodium est. Cum Italiz ignotum esse dicit, Magnam Græciam sub Italiz nomine non comprehendit; nam in Apulia familiaris est famosissima illa ex Phalangiorum genere Tarentula, à Tarento urbe dicta. Hæc autem herba Phalangites,

vel Phalangium appellatur, ἀπὸ τῆς πλῆθους Φάλαγγος ὀνομασθεῖσα. Eademque notione Angl. dicitur *Spider-weit*.

V. 330. Cognomen Africani.

V. 331. Angl. *The Spider-weit of Peru*, or of the *Woolly*. Gloriosissimo nomine, & ultra meritum tumido. Flos parvus est ex campanularum genere, sed numerosissimus super eodem caule, luteus, purpureus, albus, versicolor, quod maxime est in eo mirandum. Ad solem se claudit, vesperi aperit, convolvuli purpurei more.

Alba quatit rubro sua tintinnabula caule,
 Nativum hîc etiam monstrat ¹ Iucca decus.
 Semina sed nostris non profert exul in oris;
 Pulchra sibi est, patriæ fertilis illa suæ.

340

² Malva levat caput hortensis, penè æmula gentis
 Arboreæ, & multâ stat redimita rosâ.
 Diceret hanc aliquis cernens, planta ista superba est;
 Tam pulchro nimius corpore fastus inest.
 Mitior at nulla est, nulla est humanior herba,
 Nulla magis suavi commoditate bona est,
 Omnia tam placidè referat, blandèque relaxat,
 Emollitque vias, nec finit esse rudes.

345

Africa dat multo saturatas lumine ³ Calthas;
 Vicini agnoscas nobile solis opus.
¹ Iucca. ² Malva hortensis rosea. ³ Flos Africanus.

350

V. 338. Eam sic describit
Ferrarius. Torosus, Thyrsus, as-
paragi sive Hastulæ regię modo
emicat in trium quandoque cu-
bitorum lævem & sanguineo co-
lore splendenter virgam, quæ
diffusis palmaribus ramulis tur-
binatim arborefcens, fritillarias
citrâ quadratas maculas imitan-
tia florea Tintinnabula, obsole-
to candore pallida, levique non-
numquam rubore interfusa, in-
odora, deorsum versum spectan-
tia raris intervallis numerosâ
suspendit, eadem tandem sine
semine arida sibi posterisque
moriuntur. Nempè nostris in
regionibus sed in Americâ fœ-
cunda est Iucca: Nomen illud
indidit Gerardus nostras, arbi-
tratus veram esse Iuccam Ame-
ricanam, ex cujus radice panis
sibi conficitur, Cassavi nomina-
tus, sed fallebatur.

V. 341. Angl. *Holihock.*
 Ex Malvarum genere, quarum
 virtutibus emolliendi, leniendi,
 laxandi prædita est. Malva ar-
 borea quibusdam dicitur, sed
 non rectè; est enim alia præter
 hanc vera Arbos Malva, semper
 virens.

V. 349. Anglicè *Africans,*
 Et vulgo sed malè nominantur,
French-Marigolds. Flos A-
 fricanus, Flos Tunidensis, Cal-
 tha Africana dicitur. *Genus* au-
 tem unum eorum, flos Africa-
 nus fistuloso flore, semina om-
 nibus inusitatæ formæ, longæ,
 planæque sagittam referentis, si-
 cut & folliculus quo conduntur,
 pharetram repræsentat, unde lo-
 cus non absurdus fortasse datur
 fabulæ insequenti: Floræ cum
 his telis papiliones insectantis
 venatu.

Latus multipléxque ardenti fulgidus auro
 Orbis, adoratas blandè imitatur opes.
 Quædam tota cava est; poterat folium omne videri,
 Aurata artifici fistula facta manu,
 Ah utinam bonus his animam inspirasset Apollo, 355
 Fistula quàm miros ederet illa sonos!
 Nec brevis huic flori vita est; maturior ævi
 Exacto moritur non nisi mense senex.
 Tam longa indulgent huic soli sæcula Parcæ,
 Invitæque secant stamina pulchra manu. 360
 Capsula vulgaris non est quâ semina condit,
 Sed pharetræ formam picta sonantis habet.
 Illa quidem pulchris pharetra est onerata sagittis,
 Illa humero flores, molliter apta sedet.
 Venatu indulgens cum Papilionis in horto 365
 Persequitur trepidam læta præmitque fugam,
 Ille laboratas radiis solaribus alas
 Huc temerè atque illuc, heu, sine mente quatit.
 Qui nisi sic fugeret flos possit & ipse videri,
 Et picto attonitam falleret ore deam. 370
 Nunc miserande jaces confixus cuspide floris,
 Tactæque vix sentit terra cadentis onus.

Talem regna ferunt quondam foelicia Caltham,
 Punica; Junonis tunc rosa dicta fuit.
 Quo steterat Carthago ingens, hæc gloria clari 375
 Unica, vel certè summa relicta soli est.
 O florum spes fallaces & inania vota!
 Irrita in æquores quæ rapit auster aquas!
 Olim hæc speravit reducis decorare triumphum,
 Hannibalisque ipsas cingere fortè comas. 380
 Aurea speravit Carthaginis esse corona
 Victricis, mundi cum foret illa caput.
 Non dubitasset eo sibi tempore poscere regnum,
 Flora licet Latix tunc dea gentis erat.

LIBER QUARTUS.

177

Nunc illi miseræ, cùm patria serviat ipsa,
Vivere privatâ conditione sat est.

385

+ Ciste, decus parvi fruticis, tam flore pusillo,
Quid simulare rosas, ambitiose, juvat ?
Nè parum id facias, moreris quâ nasceris horâ,
Cùmque die exoriens occidis ante diem.
Ah vide nè nimio constet tibi gloria tanta,
O plusquam satis est ! Ciste, imitate rosas.

390

! Lada, soror Cisti, nè cedat honore rosetis,
Exudat foliis balsama odora suis.

Balsama, quæ foedo caper improbus appetit ore,
Et barbæ obscoenæ pinguis adhæret odor.

395

Non scelus hoc homines tibi sic patiuntur abire,
Unguentata caper, sed tibi barba cadit.

Curat Alopecias hâc Ladanon arte repertum ;

Quid dicam ? has vires planta dat, anne Caper ?

400

+ Cistus. ! Lada.

V. 387. Græci Ciston appellant fruticem majorem Thymo, foliis Ocymi, duo eius genera, flos masculo rosaceus, foeminæ albus. *Plin. l. 24. 10.* Rosago quibusdam dicitur, quod sit flore simplicis Rosæ, sed inodora, & paucis horis marcescens. Anglicè *Holly Rose, Sage Rose.*

V. 393. Congenera huic Lada est, sed altior fruticosiorque. Cistus Ledon, quibusdam. Angl. *Gum-Cistus, or Sweet-Cistus.* Ladanon vel Ledanon exsiccans. Arabia etiamnum Ladanon gloriatur. Forte casuque

hoc & injuriâ fieri odoris plures tradidère, capras maleficum aliàs frondibus animal, odoratorum verò fruticum appetentius, tanquam intelligant pretia, carpere germinum caulibus prædulci liquore turgentis, distillantemque ab his casus misturâ succum improbo barbarum villo abstergere, hunc glomerari pulvere, incoqui sole, & ideo in Ladano caprarum pilos esse. *Plin. l. 12. ib.* Ubi vide plura. Hoc Ladanon multi usas est, inter cætera vino coctum Alopecias curare dicitur.

I s

Objici-

Nunc

Objicienda tibi, ⁶ Jasme unguentaria non est,
Hic solus flori quæstus honestus erat.

At frangenda volunt alabastra, unguentaque luxûs
Condemnant tetrici, putida turba, senes.

Non (licet iratus) tam Jupiter ipse severus, 406

Mitigat iratum dulcis acerra Jovem.

Dulcis odor placat superos; opus ille deorum
Luxuriæ, humanæ sed pietatis agit.

Vendicat Auratam ⁷ Malum dea nostra, legitque
Flores; & toto condit avara sinu. 410

Vendicat & Pomona sibi; legit aurea mala,
Atque onerat calathos infatiata suos.

Lis gravis est, nec lite absunt convicia tantâ,
Nec deest iratis lingua proterva deis.

Et Pomona furens, pomorum si tibi clamat 415

Tantus amor, pomum tu tibi amoris habe.

Convenit hic titulus; sed &, ô, aliena placere

Quid mirum est factæ de meretrice deæ.

Flora incensa refert, Vertumnum novimus & te;

Novimus & quâ tu sub nuce facta dea es. 420

Dum simulabat anum, tu virgo pudica manebas,

Cum juvenili aderat corpore, tum quid eras?

Sorba manu lutea, & dotalia mespila fortis

Stringe, maritales collige, casta, nuces. (numm

Tam bene olens (inquit) tam pulchrum & amabile Po-

Flos est; & carpens asserit ipsa manu. 426

Quædam etiam noménque decûsque Legumina florum,

Nec probro est illis rusticus ortus, habent,

⁶ Jasme. ⁷ Malus Aurantia.

V. 407. Anglicè *Jasmine*,
n. *Jessmin*. Jasminum ali-
quibus dicitur: originem Græ-
cam subolet quasi Viola odora-
ta, quanquam Græcis Jasme in-

cognita. Frutex nobilissimus in-
ter topiarios, apibus flos gratif-
simus, ex quo unguentum confi-
citur omnium suavissimum.

V. 420. *Vid Fab. l. 4. Metam.*

Nec

Nec ⁸ Lathyrum hortensis, nec ⁹ Pisum respuit aula,
¹ Coccineamque videt pænè superba Fabam. 430

Et ² Faba vulgaris, non pauper odoris, & albo
 Ore nitens, oculis conspicienda nigris.
 Ni totos vestiret agros, nutriret agrestes,
 Hortorum poterat non levis esse decor.

Quamquam Pythagoræ non intellecta renati 435
 Verba quidem miseræ non nocuere parum.

At vos, ô semper, sapientes, vera locuti,
 Discite veridico planius ore loqui.

Torquet atrox gustum virtute ³ Lupinus amarâ,
 Ingenium prisçi quale Catonis erat. 440
 Dilue sed bene aquis illum, vinoque Catonem;
 Dulcis uterque tibi permadefactus erit.

⁸ Lathyrus. ⁹ Pisum perenne. ¹ Phaseolus Coccineus.
² Faba. ³ Lupinus.

V. 429. Lathyrus annuus si-
 liquis Corobi, Angl. *Party-
 coloured Chickling*: Lathy-
 rus latifolius, idem est quod
 Pisum perenne, *Eberlasting-
 Pease*, sed & aliud Pisum,
 Quadratum dictum, flore cocci-
 neo in hortos recipitur.

V. 430. Anglicè *Scarlet-
 Bean*. Nam Fabam & Phase-
 olum communi nomine appella-
 mus; est autem hic phaseolus
 magis propriè dicendus quàm
 Faba.

V. 431. Literas lugubres eas
 maculas appellat. *Plin.* Sed &
 Oculi quoque Latine satis dici
 possunt: nam idem *Lin.* ait l.
 & 17. Pantheris in candido bre-
 ves macularum Oculi.

V. 435. Par scelus Pythagoras
 esse dicebat, *Ἐδὴν καὶ μὲν
 κρεατὶς πικρὰν*. Notissimum
 præceptum ejus, Fabis abste-
 to, sed sensus ejus valdè dubius
 controversusque est nam & ip-
 sum fabis libentissimè vesci so-
 litum memoriæ proditum est.
 De interpretatione præcepti,
*Vid. Plin. 18. 12. Gel. 11. 4.
 Cæl. Rhodig. 17. 27. &c.*

V. 439. Anglicè *Lupine*.
 Tria sunt genera, flore albo, lu-
 teo, & cæruleo. Lupinum ab
 omnibus animalibus amaritudine
 suâ tutum. *Plin. 18. 14.* Sed
 addit, Maceratum calidâ aquâ
 homini quoque in cibo est;
 nam bovem unum modii singuli
 satiat, validamque præstant.

Hi flores, & mille alii, simul agmine longo

Et pompæ lento præteriêre gradu.

Procedunt tractâ per humum radice decenter,

Ut sua serpentes florida terga movent.

445

Soli *Mandragoræ geminis bene cruribus apti

Humano incedunt, foemina mäsque, modo.

Mandragoræ bello penè est dea territa monstro,

Semiflorem illum semihominémque videns.

450

Abfuit hoc †Nymphæa choro, non, credo, quod oris

Fidere non aufit viribus illa sui.

Forma colôrque boni certè; quot cernere ubique

Fastosas vultu deteriore licet?

Et si certamen de nobilitate fuisset,

Nulla fuit tantâ nobilitate potens.

455

Nympha palustris erat; quantum decus!Herculis uxor,

Diis geniti herois; Nunc quoque & ille Deus.

Constitit hoc magno miseræ; namque Herculis illam

De madido plantam numine fecit amor.

460

* *Mandragoras.* † *Nymphæa.*

V. 447. *Man-
dragoram* alii *Circeium* vocant; duo ejus genera: Candidus qui & mas, niger, quæ *Fœmina* existimatur, angustioribus foliis quàm lactucæ, hirsutis caulibus, radicibusque binis ternisve rufulis, intus albis carnosis, tenebrisque pene cubitalibus, &c. *Plin.* 15. 13. Ab hac radicem quasi crurum similitudine (sunt enim plerumque binæ, ut sæpè & in

pastinacis tenuifoliis videre est) mirum fingunt de hac plantâ vniuersi agyrtæ, creditque vulgus humanam habere figuram non sexûs differentiâ etiam oculis percipiendâ, quia & gemitus erutû edere exitiales effodienti. *Semihominis* vesano *gramine* fœta *Mandragoræ.* *Colum.* l. 10.

V. 451. De *Nymphæâ* vide quæ *Lib. 1°* diximas.

Ex illo gravis & tristis, lacrymosa, severa
 Vivit, & ipsum odio nomen amoris habet.
 Concubitúsque odio est, & quicquid ducit ad illum,
 Lusus, blanditiæ, liberiórque jocus.
 Et quia nota deæ fertur lascivia Floræ, 465
 (De tantâ hoc fas est si memorare deâ,
 Nam dum viva fuit, dum foemina, semper amorì,
 Et choreis operam, nequitiúsque dedit)
 Sistere famosum se noluit ante tribunal,
 Nec regno hâc vellet conditione frui. 470
 Ah mallet stagnis radicem, credo, relictis,
 Ante tuum nudam sistere, Phoebe, jubar.

Sanctior his longè ⁶ Maracottam causa profanis
 Ridiculisque simul jussit abesse sacris,
 Pictorum vatúmque deos contemnit & odit, 475
 Signata alterius religione dei.
 Deridet Venerem, & Floram, foedúmque Priapum,
 Et Phoebum, & ficti monstra jocosa poli.
 Nescio quæ, latitant sed in hoc mysteria flore
 Magna quidem, & nostris non referenda modis. 480
 Nec temerè, nec naturæ sine mente parentis
 Tam non vulgaris, tam nova forma data est.

⁶ *Maracotta. Flos Passionis.*

V. 473. Vide descriptionem
 hujus plantæ, admirabilis sanè
 pulcherrimæque, apud *Fabri-*
cium (si ridere lubet) qui mate-
 riam hic nactus non vulgarem,
 strenuissimè, more suo, ineptit.
 Granadillam Hispani (quod po-
 mum Malo granato sive Punico
 non absimile ferat) Americani
 Maracottam nominat. Flos Pas-
 sionis Jesuitis dicitur, quod ex-

ceptâ cruce, omnia instrumenta
 dominicæ passionis in illo con-
 spiciant; Illi quidem, hebetio-
 ris visûs homunculi non item.
 Maracoe, sive Clematis Virgi-
 niana (*The Virginian Cli-*
mer) à *Parkinsono* appellatur,
 quod à coloniâ nostrâ Virgini-
 anâ in Angliam primâ missa
 sit.

Alba

Alba decem folia expandit ; toga convenit alba

Virginibus castis, Pontificumque choro :

Purpureâ duplicis limbi pars ima coronâ

485

Bis cincta est ; sancti Martyris ille color.

Multa tegunt florem (sed tectus non latet ille)

Stamina inauratis subrubicunda crocis.

Hoc diadema aliqui, spinis horrentia ferta,

Sanguine tincta sacro ferta, referre putant.

490

Et Porphyriaci consurgit marmoris instar

Undique sanguineis sparsa columna notis.

Sunt quoque (donati peracuto lumine visus,

Namque hebetes oculos plurima mira latent)

Pendula qui clarè mediâ summâque columnâ

495

Spongiolam, clavos, flagra cruenta vident.

Melle tument intus dulci, capitisque figuram

Parva coronati candida poma gerunt.

At radix sub humum descendit longa profundam,

Tartara victricem visere velle putes.

500

Et quasi si totum cuperet complectier orbem,

Non extirpandâ fertilitate viget.

Turba petitorum restabat sola, nec ipsa

Magna quidem ; paucis vis ea mentis erat.

Inter odoratos regnum tam dulce petentes.

505

Ecquis te, flores quærere Moly velit,

Te cognata tibi redolentem rustica plantam

Allia, messorum prandia, Moly velit ?

Est

Est aliquid (plantæ decus hoc sensere vel ipsæ)

Mæonidæ sacro nomen habere libro.

510

Hoc tibi dat magnos animos, fastumque tyranni,

Hoc titulo regnum te meruisse putas.

Tantâ laude tumens medium procedis in æquor,

Et graveolenti audes fortiter ore loqui.

V. 509. Quæ nunc Moly plantæ vocantur, ex aliorum esse genere odor saporque testantur; unde illud honorificentissimum olim nomen adeptæ sint, divinare nemo potest, cum Homericò certè Moly (quod nullum esse in naturâ rerum non dubito, non magis quàm fabulosum illud Hebræorum huic affine Baaras à Josepho, lib. 7. 24. memoratum) nullâ in re conveniunt. Hom. 10. Odysseus.

Ἀνδράσι γε θνητοῖσι θεοῖ
δε τε πάντα δύνανται.

Plin. De hoc Moly, sicut ipse conjecturam facit, sic ait. L. 25.

4. Laudatissima herbarum est Homero, quam vocari à diis putat Moly, & inventionem ejus Mercurio assignat, contraque summa veneficia demonstrat; nasci eam hodiè circa Pheneam & in Cyllene Arcadiæ tradunt, specie illâ Americâ, radice rotundâ nigrâque magnitudine cepæ, folio scyllæ, effodi autem difficulter. Græci autores florem hunc luteum pinxere, cum Homerus, candidum scripserit. Inveni è peritis herbarum medicis qui & in Italiâ eam nasci dicerent, afferrique Campaniâ mihi aliquot diebus effossam inter difficultates saxeas radice triginta pedes longæ, ac ne sic quidem solidæ, sed abruptæ.

Ὡς ἄρα φωνήσας πῶρε
φάρμακον Ἀργειφόντης,
Ἐκ γαίης ἐρύσας, καὶ μοι
φύσιν αὐτὴ ἔδειξεν,
Ῥίζη μὲν μέλαν ἔσκε, γά-
λακτι δὲ εἰκελὸν ἄνδρος,
Μῶλυ δὲ μὴν χελέεσσιν θεοῖ,
χαλεπὸν δ' ἄ τ' ὀρύσσειν.

M O L Y.

Imposuere dei nomen mihi; Moly me vocarunt;

Nomen verendum mysticumque Moly.

Non bene Grammaticis vox cognita; calluit sed omnem

Linguam deorum, divus ipse, Homerus.

Moly deum linguâ Græcis Μέγα dicitur, Latinis

Magnum; deorum mollius sonat vox.

Vista

Vieta meis divina venefica, sole nata, Circe,
Cessit venenis, fortibus piisque.

Vixisset sine me sollertia perspicax Ulyssis
Contecta setis indecènter apri.

Illi Mercurius dedit agmina mille, vimque magnam
Astutiarum consilique frustra.

Ingeniique rotam versatilis, eloquentiaque ;
Ni me dedisset majus acriusque

Telum

— Multa quidem parat addere dicta, sed illi
Nonnullum iratum suspicor esse deum.

Infelix emittit olentes Ulpica ructus,
Famulumque gravi prodit odore genus.

At circum miseri casu rivalis acerbo,
Gaudere, & risu cætera turba quati.

Non erat invidiæ tam pauper planta ferendæ,
Nominis (heu demens!) ambitiosa sacri.

Et cœpère omnes lusu cantare jocosum
(Nota illis Lyrici carmina vatis erant.)

“Parentis olim siquis impiâ manu

“Senile guttur fregerit,

“Edat cicutis Allium nocentius;

“O dura mefforum ilia!

Sed lætum abruptit, subridens ipsa, tumultum
Significans nutu se dea velle loqui.

Molliter efficta in vocem suavissima suavem
Aura, profanatum lustrat odore locum.

V. 18. Ulpicum, genus allii
grandissimum, maximi incremen-
ti, Punicum, *Ἀπογενέσθαι* Gr.
Tu plenior allii Ulpici quàm
Romani remiges, Plin Pœn.

Alliaque infractis spiciu &
olentia laie,

Ulpica — Col. 1. 10.

V. 25. Horat. Ep. Lib. 043.

FLORA.

F L O R A.

10 **N**on mendax vanusve mihi dicetur Homerus
 (Me quanquam omisit versibus ille suis)
 Turpiter hoc; sed mi fas est ignoscere cæco,
 Munificè reliquos obligat ille deos.
 Quisquis tam pius est, veracem credite eundem; 5
 Et de Moly suo non nisi vera refert.
 Mortales Baaran Hebræo nomine dicunt
 Mæonides sacro nomine Moly vocat.
 Est talis mihi flos; Infoelix, est mihi, dico?
 Nempe fuit; sed jam nomina sola manent. 10
 Postquam nota homini tam diâ potentia plantæ
 Suspecta, & superis invidiosa fuit.
 20 Mercurioque patrem, quod eam monstrasset Ulyssi,
 Iratum colaphos fama dedisse refert.
 Non equidem hoc vidi, sed vidi (proh scelus!) ipsa 15
 Indignis miserum Moly perire modis.
 In barathrum radix descendit nigra profundum,
 25 Extirpare illam vix deus ipse valet.
 Velle quidem credas mundi cacodæmonas imi,
 Horridaque inferni monstra fugare soli. 20
 Jupiter irridens, opus est hæc improba multas
 Et non vulgares ut bibat, inquit, aquas.
 30 Ergo deam Lympham vocat, & mirabile, dixit,
 Per Ciconum nosti serpere flumen agros:
 Hinc tu marmoreas undas dea largiter hauri, 25
 Et quocunque vides crescere Moly loco.

V. 23. Lympha non tantum
 Aquam significat, sed & Deam
 Aquæ. Testis Varro qui eam
 invocavit inter duodecim Dæos
 Consentes, agricolarum du-
 ces, initio Libri; necnon etiam
 precor Lympham ac Bonum E-
 ventum, quoniam sine aquâ om-

nis arida ac misera agricultura,
 sine successu ac bono eventu,
 frustratio est.

V. 24. Flumen habent Cicones,
 quod potum saxea reddit
 Viscera, quod tactis inducit
 marmora rebus. Ov. Met. 15.

Funde

Funde super nimbos sed funde capacibus urnis,
Et multo bibulum rore benigna riga.

Iussa facit, plenos illi non invidet haustus;

Mortifera haud parcè frigora Moly vorat.

Protenis (horrendum dictu) pro caule columnam

Stare, atque in summo sculptile floris opus.

Marmoris & fusci radicem ducere venas;

"O monumentum ingens mortua planta fui!

Hunc habuit finem parvi immoderata potestas

Germinis, & superis fama propinqua nimis.

Quid mirum Jovis ingentes si pertulit iras

Rivalis summi flos meus ille Jovis?

Ille admirandus castæ Junonis adulter,

Ille dææ conjux & pater ille dei?

Quid genuit? Numen; nec de mediocribus unum,

Pænè suo vitrico par, & (ut ille) tonans.

Et genuit tactu, non magno humilique labore

Quod sobolem extundit Jupiter ipse suam.

Forma quidem (quantum vitæ natura virentis

Passa est) totius bellica floris erat.

Fingitur in rigidam gladii folium omne figuram,

Et cæsim & punctim vulnera ferre valens.

Et ferrugineam variant discrimina rubra;

Lamina ceu chalybis sanguine tincta nitet.

Sanguineúsque horret falcatis undique spinis,

Caulis & in toto purpurat ore cruor.

Fundus habet clypei speciem, micat aureus umbo

In medio, at capitis stat galeatus apex.

Stamina habent arcum, nervos, albásque sagittas,

Puniceo auratum nec pede calcar abest.

Huic equidem castam bellatricémque Minervam

Constituebam apto jungere connubio.

V. 37. Flos cujus tactu Juno Martem concepit. Vid. Fab. *Ovid. Fastor. lib. 5.*

Quo fieret vitæ servatâ lege severæ,

Atque illibatâ virginitate parens.

60

Unicus ille meis (fateor) crescebat in hortis

Et mihi ob id Phoenix nomine dictus erat:

Seminis infoelix hic fertilitatis egebat

Auctor, & eunuchus flos erat ipse sibi.

Utquæ propagarem mundo tam nobile germen

65

Tentavi, fateor, sedula mille modos.

Ingenio desperandum nihil arbitror, arte

Omnia vincuntur; scilicet arte deûm.

Jamque tener veteri bulbus succrescere bulbo,

Cœpit Phœnicis spes propè certa novi.

70

Ecquis erit finis? turbatus Jupiter inquit,

Expectem, hîc infans dum creet ipse deos?

Equalem in coelis (patiar modò) nempe videbo

Progeniem floris, progeniémque Jovis.

(ptum

"Ergo, monstrum horrendum ingens cui lumen adem-

Insolito talpam terribilem ore facit:

76

Ille rapax prædo nostris immittitur hortis,

Mole minor, similis sed Caledonis apro.

Quas dederit latè strages pictâsque ruínas,

Quis poterit ficcis commemorare genis?

80

Illum nec poterat Ricinus, nec sulphuris aura,

Nec Laferis, nec odor, Moly, fugare tuus.

Nec contentus erat majorum more suorum

Venatum vermes ire, levésque feras.

Ille Epicuræus bulbos & tubera porcus,

85

Pulpamenta vorat deliciâsque meas.

V. 81. Ricinus (Palma Christi, great Spurge) olim dictus est à magnis autoribus (Falsum hoc quidem, sed nihil id meâ refert in hoc loco) in horto

constitus talpas omnes fugare. Alii Sulphuris fumò in cuniculos immisso, aut Asæ foetide (i. Laferis) aut alii odore eos abigere præcipiunt.

Uno nempe decem mihi libræ pendo coronas,
Totque tuliparum perdidit ille die ;
Quot vellem superûm certè nunc vendere nulli,
Vel mihi bis decies si numerata daret.
Fortiter ista tuli & divinè ; talia damna
Ex facili nostræ perpetiuntur opes.
Dum paro vim contrâ, talpa execrabilis ille
Phoenicem rabido devorat ore meum.
Cùmq; parente simul (facinus crudele !) tenellus
Affixus lateri bulbulus ipse perit,
Heu scelus ! --hic lacrymæ, nempè hic crystallina roris
(Hoc lacrymare dæ est) plurima gutta cadit.
Dissimulare cupit fletus, atque humida terget
Per causam admotâ leniter ora manu.
At tu Moly novum, quod fortè comedit Homerus
(Nam nimium ille (pudet dicere) pauper erat :)
Sed puto quod nullo celebrandum carmine duxit,
Hæc exempla videns nomina tanta fuge.
Ah fuge crudeles divinæ stirpis honores
Intra naturam sit satis esse tuam.
Rustica tu soboles, ruris fortuna beati,
Non plantæ debet, non homini esse probro.
Finierat, mollique astantia lilia nutu
Evocat arridens, & jubet ipsa loqui.

LILIUM CANDIDUM.

90 **Q**ualis superbum lotus olor caput
 Trentæ sereno vel Thamisis vado
 Attollit, & turgens aquarum
 Despiciat inferius nitorem,
 Sic talis horto flos meus exerit
 Sic ore cellus germina candido
 95 Subjecta contemnit, parémque
 Stare negat sibi in orbe florem.
 Infantis ætas prima tenelluli
 Nutritur albis, mollibus & cibis,
 100 Quò pulchra candorem benignum
 Ora trahant niveique mores.
 Hinc cuncta aluntur lacte animantia,
 Pulchris bonisque hoc sat mediocribus;
 Me lacte sed nasci, verendo
 105 Lacte deæ voluere fata.

5

10

15

V. 1. Liliū rosæ nobilitate
 proximum, inquit *Plin.* at ve-
 teres Poëtæ tanquam esset om-
 nium florum princeps, illud u-
 nim sapè pro omnibus nomi-
 nant.

110 — Tibi Lilia plenis
 Ecce ferant Nymphæ calathis.
 &
 Manibus date Lilia plenis.
 Virg.

Quà figurâ non rarò utuntur
 & sacre litteræ. *Dilectus meus*
pacit inter Lilia, Et, *Confide-*
rate Lilia agri quæ neque ferunt,
neque metunt, &c. & eodem mo-
 do dicendi λεῖον vel κελύον,
 honoratur apud Græcos; immò

quicquid amabile est λεῖον
 appellatur Apollo; λεῖον; Ho-
 merus etiam suavem vocem vo-
 cat ὅτι λεῖον, qualem, ar-
 bitror, Latini intelligunt per
 vocem Candidam. Quidam Ro-
 sam Junoniam nominant, quod
 ex fabulâ traductum videtur,
 quæ refert Jovem, cùm vellet
 Herculem immortalitate dona-
 re, dormientis Junonis uberi-
 bus eum clam adinvisse, illo
 autem nimis fortiter sugente
 magnam vim lactis effluxisse,
 partem ejus cœlo retentam, Ga-
 laxiam; partem verò in terram
 delapsâ Lilia effecisse.

Junonis

Junonis olim turgidula ubera
Sugente magno fortiter Hercule,
Prorupit atque undavit albi
Vis subito immoderata fontis.

Quà fluxit, albo semine protenus
Tincti pavementum enituit poli,
Guttæque formosi liquoris
Per tenues cecidere rimas.

Illæ receptæ fertilis in sinum
Terræ, resurgunt candida Lilia,
Et lacteis (monstrum decorum ?)
Prata micant animata glebis.

Humana tali mens ab origine est.

Utræque coeli particulæ sumus.

Ramenta coelestis metalli

Lapsa in humum pretiosa vilem.

Mens illa foelix, quæ similis mei,

Sacræ colorem servat originis,

Candore nativo venusta,

Nec maculata, nec erubescens.

Ornata nostro pax habitu venit,

Et pulchra pacis filia faustitas,

Et spes renidentes benignum,

Turbæque lucida gaudiûrum.

Donata vultu est alba fides meo,

Et pulchritudo est, sacræque castitas,

Rarisque conjunctæ puellis

Flore meo benè copulantur.

Natura multos lumine turbido,

Mistisque tingit lauta coloribus

Flores sed unum me revestit

Luce merâ, liquidóque honore.

Sic ait, atque supersedit bene conscia formæ

Planta suæ, dotes commemorare alias.

Multa sequebantur diverso Lilia vultu
 Candentem dominam, nec pudor ullus erat.
 Ipse sequebaris generis flos Martagon alti,
 Qui magni Ajacis diceris esse nepos.
 Sed tanti herois generoso sanguine nasci
 Quam vel Lacte Deæ gloria visa minor.
 Tum verò ante alios expergefacta resolvit
 Et flos (sed tardè) somnifer ora levat.
 Ambitione ipsum vigilat suadente Papaver,
 Et causam (non hoc munus inertis) agit.
 Voce graves stimuloque abrumpit gloria somnos,
 "Et cantum, & Gallis gloria calcar habet.

P A P A V E R.

Somne, lenimen placidum doloris,
 Gaudium curæ, requies laborum,
 Sola morborum medicina grata,
 Somne beate.
 Somne, non fallax miserorum amice,
 Hospes agrestis sine fraude tecti,
 Pauperum fautor, deus innocentum,
 Optime Somne.
 Somne, qui mundum vicibus gubernas
 Cum Jove æquatis, mediūque numen
 Inter & Plutona es, & inter illum,
 Maxime Somne.
 Iustus es (justum decet ut probūque
 Numen) hic coram fateare fungi
 Te tui virtute operâque nostrâ
 Munia regni.
 Illa non segnis (licet esse segnem
 Diceres) latè volitat per auras,
 Et gravi plumbo feriens volucres
 Sistere gaudet.

Multa
 Illa

Illa componit placidâ quiete,
Inquies, regnum maris, insulâsque
Mobiles ponti religat catenis

Grandia cete.

Illa pantheras rapidos & urfos,
Illa sylvarum dominos leones,
Et feras tygres domat & furentes

Illa tyrannos.

Qui, vel aspectu basiliscus ipso
Duras occidit, juvenumque corda
Dulcibus torquens oculi venenis

Pulchra puella,

Improbas vires & acuta condunt
Tela cum nutu jubeo potenti,
Et venenatis gravidam sagittis

Claudo pharetram.

Regulum sed quid loquor, aut puellam,
Summa serpentum genera aureorum ?
Vis mea occidit superos perennes

Funere curto.

Excipit solum superum parentem
(Jure an excepit dubito) poeta,
Impii possunt vigilante coelo

Esse beati ?

Cum Jovem clamat penetratque nubes
Voce inauditâ cruor innocentum ;
Nonne tunc dormis ? in utramque dormis

Jupiter aurem.

Siquis invisum Cereri benignæ
Me putat germen, vehementer errat,
Illa me in partem recipit libenter

Fertilis agri.

V. 44. Iliad. 2.

Ἄλλοι μὲν ἐκ θεῶν τ' κ' ἔχουσιν
ἀνέρες ἱπποκορυσαί

Εὖ δὲ παννύχιοι, Δία δὲ
ἔκ' ἐχέειν ἡδυμῶς ὑπνῶσιν

Méqu

Méque frumentúmque simul per omnes
 Consulens mundo dea spargit oras,
 Crescite, ô (dicit) duo magna susten-
 tacula vitæ.

55

25 Carpe, mortalis, mea dona lætus,
 Carpe, nec plantas alias require,
 Sed satur panis, satur & soporis,
 Cætera sperne.

60

Ipse se nostro exhilarat sapore,
 30 Méque commistus liquidóque melle,
 Se vel ad mensæ relevat secundæ
 Panis honorem.

Spiceis ornata Ceres corollis,
 Me manu gestat, tetigitque primùm
 35 Ore, materni diuturna post je-
 junia luctus,

Prætulit cunctis mea jure grana,
 Grana quæ certè potuere sola
 Et famem longam simul & dolores
 40 Solvere longos.

Ergo foecundum super omne germen
 Me deus fecit, numeróque turbæ
 Persicum vincit mea seminalis
 45 Capsula castrum.

75

V. 61. Candidi papaveris semen tostum in secundâ mensâ cum melle apud antiquos dabatur. Hoc & panis rustici crate inspergitur affuso ovo inhaerens. *Pl. l. 19. 8.* Ad hunc morem alludens *Petronius*, dicit mellitos verborum globulos & omnia dicta factaque quasi papavere & sesamo sparsa. & *Plaut.* Ut mul-
 50 sa loquitur? Nil nisi laterculos (i. placentas laterculorum formâ) sesamum, papaverémque triticum & frictas nuces.

V. 65. Simulachra Cereris papaver olim manu gestabant, vel quod inter segetes spontè crescat, ejusque inventrix Ceres ipsa quibusdam dicatur, vel quod esui fuerit antiquis velut frumentum (unde *Vesum* & *Cereale* papaver dicitur. *Virg.*) vel quod Ceres post amissam filiam eo primùm cibo ad oblivionem doloris usâ sit.

V. 73. Proverbialiter *Ovidius* dicit, Quotque soporiferum grana papaver habet.

K

Fertiles

Fertiles crescunt homini labores,
 Fertiles crescunt & ubique morbi,
 Cura per totum vigil evagatur

Fertilis orbem.

Vidit hoc mundum miseratus ægrum,
 Jupiter, viditque deditque nostram
 Tôtque tantisque antidotum venenis

Fertiliorem.

Dixerat hæc, & plura (puto) meditata referre

Mens erat, at cursu substitit in medio.

Planta soporato nutabat languida flore,

Nec poterat vires ferre gravata suas.

Mira loquor (sed quid timidus nimiumque modestus

Hæc taceam, certâ mira relata fide?)

Siqua fides (neque enim historię mendacia veræ

More poetarum jungete vana velim)

Florea reclinante ad humum lentâ cervice

Nictabat dubiis concio tota oculis :

Narcissus velut obstipus tristisve Hyacinthus

Jupiter immodico cum premit imbre caput.

Senferat hoc Zephyrus, ridetque atque increpat alis,

Attonitumque quatit fortior aura locum :

Oscitat ad status atque oscula nota mariti,

Prima dea, atque oculos vix levat ipsa graves : 100

Purpureis motu incerto pudibunda soporem

Deterget digitis, & rogat, Hora quota est?

Paulatim reliquæ mirantia lumina volvunt,

Concutiuntque comas suspiciuntque diem.

Præcipuè Florem Solis torpore diurno

Turpiter ignavum succubuisse pudet :

Pondera sed capitis magni semperque reclivis

Causatus, somnum dissimulare cupit.

Ante deam multâ stat majestate verendus,

Atque ita Phœbo protenus ore canit.

FLOS SOLIS.

L Egitimus simili si filius ore probatur,
 Certumque reddit, teste naturâ, patrem:
 Credite mî, fratres, cum vos spectabit Apollo,
 Suspectam habebit conjugis Terræ fidem.
 Per Styga jurabit, mea cum conspexerit ora,
 Alio creatum non fuisse me patre.
 Et color auratæ, clypeatæque frontis imago,
 Radiisq; cinctum convenit Phœbo caput.
 Et nisi mortali genitus de matre fuisset,
 Hic vultus inter astra donasset locum.
 Me, prolem cœli, fratrem ne dicite, flores
 Vos, ô, gigantum terrei fraterculi.
 Subscribit formæ pietas, & fortius addit
 Amorq; pietasq; testimonium.
 Ipse, meum semper submisso vertice adoro
 Sempërque specto, semper observo patrem;
 Quâ vertit vultus, vultus obverto sequaces,
 Et semper hærent oculi in obtutu pio.
 Viderat hoc sapiens pater (ut videt omnia) Phœbus,
 Spuriisq; vobis aut dubitandis liberis,
 Has pro dote dedit terras in paupere mundo,
 Sacri metalli (nempe Phœbæi) indigo.
 At mihi divitibus sedem assignavit in oris,
 Regnare latè jussit orbe in aureo;
 Ille suos inter thesauros jure reponit
 Vivam monetam, imagine impressam suâ.
 Dixit, & haud humili reverenter more salutat
 Bisq; deam flexo vertice, térque patrem.
 Flos subit eximius, titulo majore superbus,
 Flos Jovis, & pulchrâ talia voce refert.

V. r. Flos Solis, Chry- | dianus. Flos omnium maximus,
 anthemum Peruvianum, Sol In- | excelsissimûsque.

FLOS JOVIS, CARYOPHYLLUS.

Iste auctore satus medicinæ, quomodo nullam
 Vim medicam sibi jactat inesse?
 At Jove natus ego, & proles Jove digna parente,
 Cor regnum mihi vindico summum.
 Ille oculis placeat fulvo spectabilis auro,
 Aurum ego sum lætabile cordi.
 Nec poterunt tantum curæ morbique levamen
 Ipsa Tagi vada tinnula flavi:
 Nec tua, Flos Solis, medicamen patria fulva,
 Vel dare tota Peruvia, tantum.
 Non poterit meus ipse pater, si rursus ab alto
 In rutilo descenderet imbre.
 At tu, ne florem locupletem crede, colore
 Sit totus licet aureus, uno.
 Quas tibi fingis opes? indutum semper eâdem
 Pauperis est incedere veste.
 Ipsa mihi ternis tunicis, vel fortè quaternis,
 Nec rosa dives habebitur unquam.
 Dicenda est opulenta anemone, opulenta tulipa est,
 Et sese utraque vestit honeste.
 Sed mea vel tales opulentia vincit utrasque,
 Et Croesus vocor ipse colorum.
 Nulla quidem illarum (veluti locupletis avari)
 Munera vel benefacta videntur:
 Nostra suis opibus par est benè prodiga virtus,
 Et melli est relevare misellos.

V. r. Caryophyllus sativus
 Maior, Angl. *Gilliflowers*,
 quasi Julii Flores. *Maximus*,
Carnations, variis nominibus
 à diversis autoribus indigitatur,
 Veronica Altera, Vet. Altilis.
 Vet. Coronaria, Herba Tunica,
 Viola Damascena, Ocellus Da-

mascenus. Cantabrica *Plinii*,
 Iphium *Theophrasti*, & dicitur
 esse Flos Jovis, quod postre-
 mum nomen, utpote honorificen-
 tius reliquis, elegit, quanquam
 reverà valdè incertum sit an
 Græcis Romanisve fuerit con-
 nitus.

Nec

Nec mihi dulcis odor, tanquam bona fama, recusat
Tantum comes esse bonorum.

Vox, odor, atque habirus, vultusq; statúsq; placebant,
Omnia dicenti plena decoris erant. 30

Nec modò rivales reliquos turbabat, at ipsi
Invidiosus erat terribilisque rosæ:

Longa sequebatur succo gentilis eodem
Creta cohors, formâ, vi, númeroque potens,
Ex agris aderat simul his cognatio magna, 35
Et non ingratâ simplicitate rudis.

Inde Gigantæo subnixis robore parvi
Successere loco, gens numerosa Croci.

Dux erat his, quem purpureâ ferrugine tinctum,
Anni declivis morbifera astra vident. 40

Quem domitis coeli ipsius sensere venenis
Insignem bellis & pietate ducem.

Incepturus erat cùm respicit ille, videtque
Impia militibus Colchica mista suis:

Quid mihi vobiscum est? clamat. Procul ite profana
Germina, nec causam dedecorate meam: 46

Ad sua vos Circe nocturna nefandâque bella
Aut Medea ferox, dux popularis, agat.

Cùm vocat illa suos celebrâtque Charistia sancta,
Vos eritis coenæ fercula prima piæ. 50

Ite procul, fraterna revisite toxica Ponti,
O florum, ô terræ dedecus atque poli.

Sic ait increpitans, nam sit licet ille benignus
Fervet & ignescit bile venena videns.

V. 33. Crocus-verus. Purpu-
rascens Autumnalis, cujus uni-
us stamina (cum plurima sint
Crocorum genera) magnum cu-
linis & multiplicem Pharmaco-
poliis usum præbent, Anglicè
Saffron, ab Italo nomine.

V. 44. Anglicè Meadow-
Saffron, Crocus Prati, pro-
pter similitudinem floris Col-
chicum dicitur à Colchide vene-
norum feracissimâ regione, &
Bulbus strangulatorius, & Epe-
meron Lethale.

Quanta est virtutis reverentia sacra probata!
Demisso tacite diffugiunt capite.

C R O C U S.

Sunt qui nominibus tument sonoris
Aut Phœbi patris aut Tonantis alti,
At mihi non licet esse tam superbo
Qui flores humilis fero pusillos.
Implet gloriolam beatque nostram
Nomen nobile consecrati amantis.
Quem post tœdia turbulenta vitæ
Per spes languidulas, metusque acutos,
Per fletus querimoniasque tractæ,
Tam Jupiter æquus innocenti,
(Magnus non pater est mihi, at patronus)
Sub floris reliquos dies figurâ
Lætos degere dapfilisque iussit.
Nec tantum mihi dixit, Esto lætus;
Dones lætitiâ, manûque largâ
Dispergas ubicunque, dixit, ibis.
Hæc dicens tria quatuorve flori,
Auri fidere tincta præpotenti
Junxit stamina, condiditque in illis
Centum lætitiâs lubentiasque,
Centum gaudia, centum amœnitates,
Risus, blanditiâs, jocos, lepores,
Scintillas celeres & enitentes,
Auratæ Veneris Cupidinisque.

Pellit tristitiâ metumque Bacchus,
Sed tanquam medicaster imperitus:

V. 6. Smilax & Crocus, amoris impatientiâ in fruticem florémque conversi esse traduntur, sed fabula à nemine qui extat, disertè explicatur. *Ovid.*

eos nominat tantum, *Metam.* 4.

Et Crocon in parvos versam
eum Smilace flores.

Plin. lib. 16. cap. 35. De Herdê quæ vocatur Smilax post descriptionem ejus, sic addit: Infausta omnibus sacris & coronis, quoniam sit lugubris, virgine ejus nominis propter amorem juvenis Croci mutatâ in hanc florem.

Nam

Nam vivunt redeuntque fortiores.

Serpentis caput obtero sed ipse,

Vanis vorticibus rotata cauda

Parvo tempore contumax repugnat.

Humorum mea vis malas paludes,

Auras pestíferas gravesque pellit.

Et morbos fugat & fugat venena,

Et quicquid premit obsidetque corda,

Purgato bene corde liberoque,

Per venas placidas per & micantes.

Mæandros vaga corporis per omnes

Discurrit, fugit ac redit vicissim,

Quam pellucida, læta, ludibunda,

Festivè saliens nitensque vita!

Quid morbos juvat expulisse corde

Si pulmonibus hostis occupatis,

Præcludens aditus, viasque cœli

Rumpit foedera commeantis auræ?

Sed non hoc patior, sacræque ab udis

Tersam vindico spongiam venenis,

Nostro spiritus undequaque tutus

Quo vult itque reditque commeatu.

Ingratus nimis immemorque amici,

Indignusque data foret salute

In præconia nostra si negaret

Ullam impendere liberatus auram.

V. 33. Numero potestatum
 florum omnes puto flores su-
 perat Crocus. Videamus bre-
 viter quid de eo credatur. Do-
 natum est à naturâ Crocum vir-
 tute calefaciendi, exsiccandi, dis-
 sipandi, aperiendi poros, robo-
 randi, coquendi, digerendi, e-
 molliendi, tam foris applicatum
 quam intus assumptum. *Laurent.*
 Cordialis est & pulmonicus (ita

ut *Anima pulmonum* audiat)
 uterinus, & hinc cæteris visce-
 ribus familiaris; calefacit, sic-
 cat, aperit, digerit, emollit,
 anodynus est, somnum concili-
 at, menses ac foetum pellit, u-
 sus ejus frequens in syncope, a-
 poplexiâ, hystericiis affectibus,
 ictero, peste, aliisque veneno-
 sis morbis, asthmate. *Schrod.*

Sed me qui documenta magna amoris
 Perfecti dederam magister olim,
 Me vel nomen adhuc sacrum puellis,
 Neglexisse uterum locúmque carum
 Et mos & pietas vetant amantiúm.
 Quicquid vivificas laceffit oras,
 Et nidum malè vexat æstuantem
 Naturæ tenero incubantis ovo.
 Proturbat mea vis forásque trudit,
 Fructum concutit & revellit ipsum
 Cum matrem premit egredíque pugnat,
 Ipsos enumerandus inter hostes.

Quod si, florea, principem recusas
 Talem natio, commodum piúmque
 Lætum & lætitiæ bonum datorem,
 Sed iustum tamen & malis severum,
 Sed fortem tamen impigrúmque bello;
 Si vis vivere serva sub tyranno,
 Nostrum nos tibi Colchicum profectò
 Commendabimus improbum propinquum.

Dixit, concussisque locum bis térve potenter
 Staminibus læto sparsit odore Crocus.
 Omnia jucundo perfundit germina nimbo,
 Nectareásque animæ divitis halat opes :
 Illa repentino testantur fulgure vultus ;
 Et leviter motis gaudia muta genis.
 Tristitiam tetricis pellit, rivalibus ipsis
 Invidiam ; cunctis cuncta venena fugat.
 Attonitum relevat languentia colla papaver,
 Et rorem somni discutit ore gravem :
 Purpuream foelix Amaranthus surgit in hastam
 Ultimus, atque humiles despicit ipse Crocos.
 Magnificæ tumidos animos dat gloria spicæ,
 Et tituli ambitio non moderata sacri.

AMARANTHUS.

Imbelles violæ, futilis & rosa,

Eheu, purpureâ præcipites fugâ,
Formosos pueros atque puellulas

Ornent hemerocallidas.

Nos æterna deûm tempora cingimus,

Æternis comites semper honoribus,

Et nunquam capiti vel coma decedit,

Vel nos decidimus comis.

Spectate innumeras undique stellulas

Gemmantes superis in viridariis,

Sunt nostri similes, si mihi creditis,

Sunt flores Amaranthini.

Hoc calthasque rosasque albasque lilia

Et vel mille alios nomine flosculos

Hortis ætheriis Cynthia suspicit,

Sed me despicit unicum.

Sunt, floris titulum qui mihi denegant,

Et spicam vocitant floream, ineptuli;

Non vulgare quidem (nec pudet hoc) decus,

Sed privum & proprium est mihi.

V. r. Amarantho non du-
biè vincimur. Est autem spica
purpurea veriùs quàm flos ali-
quis, & ipse sine odore. Mi-
rum in eo gaudere decerpi, &
latius renasci. Provenit Augu-
sto mense, durat in Autumnum.
Alexandrino palma qui decer-
ptus asservatur, mirumque post-
quam defecere cuncti flores, ma-
defactus aquâ reviviscit, & hy-
bernas coronas facit. Summa

ejus natura in nomine est, appel-
lato, quoniam non marcescat.
*Plin. l. 21. 8. Ἀμρόν τι μὴ μαρ-
κεσται. Angl. flower-gentle,
floweramour. Gall. l'assève-
lours. Et Helichrysum (Gol-
dilocks Angl.) Amaranthus lu-
teus dicitur. Exsiccatus Ama-
ranthus colorem retinet, ob id
deos eo coronabant, quod dili-
gentissimè Ptolemæus Rex Æ-
gypti observavit. *Plin.**

Me formâ fateor surgere dispari,
Et vultu insolito; sed quid habet novi
Immortalia si germina differunt

A mortalibus omnibus?

Dii non sanguinem habent, sed quasi sanguinem: 25

Dii non corpora habent, sed quasi corpora:

Sum divis similis: non ego floribus

Consto, sed quasi floribus.

Finierant cuncti, & latè gemmante coronâ,

Dispositi turmis ordinibûsque suis, 30

Circumiêre deam, ac pressis siluere labellis

Intenti; caules spéque metúque tremunt.

Illam personæ reverentia congrua tantæ

Componit placidam, blanditiâsque donat,

Annuit, & vultum effingit lasciva severum, 35

Pictâque Minois se gravitate levat.

V. 25. Epicuræorum de diis opinio, vid. Cic. de Nat. Deor. 1.^o Hominis esse specie deos confitendum est. Nec tamen ea species corpus est, sed quasi corpus: nec habens sanguinem sed quasi sanguinem. Quod ex Hemero sumplisse videtur Epicurus, qui de Venere vulneratâ. *Ilia* 5. Sic loquitur,

ῥῆε δ' ἄμβροτον
αἷμα θεῶν
ἵχθῆς οἷον πῆρ γὰρ ῥῖν
μακάρεσσιν θεοῖσιν.
οὐ γὰρ αἶτον ἔδωκ' ἔπειτα
αἶδοπα οἶνον
τὲν γὰρ ἀναίμονές εἰσι καὶ
ἀδάνατοι καλέονται.

F L O R A.

INter multa meæ memorans miracula, Romæ,
Concilium augustum purpureûmque, patres,
Se Cineas regum dixit vidisse senatum,
Tantum erat in cunctis imperiale decus.

V. 22. Plutarch. In Vitâ Pyrrhi.

Talem:

Talem ego nunc coetum video, nullumque coronâ 1

Non dignum, hæc inter millia, stare caput.

Difficilem electum tam dives copia reddit,

Et lances trutinæ firmat, utrasque replens.

25 Invidiam tituli deponite, censeo, tanti,

Et sibi nemo, omnes quod meruere, petat. 10

Ut verum vobis fatear, Romana, Quirites,

Sum dea, nec regem jura creare sinunt.

Tarquiniûmne hortis potero regnare superbum,

Romuleâ factum numen in urbe, pati?

30 Et benè si memini gavisa est vestra tyranni 15

Sacrilegi justâ natio tota fugâ.

Ille Gabinorum præludens cædibus, horto

Messuit infœlix lilia summa suo.

Non hominum, florum capiti non ille pepercit,

35 Abscidit horribili sævus utrumque joco. 20

Vos quoque terrarum dominos imitaries æquum est,

Florigenâ ductum nobile Marte genus,

40 Esto igitur, semperque mane, respublica florum,

Ordine plebeio patricioque potens.

Quod foelix faustumque fiet vobisque mihi que, 25

Jucundumque hominum sensibus atque deum,

45 Tu, Rosa, sis Consul, Collegam Lilia sume;

Pulcher & auspiciis talibus annus eat:

V. 18. Illic Tarquinii man-
data latentia nati

Accipit, & virgâ lilia summa
metit.

Nuntius nū rediit, decussique
lilia dixit. Ovid. 1. Fast.

At Livius summa papaverum
capita decussisse affirmat: &
Plinius probat papavera fu-
isse semper in honore apud

Romanos, Indicio est (inquit)
Tarquinius Superbus, qui lega-
tis à filio missis, decutiendo pa-
pavera in horto altissima sangui-
narium illud responsum hæc fa-
cti ambage reddidit. lib. 19. 8.
Et sic ferè alii; sed absit ut
Poetæ alicui Ovidii autoritas
non sufficiat.

Prætores

Prætores estote regendo quatuor anno ;

Præturam vernam, pulchra Tulipa, cape.

Flos æstiva Jovis, Crocus autumnalia jura

Dicat, & Helleboro bellica cedat hyems.

Invigilate, datum officii est, non munus honoris

Ipse honor est vobis, ipsaque vita brevis.

Dixerat, assensere omnes, luctumque repulsæ

Præsentem, sortis spes repetenda levat.

PLAN-

PLANTARUM

LIB. V.

P O M O N A

Altius elatis insurgite carmina talis
 Et pedis heroi gressum relevate cothurno,
 Alta cano; gentē arboreā, gentē æthere multo.
 Vicinóque polo & Phœbo propiore beatam.

Ille leves odit pulchellis floribus aptos

5

Despicit ille humiles & dignos gramine versus.

Cætera materno in gremio se germina condunt,

Et vitam æreo tenuem non aula profundo

Credere, tuta legunt ventosi littora regni :

His deus ora dedit sublimia ferre per auras

10

Ad coelum, & plantas subter ridere timentes;

Atque parum erectos hominum contemnere vultus.

Herculeas metas inter, magnique Cólumbi

Fulvum orbem, medio longè jacet insula ponto,

Fortunatarum pulcherrima, quam beat ingens

15

Naturæ favor, & mira indulgentia cœli.

Non illic placidum, constans, solidumque serenum

Importuna cohors venti pluvixque lacessunt.

Solus odoratis alarum molliter auris,

Plaudit humum Zephyrus foecundóq; incubat anno. 20

Non illam tristi nubes lacrymosa macráque

Pascit aquâ, tacito saturat sed rore benignus

Æther,

Æther, & succis vitalibus astra saginant.
 Perpetuum & nullo violabile frigore regnum
 Occupat hîc modicis defensa caloribus æstas,
 Ditior autumnô, vere & formosior ipso;
 Hic locuples nullis conturbat mensibus arbor,
 Sed frondes simul & flores, fructûsque ferentem
 Omnis læta videt, videt omni Cynthia vultu,
 Plurima nec tribuens, quædam negat invida more
 Nostrati; hic eadem semper fert omnia tellus.

Hunc coluisse locum studio Pomona perenni
 Posthabitis magni Alcinoi dea dicitur hortis.
 Hanc sapiens mundi mediam veterisque novique
 Pomiferis statuens umbrosam gentibus urbem,
 (Arborei caput imperii sedemque verendam)
 Conscriptis ab utroque replevit civibus orbe.
 Illam tergemino circumdant undique vallo
 Muricibusque aditum prohibent paliurus acuti
 Et rubus & rhamni & semper florens pyracantha,

V. 39. Omni genere spinarum, neque enim necesse est omnes nominare. Murices, alio nomine Triboli, vel Tribuli, in hachinulæ ferreæ erant aculeis extantibus infestæ, ad impediendas hostium irruptiones passim sparæ. Paliurus, Anglice *Christ's Thorn*, i. e. Christi spina, quæ illum fuisse coronatum autumant, quia sit in Palestinâ omnium maxime communis. Rubus, præter illum qui morum fert, (*Bramble*) & Cynosbaton (*the Eglantine*) & Cynorrhodon (*the Wild Rose*) & Rubum Idæ (*Rasherry*) comprehendit. Rham-

norum etiam diversa genera a-

put Græcos quæ distinguere, nostraque linguâ indigitare perquam difficile est. Nec certe major uspiam apud Botanicos veterum nominum ignoratio est, quam in hæc spinosarum tribu. Ipsa Oxyacantha *Theophrasti* alia est illâ *Dioscoridis*, utraque alia Galenicâ, &c. Pyracantha (quam *Parkinsonus* veram Oxyacantham arbitratur esse) arbor est fruticosa, semper virens, pul. herrimis racemis baccarum corallinarum undequaque ornata, spinis munitissima, ramolis densa, & omnium sepimento-rum, meâ sententiâ, optima. Angl. *The Coral Tree*.

Et Spina appendix, & Spina potentior alba,
 Vel magicas etiam valeat quæ pellere noxas.
 At lepidio directæ intus quincunce plateæ,
 Totam oculis pandunt viridem gaudentibus urbem,
 In medióque deæ stat vivis fulta columnis

Et testudineis ædes topiaria ramis,
 Cui circum paries & frondescentia tecta
 Omnigenis distincta nitent pulcherrima pomis,
 Esse putes variis Anaglypta extantia formis.

Hic dea, iam lectis fœcundi fructibus horti,
 (Nempe alibi lectis, hic nullo tempore cessant)
 Vulnerat aversum caudâ cum scorpius annum,
 Et gelido effœtum reddit sterikèque veneno;
 Hic sua solenni sacra vortumnalia more
 Sacra sui vario de nomine dicta mariti,
 Ambitione colit multâ, instauratque quotannis :
 Illo lauta die (neque enim tum prodiga dici
 Diva opulenta potest) hortensibus apparat ingens

V. 41. Missis hic Botanico-
 rum controversiis Spinam ap-
 pendicem, *Plinii* cum *Dalecam-*
pio Berberim nostram putò esse.
 De eâ sic *Plin.* Spina est Appen-
 dix appellata, quoniam bacce
 puniceo colore in eâ Appendi-
 ces vocantur, hæ crude per se
 & aride in vino coctæ, alvum ci-
 tam ac tormina comescunt. *lib.*
24. 13.

V. 41. The white thorn,
 haw-thorn. Spina Alba, *Alex-*
ander olim credita, & omni-
 um lemurum, strigum, magico-
 rumque medicamentorum aver-
 rupta. *Ovid. Fast. 6.*

Sic fatus Spinam quâ tristes
 pellere posset
 A foribus noxas, hæc erat alba,
 dedit.

Et paulo post,

*Virgâque janalis de spinâ su-
 miur albâ.*

Unde ominis causâ novis nu-
 ptis ex hac arbore tædas præfer-
 re veteribus solenne erat. Ja-
 nalis autem dicta, quia ad a-
 vertenda illa mala foribus præ-
 texti solita est.

V. 49. Opera ita exculpta,
 ut in iis imagines emineant, qua-
 lis ille caper stans extra pocula.
Juven. Galli Relevata dicunt.
Plin. In asperitatem excisa

V. 52. Mense Octobri sol
 ingreditur Scorpionum; at teste
Varrone, Vortumnalia à Vortum-
 nalia à Vortumno cujus ferie
 Octobri mense. Vortumnus dicitur
 quod in omnes se formas
 verteret, vel ab anno vertente
 cujus omnes fructus percipit.

Rurico-

Ruricolisque deis epulum; venere frequentes
 Patricio primi, summoque ex ordine coeli
 Consentum bis sena cohors; nec abesse Priapus
 Sustinet, & prurit lascivus in hospite divâ;
 Venit magna Pales, umbræque virentis amator
 Pan deus Arcadiæ, stimulat Silenus asellum
 Ponè sequens tardum, necnon agrestia Fauni
 Numina capripedes læti ad convivia saltant.
 Subsequitur vulgus superum, raroque superbum
 Thuris honore sacri; Picumnus stercore diti
 Sordidus, & Condus frugum Tutamus avarus,
 Et Collina tumens, & tu Vallonia pinguis,
 Et Rurina pedes latos perone revincta,
 Et centum arboreæ nymphæ per candida colla
 Effusæ, viridèsque comas, mollémque gerentes
 Depexam foliis tenuive ex cortice vestem.
 Ipsa novos quoque misit America rustica multos
 Terribiles habitu, formæque & nomine divos.

V. 61. Varro in principio libri de R. R. Et quoniam dei facientes adjuvant, prius invocabo eos, nec ut *Homerus* & *Ennius* musas, sed duodecim deos consentis, neque tamen eos urbanos, quorum imagines ad forum auratæ stant, sed mares & Fœminæ totidem, sed illos duodecim deos qui maximè agricolarum duces sunt & quos deinde enumerat nempe, Jovem & Tellurem, Solem & Lunam, Cererem & Liberum, Robigum & Floram, Minervam & Venerem, Lympham ac Bonum Eventum.

V. 68. Picumnus, stercoreandorum agrorum invenit usum, unde & Sterquilinus dictus est; *Serv.* in 6. *Æneid.*

V. 69. Frumentis collectis atque reconditis ut tuto servarentur, deam Tutilinam pręposuerunt. *Aug. l. 4. de Civit. Dei c. 8.* Super quo loco *L. Varr.* Tutanus & Utilina dii qui rebus tuendis pręerant. *Nam, Marcell.* hunc Varro & periculis & subitis rebus invocari nomen esse dicit, ut Herculem malorum depulsorem.

V. 70. Nec agros munus uni alicui deo committendum arbitrati sunt, sed Rura dea Rusinæ, juga montium dea Jugatino, collibus deam Collatinam, vallibus Valloniam pręfecerunt. *August. ibid.* ubi Rusinæ & Collatinæ loco legendum eruditi putant Rurinam & Collinam.

Omnia quis poterit, quis si centum ora darentur,
 Gustare illius vel dicere fercula mensæ ?
 Nullius fruticis, nullius & arboris illic
 Symbola defuerant ; circumstant nobile cetrum 80
 Accumulântque dapes variâ cum veste ministri
 Succincti, atque habiles duodecim ex ordine menses.
 Vina dedere Pyrus, Malûsque, Eoâque Palma.
 Et vina & calices Nux Indica. Prodigâ Vitis
 Mille meri dederat species, & lætus Iacchus 85
 Attollens manibus spumantia pocula sacro
 Quem vicina deæ misit Cannaria succo.
 Euge, solum coeleste, inquit Canaria, macte !
 O infausta cohors, absentia numina, quæ nunc
 Sobria discumbunt coelo, nectârque propinant ! 90
 Persuasit reliquis non futilis autor, at unam
 Hauserunt avidè Chocolatam Flora Venûsque,
 Haud reor ignaræ virtutum nescio quarum.
 Indulgent genio superi, sapiûntque bonis que
 Rebus agunt lætos convivas ; unus eorum 95
 Dicitur hæc inter elamasse, ô stulta nocensque
 Progenies hominum, quæ sordida sanguine multo,
 Tam faciles natura cibos cum larga ministret,
 Horrendas epulas mavult, luxumque ferarum,
 Sacrificâtque sibi crudeliter, inque culinas 100
 Avertit templis animalia debita nostris.
 Hospitis hinc omnes grato celebrare tumultu
 Munera divitiâsque deæ, pars aurea Mala,
 Pars Ficus, liquidâve tumentia Persica carne.
 Pars dites Oleæ succos, pars maxima Vitem. 105
 Audiit hæc, tantæque inter præconia laudis
 Indignans gravitèrque ferens sua poma sileri
 Mirandósque homini quos gignit America fructus
 (Fœlix terra nimis prædivelsque intus & extrâ)
 Increpat ore deos sic Omelochilus iniquos, 110
 Vespertina suum quem prædicat India Bacchum.

Equis

Ecquis ait, veteris celeberrima numina mundi
 Livor habet? procul hoc vitium nostratibus abfit.
 Si nostri meruere orbis foelicia poma
 (Vidi aliquos equidem non segniter illa vorantes) 115
 Europæorum contingere labra deorum,
 Et laudem meruere aliquam; sic reddere grates,
 Sic suffragari non invida lingua palato
 Debuit, at vestræ venalis gratia famæ
 Primitias tantum, decimas, libamina, honores 120
 Ambitiosa suos celebrat; solasque probatis
 Quæis culti per longa fuistis sæcula, fruges.
 At non, si nostrum fortuna affligerit orbem
 Destituit natura parens. Non si horridus armis
 Gradivus superavit Ohecum vester inermem, 125
 Non si turrigeri Neptuni classibus altis
 Tlalloci Canoæ nostri cessere cavatæ,
 Si cessit Viracocha Jovi, pro viribus impar!
 Hispanusque ferox, cæsis cultoribus omnem
 Divastavit agrum, & latè sola sola reliquit. 130
 Non, inquam, idcirco sterilescit America tellus.
 Luxuriante sinu innumeros effundere fœtus,
 Gaudet inexhausta & victore potentior orbe,
 Ignotos alibi & noscendos tempore nullo
 (Namque Europa Asiæq; & pauperis Africa venæ 135
 Tam generosa dabunt nunquam, mihi credite, poma)
 Mille parit fructus; Agite, ô, fiducia siquæ est,
 (Quandoquidem hic omnes utriusque coegerit oræ
 Arboreas Pomona dapes) locuplete deorum
 Iudicio videamus uter sit ditior orbis; 140
 Ditior, ah! pomis dico; nam cætera nostis.
 Ah nimium novistis opes, frugisque Potosi.
 Assensere alacri populares murmure divi,
 Nève recusarunt nostri; gaudere Minerva
 Confidens Olæ; Bacchus ridere sonorum: 145
 Jam nova ab occiduis victoria quæritur Indis

- Craterisque ferox acuit sibi cornua denis;
 Ergo placet dapibus tandem mensisque remotis
 Censum agere arboreum; dea protinus evocat omnes,
 115 Sequē jubet medio visendas sistere pomos. 150
 Ordine quamque suo; primæ procedere iussæ
 Quas vetus orbis alit duplici de gente nucūmque
 Malorūmque, omnes generosum stemma trahentes,
 Malorum sed mille domus & nomina mille.
 120 Ipsa nuces inter numerata est Esculus olim, 155
 Omnis erat lautis pinguescens glandibus arbor
 Pars horti, Pomona, tui; sed fercula tandem
 Ligna Dodones, alimentaque debita porcis
 Odit honesta fames; tandem fastosa decenter
 135 Vix dea Castaneas dulces Corylōsque recepit. 160
 Magnificōsque alto jactantem vertice conos
 Aeniam Pinum, vix has, & pene gravatim,
 Sed recipit tamen, atque locum meruere receptæ.
 Prima subit Corylus campo, nucibūque jocosum
 140 Velitibus certamen init, sedet arbore amatā 165
 Non umbram captans (dedit umbram cauda) Sciurus,
 Sed ludo indulgens & cassā putamina spargens.
 Diva refert, senibus non expugnabile pomum
 Cernitis, abstineas frater Silene monebo.
 145 Sed multū innocuis puerorum lusibus aptum 170
 Et gratam malis non pubescentibus escam.
 At vos, ô pueri, jam jam vernante calore

3 Corylus.

Ocyus

Ocyus abjicitote nuces ; odère puellæ:
 Respuit, ac spargi jubet oblectamina, poscens
 Seria, & intentus ludis majoribus Hymen.
 Bacchus ad hoc, pueris ô germina digna patronis,
 Quæ Vites odio nostras fugiuntque fugantque!
 Gingivis ô poma tuis dignissima quondam,

V. 173. Credo pueros olim non tantum Juglandibus sed & omnium generum nucibus luisse solitos, & ocellata quibus Augultum cum pueris minutis luisse solitum laxandi animi gratia refert Suetonius, aliqui has nuces avellanas, alij amygdalas, Alexander ab Alex. ingeniosissime, Persicorum Ossa, propter innumera eorum foramina & quasi Ocellos interpretatur. Dalechamp. certè fallitur, qui per Ocellata intelligit genus optimum Juglandum quod Persicon & Basilicon vocat. Plin. l. 14. 22. Quod eâ (inquit) parte qua barbæ suæ cuti adheret, cum avelluntur, oculi figura delineata conspiciatur, nec id in ullâ aliâ nuce appareat. Sed verba Suetonii sunt, Talis, aut Ocellatis nucibusque ludebat. Quod idem esset ex hac interpretatione ac si dixisset, Juglandibus, Juglandibusque ludebat, sed rectè dici potest Persicorum nucleis nucibusque ludebat. Non inficias ibo doctissimum Casaub. cum Ocellata globulos lapideos aut eburneos putat esse (nostres pueri appellant Bound-ing-stones, & nullus adhuc frequentior ludus est puerilis) conjecturâ niti probabili, sed nec altera est improbabilis. Omne genus igitur nuces diè nuptia-

rum Sponsus vel spargebat, vel concubinis suis (ut innuit Catullus in Epithal. Jul. & Malt. spargendas dabat, ut significaret se puerilibus omnibus oblectamentis renunciare, eaque in posterum facere velle.

—Nucibus facimus quæcunque reliquis.

(Ut ait Pers.) Hanc enim veram hujus moris esse causam arbitror, non eas quas memorat Plin. (dicens, Quæ causâ eas nuptiis fecit religiosas, tot modis sacro munio, quod est verisimilium quàm quâ calendo tripudium fore nû nve faciant) neque illas quas ex Varrone citat Servius, ut strepitu puerorum nuces rapientium puellæ vox virginitatem amittentis obrueretur, aut denique ut Jovis omine (cui sacra sunt Nuces) matrimonium celebraretur.

V. 177. Nève inter Corylus vitem fere —

Virg. Georg. 2. Et paulò post, —Cornu ductus stabit sacra hircus ad aram

Pinguâque in veribus torridimus exa columnis.

Quod non solum hircus sed & Corylus nocent vitibus. Ex illo Plin. Vites odit Corylus, & ni procul absit, tristis & ægræ est.

Simia, ridiculè turpes agitantia rugas !
 Sobria subridens Pallas, mirabimur, infert, 180
 Has inimicitias, Corylos odisse venena
 Omnia si certum est ? Illarum plus mihi multò
 Admirandus amor, quo vel tellure sub alta
 Thesauros malè securos scrutantur avaræ.
 En ut sceptrâ tenens Coryli divina potentis 185
 Progreditur vates, oculisque errantibus auri
 Rimatur nequicquam obscura cubilia tecti
 Venator ; sed enim prædæ nota aura propinquæ
 Afflat, ut extremæ suspensa cacumina Virgæ,
 (Dulcis odor lucri facit ipso in stipite sensum.) 190
 Illa tremens, fortisque sacro magnete metalli
 Percita, ad amplexus properè se inclinat amatos,
 Designâtque locum, & vatem spe divite complet.
 Quid mirum, si tanta premunt miracula mentem
 Humanam, densâque vagam caligine volvunt ? 195
 Me, me ipsam certè cogunt dubitare, cerebro
 Prognatum Jovis, & nutritum numen Athenis ;
 Tu causam, tu pande (potes nam solus) Apollo,
 Nos hominum turbâ, nobis tu doctior ipsis.
 Dixerat, at tanto inſœlix ænigmate Phoebus 200

V. 181. Avellandarum nucle-
 os venenis resistere venenato-
 rumque ictibus testatur *Gal. 1.7.*
Simplic. Medic.

V. 184. Metallicorum ex-
 perientiâ compertum est, tan-
 tumcum metallis Coryli arbo-
 rem sympathiam habere, ut si
 illius virga per loca ubi metalla
 lateant, rectâ deferatur, illicò
 festatur in absconditi metalli
 indicium. *Bapt. P.* Faciunt ex
 Coryli sylvestris bifido furculo
 virgulam quâ metalla scrutan-
 tur. *Schrodr.* hanc virgulam di-
 vinam vocant. Memini me vi-

dere quosdam, quos nunc Vir-
 tuosos vocare mos est, cum in
 ludo litterario Westmonasterii
 puer agerem, qui hanc Virgu-
 lam per omnes Ecclesiæ Colle-
 gique partes ingentium thesau-
 rorum rependiendorum spe, &
 impetratâ ab ipso Rege veniâ
 circumtulerunt, multisque in lo-
 cis terram effoderunt, indiciis
 nescio quibus decepti, sed post
 universi tridui laborem irritum,
 ab ipsis pueris irrisi discesserunt.
 Habet tamen adhuc magnam
 auctoritatem hoc genus divinati-
 onis.

Æstuat

Æstuat irretitus, & errat cæcus in arcto.
 Nunc animam mundi, nunc commovet entelecheian,
 Sympathiámque, atomósq; vagas, fermentáque turbat,
 Credas nigra suis oracula fundere Delphis:
 Ridet anhelantem genitor, sibi Jupiter uni
 Ista reservari gaudens, hominésque deósque
 Naturæ nodos, & inextricabile textum
 Materiæ, mundique sui secreta latere.

Subsequitur Corylos, horti licèt incola rarò
 ² Castanea, & latè sylvestrem porrigit umbram, 210
 Ferre nuces quicumque favent, sed qui minùs æqui
 Glandes ferre volunt; riserunt vilia divi
 Tergeminis munita armis, cataphractáque poma.
 Lintea prima illi lorica, sed apta duellis,
 Undantem arcanâ sistens virtute cruorem;
 Proxima de ligno solido fabrefacta levique;
 Tertia non tantùm defendere nata, sed hostem
 Vulnerat, & longè telis extantibus horret.
 Vix, puto, majores movisset & ipse cachinnos,
 Therfites clypeo Ajacis septempace tectus. 210

At sua tutatur formæ reverentia ³ Pinum,
 Illa caput celsum nubes rigat inter aquosas.
 Sacráque jactatrix incisa in cortice verba
 Virgiliana gerit, pulcherrima Pinus in horto.

² *Castanea.* ³ *Pinus.*

V. 210. Nuces vocamus & Castaneas, quanquam accommodatiores glandium generi, armatum iis echinato calyce vallum, mirúmque vilissimam quæ tanta occultaverit cura natura. — apud Græcos Sardonios balanos appellant, &c. Plin. 15. 23. A Castanâ Magnesiz, vel ut quidam volunt, Apuliz propè Tarentum, oppido nomen obtinent,

V. 214. Præter membranam rubram cortici ac carni intercedentem nihil officinis exhibent; illa Membrana sistit valenter immodicos alvi fluores, & sanguinis rejectiones in vino austero sumpta. Schrodr.

V. 224. *Fraxinus* in sylvis pulcherrima, *Pinus* in horto, Virg. Eclog.

Pan deus agnoscit venientem, ultróque salutat
 Pinifero capite innutans, & tempora blandus
 Cornibus ac foliis vallata inclinat acutis.
 Neptunus fecisset idem si fortè fuisset
 Præsens, nec tantos illi invidisset honores
 Isthmiacam ornanti sacris trieterida fertis
 Victoresque coronanti, plaususque moventi,
 Quos pater ipse mari gaudens audiret utroque.
 Non illam immeritò colit, & sibi vindicat unam
 Neptunus, plantarum aliàs non magnus amator :
 Illa solo stabili & natali colle relicto
 (Quo ventosa diù jactato vertice bella
 Præfuit juvenis) montes habitare marinos
 Gaudet, & æquoreis occurrere nuda procellis :
 O frustra generi plantarum hominúmque negatas
 Disclusasque solo & donatas piscibus undas !
 Naturæ superant ars atque industria leges,
 Arboribusque virisque fit altera patria pontus.

225

230

235

240

V. 225. — Arcadio Pinus
 amata Deo. Propert.

————— Pan
 Pineæ semiferi capitis velami-
 na quassans. Lucret.

V. 228. Omnium Isthmorum
 celeberrimus Corinthiacus, tri-
 ginta sex stadia latus inter Æ-
 geum & Ionium mare. Hic
 Neptunus cognomento Isthmi-
 us, Templum habuit luco Pi-
 neo circumclusum, prope quem
 Ludi Isthmii celebrabantur, à
 Sisypho Corinthiorum Rege pri-

mum in honorem Melicertæ in-
 stituti, postea diu intermissi, à
 Theseo restituebantur ; & ab il-
 lo, Neptuno consecrabantur ; Vi-
 ctorum Corona Pineæ præmium,
 vel propter commoditatem vi-
 cini illius luci Pinei, eidem
 Neptuno dedicati, vel quòd ex
 pinu plerumque tunc temporis
 navigia fiebant, ideòque existi-
 mabatur illa Arbor maris esse
 Deo gratissima,

————— Dat utile lignum
 Navigiis Pinus. — Virg.

At

At Cybelæ ante omnes stat grata in montibus Idæ,
 Matri turrigeræ turriti verticis arbor;
 Nunc formosa arbor, sed formosissimus olim 245
 Dilectusque deæ puer; infœlicia testæ
 Vulnera nunc damnat sapiens castosque furores,
 Nunc Venerem nucleis fovet irritatque morantem,
 Et tibi jucundas tædas, Hymenæe, ministrat.
 Ast Ia, cui tædas de spinâ præparat albâ 250

V. 243. Grata dæm matri si-
 quidem Cybeleius Atys,
 Exiit hâc hominem, truncoque
 induruit illo. Ovid. 10. Met.
 Poma sumus Cybeles —
 Mart.

Atys formosissimus & charissi-
 mus Cybelæ puer, cum per ma-
 re Phrygium navigaret, ad flu-
 men Gallum usque pervenisse
 memoratur, ejusque potu ad in-
 faniam versus, testes sibi ampu-
 tavisse filice, vel testâ.

Mollia qui rupiâ secuit geni-
 talia testâ. Juven.

Séquæ Cybelæ consecravisse, unde omnes post cum deæ antistites, Castrati, Gallique appellati sunt. Multis aliis etiam modis hæc fabula refertur, quos non est operæ precium commemorare. Vide *Catulli* carmen de Berecynthia & Aty. Cybele autem (per quam Tellurem intelligunt) & Mater Idæa, aut Berecynthia, & Mater Magna, & Mater Deorum dicitur, turritamque coronam gestare, quod terra quasi coronetur urbibus.

Alma parens Idæa deûm cui
 Dindyma cordi

Turrigeræque urbes. — Virg.

Turrigeramq; petit Cybelem —
 Claud. Id.

— & pronas intendit ad oscula turres.

Et sæpe alibi venustissimum hæ turres usum illi præbent.

V. 248. Nucleorum usus precipuus est in phthisi (quia nutriunt bene) tussi, stranguriâ atque acrimoniâ urinæ mitigandâ, legem excitant Venerem, ulcerum renum mundificant. *Schroder*. Tædæ nuptiales ex Spinâ albâ primâ, deinde ex Pinu factitæ sunt. Res notissima, super sedeo exemplis.

V. 250. Ia, Midæ regis filia desponsata Aty, sponso suo in arborem converso, ipsa se interfecit, miserata Cybele corpus in Amygdalû amaram transformatum mavit; refert hæc *Arnobius*, cetera de Sorore ejus mihi subterere placuit, & quidni liceat? Comitatur & alia fabula hæc arborem, Phyllida Demophoontis, viro ultra promissum tempus absente, correptam amoris impatientiâ laqueo vitam finivisse, & in Amygdalum conversam fuisse, sed sine foliis, Demophoonta reversum truncum ejus amplexum esse, illam autem sensisse adventum viri, & gaudio folia emisisse; ab ejus nomine tum demum *amygdala* dicta, cum antè *πικραλὰ* diceretur.

Jam pater (alba faces tribuit tum Spina jugales)
 Non jam desponsata viro, proh, regia Virgo,
 Non jam semiviro, longam pro conjuge Pinum
 Optato amplectens, vano intabescit amore.
 Rivalem prius, at sociam nunc denique luctus, 255
 Indurat teneram trunco miserata Cybelle,
 Et jubet esse Nucem: fit ⁴ Amygdalus; inficit ipsum
 Perpetuus fructum, remanetque doloris amaror.
 At ⁵ soror (hæc miseræ comes) evanescere vultus
 Ut videt humanos, paulatimque ora subire 260
 Lignea, crescentem librum retinere laborat.
 Sed stupet obductam simili se cortice cernens.
 Omnia par nisi quod moeror subdulcia poma
 Lenior effecit, nulloque admixtus amore;
 Mitior his multum virtus, operosior illis. 265
 Nec tantum semel hæc habitandam se dedit arbor
 Inque pios ramos truncumque recepit amantes:
 Induit hanc etiam, & vitam meliore renata est.
 Heu nimium pactos menses numerare severa,
 Impatiensque viri Phyllis Rhodophœia lenti, 270
 Fronde novâ laceros crines & caudice longo
 Extentam informi letho mutata figuram.
 Phyllis abit pudibunda, Ceres perlustrat euntem
 Sollicitè, foetumque videns gemmascere multo
 Spem dea venturi locupletem præcipit anni. 275
 Succedunt solidis ⁶ Pistacia densa racemis,

⁴ Amygdalus Amara. ⁵ Dulcis. ⁶ Pistacium.

V. 273. Contemplator item cum
 se Nux plurima sylvis
 Induet in florem & ramos cur-
 vabit olentes,
 Si superant fetus pariter fru-
 menta sequentur,

Magnaque cum magno veniet
 tristura calore. Virg. Geor. I.
 Nucem, Amygdalum hoc in lo-
 co omnes interpretantur.

Laudatámque ferunt victis serpentibus escam.

Sed venit, ecce ingens multúmque potentior arbor,
 Quam dixere nucem mortales, numina ⁊ glandem,
 At Glandem Jovis, hic nullum non nomen honestat
 Additus; ambrosiámque hominum si forte vocassent 281
 Laudassent minùs; haud equidem reor absq; deorum
 Consilio hæc capitis nux est sortita figuram,
 Nec Caryan Græci frustra dixêre disertí.
 Illam callosas imitantem anfractibus undas 284
 Innumeris, gyrósque volumináque alba cerebri,
 Investit tunicâ menynx bombycina molli;
 Atque abducta super bifidâ consuta carinâ
 Ligneá defendit solido calvaria claustro:
 Nec satis hoc, viridis tegitur post omnia pulchro 290
 Orbe pericranii, decus est tutamine in ipso.
 Néve parum liquidè cognatio sacra probetur
 Cum capite humano, minimámve calumnia rimam
 Inveniat, crines parit atque alit illa, memórque

⁊ *Juglans*.

V. 277. In Nucum genere Pistacia nota, prodesse adversus serpentium traduntur morsus & potu & cibo. *Plin. lib. 13. 5.* Nux Persiæ, Syriæ, Ægypto familiarissima, sed & in Græciâ quoque atque Italiâ crescens, hic etiam vivere non recusât, sed neque fructum fert neque florem.

V. 279. Homérico more loquendi, qui alia rebus apud homines, alia apud deos nomina assignat. Itaque Nux simpliciter, tanquam Nucum maxima (est enim, ut ait *Plin.* pinis minor universitate, sed proportionè amplior nucleo) ab hominibus appelletur, à diis (si diis placet) juglans, hoc est,

Ἰὺγλάνς Jovis Glans.

V. 284. A capitis similitudine nomen potiùs deduco quam capitis gravedine (ut *Plin.*) propter odoris gravitatem, minùs quidem (ut pro meipso dicam) gratissimus odor est foliorum, itaque *Macrob.* dicit eam aliquos Juglandem dictam arbitrari, quasi Juvantem glandem: absit igitur ut nomen Nucis vel à nocendo vel à nocte (quod putamina atro colore inficiat) derivemus.

V. 294. Putamen combustum tritumque in oleo aut vino, infantium capite peruncto, nutrit capillum, & ad alopecias eo fit utuntur. *Plin. 23. 8.*

Vel sua quam turpis fuerit sine frondibus arbor, 295
 Non finit esse homines inhonesto vertice calvos.
 Quàm variae juglandis opes? dat nobile fabrûm
 Ulibus atque annis non expugnabile lignum.
 Illustrat pictoris opus, cæmentaque firmat,
 Dat mensam, & mensæ bellaria grata secundæ, 300
 Dat coenis oleum, coenanti lampada fulvam,
 Præcipuè medicum formidatûmque venenis
 Virus habet cunctis; non prodigiosa caninæ
 Vincit eam spumæ rabies, non aeris ægri
 Circumfusa lues, coelûmque furentiæque astra, 305
 Novit, dilectamque habuit, multûmque comedit
 Ille veneniferæ Mithridates maximus oræ,
 Ille venenorum rector fortissimus olim.
 Heu nimiùm ingratos homines! fortémque malignam
 Infestamque bonis! Virtuti heu invida fata 310
 Arboreæ! his meritis non tantùm pellitur horto
 Nux Jovis ipsius, sed toto excluditur agro:
 Vix illam extremo desertus margine fundus,
 Aut lapidosa solo recipit via publica macro.
 Omnibus expositam damnis sævisque rapinis, 315
 Hic miseram bello vexant mutilantque procaci
 Immites pueri & vicinia rustica, & omnis
 Turba viatorum, nec cessat saxeus imber,
 Nec malè foecundos contundere pertica ramos.
 Et jam tota Nucum processerat agmine firmo 320

V. 298. Id. *Plin.* Cariem vetustatémque tardissimè sentit Juglans.

V. 299. Nempe oleo è nucis expresso.

V. 302. In sanctuariis Mithridatis maximi regis devicti *Cn. Pompeius* invenit in peculiari commentario ipsius manu compositionem — Antidoti.

è duabus nucibus ficcis, item ficcis totidem, & rutæ foliis viginti simul tritis, addito salis grano, & qui hoc jejunosumat nullum venenum nociturum illo die. Contra rabiosi quoque canis morsus nuclei à jejuno homine commanducati illitique præsentî remedio esse dicuntur. *Plin. lib. 23. 8.*

Turba, genus durum, genus insuperabile bello
 Dentibus infirmis, superûm sed in ore libenter
 (Nec mora) contactæ summis patuère labellis.
 Has inter, pictâsque cutim, succoque tumentes,
 Mollésque imbelli malorum corpore gentes,
 Poma loco subeunt corio defensa rigenti.

325

Et cognata nucum populo dux Punica ⁸ Malus.

Non alio Pomona magis vel Flora superbit
 Germine, nec dubitat Cytini rosa verna colori
 Cedere, nec vernans aurora, nec igne pyropus
 Purpureo fulgens, nec coccina gloria regum,

330

Nec pudor in pulchro dilectæ virginis ore.

Junoni magnæ fructus sacer; aurea templi

Stat medio Heræi, Polycleti nobile numen,

Hâc sceptrum, formosa suæ Carthaginis illâ

335

Poma tenens dextrâ (dextra est manus utraque divis)

Non equidem indignum pomi tam fertilis orbem

Innumeris uterisque cavum, innumerisque tumentem

⁸ *Malus Punica.*

V. 327. Democritus, ali-
 que agriculturæ scriptores, ma-
 lum Punicum inter Nuces re-
 ponendum censent, cum foris
 duro tegatur cortice, intus ve-
 rò habeat quod esui sit, ea Græci
αχρὸδρῦα vocant. *Plin.* verò in-
 ter mala; Mala (inquit) appel-
 lamus, quanquam diversi gene-
 ris Persica & Granata. B. P.

V. 329. Ab hoc flore Puni-
 ceus color nomen obtinet. *Di-
 oscor. & Galeno lib. 6.* *Simplic.*
Cytinus flos est mali punicæ sa-

tivæ: Balaustium autem sylve-
 stris flos est: at *Plinio*, Bala-
 stium est utriusque. *Cytinus* au-
 tem rudimentum fructûs pri-
 mum.

V. 333. Græci tradunt He-
 ræum templum (à Junonis no-
 mine dictum quam *Ἥρα* ap-
 pellarunt) in Eubœâ memora-
 bile fuisse Junonis simulacro,
 Polycleti opere, ex ebore atque
 auro facto, altera manu sce-
 ptrum, altera malum Punicum
 gestantis.

Seminibus

Seminibus Lucina fovet; verùm infera Juno
 Libatum reditus memor abscidisse supernos 340
 Odit, & intranti torvor lacrymisque madentes
 Heu nondum placata Ceres, avertit ocellos.
 325 Omnia nimirum constringit Punica, sistit
 Omnia, & Elysiis, ubi non datur exitus, arvis:
 Aptior haud ulla est arbor; manet ipsa retenta 345
 Et religata tribus sumptis Proserpina granis.
 At subito lux flava oculos perstringere divum
 330 Mirantùm, & blandi discurrere fulguris aura;
 Ditavêre locum ingressæ splendentibus umbris,

V. 339. Notum est Junonem atque Lucinam, eandem fuisse, quamque & Luna ita vocetur; sed primò neque Jupiter aliud à Sole, neque Luna aliud à Janone numen existimatum est. Pluto etiam infernus Jupiter, Proserpina inferna Juno, dicti sunt.

V. 340. Jupiter promississe Cereri traditur, sibi restitutum iri filiam raptam, si nihil apud inferos degustasse; comederat autem misella septem vel tria grana (nam utrumque, *Ovid.* diversis in locis affirmat) Mali Punicz.

— *Cultis dum simplex errat in hortis*

Puniceum curvâ decerpserat arbore pomum,

Sumptâque pallenti septem de cortice grana
Presserat ore suo — Met. 5.
At in Fast.

Rapta tribus, dixit, solvit jejunia granis,
Punica quæ texto cortice Poma tegunt.

V. 346. Vix enim quicquam astringentius malo Punico; sistunt potu menses foeminarum, sanguinis excreationes, ventris & stomachi solutiones, genitalia, ulcerâque quacunque in parte manantia. Siccavere etiam ut sic quoque experirentur, invenerantque tumorum farinâ dysenterico: à morte revocari, alvum sisti. *Plin. lib. 23. 6.*

Hesperidum ⁊ Citrus, Malúsque Nerantia quondam 350
 Gloria; perpetuis vestitæ frondibus ambæ,
 Perpetuo flore ornata, foetúque tumentes
 Perpetuo; germanæ ambæ, sed palluit illas,
 Hæc auro rubuit saturo; nec coelifer Atlas
 Dedignatus erat, qui sydera vertice gestat, 355
 Has stellas-plantasse, pedûm ornamenta suorum,
 Exiguas, magnæque imitamina parva coronæ.
 Dicitur has muris clausisse & montibus altis,
 Multa cavens, nec contentus custode Priapo,
 Arboreoque deo, vigilem apposuisse draconem. 360
 Perspiciate hæc aliis quantum pomaria præsent,
 Mendicos metuere vagos pueróque procaces
 Illa, sed Alciden magnum fecisse latronem
 Hæc meruere; venit Jove natus ab orbe remoto

⁊ *Malus Citria, & Aurantia.*

V. 350. Lemons and Oranges. Mala Assyria & Medica eadem fuisse genere (nata multa sunt eorum genera & diversis in regionibus valde differunt) quæ nunc Citria vocantur, nullus dubito, eaque (cum iis quæ Aurantia dicuntur) fuisse aurea Hesperidum mala Poetis celebratissima, quanquam Plin. asseverat Malum Medicam nisi apud Medas & in Perside nasci nolle, cum nunc in omnibus calidis regionibus bene proveniant, principatum autem hodie obtineant Chinensia, Citrus illa ex quâ preciosissimæ veterum mentis (quanquam & illa è Mauritania, ubi Hesperidum horti, oriunda) ab hac longè diversa est & folio sylvestris cupressus, cum hac sit laurus. Malum Aurantiam dictam volunt ab Aran-

tiâ oppido Achaïæ, quod iis pomis abundasse ferunt, accedit Pausaniæ autoritas, qui Herculem poma Hesperidum Arantiam primam transulisse scribit, alii vocatum hæc Mala Aurantia, Nerantia, Nerantia, Arantia, Arania quasi Ariana, ab Aria Persica regione. Nicandri Scholiastes dicit Μῆλον ἰστὶ τὸ Μανδανὸν τὸ ἐν Ἰστῷ.

V. 354. Ovid. Metam. 4. Tempus, Atlas, veniet tua quo spoliabitur auro Arbor, & hunc præde titulum Jove natus habebis, Id metuens scissidis pomaria clauserat Atlas Montibus, & vasso dederat servanda draconis.

Bellator,

350 Bellator, tantæque viæ tantique pericli
 365 Poma relaturus mercedem Citria dignam :
 Nec tamen hic verum prædæ cognoverat usum
 Infelix præciûmque suæ, Martisque peritus
 Nescierat vires plantarum, & Appollinis artes.
 359 Sipomi aurati, monstrosa venena domantis,
 370 Virtutem herculeam nosset, succósque potentes,
 Non illum irato Centauri sanguine mistum,
 Multiplicis virus totum extinxisset Echidnæ,
 Nec trepidam impleisset furiosis vocibus Oetam,
 360 Se tandem toties victâ, nec iam amplius ullo
 375 Ore renascenti, victam indignatus ab Hydrâ.

Inde tribus numerosa Monos tea nomine dicta,
 Intrat, & has ducit : Cerasus, quæ sedula grates
 Et festina referre, salutat prima colonum,
 Fructiferumque aperit baccis rutilantibus annum. 380
 Mâius egens dapibus, sed lauto dives amictu,
 Miratur, florémque putat tam præcoque pomum.
 Non ea foecundos maturo sole calores
 Æstatisque dies opperta moratur adultos :
 385 Fingus amat modicum, cultûque tenellula nullo
 Arva ambusta pati, aut tellurem cogitur assam ;
 Lavitat frustra Ægyptus, Nilusque benignus,
 Nilus abundanti saturat qui flumine plantas,

5 Cerasus.

V. 371. *Media fert tristes
 succos tardumque saporem
 Felicis Mali, quo non presen-
 tius ullum :*
*Pocula si quando sævæ in fecere
 novercæ,
 Miscueruntque herbas & non
 innoxia verba,
 Auxilium venit, & membris
 agit atra venena, &c. Virg.
 Georg.*

Et in hoc omnes Medici consen-
tiant.

V. 378. Inter prima hoc è
pomis colono gratiam annuam
refert. *Plin. 15. 25.*

V. 383. Septentrione frigi-
disque gaudet, *Id. Palladius.*
Cerasus amat cœli statum frigi-
dum, in tepidis regionibus par-
va provenit.

V. 387. In Ægypto nulla
curâ potuere gigni. *Plin. 16.*

L 4.

Nec

Nec madidam tanti mensûm putat esse duorum
 Luxuriam, ut sitiât reliquo & misera æstuet anno. 390
 Italiam vix læta videt Romamque beatam,
 Sed sibi adhuc peregrina & adhuc captiva videtur.
 Scilicet hanc bello captam, Cerasunte subactâ,
 (Hoc habuit clarum charissima patria nomen)
 Cum reliquis ponti gazis & divite prædâ 391
 Transtulit Italicos victor Lucullus in agros ;
 Et pars ipsa fuit non contemnenda triumphi.
 Dicite Io Pæan ventoso murmure lætæ
 Italides pomi, ter Io, ter dicite Pæan :
 Ipsa triumphantis laurus gestire videtur 400
 Captivam Cerasum ducens, lauróque superbæ
 Plaudere Romani respublica nobilis horti.
 Nec tu capta dole, sed ovans comitare triumphum,
 Tu modò, tu Latiae civis (quid inepta recusas ?)
 Urbis eris, dominâsque inter numerabere pomos. 401
 Ejsdem venêre tribus gens maxima ⁶ Pruni,

⁶ *Prunus.*

V. 393. Cerasi ante victori-
 am L. Luculli non fuere in Ita-
 lia, ad urbis annum 680. Is
 primum vexit è Ponto, annisque
 120. trans oceanum in Britan-
 niam usque pervenere. *Plin. l. 16.*
Athenæus memoriæ prodidit, Lu-
 cullum debellato Mithridate vi-
 ctorem reversum primum ar-
 borem hanc à Cerasunte Pon-
 tico municipio in Italiam detu-
 lisse, fructumque gentilitio
 nomine Cerasium appellasse :
 veruntamen Diphilus Siphnius
 vir arte & facundiâ celebris,
 longè vetustior, utpote qui
 Lyfimachi Regis successoris A-

lexandri vixit, Cerasorum me-
 minit: Cerasa, inquiens, bo-
 num succum creant, sed parum
 subministrant alimenti, stoma-
 cho grata sunt, & eidem auxili-
 antur in frigidâ sumpta, ruben-
 tiora præstant, & Milesia quæ
 urinam pellunt, sed *Servius* ait,
 Antequam è Ceraso urbe Lucul-
 lus adveheret, Cerasium erat in
 Italiâ, sed durum, & Cornu ap-
 pellabatur, quod postea mixto
 nomine Cornucerasium est vo-
 catum. Nam *Servius* pomum
 Cerasium non Cerasum vocitari
 præcipit, *B. P.*

In multas ramosa domus, varióque colore
Distinctas ; quarum princeps ab origine mundi
Dicitur ipsius diti regnasse Damasco.

Illa quidem Hesperium serò migravit in orbem 410
Post domitas Orientis opes hortósque beatos,
Jam facilis victu, jam nullo non Jove læta,
Audet Hyperboreis radicem figere campis :
Omne solum plantæ nimirum est patria forti.

Has affine genus, Malum cognomine 7 Præcox 415
Armeniúmque aderat, sed stirpis major in istis
Nobilitas apparet, odos generosior exit.

Ambrosiúsque sapor perfundens ora liquescit,
Et rubet asperso leviter color aureus ostro.

Sed poenè Assyrias spernit, nec 8 Persica malis 420
Invidet Armeniis ; lanugo serica fructum
Molliter investit, caro turgida nectare multo

7 Armenia. Præcocia. 8 Persica.

V. 408. Ingens turba prunorum, versicolor, nigra, candidans — Damascena à Syriæ Damasco cognominata, jampridem in Italiâ nascentia, grandiore ligno, & exiliore carne, nec unquam in rugas siccata, quoniam soles sui defunt. *Plin. lib. 15. 13.* Ubi miratur paulo post Prunorum mentionem à Catone non esse factam, cum condenda docuerit quadam & sylvestria, additque, Pruna omnia post Catonem coepisse manifestum est. Damascenis inter omnia principatus, unde nostratia (*Damasins*) cognominantur, sed soli culpâ ignobiliora. Prunisque Damasci stipantur calathi. *Colum.*

V. 416. Persicorum genus in quatuor species dividemus se-

cundum *Palladii* sententiam, scilicet in Præcocia, Armeniaca, Persica, Duracina, B. P. In his earumque subjectis speciebus distinguendis magnæ controversiæ, nec angustis notarum decidendæ. Duas primas species nos communi nomine appellamus *Apricots*, (à Græco *Βερίκοκ*) 3. *Peaches*, 4. *Pectoring*, quæ puto & Rhodacena & Tuberes & Nucipersica vocari, quod lævem cuteolam nunc repræsentent. Armeniaca, vel Armenia majora sunt Præcocibus, Armeniaca sola odore commendantur. *Plin.*

V. 420. Prunas Damascenas, nam Syrium & Assyrium idem est Poetis,

Assyrio fucatur lana veneno,
Virg. l. Tyrio.

Estur potatúrque simul : properate fugaci,
Maturæque dapi quid parcitis? illa reponi
Se vetat ; haud unquam convivia crastina amarunt 425
Vel florum Rosa, vel pomorum Persica princeps.

Sunt etiam quibus ipsa suum pulcherrima nomen
Dat Rosa, conceditque volens 9 Rhodocina vocari;
Non alienus odor, rosæique in corpore tractus.
Illis summus honos, solidam mendentibus escam 430
Dura ferunt, solidisque fideliter ossibus hærent.
Hæc ori tenus indulget stomachoque calenti
Persica, deliciis contenta impendere fructum,

9 *Duracina.*

V. 424. Pomum innocuum
expetitur agris, præciûmque sin-
gulis jam triceni nummi fuere,
nullius maiore, quod miremur,
quia non aliud fugacius, longis-
sima namque decerpto bidui mo-
ra est, cogitque se venundari.
Plin. 15. 12.

V. 428. Rhodacena Paulo
c. 81. lib. 1. Persicorum genera
ea sunt quos nos vocamus, *Au-
berges, Mirecorons, Presses*, sic
dicta quod rosam oleant, vel
roseo colore picturata fere con-
spiciantur, ea fortassè *Duraci-
na* Latini vocarunt ob solidam
carnis duritiem, cum mollis &
ænera sit in Persicis, Armeniis,
Præcocibus, & Tuberibus quæ
vulgus appellat *Peschès Noix*.
Dalecamp. in Plin. 1b.

V. 433. Persica vulgò cre-
duntur in suâ patriâ venenata
nasci, eoque in errore fuit Co-
tum.

— Pomis que barbara Persis
Miserat (ut fama est) patriis
arma venenis,

*At nunc expositi parvo discrimi-
mino lethi*
(qui versus mendosus est)
*Ambrosios præbent succos ot-
lita nocendi.*

Error in similitudine nomi-
num Persæ & Priscæ; quem
Plin. notat lib. 15. 13. Persicæ
arbores serò & cum difficultate
transiêre, ut quæ in Rhodo ni-
hil ferant, quod primum ab Æ-
gypto earum fuerat hospitium.
Falsum est, venenata cum cru-
ciatu, in Persis gigni, & pœna-
rum causâ à Regibus translata
in Ægyptum, terrâ mitigatâ;
id enim de Persæ diligentiores
tradunt, quæ in totum alia est,
myxis rubentibus similis, nec
extra orientem nasci voluit. *Ge-
lenus etiam lib. 2. ἡ ἄρα τὸ πρῶτον*
affirmat Persæam à se visam A-
lexandriæ, arborem proceram
mali magnitudine, fructu pyri,
noxio in Perside, vesci in Æ-
gypto.

Offa sed, & crines, flores, lacrymâsque vel ipsas,
Tristitiam luxumque suum pia dedicat omnem 435
Utilitati hominum summæ, morbisque fugandis;
Pauca voluptati tribuens, sed multa saluti.

Non ita quæ sequitur ¹ Cornus, malè consulit illa
Humano inſœlix generi, Martisque ſatelles
Impia, crudeli dat dura haſtilia ligno,
Iure colens ſylvæ, indignaque mitibus hortis,
Et lapidoſa ferens poma auſterumque ſaporem.

It comes huic ſylvæ vetus incola ² Ziziphus Afræ,
Mitior at baccis; multâ licet aſpera ſpinâ

¹ Cornus. ² Ziziphus.

V. 434. Flores, Folia ac Nuclei caſſaciunt, ſiccant, abſtergunt. Uſus præcipuus ſlorum in lumbricis infantum, in alvi laxatione, meſenterii obſtructione, ſeri purgatione, & nucleorum in diureticis & lithonſthripticis, in obſtructione hepatis, ardore ſtomachi. Extrinſecus adhibentur crebrò in Emulſionibus capitis dolori dicatis. *Schrodr.* Lacryma tuſſi, aſthmati, omnibusque pulmonum vitiis medetur, & calculoſis utilis.

V. 439. *Cornelian-herry* or *Cherry*. Bona bello Cornus. *Virg. Georg. 2.* quod ex eâ optima fiebant haſtilia. *Id. Æneid.* Volat Italia cornus.

V. 444. *The Juube Tree*, nobis ignota. *Theophr. Paſiſp.* & Africana, quam ex Loti genere dicit eſſe. *Galenus* appellare videtur Sericum. Sic deſcribitur à B. P. Arbor infra pruni magnitudinem, caudice retorrido nec ſatis recto, ramis ſenticofis, multis aduncis intercalantibus ſpinis, è quibus ſurculi præclari, folioſi, ſpithamæ longitudine exant, frondes gerentes utrimque

per intervallum impari exortu, lentifci more per cubitum ſerratâs, ſimiles 3. *Diſc.* Rhamno, qui hyeme cum frondibus unâ decidunt: flore muſcoſo oleæ, ſed odorato magis pomo cornis ſimili, dulci, primo viridi, ultimo puniceo. De Zizipho *Plin. lib. 15. 14.* Æquè peregrina ſunt Zizipha & Tuberes, quæ & ipſa non pridem venere in Italiâ: Hæc ex Africâ, illa ex Syriâ, (ubi per hæc intelligere debemus, Zizipha; per illa, (poma) Tuberes, tranſpoſitione non probabili, ſed à *Plinio* aliſque bonis autoribus aliquandò uſurpatâ) *Sextus Papinius* quem Conſulem vidimus, primus utraque attulit, D. Auguſti noviffimis temporibus, in caſtrorum aggeribus, ſata, baccis ſimiliora quàm malis, ſed aggeribus præcipue decora, quoniam & in teſta jam ſylvæ ſcandunt. Alibi Ziziphi flores ad coronamenta adhiberi ſcribit, his odoratus ſimilis olearum floribus. *lib. 21. 9.* *Marreries* intus colorata eſt ſolidaque, ideo ex eâ Citharæ conficiuntur. B. P.

Racis.

Pacis amans gaudet florem præbere corollis,
Materiem citharis præbere epularibus aptam.

440

Misit & huc (patriam posses agnoscere fuscam)
Corpore nigrantem sitientemque Africa ³ Loton,
Ecce omnis superûm (quis honor mirabilis iste
Arboris?) assurgit chorus, intrantemque salutat. 450
Solutus at immoto dejecit lumina vultu.

Consciis, & quamvis perfrictâ fronte, Priapus,
Quamvis antè fuit ruber ore, rubescere visus.

Agnovère dei nimirum & in arbore Loto
(Omnia dii norunt, namque hæc immane figurâ 455
Distant) agnovère in Loto Lotida nympham.

Nil hominum generi suspectum tale fuisset,
Agnovère tamen; fugiens hæc scilicet olim
Hellespontiaci vim numinis, inscia tantæ
Nequitia, & magno nebulonis territa telo, 460
Dicitur hoc tandem vultus clausisse pudicos
Cortice, nec rigidi cuneum admisisse Priapi.

³ *Lotas.*

V. 448. Africa, quâ vergit ad nos, insignem arborem Loton gignit, quam vocam Celtin, & ipsam Italiæ familiarem, sed terrâ mutatam. Præcipua est circa Syrtes & Nasamonas. Magnitudo quæ pyro, quanquam *Cernel*. Nepos brevem tradat. Incisuræ in folio crebriores, alioquin ilicis viderentur. Differentiæ plures eæque maximè fructu sunt. Magnitudo huic fabæ, color croci, sed ante maturitatem alius atque alius, sicut in uvâ. Nascitur densus in ramis, myrti modo, non ut in Italia cerasi. Tam dulci ibi cibo, ut nomen etiam genti terræque dederit,

nimis hospitali advenarum oblatione patriæ. Ligno colos niger. Ad tibiæ cantus expectitur. *Plin. vide lib. 13. cap. 17. & 18. & lib. 16. 30.* Lotos sive Faba Græca, quam Romæ à suavitate fructus, sylvestris quidem, sed Cerasorum penè naturâ, Loton appellant, &c.

V. 450. *Haud procul à stagnis Tyrios imitata colores*

In spem baccarum crescebat aquatica Lotos,

Lotos in hac nympe fugient obscena Priapi

Conculerat versos servato mine vultus. Ovid. Met. 9.

Non

Non jam nympha manet, mutatâ nec tamen illa
 Conditione dolet; nymphis longævior arbos
 Nunc vivit, puerumque vocantes Nestora Quercus
 Ipsa vocat Pufas; eadem sub rege Quirino 466
 Fundamenta urbis, tandêmque incendia Romæ
 Se jactat vidisse Nerone sub Antiquirino,
 Non erat illa quidem tanto longum igne superstes,
 Sed simul & flammis & magno saucia luctu 470
 Ante diem infoelix nec fato occumbere quæsta est;
 Nongentos (eheu!) nondum compleverat annos!
 Nunc quoque defunctæ corpus superesse putandum est;
 Hinc nullo tacitura ævo sibi musica fingit
 Organa tibicen, multoque sonantior ore 475
 More poetarum auditur post funera Lotos.
 Vel post mille annos florescit laude recenti
 Jugiter, & viret magis, æternumque virefcit.

V. 464. Romæ Lotos in Lucina area, anno qui fuit sine magistratibus 369. urbis æde conditâ. Incertum ipsa quanto vetustior. Esse quidem vetustior non est dubium, cum ab eo lupo Lucina nominetur. Hæc nunc circiter annum 450. habet. Antiquior illâ est, sed incerta ejus ætas, quæ Capillata dicitur, quoniam Vestalium Virginum capillus ad eam defertur. Verum altera Lotos in Vulcanali quod Romulus constituit ex victoriâ de decumis, æquæva urbi intelligitur, &c. *Plin. lib. 16. 44.* Duravere (Loti) ad Neronis principis incendia virides juvenesque ni princeps ille

accelerassæt etiam arborum mortem.

V. 474. Cariem vetustatémque non sentit Lotos. *II.*

V. 479. *Λατύνου αὐλῆς Athen. 4.* Palladius tenero Lotos ab ore sonat. *Mart. lib. 8. Ep. 51. 1.* Tibia è Loto, sed quamobrem Lotus ibi masculini sit generis? Plane magis Latinum esset, Palladia Lotos, sed Græco utitur genere, apud quos dicitur *ὀλεάστις*, sicut & alia paria arborum nomina *ὀλίβανον* oleaster, *ὀκράς* arbutus, &c. *Ovid.* certè fœminino utitur,

—Horrendo Lotos adunca
 sonat. *Fast. 4.*

Tali (nam magica est certè dulcedo sonorum)
Tali dum fuit in vivis dulcedine fructūs
Delenisse homines fertur, Sirenibus olim
Dulciloquis Lotos, Circéque potentior ipsâ.

480

Ecce triumphalis venit arbor; Nympha recede;
Inclita + Palma venit; contempto pondere victrix
Emitat, exemplum virtuti ac præmia donans. 485
Illa quidem Solymis olim lætissima in agris
Vixit, Nunniadæ magni, magnique triumphos
Jessiadæ comitata sacros; nunc (si benè novi
Arboris ingentes animos fastumque decorum)
Damnati servire soli dolet incola dici. 490
Herculeam dat Pisa oleam, dant laurea Delphi,
Atque apium Nemea, atque Isthmos Neptunia pinum,
Sed simul & Palmam tribuunt victoribus omnes,
Omnis in hunc Palmæ consentit mundus honorem,
Et meritò, neque enim est veræ virtutis imago 495
Verior in terris; sic inviolata decorem

+ Palma.

V. 480. Inde Syrtis major, in intimo sinu fuit ora Lotophag-
gon. *Plin. l. 4. c. 4.* Huc eam
exploratores misisset Ulysses,
dulcedine fructuum capti, redi-
re noluerunt. *Hom. Odyss. 9.*

Τῶν δὲ ὅσις λατοῖο φάρου
μελιήδεα καρπὸν
Οὐκ ἔτ' ἀπαργεῖλαι πάλιν
ἦδε λεν, ἔδε νέεσθαι,
Ἄλλ' αὐτῇ βέλοντο μετ' ἀνδράσι
λατοφάροισι
Λωτὸν ἐρεπτόμενοι μὲν
μὴ νόστε λαδέσθαι.

Hinc λατὸν ἔφαγες, Proverb.
dictum, cum quis amore ali-

cuius loci captus, ibi se teneat,
aliorumque obliviscatur.

V. 484. Ut copia atque fertilitas (*Palmarum*) ita nobilitas
in Judæa, nec in tota, sed Hierichunte
maximè, &c. Judæa inclita est
vel magis palmis. *Plin. lib. 13. 4.*

Arbusto palmarum dives Idume. Luc.

Primus Idumæas referam tibi Mantua palmas. Virg.

V. 491. *Plutarchum* vide *Symposiacôn* 8. ubi rationes multas reddit,
quamobrem alia alias certamina coronas habeant,
palmas verò omnes communiter; quasdam earum versu retuli.

Armati semper folii semperque virentis,
 Servat, non æstum metuens non frigora virtus.
 Sic oneri fatòque renititur illa prementi,
 Fortior assurgens, sic & procera relinquit
 Terras, & coelo pulchrum caput inserit alto :
 Sic generi humano varios se expendit in usus
 Multiplèxque bonum est, generoso pectora vino
 Latificat, panem & bellaria blanda ministrat,
 Et prodesse potens & delectare perita.
 Sic amat & virtus ; verè atque decenter amare,
 Non minimum est virtutis opus, Palmámque meretur.
 Non magis arsura Evadne Capanéa crematum
 Nec magis Admetum dilexit prodiga casti
 Sanguinis Alceste, quam foemina Palma maritum
 Deperit ; inclinat blandos ad basia ramos,
 Secretósque petit (mos ille vetustus amantum)
 Complexus, mistísque avidè radicibus hæret.

V. 502. Strabo est autor,
 Babylonios carmen decantare so-
 litos, quo trecentæ & sexaginta
 utilitates palmæ recensentur.
 Multas sanè enumerant *Xenoph.*
in expedit. Cyri, Diæcor. Plin.
 Omnes qui de eâ verba faciunt.

V. 506. Non sine maribus
 gignere foeminas sponte edito
 nemore confirmant : circâque
 singulos plures nutare in eum
 pronas blandioribus comis. Il-
 lum erectis hispidum, afflatu
 visûque ipso, & pulvere etiam
 reliquas maritare. Hujus arbore
 excisâ viduas post sterilescere
 foeminas Adeoque est. Ve-
 neris intellectus, ut coitus eti-

am excogitatus sit ab hominibus,
 ex maribus flore ac lanugine, in-
 terdum verò tantum pulvere in-
 sperso foeminis. *Plin. lib. 12. 4.*
 Multa de his mutæ benevolen-
 tiæ signis tradunt multi ; bellè
Claudian.

*Vivunt in Venerem frondes
 animisque vicissum*

*Felix arbor amat, (mallem
 hoc omisisset)*

*— Nutant ad mutua palmæ
 Fœdera. —*

V. 508. Quæ se in rogam
 mariti conjecit.

V. 509. Quæ ut vitam ma-
 riti redimeret, ipsa ejus fato
 morituri vicem sponte subiit.

Cedunt

Cedunt arma togæ, victrix concedat ^s Olivæ.
 Palma piæ; bello pacem præstare fatetur
 Paciferam gestans Oleam dea bellica Pallas:
 Hæc dea magnificum memoratur adepta triumphum.
 Et numen noménque suum doctissima doctæ
 Imposuisse urbi, superûm quæ gloria summa est,
 Nam toto laxè regnantes æthere (tanta
 Ambitio est) hominum regno de paupere certant.
 Hic sonitum agnoscens, magni signumque tridentis
 Bellator se fundit equus de carcere terræ,
 Ille novas efflare levatis naribus auras,
 Et quassare jubis undantia colla decoris,
 Hinnitûsque sui sonitum exaudire superbit,
 Insultâtque pedes glomerans natalibus arvis,
 Ignotas rerum facies mirâsque figuras
 Et circumstantum intrepidus videt ora deorum.
 At juxtâ leviter tellus, percussa potenti
 Cuspide Palladiâ, rimas agit, emicat altè
 Attollitque caput glaucum veneranda comarum
 Canitie & pomis ditescens pinguibus arbor.
 Admirata novam plauserunt numina plantam,
 Et benedixerunt; ac tanti muneris autor
 Præfertur Neptune tibi; fremuere sonorum
 Victus equus victûsque deus, sed vîmque minâsque
 Et strepitum, ingenii vicit dea, pacis & arbor.
 Salve, sancta Arbor, cujus lex suscipit ipsa

^s Olea.

V. 515. Contentions inter
 Neptunum & Minervam de no-
 mine Athenis imponendo fabula
 notissima est, sed quid magis in-
 congruum videri potest, quàm
 Equi bellici Neptunum, Olivæ
 bellicam Minervam autorem ex-

titisse? Puto equidem hanc &
 plerâsque veterum fabulas, non
 ut multi arbitrantur, ex myste-
 riis sapientum concinnatas, sed
 ex fortuitis vulgi rumoribus
 consarcinatas fuisse.

Tanquam

Tanquam hominis curam, & noxâ defendit ab omni.

Cui furor ipsius (tanta est reverentia) belli 541

Parcit, & everfis permittit crescere templis :

Non te impune ausus sævâ violare securi

Impius iratâ nimium pietate repulsæ

Ultor Halirrhotius patriæ, Neptunia proles ; 545

Ille sui infœlix cecidit vertigine teli,

Arbore securâ, relevato quam petit ictu.

Spectavère dei casum, errorémque cruentum

Sacrilegæ risère manus ; Jacet hostis Olivæ.

Sic pereant, opto, qui pacis amabile germen 550

Contemerare volunt, sed & hæc tam sacra quieti

Planta, jubet bello semper nos esse paratos,

Et sperare vices rerum motúsque futuros :

Enses illa quidem gaudet spectare repostos,

Sed positos sapiens rubigine vindicat enses. 555

560 Illa etiam nudas juvenum celebrare palæstras,

Lene rudimentum pugnæ ; perfundit opimo

Corpora luctantûm succo, foliisque coronat

Tempora vincentûm. Ne pacem diligit illa

Mollitie morum luxûve inducta metûve, 560

V. 540. Tanta erat apud Athenienses oleæ dignitas, ut si quis aliquam plantam ejus vel subiceret, vel discinderet, in judicium vocaretur, ac pro sacrilego condemnaretur, earumque culturæ gratiâ Magistratus quidam instituti, cum Lacedæmones Atheniensem agrum ferro atque igne vastabant, Oleis tantum parcere solebant, tum veneratione plantæ, tum dirarum metu quibus Athenienses omnes mortales devovebant, qui oleam violarent ; immò & Olevantibus legem antiquissimam fuisse scribit *Plin.* Oleam ne stringito neque verberato ; *Idem* Oleam pol-

lui fas esse negat, & vel propitiandis numinibus accendi ex eâ altaria.

V. 545. Halirrhotius, Neptuni filius, patrem suum à Minervâ in hoc certamine victum indignatus, sacram oleam excindere voluisse dicitur : sed securim in seipsum impegisse, & ex vulnere occubuisse.

V. 559. Oleæ honorem Romana majestas magnum præbuit, turmas equitum *Id. Jul.* ex eâ coronando, item minoribus triumphis Ovantes Athenæ quoque victores Oleâ coronant, Græci verò Oleastro Olympiæ *Plin. lib. 15. 4.*

Ex

Ex utero terræ non exit fortior infans :
 Nil cultoris eget, nec finum alimentaque poscit,
 Sed gratis foecunda solo pinguescere macro
 Dignatur, coelos habeat solisque benignos,
 Et crescet quocunque loco ; truncum insere terræ 565
 (Nec labor) abscissum, radices protinus ille
 Non ignavus agit, seque arbos ipsa creabit.
 Illa quidem lentè & pedetentim surgit in auras,
 Sed validâ & multum foecundâ ætate virili,
 Sed semper viride & longum durante senectâ, 570
 Crescentis tardè compensat damna juventæ.
 Ah benè constituit naturæ provida cura,
 Utilis ut mundo foret & vitalis Olivi
 Proventus facilis vulgoque parabilis usus.
 Ille liquor foelix assumptus & intus & extrâ, 575
 Dat formam & robur membris habilèmq; vigorem,
 Levigat ille vias, rivo polit aspera pingui,
 Vulnera pacifico componit hiantia succo :
 Ille dapem agrestum miseratus condit egenam,
 Et præstare epulis regum facit additus herbam ; 580
 Sistit pictorum fugitivos ille colores,
 Et brevibus tabulis statuarum tempora donat ;

V. 561. *Contra non ulla est*

Oleis cultura, &c. Vir. Geo. 2.

Quin & caudicibus scissis
(mirabile dictu)

Truditur è sicco radix Olea-
gina ligno. Ib.

V. 568. *Virg. dicit—*

Polem tardè crescentis Oliva,
&c. Hesiodus negavit oleæ sato-
rem fructum ex eâ percepisse
quenquam, tam tarda tunc res
erat, Plin. At lib. 16. 44. Fir-
missimè ad vivendum Oleæ, ut
quas durare annis 200. inter
Autores conveniat. Et Olym-
pæ Oleaster ex quo primus Her-

cules coronatus est, & nunc cu-
stoditur religiosè. Athenis quo-
que Olea durare traditur in cer-
tamine edita à Minervâ. Viva-
cem Olivam Virg. vocat.

V. 572. Oleo noluit parti
 natura, fecitque ex necessitate
 promiscuum & vulgò. *Plin.*

V. 577. In patriâ meâ West-
 phaliâ usitatissimum est vulne-
 ratis quotidie exhibere oleum
 olivarum cum cerevisiâ calidâ
 quo adeo largè utuntur ut sudor
 oleum redoleat. *Sebrod. Ole-*
um vulnerarium est. Ib.

Ille suæ studiis accommodat apta Minervæ
Lumina nocturnis; & vitam ac secula sperent,
Non nisi Palladium redolentes lampada chartæ. 585
Outinam nostræ!

569 Jure igitur cunctos meritòque supernatat ille,
Conjugia (ut par est) ignobilia recusans,
Perfectus, plenusque sui, castissimus humor.
Jure sacerdotes casto, regesque potenti, 590
Et docto vates sacrans perfudit Olivo

570 Optima sacrorum quondam Judæa magistra.
Talis erat, tales quassavit vertice fructus
Discedens olea, ac ramum decerpfit eunti
Lata triumphalem, & cinxit sua tempora Pallas. 595

575 Successere aliæ gentes; Polyostea primum,
Mespilus, & fructum putrem ambitiosa coronat.
Pulchra venit divæ 7 Myrtus gratissima pulchræ;
Adventantem imber dulcis prænunciat auræ,
Et blando superum nares titillat odore. 600

580 Omet sanguineos Laurus Phœbæa triumphos,
Myrtus amat faciles paucique cruoris honores,
Contenta est molles comitari Myrtus ovantes.
Quisquis amat, Paphiâ cingat sua tempora Myrto,
Cingat, Io, fidenter, ovantisque occupet omen. 605

6 Mespilus. 7 Myrtus.

V. 597. *Medlar*, Anglicè.
Foliaceis quibusdam quasi sim-
briis caput pomi in coronæ mo-
dum redimitur.

V. 598. *Formosæ Myrtus Ve-*
neri ——— *Virg.*

——— *Solido Paphiæ de robore*
Myrtus.

Id. & amatores in Elysio,

——— *Myrtea circum*

Sylva tegit ———

Sed & Venus Murtia, à Myrto

cognominata creditur. Bellicis
quoque rebus inservit (Myrtus)
triumphansque de Sabinis Posth.
Tubertus in Consulatu (qui pri-
mus omnium ovans urbem in-
gressus est, quoniam rem leviter
sine cruore gesserat) Myrto Ve-
neris Victricis coronatus inces-
sit; optabilemque arborem e-
tiam hostibus fecit. Hæc postea
ovantium fuit corona. *Plin.*
lib. 15. 29.

Gentis

Gentis Hyperphloëæ post hanc ⁸ Malúsque; ⁹ Pyrúsque
 Illustres venêre domus, númeroque potentes.
 Non illas aspernatur vel Citria regum
 Mensa superborum, non aspernantur & illæ
 Vel tripedes inopum mensas, & terrea vasa.
 Subsídium vitæ, luxúsque paratus egenæ,
 Et non ullius desertrix copia mensis.
 Hinc sibi vina parant gentes quas igne remotus
 Languidiore fovet non vitibus æquus Apollo.
 Principis illa quidem munúsque; vicémque liquoris
 Non indigna ferunt; sic curas illa metúsque
 Pauperiémque domant, sic lætitiísque jocísque
 Spéque novâ, & liquido perfundunt lumine venas,
 Et pulchrum accendunt Veneris Martísque furorem.
 Hoc contenta mero lætùm Normannia degit,
 Vicinásque tuens Gallorum haud invidet uvas.
 Agmine discedunt longo Malíque Pyríque
 Omnigenæ, sylvam credas migrare vetustam,
 Tantus erat populus: Pomona abeuntibus illis
 Annuit arridens; sed linguam fannio Bacchus
 Exerit, aurículas digitis imitatus Aselli.

⁸ *Malus.* ⁹ *Pyrus.*

V. 606. Cur Empedocles
 dixerit *ὑπὲρ φλοῖα μῦλα*, am-
 bigit *Plutarchus*, cùm Philoso-
 phus non casu epitheta apponat.
 Grammatici dicunt ob vigorem,
 & esse quosdam de Græcis qui
 Phloo Baccho sacrificent; quo-
 niam ex omnibus fructibus in
 malo maximè vigor & viror per-

manet: vel cùm alii fructus for-
 ris cortice ambiantur (is enim
φλοῖα est) i. e. tegmen in su-
 perficie habeant, solus mali cor-
 tex intus est glutinosa & pinguis
 tunica, qua semen continetur;
 id vero quod esui foris est circa
 eam circumpositum, *ὑπὲρ φλοῖα*,
 i. e. extrà corticem situm. *S. P.*

Se negat his comitem miscere Cydonia & Malus,

Sola venit; magnos populari indulfit honores

Jupiter ipse suæ; grato perfudit odore,

Depinxitque auro & molli lanugine texit.

630

Hæc bene cocta Jovi dantes conditæque melle

Vagitum infantis pacantia poma protervi,

Cretenses memorant nymphas Melimela vocasse;

Nunc etiam Melimelorum (si credere fas est)

634

Non pudet ambrosiâ saturum meminisse Tonantem.

Enumerare omnes longum est; tota agmina claudunt

Multa Gigartophoræ celeberrima nomina gentis

Nobilitate potentis, & horto ditis & agro.

Berberin, & crispam spinis horrentibus Ulvam,

Et Ribem exiguis vitem simulare racemis

640

Malus Cydonia.

V. 627. Mala quæ vocamus Cotonea, & Græci Cydonia, ex Cretâ Inf. advecta. *Plin.* Plurimum eorum genera, Chrysomela, Struthia. *Plin.* Addit *Colum.* Mustea. *Virg.* appellat Cana Mala,

Ipse ego cana legam tenerâ lanugine mala.

Vera Cydonia *Dioscor.* parva, rotunda, odorata, *Pommes coin.*

Ex quibus Genuenses suum deliciasimum Cydoniatum parant,

Struthia verò magna, sed minùs

utilia, vulgò *Poires coin.* *Dalech.*

utrumque Anglicè *Quince.*

Melimela, quidam Mustea interpretantur, eademq; esse, quæ,

D. *Johannis* Mala vocantur; i.e. *Junetins* Anglicè. Alii aliter. Prædulcia fuisse constat.

Infanti Melimela dato. Mart.

Qui & melle condita Cydonia, Melimela vocat in Xeniiis.

Si tibi Cecropio saturata Cydonia melle

Ponentur, dicas hæc Melimela licet.

V. 637. *Γίγαντες*, vinaceum, i. e. minutum ossiculum in acino uvæ propriè, sed & aliis ejusmodi granulis attribuitur.

V. 639. I.e. *Barberries*, *Goosberries*, *Currants*, *Rasberries*.

Gaudentem,

Gaudentem, Idæâsque Rubos, hybernaque Fraga,
 Plebeiâsque domus alias mihi omittere fas sit.
 Non itâ fas Morum, & Ficum, divinâque Vitis
 Germina, militiæ veteris fortissima Poma;
 Et nunc spes tanti certaminis ultima restant.

Se cautè sapiens infert ac provida ² Morus,
 Explorat coelos, & vertice suspicit alto
 Quod teneat signum Phœbus cœleste, fidèque
 Præteritne bonâ, nec possit bruma reverti,
 Non fructum aut frondes dubio expositura calori.
 Ergo diù succum tenet in statione paratum
 Atque exire vetat, nisi tessera detur adulti
 Moribus incertis anni non credula verni.
 Sed reparat tandem geminata industria tardæ
 Damna moræ; signoque dato, ruit omnibus acer
 Nodorum portis, frangitque repagula succus.
 Dat strepitum erumpens, magno turbante tumultu,
 Gemmarum studio properantùm densa caterva:
 Nec duo prætereunt menses, & purpura Morum
 Nobilis infecit dibaphum, non sanguine vili

² *Morus.*

V. 641. *Hybernaque Fraga.*
 Fructus arbuti, Angl. *Straw-*
berry-Tree, i. e. Arbor fra-
 ga ferens. Aliud corpus est ter-
 restribus fragis, aliud congeneri
 eorum Unedoni, quod solum
 pomum simile fructui terræ gig-
 nitur. Arbor ipsa fruticosa, fru-
 ctus anno maturescit, pariter
 floret subnascens & prior collig-
 gitur. Mas sit, an fœmina ste-
 rilis, inter Autores non conve-
 nit. Pomum inhonorum, ut cui
 nomen ex argumento sit unum
 tantum edendi, duobus tamen

hoc nominibus appellant Græci,
 Comarum, & Memæcylum, quo
 apparet totidem esse genera
 apud nos. Alio nomine Arbu-
 tus vocatur. *Plin.* 15. 24.

V. 645. Serotino quædam
 germinatu florent, maturantque
 celeriter, sicut Morus, quæ ne-
 vissima urbanarum, germinat,
 nec nisi exacto frigore, ob id
 dicta sapientissima arborum: Sed
 cum cœpit, in tantum universâ
 germinatio erumpit, ut unâ no-
 cte peragat etiam cum strepitu
Plin. 16. 25.

Purpura

Purpura Concharum, sed amantum tincta duorum :

Est precium & foliis tamen ipsis majus, & usus

Nobilior fructu ; benè contemplare colorem,

Materiam & formam folii, vulgaria dices

649 Omnia, sed nec tu formæ nec crede colori ; 665

Ornamenta vides regalis maxima luxûs,

Vestimenta vides turbæ mollissima mollis,

His foliis induta ferocit foemina dives.

Nativoque minùs fudit vel pulchra decori,

650 Has robusta terunt umbellas membra virorum, 670

Lascivique hominum ridenda superbia gestans

Vermiculo (miserum !) contextas paupere frondes.

Talis erat Morus ; sed quis miracula ³ Fici

Dicere, vel genera ipsis vel nomina possit ?

655 Innumerâsque potestates variôsque triumphos ? 675

Salve magna Ceres, tantæ sacra arboris autor ?

tu, Tu frugum legûmque datrix, te vindice, vita

Exuit & victum & mores humana ferinos.

Et pacem panémque habuit; Quid quærimus ultrâ ?

660 Hoc satiare famem didicit natura modestam. 680

Plus tamen indulges, & gratificata palato,

Mellea lactantis tribuisti fercula pomi.

Pauperibus faciles epulas, nec suavius illis

Graci, m, quo mena & Arbu- Mensa tamen quicquam damnosa voravit Apici. 684

Hâc Phytalum donasse Ceres primùm arbore fertur

³ Ficus.

quædam
rântque
qua ne
rminat.
ob id
um : Sed
universa
unâ no
treptu

V. 661. Pyrami & Thisbes.

Pub. Vulgatiss.

V. 686. Pausanias in At-
tica primam ficum editam tra-
dit prope Cephysum, ubi Phy-
talus, Cererem hospitio be-
nignè excipiens, hospitalitatis
præmium Ficum arborem à deâ
dono accepit.

Ἐνθα ὃ ἀναξ ἥρωε Φύτα-
λῳ ποτὲ δέξατο σπινθὴν
Δημήτῳ ὅτε σπῆτος ὁ πῶ-
ρος καρπὸν ἔφλυεν.
Ἡρὶς ἐχὼν συκὴν θνητῶν γέ-
νῳ ἐξονομάζει.
Ἐξ ὃ δὴ πᾶς Φυτάλε γέ-
νῳ ἔχων ἀγῆρας.

Hospita

purpura

Hospita grata pium, & frumentis poma scatere 686
 Innumeris jussit, testata in munere numen.
 Nec tamen huic plantæ frugalis diva decorem
 Ullius adjunxit floris, risumve severa
 Permisit vernum : lasciva hæc gaudia, dixit, 690
 Gloriolæque habeant vexilla fugacia vanæ ;
 Germina pulvillis horti recubantia pictis,
 Quæ se prostituunt oculis meretricia cunctis,
 Nec metuere manus hominum narésque salaces.
 Nil opus his nugis ; fructu satis arbor honesta est 696
 Ista suo, cultuque viget matrona modesto ;
 Fertilitatem amat ; & solido de stipite pomum
 Trudit agens studio sobolis festina creandæ
 Grossorum miseros, heu, passa frequenter abortus ;
 Lacte tumet, munus gestit nutricis obire. 700

Quis tibi, Fice, neget grætæ præconia vocis ?
 Quàm labefactatam recreas, totumque recludis
 Prætereuntis iter ? scabrosa atque aspera lævas,
 Obstructasque vias aperis spirabilis auræ,
 Pulmonumque repleas ventis vitalibus utres, 705
 Nec vocem emendas frustra, referata sed auris
 Per te porta patet ; venientemque accipit intrò.
 Ulcera tu purgas sentinâ sordida putri,
 Emollisque feros, fomentum mite, tumores.
 Gangrænam & lepram, serpentum maxima monstra,
 Et lichena domas, & luctificum cacoethes, 711
 Panósque, strumásque, gravésque parotidas, & quæ

V. 686. Maturis frumenta insunt. *Plin.*

V. 691. In ficis mirabiles sunt abortus, qui nunquam maturescunt. *Id.*

V. 701. De his atque aliis Fici virtutibus, vide *Plin.* fusè tractantem. L. 23. 7.

V. 711. Lichen, Impetigo, (Ring-worm, Tetter) Ca-

coethes, ulcus malignum. *Panus*, tumor, *Φύμα*, in quo quiddam pustulæ inest cum dolore & distentione vehementi. *Strumæ* (*Kings-Evil*) serophulæ. *Parotis*, abscessus genitus quod sub auribus oriri solet. *Myrmecia verrucæ* formicarum more pungentes.

Deforman

686 Deformant nitidum myrmecia corporis æquor.
 Te podagræ fugiunt, tibi aquosus detumet hydrops,
 Singula quid referam? tu cunctis magna venenis 715
 Bellatrix (comites rutam modò nacta nucémque)
 690 Non metuis terræ concurrere cominùs Afræ,
 Non metuis toto grassantes aere morbos
 Sistere, & astrorum cæcis te opponere telis.
 Unde ea vis animæ viridis? quæ tanta potestas? 720
 Non ipsum metuit Ficus secura tonantem.
 690 Fulguris illa vias horrendâ luce coruscas,
 Ejectâsque Jovi sacras in turbine sylvas,
 Succussos montes, nutantia templa deorum
 Aspicit, attonitîque sonora pericula mundi, 725
 Intrepida, & nullâ motis formidine ramis.
 700 Euhoe Bacche! venit tandem dulcissima ³ Vitis!
 Euhoe Bacche venit! venit ebria, Euhoe Bacche!
 Stare nequit, sustentat eam robustior, Ecce,
 Labentémque tenet conjux! Euge ebria Vitis! 730
 Ut te amo, complectórque libens, charissima planta!
 705 Da mihi te plenam succi, uberibûsque tumentem
 Nectareis; da te facilem; non oscula tantùm
 Sumere, nec suprema sat est mihi tingere labra,
 Interiùs, totóque frui te corpore fas sit, 735
 Et penetrem foelix fundum urinator ad imum,
 Et me mellifluo madida obruat amne voluptas.
 711 Quis deus, ô, quis me pronepotem nobilis Orphei
 712 (Degenerem quamvis inopémque, heu, laudis avitæ,
 Sed redimitum hederâ tamen, & non vana furentem)

³ Vitis.

V. 721. Plutarchus inter a-
 lia admiranda fici, nempe cicu-
 rari tauros indomitos ei alliga-
 tos, tenerescere carnes animalium
 quæ in ea pependerit, &c.
 addit, neque de cælo unquam
 tactam esse ficum, & inepti

mendacii rationem reddit ineptiorem,
 amaritudini hoc acceptum referens,
 cujusmodi res non attingunt,
 scilicet fulmina, ut neque Vitulum
 marinum, neque Hyznam,

M

Collibus

Collibus Ismariis sistat? quis per juga raptet
 Me Campana vagum, foelix ubi vinea fulget 741
 Sole suprâ, flammisq; infrâ bis cocta Vesevi?
 Aut ubi coelesti Canaria celsa superbit,
 Aut ubi Belnensi Burgundia purpurat uvâ? 742
 His decet, ô, temerè vatem recubare sub umbris,
 His saltare jugis atque insanire decorum,
 Turgentem venâsque deo, mentémque animúmque
 Qui celebret dignè Vitem, numénque quod ore
 Ebibit attonitus, divinâ voce refundat. 750
 O Arbor meritò dulci de nomine vitæ
 Nomen habens! ô qui te ornant, pulcherrima, fructus?
 Multus amor, multum ingenium, facundia multa,
 Multa etiam virtus animi, & Mavortius ardor,
 Lætitiæque, jocique, & spes, & gaudia mille: 755
 His arbor foecunda tumes, cunctósque beatæ
 Purpureos vitæ portas albósque racemos.

V. 741. Ism. Mons Thraciæ quem Orpheus incoluit.

*Nec tantum Rhodope miratur
 & Ismarus Orphea*

*Vinetis olim celebris, juvat
 Ismara Baccho*

Conferere ——— Virg.

Homerus quoque de Ismaro loquens Odysf. 9. addit

*Ἐνθα δὲ πολλὸν μὲν μέθυ
 πίετο.*

V. 742. Hinc foelix illa Campana est: ab hoc sinu incipiunt vitiferi colles, & temulentia nobilis succo per omnes terras inclyto, atque (ut veteres dixere) summum Liberi patris cum Cerere certamen: Hinc Setini & Cæcubi obtenduntur agri, bis junguntur Falerni, Caleni, deinde consurgunt Massici, Gaurani, Surrentinique Montes. *Plin. lib. 3. 5. Principatus olim Am-*

mineis vitibus (quod id genus fuerit hodie, puto, ignorari) quarum Vina firmissima appellat. *Virg.* Eos in Vesuvio monte crescere (vel Vesevo, nam utroque modo scribitur) Surrentinisque collibus testis est *Plin. lib. 14. 2.* Nos ex notis quas affert *Colum.* dicimus Amineum vinum esse nostrum vulgare Græcum, nam nobilissimæ notæ est, diutiúsque in vetustatem aservatur, ut etiam centum annorum reperiatur — Eius vites Vesuvium montem convestiant rependentem fructu illata damna, ut inveniat apud posteros gratiam cinere, & conflagratis faxis, & calore suo vino vim tribuit. *B. P.*

V. 745. *Vin de Beaune*, nobilissimum Burgundiæ; perdis oculi colore notabile.

Omnia fortunæ scelerata venena malignæ
 (Non tot alit, tellus infamis, toxica Pontus,
 Serpantum tantâ non sibilat Africa turbâ) 760
 Diffugiunt perstricta tui cœlestibus armis
 Antidoti; redeunt fateor, vicibûsque recurfant,
 Te tamen absenti, & tempus captantia ficcum;
 Te relevante hominem non sentit tristitia ferri
 Pondera captivus, non paupertatis egenus; 765
 Te comitante exul nemo est, te nemo repulsam
 Suffragante tulit; populo nolente creatur
 Consul, habetque suos quales Caninius olim
 Horarum fastos; tu principis instar amati,
 Delicias olim mundi quem Roma vocavit, 770
 "Nullum hominem, jucunda, soles dimittere tristem.
 Quid præstare potest majus sapientia summa,
 Discipulósque suos cum divis porticus æquans,
 Quàm tenebras, nimbos, & nubila pellere mentis,
 Atque aperire diem vultúque animóque; serenum? 775
 Ebrius & sapiens rex est, atque omnia solus;
 O magnus Cato qui regnum possedit utrumque!
 Si brevita hæc quisquam & fallacia gaudia dicet
 Confiteor; sed & ô hominum quæ talia non sunt
 Gaudia? quid brevius vitâ aut fallacius ipsâ? 780
 Utere dum licet, ô, vinique liquore beato
 Vita levis subvecta secundo defluat amne.
 Vitis abit; veteris plauserunt numina mundi
 Omnia, purpureósque manu carpsere racemos.
 E quibus insignem ludi non parvus Iacchus 785
 Compactum innumeris acinorum ex utribus unum,

V. 768. Pridie Cal. Januar.
 repentinâ Consulis morte cessan-
 tem honorem in paucas horas
 petenti dedit. *Sueton. in Jul.*
Cæs. i. e. Caninio, in quem Con-
 sulatum vide quæ jocatur *Cic. in*
Epist. ad Curium.

Amor & deliciæ generis humani
 appellatus, cujus dictum memo-
 rabile, non oportere quenquam
 à sermone principis tristem dis-
 cedere. *Suet.* Et patrem ejus
 Vespasianum miro epitheto sa-
 lutat *Plin.* Jucundissime Impe-
 rator.

V. 769. Titus Vespasianus,

M 2

Porri-

Porrigit Omelochile tibi; quin ebibe, sodes,
Si sapis hunc succum, dixit, non aptior alter
Cannibalum stomachos crudeos tergere deorum.

Ille parum Græco Bacchi assuefactus aceto 790
Absurdum fremit iratus, pugnòque dedisset
Barbarus intento responsum, credo, jocanti,
Ni vires nimium notas, animòsque timeret
Numinis Europæi; ergò in discrimina pomos
Sæva minus prodire suas jubet; ordine pulchro 795
Stant omnes, varios jactantes vertice fructus,
Atque ineunt pictis certamen Amazones armis.
Sed prima in campo pomis inhonora sine ullis
Coca stetit, tenui nitens arbuscula ligno,
Subridensque Venus; næ gentis America pubes 800
Horticolæ, ad bellum de fertilitatis honore
Elegere parum foeliciter, inquit, euntes
Eunuchum nanumque ducem, effudere cachinnos
Nostrates superi, at mater Pachamama procacem
Increpuit divam, & Cocam defendit amatam. 805
O quantum, Cytheræa, erras? tibi nempe salaci
Fertilitas obscœna animantum cognita sola est,
Hic mala tu judex; mea regna carentia sexu
Sunt peregrina tibi; cunctarum quotquot ubique
Terra parit fecunda, hæc fecundissima vivit 810
Semper, & innumeris turgescit fructibus arbor.
Quid ridetis adhuc? quàm sit frondosa videte,
Quot frondes tot poma gerit; nec frondibus istis
Utilitate ulli dubitabunt cedere fructus.
Illæ Pacchamaci Virocochæ munere miro 815
(Quem juga commovit subitura immitia quondam
Et nimiis opibus pauperrima terra futura)
Ore parum mansæ, succoque in pectora misso,
Continuò, longæque famis, longique laboris
Languores abigunt ægros, membrisque vigorem 820

5 Coca.

Restituunt,

Restituunt, animúmque levant sub fasce labantem
 Corporis infirmi, quo vos, ô Bacche Cerésque,
 Numina bina, modo. Tres ista viatica portans,
 Bis ternos aliquando dies durabit abundè
 Pastus, & horribiles curret Quitoita per Andes, 825
 Horribiles Andes, positam inter nubila summa
 Ventorum patriam, pluvixque, hyemisque, tuámque
 Fortis Coca simul, quam bellica diva pusillam
 Deridet Cytheréa ducem; nec te, inclyta Coca,
 Sustentas ipsam minús admiranda profectò 830
 Quàm servas homines; hîc tē mercator adire,
 Hinc petere haud metuit; vel centum mille quotannis
 Vicugnos foliis onerat, Pacósque gementes,
 Non ingrata ferens misero commercia Mundo.

Sic ait, innumeris mater Pachamama figuris 835
 Picta cutim, nutúque Hoviam procedere jussit,
 Portantem lapidosa ⁶ Hoviam contemptáque pruna,
 Sed parili, quamvis aliter, virtute potentem;
 Conciliare leves arcanis viribus umbræ
 Et dulces condire novâ dulcedine somnos 840
 Creditur; ut tantùm hac dormire sub arbore possit,
 Ire viam gaudet longam miser incola terræ
 Divitis, incumbítque operi, & se sponte fatigat,
 Ut tantâ recreetur ope, placidámque capescat 844
 Hîc recubans, quanquam Hispano dominante, quietem.

At ⁷ Platano Eoxæ falsò cognominis arbor,
 (Brasilix Bacoua est) foliorum ingentia vela
 Expandit, quorum unius dormire sub umbrâ,
 Et cantare potest pastor securus ab æstu;
 Sub foliis que jacent viridantibus aurea mala 850
 Conglomerata uno bis centum sæpe racemo,
 Carpuntur toto, toto nascuntur in anno;
 Omnia damna latent, semperque prioribus hæres,
 Flavourum capitum formosa repullulat Hydra:

⁶ Hovia. ⁷ Platanus.

M 3

Nec

Nec legere illa manu vacat, avelluntur ab ipsis 835
 Pondere lucenti mutantia brachia truncis,
 Namque uno avulso termes mox aureus alter
 Profilit, atque opibus redivivis parcere vanum est.
 Tum verò in medium, sed nescio quomodo, Ficus
 Indica ⁸ prorepsit; nostri novitate figuræ 860
 Obstupuere dei, clamavit & unus eorum
 (Heu nimium incautus, nam falli numina turpe est)
 Hoc opus est artis; tentamur fraude planorum,
 Admovitque manum plantæ, risere vicissim 864
 Barbara turba deum, nec compressere cachinnos.
 Admiranda stetit membrorum & corporis experts,
 E foliis tantum compacta & fructibus arbor,
 Et foliis foliorum, & quæ nascuntur ab illis.
 Prodigium! & viridis species monstrosa Cometæ!
 Congenerem ⁹ Tunam misit Tlascalla superba, 870
 Talia cui frondis superat miracula fructus,
 Poma illi Viracocha dedit vivencia soli,
 Coccineo regum preciosa animalcula luxu,
 Ipse etiam Hispanæ dominator maximus oræ
 Captivæ spoliis Cochenillæ gaudet opimis 875
 Indutus, victi dominator maximus orbis,
 Atque utinam hoc solo devicti sanguine tinctus.
 Ignotum Europæ pomum, notissima poma
 Ostentavit, ovans tantâ Guattimala cive,
 Nam quis Amygdalinas ¹ Cacaos, quis pocula panis
 Sobria, quis potum Chocolatæ nescit edulem? 881
 Dat vegetum membris habitum, florémque venustæ
 Purpureum majestatis, dat dulcia cordi
 Lumina lætitiæ, nec fortè potentior alter
 Lenè ciere viros, Venerémque accendere succus. 885
 Non tantum præstare homini, si tota daretur,
 Vasta potest arbor, seu sylva argentea, quæ se
 Sub magno expandit multum ramosa Potoso:

⁸ Ficus Indica. ⁹ Tuna. ¹ Cacao.

Nec tantum rutilat fulvis ubi Cartama saxis,
 Marmoreis latè fruticans in rupibus aurum. 890
 Non igitur sapiens tam divitis incola mundi
 Ex auro quondam argentóve numismata cudit,
 Nec tribuit vitæ commercia tota metallo
 Quod vitæ tam sæpe nocens, & inutile semper.
 Hæc bona Nux nummus populis erat unicus illis, 895
 Census erat magnus, non tum sestertia mille
 Sed numerare domi Cacaorum millia posse,
 Una arbor, parvi vectigal nobile fundi
 Et pascit dominos, & vestit, & ornat, & armat;
 Hoc emitur penus omnis, & omne utensile nummo, 900
 Et si magna cibum penuria denegat omnem,
 Hic cibus, hic ipse est. O vera pecunia! at inter
 Divitias mundi (pudet, ah!) nostratis ineptas
 Possumus & dites simul esse, faméque perire.
 Quàm tu fausta, tuæ si tantum Hispanus avarus 905
 Gentis opes, & non telluris, America, nosset!

Nec minus & Veneri (Venerem te Mexica sævam
 Tlazoterella colit) bene olenti fronde decora
 Aguacata favet, fructusque effectus in ovum
 Candenti dulcis succi pinguedine turgens 915
 Imperfecta refert udæ primordia vitæ.

Omnia si dominus Cacaïs edit, omnia penè
 Possidet in Metlà, nec se facit illa monetam.
 Nec mercaturam exercet; merx omnis in ipsa est.
 Nec pueris fert illa nuces, nec dulcia poma 915
 Foemineo parit oblectamina vana palato:
 Tota arbor suus est fructus; folium omne tenellum
 Manditur, & victum in promptu dat suave salubrem;
 Quod simul ac vires ætate acquirit adultâ
 Texitur in vestes; nève instrumenta deessent 920
 Artifici, summo stat spina cacumine frondis
 Et sit acus sartori, acus & sua fila coherent.

² Aguacata. ³ Metla.

M 4.

Uritur

Uritur immodico vicini lumine solis
 Terra siti damnata, hinc vivus cortice scisso
 Fons liquidæ prorumpit aquæ, quæ leniter arctis 925
 Percolata viis, longo Mæandria flexu
 Fibrarum, nulloque tamen vitiata colore,
 Jucundum virgo trahit intemerata saporem.
 Hoc satis est hominum naturæ, sed tibi non est,
 Prodigia Metla satis. Quærantur dulcia? Mellis 930
 Instar habes; acris delectat gustus? Acetum es.
 Parva loquor, Vinum es, generoso pectora succo
 Lætificas, quacunque ruis, curamque metumque
 Paupericmque gravem pellens, velut aurifer amnis,
 Influis in venas; per te miserabilis Indus 935
 Dives adhuc, liberque sibi, dominusque videtur,
 Et rege Hispano est aliquando beatior ipso.
 Si dubitat quisquam, nec possit credere, vinum
 Quam modò vidit aquam, pleno se proluat haustu:
 (Nam quis aquæ parcat?) factam de simplice nymphæ
 Sentiet esse deam, & vim numinis ipse probabit. 940
 Delicias fundens tales, medicamina sudat.
 Cortice distillant unguenta potentia cocto,
 Et precium est lacrymis, quantum non ulla mereri
 Gemma potest, oculo pulchræ nec blanda puellæ 945
 Gutta tremens, cum se pavitantem dedit amanti:
 Non illis rabidi præsentior ulla veneni
 Antidotus, medicant medicatæ cuspidis ictum,
 Et geminâ exarmant armatas morte sagittas.
 Omnia poenè dedisse parum est; quid, Metla, superbis
 Tam variis dotata bonis, tot munera fundens 950
 Vinceris ipsa tamen; dat scilicet omnia * Coccus,
 Indorum Palma omniparens, quâ sospite nunquam
 (Non mihi certè unquam) dicetur America pauper.
 Tollat Iberus opes, tellurem evisceret ipsam; 955
 Si Coccus solas cum libertate relinquat

* COCCUS.

Invidiosus erit miserabilis Indus Ibero.

Quis nisi mentis inops, & diis invisus avarus

Ultiora petat? nam quid negat utile Coccus?

Vestimenta, domos, panem, bellaria, vinum, 960

Et mensas, lectósq; & vasa, & pocula magna,

Et lactis mollem, & stomachum recreantis aceti,

Atque olei pinguem tribuens mellisque liquorem?

Nec tantum in terris, dominatur & æquore Coccus,

Fit ratis ex illâ, fit malus, vela, rudentes, 965

Omniâque instrumenta ratis, tandemque repletur

Mercibus ipsa suis; vectores excipe solos,

Cætera sunt Cocci; néve excepiſſe neceſſe eſt

Vectores, solo nutritos munere Cocci.

Barbarica horrendum fremuerunt murmure læto

Et non civili plauserunt numina gestu. 970

Nostra sed attonito se lumine circumſpectant.

Invidiſſe putem, niſi quod non poſſit ineſſe

Invidia ulla deis; ſaltem ſic credere verum eſt

Nos homines; & quicquid agant, ſiam ipſe deorum 975

Candidus interpres; ſed America natio divum

(Quanquam militiæ, vix pars centeſima tantæ

Explicuiſſet adhuc campo ſua ſigna patenti)

Protinus exultans, & ſemper ad omnia præceps,

Judicium divæ clamore expoſcere magno. 980

Jamque in concilii medio Pomona locata,

Multa putans ſecum prudenti corde parabat

Dicere, (de lanâ neque enim lis illa caprinâ,

Sed mundorum agitur celeberrima cauſa duorum,

Patroniſque deis) dixiſſetque ampliùs, aut non 985

Fortè liquere ſibi; mihi ſi penetrare deorum

Fas homini mentem; ſed res inopina levique

Judicium horribili turbat ſolenne tumultu;

Tempore nam toto tam nobilis Arboriluſtrâ,

Et bibulus Lenæus, & Omelochilus utrimque, 990

Si quicquam alterutri viſum dictumve placebat

Vina propinabant ultrò citròque protervi

Prælia miscentes; hic Metlis, Vitibus ille,
 Nêve pitissabant modico libamine læti,
 Magna sed inverso siccabant pocula fundo, 991
 Euhoe, clamantes; at procedente vapore
 In caput, ac frustra divinum utriusque cerebrum,
 Mutua ridentes convitia fundere primò,
 Tum verò jurare, execrarique vicissim;
 Et tandem nimio correptus numine Metlæ 1000
 Omelochilus atrox (timor & reverentia divi
 Exciderat Græci) duram jacet impete Coccum
 Immani, & frontem Bromio ferit improbus ipsam;
 Sed vina excutens tantum semihaustra bibenti
 Innocuum sedit media inter cornua pomum. 1005

Non tulit hoc Bacchus fervens iraque meroque,
 Agrestisque dei deformia adegit in ora,
 Turbine fulmineo gemmis signisque rigentem,
 Quem tenui cratera manu; brutum rudit ille,
 Oi Camacalli, camatli, natastlits, Intelolocti, 1010
 Vociferans patrio sermone; at cætera turba,
 Audito clamore, ululat, mugitque, rugitque
 Dentibus infrendens; circumfluit undique pontus
 Ad sonitum resilit, fundo tremat insula ab imo.
 Proximus hæc fumos & nubila foeda Tabaci 1015
 Ore bibens, atroque eructans jugiter ore,
 Vitziliputhus edax (monstro crudelior omni
 Vitziliputhus, & humanæ sacer helluo carnis)
 Fictile adhuc Peto plenum procul abjicit amens;
 Et raptim tenditque arcum, promittitque sagittas, 1020
 Arma, arma, ingeminans; nec segnius arripit arma
 Tescalipuca ferox, duce nil humanior ipso,
 Totaque barbarici legio arripit horrida coeli.
 Per diversa deæ fugiunt, pavidæque remota
 Post arbusta latent; Venus olim faucia bello 1025
 Humano, miseris nil dat sperare deabus
 Divorum in pugnâ; Pallas tamen una remansit,
 Paciferumque suæ ramum projecit olivæ.

Mascula

Mascula turba deum ruit in certamina sancta
 Forti animo, planèq; viriliter arma capescunt : 1030
 Forsan & illa dies coelestibus atra fuisset;
 Forsitan haud paucos longum mutilasset in ævum,
 (Vel superum bello superos nam posse necari
 Credere non fas est) nisi tempore protinus illo
 Ipse stratagema innocuum reperisset Apollo: 1035
 Non frustra deus ingenii, medicusque malorum;
 Nam, licet arcitenens, arcum non ille sonantem.
 Dicitur intendisse, sonos magis ille potentes
 Noverat, arripuitque lyram, numerosque cievit,
 Aurea veloci percurrens pectine fila : 1040
 Quales (crediderim) divum edidit auribus olim
 Concentus mundi sacer, & dulcissimus ordo,
 Cum lites elementorum natura diremit,
 Disposuitque modis divinitus omnia justis.
 Illi (crediderim) compescere bella furentum 1045
 Centaurorum, illi decimos componere fluctus;
 Illi incurrentum valuissent Hurricanorum
 Sistere vim rapidam; latè ligat omnia circum
 Lata quies, atque auris avaræ muta voluptas.
 Vitziliputlus atrox ut sensibus hausit amœnum 1050
 Attonitis sonitum, nervo excidit apta sagitta,
 Atque Coatlenfis lævâ delabitur arcus;
 Ipse manus levat admirans, hiat ore profundo,
 Excutit & capiti variæ diademata plumæ 1054
 Auribus arrectis subitò; jam maximus aram
 Sustulerat magnam Viracocha sub arbore sacra
 Pomonæque sacram, quam sævi fulminis instar
 Jam missurus erat (jaculator fulminis ingens
 Ipse domi cœloque suo) at modulamine primo
 Omnipotente dei, & magicâ dulcedine tactus, 1060
 Deposuit saxum, seditque intentus in ipso
 Pacifici auditor cantûs, atque immemor iræ,
 Non centena unquam magis hostia mitigat illum.
 Te quoque dedecoris tanti, oblitumque doloris

Omelochile miser, mulctato tam malè vultu 1064
Subrississe ferunt, mox & risisse libenter :

Nam (proh mira fides, & vis divina melorum !)

Ipsè repercussus modulis cœlestibus aer

Toto erumpentem compescuit ore cruorem,
Musicaque imposuit numerorum vincula victo : 1070

Ipsæ sponte suâ disrupti vulneris oræ

Antiquâ coiere fide, harmoniâque sonoram

Cunctarum sequitur foelix concordia rerum :

Ergò suæ lætus successu & viribus artis,

Captorum enormes gestus ac gaudia divûm 1074

Ridet, & urget opus, superatisque instat Apollo,

Vocem addens blandis divinam & carmina nervis.

Carmen erat, mundum per secula longa latentem
Ut sacrâ Herous concepit mente Columbus.

O foelix ! mundique oculo mihi cognita soli 1080

Regna videns animo ! nostrósque emense labores !

Pellæi juvenis superans vastissima vota,

Inventorque orbis, quem tantum optaverat ille.

Non te nostrorum decepit fabula vatum,

A quibus Hesperium descendere lassus in æquor 1084

(Lassus ego ?) insimulor ; sensisti numine nostro

Digna magis, mentem ipse dabam, tibi, magne Columbe :

Tunc aderam, & stimulos agitabam in pectore sanctos.

Non te continuit prò desidis Herculis olim

Meta, nec intacti reverentia sacra profundî, 1090

Nec te naturæ caligo horrenda latentis.

Tres audax menses mundo post terga relicto

Jactaris pelago immenso, nova suspicis astra,

Ignotos fluctus, ventósque & monstra marina

Ignotósque deos terres interritus ipse, 1094

Tu solus ; comitum trepidant sed inertia corda,

Et redditum indecorem poscunt infanda minantes.

Cum miseris procul apparet lætissimus ignis

De specula, Guanahana, tua, & plaudentibus orbem

Luce novum foelici aperit ; clamore salutant 1100

Im.

Immodico signum, complectunturque Columbum.
Hâc patuit portâ nunc pervius aurifer orbis,
Ille dedit parvus parvumque accensus ad usum
Ille dedit quantum lucem mortalibus ignis! 1104
Quàm facilè hoc aditu penetravit in intima mundi
Sepositi, virtus, seu virtute acrior ipsâ.
Europæa fames auri regnique cupido?
At gens Hispanam miratur America classem
Ad sua diffusis tendentem littora velis,
Viventisque putat terris accedere moles, 1105
Aligeros cetos, formæque animalia miræ
Mirantur cultumque habitusque atque arma virorum,
Et crustam humanis ferratam accrescere membris,
Ferventes mirantur equos, equitèsq; bifformes; 1109
Et varium duplici conflatum ex corpore monstrum,
Hoc hinnire, aliòque loqui (quis crederet?) ore
Præcipuè bombardarum vultumque sonumque
Et subitas fumi commisto fulgure nubes,
Et veri pejora imitamina fulminis horrent,
Te vidi attonitum (non, fodes, ipse negabis) 1115
Altitonans Viracocha homines timuisse tonantes.
Nec minùs interea vestræ stupet advena terræ
Insolitam rerum faciem, ignotâsque figuras:
Miratur tot ubique novis animantia formis,
Plantâsq; fructusq; novos, hominèsq; deosque, 1120
Naturamque aliam, sed enim super omnia vecors
Immenfas miratur opes, glebâsq; micantes
Auriferosque amnes, nimium hæc miratur amatque
Ah nimio nimis? hinc cædes & bella nefanda
Quæ gestit mox hostis atrox ex hospite factus; 1125
Quæ mihi nunc memorare dolet, puduitque videre.
Hinc desolatum latè cultoribus orbem
Vidimus; hinc mundi integri, tanquam unius urbis
Vidimus excidium; Quid nunc certamen inane
Exercet? quid nunc pomos defendere tentat 1130
Terra suas, sua quæ defendere viscera nescit?

At

At tu præteritas tandem obliviscere clades,
 Nam tanti non parva Deus tibi, America, vindex,
 Et dedit & majora dabit solatia damni.

Gaude sorte tuâ, pars omnis amara vorata est 1135

Jamdudum, dulcis superest: (hic intimâ ab arte

Lætificos ciet ore modos ac pectine Phoebus,

Lætantur monstroforum fera corda deorum,

Membrâque saltantum jactant immania ritu, 1139

Sed taciti, metuunt sacrum interrumpere carmen)

Jamdudum Europâ sævum dominatur in omni,

Et vos abreptum vobis ulciscitur aurum.

Jamdudum insultat captum victoribus ipsis,

Nec scelerum Hispanis terris jam causa minorum est

Quàm vestris Hispanus erat; jura omnia sternunt, 1145

Cuncta ruunt, miscéntque simul quacunque redundant

Divitiæ, sed nec populis damnosior ulla est

Cognita diluvies; plures arcessite Iberos,

Et similes gentes (quæ non imitantur Iberos?)

Effodiantur opes vestræ, de stirpe relinquunt 1150

Quas terra emittit fruges, quascunque recondit;

Quà lubet, ô tollant, tollant fomenta malorum.

Infœlicem Helenam, mundis ambobus Erinnyn

Communem rapiunt, quam tristia bella sequuntur

Quà venit, atq; ignes, regnorumque ultima fata. 1155

Tantillo interea pretio quot commoda vitæ

Mutastis? pulsa est morum importuna priorum

Barbaries, gens depulsa est hominumque deumque

Carnibus humanis tandem victuque profano,

Sive horrenda fames, seu detestabile quoddam 1160

Luxuriæ genus illud erat, tu deseris ipse,

Tu paulatim epulas jam, Vitziliputle, cruentas,

Jam nebulis plerumque satur fumoque Tabaci.

Vescèrîsque brevi (sic dii vescuntur honesti)

Ambrosiâ tenui, & coelesti abstemius aurâ. 1165

Nunc agitis civile bonis sub legibus ævum,

Nunc habitare domos & munire oppida vallo,

Vomere

Vomere nunc terram, & pontum didicistis arare
 Navigiis, magnique patent commercia mundi :
 Nunc vestis variæ decus, & tutamen habetis 1170
 Armorum, & vitæ lauta instrumenta beatæ,
 Et belli pacisque artes, totamque Minervam.
 Ipsæ etiam proavis incognita numina, Musæ,
 Incipiunt jam se vestris assuescere terris,
 Et gaudere loco ; jamdudum vidimus Incas 1175
 Historicos, visuri olim magnosque poetas.
 Quod nisi falsus ego (at Phoebo quis verior augur
 Venturi ?) veniat sæclis volventibus ætas
 Cum vestris corrupta opibus, maturaque messi,
 Proventu scelerum ingenti, virtute fugatâ 1180
 Diisque suis, cadet Europe, pars optima mundi,
 Externis propriisque simul cadet obruta bellis
 Heu deserta diu & vobis miseranda jacebit.
 Tunc orbis (gaudete) vigebit gloria vestri,
 Ingenium, pietas, artes, ac bellica virtus, 1185
 Huc profugæ venient, & regna illustria condent.
 Ponè sequentur opes ; nollem ; sed, credo, redibunt
 In patriam, patriæque iterum pro more nocebunt
 Imperia hîc seræ statuent tum maxima Parcæ,
 Non numero ingenti servorum & inutilis auri 1190
 Barbarico tantum fulgore potentia vulgi
 Sensibus attoniti, vidistis qualia nuper
 Regna Motezumæ, vel ditis Guanacapaci,
 Qualia Romano quondam sed vidimus orbe,
 Et domina his virtus erit, & fortuna ministra. 1195

 PLAN-

PLANTARUM

LIB. VI.

S Y L V A.

Nunc, age, delicias hortorum, Musa, n-
tentum
Desere ; nunc obscura tibi, nunc aspera
dumis

(Quà Phoebus ductor tuus olim, excluditur ipse)
Per saltus tentanda via, & nemorum invia, restat.
Eja, age, venatrix ! densas penetremus in umbras, &
Intima scrutemur viridantium lustra dearum.
Solve mihi ingenium pede velox, solve sagacis.
Judicium naris ; facundia libera currat,
Naturámque premat læto clamore latentem.
Tende plagas mentis, subtilia retia tende, 10
Et magnâ constringe fugax indagine verum ;
Hic tuus est venatus, & hæc tua sola ferina.
Sed neque te pudeat pomaria ditia sylvis
Pauperibus mutasse ; habitarunt numina sylvas,
Forſan & hîc habitent : habitavit proximus illis 15
Carolides, nemoris dono tutatus opaci
Augustum caput, & nulli violabile Parcæ :
Huc ades, ô dilecte Deo ! sacrum tibi lucum
Pangimus, æterni pucentem veris honore.
Tu mihi, tu præſens frondosi carminis ipse 20
Numen adesto, tuámque volens hic incole quercum.

Quam

Quam tibi longævam statuo; non illa latebras
 Perfugiúmque dabit; sed victor fronde sedebis
 Servatam ob patriam redimitus tempora querna,
 Fulgebísque altus, totíque videberis orbi. 25

Vos quoque Sylvicolæ, vel (si fas dicere) Sylvæ,
 Orbis, Hamadryades, non ultimi fama Britanni.
 Vos mihi cantanti capite inclinante faventes
 Annuite, ô; veniâ liceat mihi pandere vestrá
 Res veterum sacrâ nemorum caligine tectas, 30
 Atque novum ingentes immittere lumen in umbras.

Fas mihi, florentis consulta verenda senatûs,
 Sermonésque deûm fas sit proferre virentûm.
 Ignotásque homini voces, quas auribus haurit
 Nescius attonitis, ramorum audire sonores 35
 Mobilium credens, & ludicra murmura venti:
 Sed Laurus Phoebo (qui tunc procul absuit ipse
 Orbe vehens alio) Phoebus mihi singula dixit,
 Nunc ego mundo omni Plantarum prædico vates.

Tempus erat quo Jacobi certissima proles, 40
 ("Carolus ille Pius, propago mitis Olivæ)

Angligenas placidâ populos in pace regebat.
 Foelix ante alios reges, dum fata sinebant,
 Dúmque gubernantis tempestas improba rerum
 Non renuebat opem, nunc foelicissimus ultra 45

Invidiam, & divûm leto transgressus honores.

Nam miseram vento Europam bellante per omnem,
 Et strage informi sylvas lacerante vetustas;

Pax super oceanum fertur turbata volasse,
 Et tepidum in lucis nidum posuisse Britannis: 50

Non illum vano dea foecundissima fovit
 Incubitu, pullíque exclusi protinûs aurei,
 Justitia atque fides, atque uno copia cornu;

V. 41. Prima in propago (ne
 quem fortè Grammatici decipi-
 ant) tam nomine quam verbo an-
 teps est. Verbum his producit
 Lucetius, bis nomen Virgil. Nec

quicquam magis ridiculum ex-
 cogitari potest, quàm quod Pro-
 bus ait: Nomen in nominativo
 corripí, in obliquis produci.
 vid. Voss. de A. Gr.

Sed

Sed pleno atque malis noto medicamine multis.
 Talia crediderim Saturno sæcula rege,
 Tam lævi atque albo transisse per æthera tractu,
 Sed sibi tandem oneri nimia est fortuna, deisque
 Ipsis invidiæ : tædet tandem esse beatos ;
 Et levitas hominum pulchram temeraria mutat
 Pellice deformi uxorem : Mutatio pulchra est.
 Non aliud morbi mortisque instare periculum
 Certius affirmant medici, quam cum integra visu,
 Luxuriânsque valetudo, sine vulnere causæ
 Ullius, nulloque vigorem fracta labore
 Sponte fatigata atque labans sibi displicet ipsi.
 Talis erat status Angligenûm, tam pulcher & æger,
 Fortunatorum nimium bona si sua nossent.
 Sed tam ingrata nihil levat ignorantia culpam.
 Ergò deûm magnis monitrix apparuit ira
 Prodigis, heu, nequicquam ; ceu fulminis ictum
 Antevolare solet rapidi prænuncia flamma.
 Ipse puer, nondum (manet horrida imago) bilustris,
 Tristia me meminì toto æthere signa videre ;
 Vidi equidem instantum lato terrore malorum
 Conscriptam cœlo historiam ; convexa polorum
 Lucenti (heu trepido referens) accensa procellâ,
 Et faciem inferni flagrantem imitata barathri
 Undique sulphureos flammaram volvere fluctus.
 Tum ruptâ nube horrendam pulchrâque repentè
 Sese aperire intus scenam, duplicesque stupendo
 Ordine dispositas acies, belloque paratas
 Luminis ærati fulgentes stare sub armis :
 Monchius haud acies meliùs, fortissimus Heros
 Instruxisset eas, bello clarissimus omni

V. 53. Quasi celebratissimum
 illud Copiz cornu verum esset, &
 solum fortasse Monocerotis cor-
 nu, magnū illud Alexipharmacū.

V. 61. Κάποι αὐτόματοι οὐρανὸν
 ζῶσι νέκρως. Hippocratis Aph.

S. 2. Spontaneæ lassitudines mor-
 bos denunciant.

V. 72. Hanc partem prodigio-
 rum: quæ in æthere apparuerunt,
 verâ esse in me recipio, plurimique
 idonei testes rei nunc vivunt.

Monchius,

Monchius, & patriæ columénque decúsque ruentis, 85

Qui tunc fortè aliquâ descriptus & ipse figurâ

Militiæ cœlestis erat, rapidúmque premebat

Altus equum; nostras timor an deceperit aures

Nescio, credidimus clangorem audire tubarum,

Principium pugnæ; concurrunt protinùs alæ 90

Hic equitum ardentes, adversâque pectora trudent

Obnixi; hîc pedites hastilia longa coruscant,

Verâque ab ætheriis sclopetis fulmina mittunt.

Involvunt superos tetrâ caligine campos,

Factâque nubigenûm memoranda, & fata virorum. 95

Sed partem immensæ stragis faciémque tumultûs

Confusam, rivisque rubentem sanguinis æthram

Vidimus, armorum splendore & luce malignâ

Fulguris emisit quam tormentarius ignis.

Tandem acies nobis melior quæ visa, figuris 100

Nobilior magnis latè armorumque virorumque

Heu conversa fugâ est: nox cætera condidit alta,

Mortalésque hebetans visus caligo futuri.

Non tamen his multisque aliis (quæ tempore in illo

Phurima visa piis) commota est Anglia torpens 105

Prodigiis; sylvæ quis tunc obscura timebat

Monstra Caledoniæ? quis murmura plebis ineptæ?

Quis tunc Schismatici fermenta latentia zeli?

Impius aut quod tum nomen Cromvellus habebat?

Nec sat erat divis, urbes aulámque ruinæ 110

Præmonuisse gravis; saltus sylvásque monebant;

Nam paria & sylvis instabant fata Britannis.

Flante videbamus zephyro procumbere quercus

Funditùs ejectas possessio mille per annos

Natalique solo; zephyro quis talia demens 115

Imputet innocuo? Dryades vidére deorum

Semideæ dextras stirpem sine falce secantes.

Ast aliæ, frondes (portentum triste) ferebant

Enormes, formâque novâ insolitôque colore;

Et nunquam foliis manabat melleus humor, 120

Nobile

Nobile nec ramos viscum ditabat ovantes :
 Sed gallis onerabantur, gallisque latebat
 In cunctis musca incoelix, divina futuræ
 Cladis, & obscuro mussabat murmure diras.
 Sæpè nemus totum subitâ quasi febre laborans 115
 Nullis tranquillum turbantibus aera ventis
 Contremere horrescens; turbantibus aera ventis
 Pro strepitu arboreo tristes resonare per umbras
 Humano similem gemitum & suspiria vera,
 Quinetiam obscoenæ summâ dicuntur in orno 130
 Luce palâm, Phœbo frustrâ indignante, volucres,
 Bubones, ululæque, & nomen noctis habentes
 Sedisse, & diro temerasse examine sylvam.
 Siqua fides vati, Spinturnix ipsa fuisse
 Dicitur inter eas, monstro feralior omni 135
 Spinturnix; avis ignota est mortalibus illa,
 Sed novère deæ, & visâ tremuère misellæ.
 Singula quis memoret? Sed quid monstrosius isto?
 Exclusisse cavo serpentes ova feruntur

V. 132. Ex animalculis intra gallas quercuum enatis, recepta est apud rusticos venturi anni divinatio, si vermis in iis generetur, caritatem frugum, si aranea, pestilentiam, si musca, bellum instare prædicunt.

V. 134. Inauspicata est & incendiaria avis, propter quam sæpenumero lustratam urbem in annalibus invenimus, sicut L. Calpio, C. Mario Coss. quo anno & bubone viso lustrata est: Quæ sit avis ea nec reperitur nec traditur, quidam ita interpretantur, quæcunque apparuerit carbonem ferens ex aris vel altaribus, alii Spinturnicem eam vocant, sed hæc ipsa quæ esset inter aves qui se scire diceret, non inveni. *Plin. lib. 10. 13.* Incendiaria avis, Ambustanea,

quæ circa busta versabatur; Ea, inquit *Serv.* si de busto sudem ad testum detulisset, incendium portendebat, si cujus ædes infedisset, & vocem misisset, significabat mortem. *Dalecamp.*

V. 139. Contrâ serpentes succo expresso ad potum & imposita ulceribus (folia Fraxini) opifera, ac nihil æquè, reperiuntur: Tantâque est vis ut ne matutinas quidem occidentesve umbras, quàm sunt longissimæ, serpens arboris ejus attingat, adeo ipsam procul fugit. Experti prodimus, si fronde eâ gyro claudatur ignis & serpens, in ignem potius quàm in fraxinum fugere serpentem. Mira naturæ benignitas priusquàm hæc prodeant florere fraxinum, nec antè conditas folia dimittere, *Plin. 16. 13.*

Fraxineæ

Fraxinæ trabis; haud umbræ perfère solebant 140

Fraxinæ supremam oram; vix frondis odorem

Fraxinæ; objectos mallent incurrere in ignes.

Atmagis haud ullum sylvestria numina movit

Prodigium arboreum, quam tactas fulmine laurus

Cernere, contactas viderunt fulmine laurus; 145

Quas Jovis ipsius veteri diplomate dicunt

Fulminis immunes semper vixisse, nec ulla

Pertinuisse minas coeli, sortemque tulisse,

Quam nulli poterant victori tradere, tutam;

Tam fera monstra deum, manifestaque signa malorum;

Religiosa cohors & conjectare perita, 151

Orbis Hamadryades non neglexere Britanni.

Est vetus atque ingens, fama celeberrima, Sylva;

(Hinc Vaga Cambriacis sacram disternat agris,

Illinc vix Thamesi cedens Sabrina potenti 155

Alluit) Ardennæ quondam prænobile nomen

Nunc Denæ datur; & nomen mutilatur & ipsa.

Plus nulli Martis nocuit crudele metallum;

Cæditur & ferro, & ferro succisa coquendo

Inservit, propriæque infœlix tristia mortis 160

Instrumenta facit; sibi damnum parturit ipsa

Arboribus foecunda super, subtilisque metallis.

O semper bona pauperies! & conditus altâ

Thesaurus tellure nocens! O semper ovantes,

Integræ, salvæque solo non divite sylvæ! 165

Nunc quota pars nemoris manet inconsumpta vetusti?

V. 153. Nobilissima sylva (The Forrest of Dean) in Comitatu Glocestriæ inter Vagam fluv. (the Wyte) & Sabrinam sita, sed jampridem ferisodinis & fornacibus plus solis interlucata, penèque exhausta. Quidam quasi Danicam sylvam dictam volunt: Giralduſ, sylvam Danubiæ vocat. Sed Cam-

denus nostras ab Ardennæ nomine, abjectâ syllabâ priore derivat Denam. Ardenna autem veterum Gallorum linguâ sylvam significabat, unde vastissima Sylva in Galliâ Celticâ id nomen absolute obtinuit, aliâque olim in agro qui nunc Warvicensis dicitur.

Sed

Sed tamen hanc partem (tanta est reverentia) parva
 Ferri reliquias immitis, & ignis avari,
 Numina multa colunt, & adhuc post omnia damna
 Nobilior terris non incubat umbra Britannis. 170

Hic longæva Dryas, regni regina virentis,
 Cui vectigales immensi adjunxerat undas
 Oceani victrix, nymphis sylvestribus ipsa
 Concilium indixit magnum, & venêre frequentes.

Omnes quæ poterant cœlum perferre Britannum
 Sylvestres venêre deæ, levitêrque supino 176
 Colle super, pulchrâ circum cinxêre coronâ
 Reginam in medio Dryadem; non ora dearum
 Fœminea, arboream sed formam habitumque gerentes,
 Officiûque sui festis conventibus aptum 180
 Ornatum viridem; siquis bello ordine stantes
 Præteriens vidisset eas, non ille putaret
 Numina, sed lucum magnis se cernere sacrum
 Numinibus; talis scenæ frondentis imago;
 Quam parte ex unâ rivus circumdat amœnus 185
 Decurrentis aquæ; viridanti in margine sedem
 Occupat, atque solo se sistit molliter udo
 Leuceis, comes ⁵ Alcidæ, Herculeosque labores
 Umbra refert bicolor folii; pars nigra superna est,
 Alba subest; olli comes est Phaetontias ⁶ Alnus. 190

⁵ Populus, Poplar. ⁶ Alnus, Alder.

V. 188. *Populus Alcide gratissima* ———— Virg. Et
Herculeâ bicolor cui populus
umbrâ

Velavitque comis ————

Ab inferis redux hâc primùm
 arbore se coronasse dicitur Her-
 cules. *Λευκὴ*, Gr. Populus Al-
 ba. Angl. Poplar.

V. 190. Alnus. Alder.
Tum Phaetontiadæ musco cir-
cumdat amari

Corticis, atque solo proceris
erigit Alnus. Virg.

At 10. *Æn.* in Populos conver-
 sas fuisse innuit,

Populeas inter frondes um-
bramque sororum

Dum canit ————

(Cygnus) Et sic vulgò traditur;
Ovid. Autem arbores non nomi-
 nat, sed eas electro stillantes
 facit, quod neutri convenit, nec
 ulli quidem arbori, nam succi-
 num bituminis genus est.

Ambusti

Ambusti memor, ac casu perterrita fratris,
 Multâ gaudet aquâ, & vivit secura sub undis.
 Huic latus adjungunt gens ⁷ Oleficarpia dicta
 Itades nymphæ, castissima turba sororum,
 Et vel adhuc juvenes incano crine severæ 195
 Flumen amant; mores dilectum frigus in ipsos
 Transfit, & egelido lentore cupidinis ignes
 Extinguunt salamandræ instar; dant vincula rebus
 Firma aliis, solos gaudent disjungere amantes.
 Non minus his ⁸ Acte latatur & assidet undis, 200
 Sed tamen humanis stagnantes pellere membris
 Dicitur, hæc effata; Quid hîc torpetis inertes?
 Hæc sola sanguineis tantum sunt debita rivis.
 Quid cruciare hominem juvat, ô, dum plurima vobis
 Arbor honesta caret? Quin ocyûs, inquit, abite, 205
 Inque uterum terræ vestrum descendite; at illæ
 Quâ via permittit descendunt agmine denso,
 Et toto exactus de corpora depluit humor,
 Territus imperio magno virgâque potenti.

⁷ Salix, Willow. ⁸ Acte, Elvar.

V. 193. *Itæx*. Salix, *παραλίαν*, à saliendo, quod citò in altum crescat. *Hom. Odys.* 10.

— *Ἰτέαι ὀλεσίκαρποι*. Ocyssimè salix amittit semen, antequam omninò maturitatem sentiat, ob id dicta *Homero* Frugiperda, secutâque ætas scelere suo interpretata est hanc sententiam, quando semen salicis mulieri sterilitatis medicamentum esse constat. *Plin.* 16. 26. Erat salix antiquitus sterilitatis & castitatis symbolum, sive quod Amerina salix, (præcipuè Vitex

quæ ex eo genere est) substrata corporibus Veneris desiderata auferat; sive quod folia hujus arboris contrita & pota libidinem extinguant.

V. 200. *Ἀκτὴ*, à Littore, nam in humidis gaudet. *Sambucus* ab ejus nominis instrumento Musico, quod ex ea fieri solitum est; sicut Syringa, arbor (*the Pipe-Tree*) parili ratione nominata est; Anglicè *Elvar*. Inter plantas Hydragogas vix alia celebrior.

Stat propè nullius non hospita læta ⁹ Betulla, 210
 Arentis madidive soli: nullo aere tristis.
 Mollis & alba cutim, formosam vertice fundens
 Cæsariem, sed mens tetrica est, sed nulla nec arbor
 Nec fera sylvarum crudelior incolit umbras: 214
 Nam simul atque urbes concessum intrare domósque
 Plagosum Orbilium sævumque imitata draconem
 Illa furit, non ulla viris delicta, nec ullum
 Indulgens ludum pueris; inscribere membra
 Discentum, teneroque rubescere sanguine gaudet.
 At contrà urbanæ multa instrumenta ministrat 220
 Prodigæ luxuriæ nimium. ¹ Sphendamnis, & omnes
 Venarum impendit labyrinthos versicolorum.
 Hinc pretiosa nitet Citróque secunda supellex,
 Molluscum, bruscumque, atque aspera nomina lævis
 Lautitiæ; quoniam gula jam languescit inepta, 225
 Ditia sustineat nisi dives mensa nepotum
 Fercula, tanquam ederent maculosi tubera ligni.

⁹ Betula, Birch. ¹ Acer, Maple.

V. 210. Betulla, vel Betula, quasi Batula, à batuendo; i. e. feriendo. *Theophrast. Σμύδα.* Anglicè Birch. Arbor est Gallica mirabili candore & tenuitate, terribilis magistratum virgis. *Plin. lib. 16. 18.*

V. 221. *Σφινδαμνος*. Acer, Maple, Anglicè. Acer operum elegantia & subtilitate Cedro secundum; plura ejus genera: Album, quod præcipui caudoris vocatur Gallicum, in Transpadanâ Italiâ, transque Alpes nascens; alterum genus crispo macularum discursu, qui cum excellentior fuit, à similitudine caudæ pavonum nomen accepit — Pulcherrimum ve-

rò est Bruscum, multoque excellentius etiamnum Molluscum, (ubi notanda est negligentia verborum: Multò excellentius pulcherrimo) tuber utrumque arboris ejus: Bruscum intortius crispum, Molluscum simplicius sparsum; Et si magnitudinem mensarum capere, haud dubiè præferretur Cedro (vel Citro) nunc intrà pugillares, lectorumque silicios aut laminas (legunt al. Lectorum siliceas laminas, i. e. flavas, Al. Lectorum Scilicia aut laminas) raro usu spectatur: è brusco fiunt & mensæ nigrescentes, *Plin. lib. 16. cap. 15. 16.*

216 Ah melius quanto ² Zygiastibi provida, venter,
 Consultit, agricolæ cùm dat juga fortia tauro,
 Materiémque moletrinae cùm sufficit aptam? 230
 214 Ah melius quanto ³ Pteleas tibi rustica, præbens
 Et frondem armentis, & aratris utile lignum,
 Rustica, sed foelix & Baccho conjuge clara?
 220 ⁴ Oxyas una nemus spaciosum proxima fundit,
 Et gratam pecori, gratam pastoribus umbram, 235
 Sive diem somno, seu malint frangere cantu
 Æstivam; at potius, pastores, frangite cantu.
 Cantando fagos mulcebat Tityrus altas.
 Hinc olim juvenis mundi melioribus annis
 Fortunatarum domuum non magna supellex 240
 Tota petebatur; sellas, armaria, lectos,
 Et mensas dabat, & lances, & pocula Fagus.
 225 His celebrare epulum veteres & festa solebant
 Vina coronati divis libare benignis,
 His retinere (opus haud fuerat placare) faventes. 245
 Nulla scyphos unquam infamarunt toxica tales:

² Zygiastibi, Horn-beam. ³ Ulmus, Elm. ⁴ Fagus,
 Beech.

V. 228. Ζυγία, quod ex eâ
 facta sunt Juga. Carpinus Lat.
 Hornbeam, Anglicè, à duri-
 tie ligni. Theophr. ex Acerum
 genere esse putat; videtur esse
 ex ulmorum.

V. 231. Πτελία. Ulmus,
 Elm. Materie vitiùmque a-
 micitiâ præstare dicit ulmum
 Plin. Cato ulmos circum vias
 seri debere præcipit, uti fron-
 dem ovibus & bubus habeas, &
 materiam siquâ opus sit, in pa-
 rato.

Viminibus salices facundæ,
 fronsibus ulmi. Virg.

V. 234. Ὀξύα. A glande
 triquetra acuminatâ, (sed diver-
 sa sunt genera fagorum) Fagus,
 quod glans ejus esui fuerit olim,
 & adhuc potest esse in magna pe-
 nuria. Angl. Beech. Magna
 pars supellectilis antiquorum ex
 hac arbore, præcipuè pocula.

——— Pocula ponam
 Fagina ——— Virg.

——— Nec bella fuerunt,
 Faginus astabat dum scyphus
 ante dapas. Tibul.

Sed fitis exhausit plenos secura, nec illud
 Arcanâ evenit ligni virtute potentis.
 Paupertas fuit antidotum contra omne venenum.
 Tales tunc habuit placidos & ⁵ Fraxinus usus, 250
 (Fraxinus ipsa arbor, Melias sed nymp̄ha vocatur)
 At postquam ex illa fabricata est Pelias hasta,
 Et bibit Hectoreum (prô gloria sæva !) cruorem,
 Bella colit, nec jam pluvias vicinâque tantum
 Flumina, sanguineos quantum sitit effera rores. 255
 Non illi inferior procero corpore juxtâ
 (Sed pia & alterius studiis operata Minervæ,
 Nam tenui donat victura volumina libro)
 Stat ⁶ Philyra; haud omnes formosior altera surgit
 Inter Hamadryadas; mollissima, candida, lævis, 260
 Et viridante comâ & beneolenti flore superba,
 Spargit odoratam latè atque æqualiter umbram.
 Istam componit nativa imitata venustas

⁵ Fraxinus, *Asp.* ⁶ Tilia, *Lime-tree.*

V. 250. Μελία, Fraxinus,
Asp. Multum *Homeri* præconio
 & *Achillis* hastâ nobilitata. *Plin.*
 l. 16. 13. de hastâ *Hom.* l. 16.

Εγχεῖς
 Βειδὺ, μέγα, σιβαρόν, τὸ μὲν
 δύνατ' ἀλλ' ἄλλ' Ἀχαιῶν
 Παλλῆεν, ἀλλὰ μιν οἶθ' ἐπί-
 στατο πῆλαι Ἀχαιεύς
 Πηλιάδα Μελίνην (Fraxinū)
 τὴν πατεὶ φίλῳ πόρε χεῖρων
 Πηλῆε ἐν κορυφῇς, φόνον ἔμ-
 μύσαι ἡρώεσσι.

Fraxinus utilis
hastis. Ovid.

Belli potius cruores
 Fraxinus Stat.

V. 259. Φίλυρα. Tilia, *Lime-*
tree. Ad chartarum usum phi-
 lyræ cortex ut plurimum sele-
 ctus. E philyrâ fieri libros tenu-
 issimos, & in utramque partem
 replicabiles, in *Com. Herodiani*
 autor est. Hinc philyræ dicuntur
 omnes libri aut papyri ad scri-
 pturam utiles. Inter corticem
 ac lignum tenues tunicae multi-
 plici membranâ è quibus vincula
 tilia vocantur, tenuissimæ earum
 philyræ, coronatum lemniscis ce-
 lebres antiquorum honore. *Plin.*
 16. 14.

Displicent nexæ Philyrâ coro-
 næ. Hor.

Ebrius incinctis Philyrâ convi-
 va capillis

Salta: Ovid. Fast.

Culturam,

Culturam, & multo ditat medicamine virtus,
Unaque plantarum dotes complectitur omnes, 265
Unâ omnes meritò connectere nata coronas.

250 7 Achras acerba tuens & 7 Orcimelis simul astant
Nequicquam maturæ & nullo sole domandæ.
Venerunt etiam sylvâsque hortosque colentes
Amphibiæ Nymphæ: Non belli nominis Ovas, 270
8 Oxyacantha ferox, Sycamineo sanguine tincta,
255 Tincta cruore atro, sed & offea tota Craneia,
Et Carya, & Corylis dura, & cute Castanis hirtâ.
Quis neget has lautas & opimas vivere, in hortis
Quis domus urbana est, in sylvis rustica villa? 275
Sed nec abesse putes 9 Spinam conventibus Albam
Talibus; omne solum natale est, intrat ubique
Ardelio; illa quidem cultis excluditur agris
Plerumque, atque hortis; sed circumsepit utrosq;
Atque omnes aditus servat fidissima custos, 280

7 Pyri & Mali sylvestris. 8 Sorbus. Berberis. Mo-
rus. Cornus. Juglans. Corylus. Castanea.
9 Spina alba, Dep-thorn.

V. 264. Flores calefaciunt
& sic. discut. Cephalici sunt,
utiles in Epilepsiâ, Apoplex.
Vertig. Folia ac cortex siccant,
repellunt, urinam ac menses ci-
ent, extrinsecus ambustis subve-
niant. Semen fluxionibus qui-
buscunque medetur, etiam Hæ-
morrhagiæ narium, lignum san-
guinem coagulatum fortiter dis-
solvit, extrinsecus adhibentur fo-
lia in aphthis & tumoribus pe-
dum discutiendis, corticis mu-
cilago in ambustis ac vulneribus
magni est solaminis. Humor de-
fluens è medullâ dissectæ capil-
lorum defluvio succurrit. Schro-
der.

V. 27. Οὔα, Ὀα, Οἷν.
Sorbus. Service-Tree.—
Oxyacantha, de Oxyacantha
Diosc. & Theopr. & Oxyacan-
tho Galen. Variæ sunt doctissi-
morum virorum opiniones, qui-
dam Berberim nostram putant
esse, quos hic sequor, eandemq;
Plinii Spinam appendicem.—
Συγγάμιν, Morus. Mulber-
ry-Tree.—Κεραία, Cor-
nus, Cornelian-Berry.

πανυφλασίον
τε Κεραία. Hom.

Carya Juglandis, Corylis Co-
ryli, Castanis Castaneæ Nym-
pha est.

Utilior latrante cane armatôque Priapo.
 Aspera frigoribus saxisque Helvetia tales
 Educat, & peregrè terras emittit in omnes
 Enormes durósque viros, sed fortia bello
 Pectora ; non illi cultu, non moribus aulas, 285
 Atque urbes decorare valent, sed utrasque fidei
 Defendunt operâ ; nec iis, gens cauta, tyranni,
 Præponunt speciosa magis, multúmque sonora
 Præsidia ; his certi vitam tutantur opésque.
 Hos quoque cùm junctos videas, justâq; sub armis 290
 Dispositos acie, toto nullum agmen in orbe
 Nobilius dices visu aut formosius illo.
 Non igitur temerè veteres ex arbore tali
 Quæ rigidæ sepi munimina firma ministrat
 Contra prædonum insidias furúmque ferarúmque 295
 Excidère sacras Hymenæa ad fœdera tædas
 Jusserúntque novis vigiles præire maritis.
 Huic comites addunt sese de more frequentes
 Horrida ¹ Prumnitis pomo fœcunda severo
 Aspera Virgo Batis, Rosa morsu nota canino, 300
 Auxiliatrices ad sepimenta catervæ.
 Haud minor æterno pubentúm frondis honore
 Sylva aderat ; victrix brumæ, nec legibus anni
 Subdita vertentis ; nihil illa vel indiga Solis,
 Vel Jovis est, sed vere suo privoque beata ; 305
 Et ridet plorante polo terræque gemente.
 Pyxiadis frondes hyemem, sed sæcula vincit

¹ *Prunus sylvestris. Rubus. Rosa Canina.*

V. 296. Spina nuptiarum fa-
 cibz auspiciatissima, quoniam in-
 de fecerint pastores qui rapue-

runt Sabinas, ut autor est Ma-
 furius. *Plin.* 16. 18.

Omnia ² Materies; dentémque fatigat in illa
 Tempus edax frustra: tamen omni cerea formæ,
 Culturæ dociles ramos accommodat omni, 310
 Ingeniosa sequi dextrámque artémque magistri.
 Si tibi sic visum est, humiles distinguet in imo
 Repens areolas, & flores stare superbos
 Aspiciet suprà; si vis, caput efferet altè
 Magna arbos, sumétque volens quamcunque figuram
 Seu jubeas hominem fieri, seu fortè leonem, 316
 Seu volucrem; trunco viridis quasi psittacus illa
 Insistet proprio; statuásque hinc ordine pulchras
 Arboreus tibi Praxiteles disponet in horto,
 Nec minus artificum obsequitur defuncta labori; 320
 Hinc simulacra dolant, atque immortalia penè
 Numina; divinamque canens multo ore Cybellen;
 Delectat patrios Berecynthia tibia montes.
 Hinc fabrefacta sacros diffundit pyxis odores
 Nativo purgata; strepunt hoc cardine valvæ, 325
 Hinc solidi plaustorum axes, & buris aratri,
 Hæc & foemineo multùm officiosa decori
 Casariam terget nitidam; non ultima belli
 Arma puellaris; laqueos hæc necit amantùm,
 Et venatricis disponit retia formæ. 330

² Buxus.

V. 308. Πύξος Ἰδὼ
 τὸ πυξίδιον τῆς ξύλης; Inde
 nomen Pyxidum ex illa facta-
 rum; Buxus, Βοx. Cariam
 vetustatémque non sentit. Plin.

V. 323. — Buxusque vo-
 cat Berecynthia matris
 Idææ — — — — — Virg.

Si buxos inflare juvat — — —
 i. e. Tibias, Claud.
 Berecynthus Mons Phrygiæ Ma-
 tri Deûm sacer, buxo abundan-
 tissimus.

V. 327. Quod pectines ex
 eâ fiunt.

Multifido Buxus quæ tibi den-
 te datur. Mart.

Utilior latrante cane armatôque Priapo.
 Aspera frigoribus saxisque Helvetia tales
 Educat, & peregrè terras emittit in omnes
 Enormes durôsque viros, sed fortia bello
 Pectora ; non illi cultu, non moribus aulas, 285
 Atque urbes decorare valent, sed utrasque fideli
 Defendunt operâ ; nec iis, gens cauta, tyranni,
 Præponunt speciosa magis, multûmque sonora
 Præsidia ; his certi vitam tutantur opésque.
 Hos quoque cùm jûctos videas, jûstâq; sub armis 290
 Dispositos acie, toto nullum agmen in orbe
 Nobilius dices visu aut formosius illo.
 Non igitur temerè veteres ex arbore tali
 Quæ rigida sepiis munimina firma ministrat
 Contra prædonum insidias furûmque ferarûmque 295
 Excidère sacras Hymenæa ad fœdera tædas
 Jusserûntque novis vigiles præire maritis.
 Huic comites addunt sese de more frequentes
 Horrida * Prumnitis pomo fœcunda severo
 Aspera Virgo Batis, Rosa morsu nota canino, 300
 Auxiliatrices ad sepimenta catervæ.

Haud minor æterno pubentûm frondis honore
 Sylva aderat ; victrix brumæ, nec legibus anni
 Subdita vertentis ; nihil illa vel indiga Solis,
 Vel Jovis est, sed vere suo privôque beata ; 305
 Et ridet plorante polo terræque gemente.
 Pyxiadis frondes hyemem, sed sæcula vincit

* *Prunus sylvestris. Rubus. Rosa Canina.*

V. 296. Spina nuptiarum fa- | runt Sabinas, ut autor est Ma-
 cibus auspiciatissima, quoniam in- | furus. *Plin.* 16. 18.
 de fecerint pastores qui rapue-

Omnia ² Materies; dentémque fatigat in illa
 Tempus edax frustrà: tamen omni cerea formæ,
 Culturæ dociles ramos accommodat omni, 310
 Ingeniosa sequi dextrámque artémque magistri.
 Si tibi sic visum est, humiles distinguet in imo
 Repens areolas, & flores stare superbos
 Aspiciet suprà; si vis, caput efferet altè
 Magna arbos, sumétque volens quamcunque figuram
 Seu jubeas hominem fieri, seu fortè leonem, 316
 Seu volucrem; trunco viridis quasi psittacus illa
 Insistet proprio; statuásque hinc ordine pulchras
 Arboreus tibi Praxiteles disponet in horto,
 Nec minus artificum obsequitur defuncta labori; 320
 Hinc simulacra dolant, atque immortalia penè
 Numina; divinamque canens multo ore Cybellen;
 Delectat patrios Berecynthia tibia montes.
 Hinc fabrefacta sacros diffundit pyxis odores
 Nativo purgata; strepunt hoc cardine valvæ, 325
 Hinc solidi plaustrorum axes, & buris aratri,
 Hæc & foemineo multùm officiosa decori
 Cæsariem terget nitidam; non ultima belli
 Arma puellaris; laqueos hæc nectit amantùm,
 Et venatricis disponit retia formæ. 330

² Buxus.

V. 308. Πύξος δὴ
 τὸ πυξιδὸν τῆς ξύλης; Inde
 nomen Pyxidum ex illà facta-
 rum; Buxus, Bux. Cariem
 vetustatémque non sentit. Plin.

V. 323. — Buxusque vo-
 ca: Berecynthia matris
 Idææ — — — — —, Virg.

Si buxus inflare juvat — — —
 i. e. Tibias, Claud.
 Berecynthus Mons Phrygiæ Ma-
 tri Deam facit; buxo abundan-
 tissimus.

V. 327. Quod pectines ex
 eâ fiunt.

Multifido Buxus que tibi den-
 te datur. Mart.

³ Agrias insidiis levibus captare volucres
 Contenta est, scelerisque fugam constringere pennas,
 Sed mala furti hominum densis mucronibus arcens
 Securus defendit inexpugnabilis hortum,
 Exornatque simul, toto spectabilis anno, 335
 Et numero & viridi foliorum luce nitentum,
 Nec piget his decorare domos; juvat undique lætas
 Texere Acufoliarum ramos, roseique pusillis
 Coralii gemmis deformem ornare Decembrem,
 Et gelidas vernis hilarare coloribus horas. 340
 Plus hyemi præstat ⁴ Comaris, dat edulia poma,
 Non terrena ferens nec humi repentina Fraga.
 Hæc solâ infortunata sylvestri pascitur escâ
 Janus, & esuriens non uno devorat ore.
⁵ Phylliris & Pyracantha oculos hominumque deumque
 Pascere contentæ, baccarum fercula rubra, 346
 Dant avibus solis, & tandem debita gratæ
 Per brumam æstivi persolvunt præmia cantus.

³ *Aquifolium, Holly.* ⁴ *Arbutus, Strawberry-Tree.* ⁵ *Phillyrea, Pyracantha.*

V. 331. *Ἀγρία, Theophrast.*
 Aquifolium, vel Aquifolia, quasi
 Acufolium nam Aquus olim pro
 Acus dicebant. Angl. *Holly.*
 Fit ex illa viscum.

V. 341. *Κόμυγος, Arbutus.*
Strawberry-Tree, quod fru-
 ctus Fraga representet. Hyeme
 fructu superbit, coccineo aspe-
 ctu micanti, numerofo, acetosis

conflato partibus, ac guttur ex-
 asperantibus, quiq; alio anni tem-
 pore respuerentur, flore luteolo.

V. 345. *Φιλύρια, Diosc.* A-
 laternus ex ejus genere. Angl.
Ever-green Privet. *Pyracantha*,
 secundum *Parkinsonum*.
Oxyacantha veterum. Anglice
Prickly-Coral-Tree.

Moesta subit ⁶ Smilax, habitu lugentis ad urnam
 Aut bello rapti aut morbo inclemente mariti. 350
 Moesta subit, veloque umbræ circumdata nigræ
 Heu nimium infoelix & inani nympha laborans
 Invidiâ? falsi sub suspitione veneni
 Infonem Graii quam damnavêre Poetæ,
 Historicique fide famam leviorè sequuti. 355
 Me decet arboreum vatem purgare malignis,
 Arboream dictis, & ficto crimine divam,

⁶ Taxus, Peto.

V. 349. Taxus Dioscor.
 Smilax, Theophr. Μίλαξ & Μί-
 λωξ dicitur. Similis his (i. e.
 Abieti, Larici, Piceæ) aspectu
 est Taxus, minùs virens, gra-
 cillisque & tristis, ac dira, nul-
 lo succo, ex omnibus sola bac-
 cifera. Mas noxio fructu, le-
 thale quippe baccis, in Hispa-
 niâ præcipuè, venenum inest.
 Vasa etiam viatoria ex ea vi-
 nis in Gallia facta, mortifera
 fuisse compertum est, hanc
 Sextius Smilacem à Græcis vo-
 cari dixit, & esse in Arca-
 dia tam præsentis veneni, ut
 qui obdormiant sub ea ci-
 bumve capiant, moriantur. Sunt
 qui & Taxica hinc appellata
 putant venena, quæ nunc Toxi-
 ca dicimus, quibus sagittæ tin-
 gantur. Repertum innoxiam
 fieri, si in ipsam arborem cla-
 vus æreus infigatur. Plin. 16. 10.
 Ridiculi mali ridiculum reme-
 dium! sed audiamus aliorum
 tragœdias. Plutar. in sympo-
 sioribus ὅτι ὅτι καὶ σκιά

σμίλακος ἀποκτείνει τὸς
 ἐγκαταδεδέντας ὅταν ὀρε-
 γᾷ μάλιστα πρὸς τὴν ἀνδρ-
 σιν.

Est etiam magnis Heliconis
 montibus arbor,
 Floris odore homines tetro
 consueta necare. Lucr.

Quid quod Caesar in suis
 Commentar. refert Cativulcum
 Taxo, cujus magna in Gal-
 lia & Germania copia erat,
 se exanimasse. Hinc Furiis tæ-
 das ex hac arbore attribuerunt
 Poetæ.

— Truncâ lustraverat obvia Taxo
 Eumenis — Stat.

Sed post omnem hanc ca-
 lumniam nostratis Taxi non
 tantum umbra innocua est, sed
 & baccæ sine noxa eduntur,
 sed & de Italica idem testa-
 tur Bapt. Porta, Taxum à Tô-
 ξω, Arcu, videtur nomen a-
 depta, & ab eodem Toxicum.

— Ἰτυρέος Taxi τορquentur
 in arcus. Virg.

Siqua fides vati non Graio, taxus ab omni.
 Pura veneficio est, Taxi sub tegmine quivis
 Dormiet, inq; oculos, inq; aures tutus utrasque; 360
 De vino responde mihi, & mihi pocula præbe
 Taxica, non equidem parcam vel dante novercâ,
 Putida, Grammatici, res est hinc Toxica dici,
 Illa trahunt arcus Græco de nomine nomen
 Triste, venenatæ veteri de more sagittæ 365
 Mortiferis titulum sævum imposuere venenis.
 Cantanti nec obesse soles, Arceuthi, gravémque
 Objicit immeritò vatum tibi maximus umbram,
 7 Juniperi levis umbra nocet nec frugibus ipsis.
 Quàm multa arboribus tribuuntur crimina falsò? 370
 Virtutésque utinam nullæ! Latet intùs ocellos
 Effugiens, densóque obductum cortice verum.
 Te quoque, si liceat, vellem excusare, 8 Sabina,
 Non licet, & sceleris nimium manifesta teneris,
 Per te prima novæ scintilla industria vitæ, 375
 Pauper, & in flammam nondum eluctata micantem
 (Triste nefas!) aspersa veneno extinguitur udo.
 Non hìc immeritò comitem, funesta Sabina

7 Juniperus. 8 Sabina.

V. 369. Ἀρχευδοῖς vel
 Ἀρχευδοῖς, Juniperus. Um-
 bra ejus somnum conciliare di-
 citur.

Le bæi quassare silentia ra-
 mi. Val. Flacc.
 quod ex Apollonio sumptum, qui
 Juniperi ramo vigilem Dra-
 conem sopitum tradit à Medeâ

Ἡ δὲ Ὀφιν ἀρχευδοῖς
 νέον τετραχότι τ' ἀνέσσει

Βάπτει, &c.

Sed & opus fuit pharmaca
 atque incantamenta carminum
 addere.

Juniperi gravis umbra, nocet
 & frugibus umbra. Virg.
 Omnes quidem, sed in hac præ-
 cipuum est.

V. 374. De Sabinâ vid.
 Libr. I. Plant.

Funeream

Funeream ⁹ Cyparissin habes ; comes omnibus illa
 Sed pia funeribus ; tu nondum (barbara) natos 380
 Tollis, at illa senes etiam deplorat ademptos.
 Talis erat puer ille deo Cyparissus amatus
 Lucenti, tam leni animo, tam pectore molli,
 Vulnere qui lugens & lamentabile fatum
 Dilecti sibi cervi in mortem tabuit ipse : 385
 Sed faciem hanc illi miseratus Apollo refecit,
 Et dedit esse cupressum, ævumque agitare perenne
 Cortice sub viridi, Cyparissis nymphea vocatur,
 Cupressusque arbor. Túque ò (deus aureus addit)
 Cui tantilla movet tam magnos causa dolores, 390
 Semper eris meritò tu maxima præfica luctûs
 Funebri, diti sacra & diis manibus esto :
 Sic ait, & veri benè gnarus in arbore mortis
 Eternæ posuit præfagia dulcia vitæ,
 Materiem invictam carie, nec temporis ullâ 395
 Labe fatiscentem, florentes semper honores
 Frondis inoccidua, pulchræ decora alta figuræ,
 In morem liquidæ coelum invadentia flammæ,
 Stat propè major amor ¹ Phœbi, stat dignior ignis
 Arboreus Daphne pulcherrima, casta sed omnes 400
 Illa perodit adhuc, crepitúque avertitur ignes.
 Non minùs & castam deus ardens diligit illam,
 Et vatem facit, & strepitu indignantis in ipso
 Omen inesse jubet faustum lætósque sonores,

⁹ Cupressus. ¹ Laurus.

V. 379. Vid. Fab. 10. *Metamorph.*

V. 401. Laurus quidem manifestò abdicat ignes crepitu & quâdam detestatione. *Flin. lib. 15. 30.* ubi multa vide de Laurus. Crepitum ejus sonorum

foelicia portendere existimant Veteres; contrâque inominatum erat, si combusta sileret.

Laurus ubi bona signa dedit, gaudete Coloni. Tib.

Et tacet exinîto Laurus alu- sta foco. Prop.

N 5

Quid

Quid mirum est humilis si sacratissima laurus 405
 Vulneris impatiens terreno stringitur hoste?
 Fulgura quæ superum circum volitantia tutò
 Aspicit, atque minas coeli flammantis inanes?
 O foelix longè ante alias! ô maxima gentis
 Arboreæ princeps! vel si tibi Principis aufert 410
 Diva Dryas titulos, O certè maxima Vates!
 Te reges tumidi, te victorésque superbi
 (Par operi precium) te proxima gloria mundi
 Turba poetarum gestant, quos inter & ipsos
 (Fas sperare) comas non dedignabere nostras, 415
 Et foliis raro & sterili circumdare ramo.
 Tum verò ingentes ²Elate Peucéque sorores,
 Sublimi feriunt rorantes vertice nubes.
 Quantum despiciunt montana cacumina valles,
 Tantum illæ stantes in summo montibus ipsis 420
 Altiùs assurgunt; sic stabat turba gigantum,
 Sic superinjectâ frondoso Pelio Ofsâ
 Stabant terrores superum, similésque superbis
 Abietibus pinisque levabant brachia centum.
 Hoc benè prospectu terras, pontúmque profundum, 425
 (Nam domibus terras & pontum navibus ornant)
 Non sine gaudiolo latè sua regna tuentur,
 Ipsa etiam Prinis palatia regia linquit.

² *Abies. Pinus.*

V. 417. Ἐλάτη, ab ἐλάω, impello, quod in immentiam proceritatem quasi propellit se. Abiesque Latine dicitur eadem notione nominis, quod abeat in altum. Anglice *fir.* *Πεύκη* Pinus, quanquam alii *Πίνυ*, Pinum volunt esse, *Πεύκη* Picam, nostrâ non multum hic refert.

V. 428. *Pein*. à folio serrato, Ilex, Anglice *Holm Dak*, or *Evergreen Dak*, quod in hyeme frondes non amittat. Hic hortis tantum excolitur, nec ibi quidem frequens, unius tanquam præcipue bis meminit *Parkinsonus* noster, in horto Regiæ Westmonasteriensis, quam *Albam Aulam* vocant, ad posticum sita.

Servan-

405 Servantique fores sese exiit 3 Ilice sacrâ
 Hortenses; remanet trunco vita ægra relicto: 430
 Interea; vix coelo alibi contenta Britanno,
 Nec sub sole quidem nostro sed rege virescens,
 Huc jam moesta venit, monstis exterrita tantis,
 410 Et fati Aulæ super insolabilis Albæ.

Tali sceptrigeram 4 Dryadem circumstetit orbe 435
 Nobile nympharum Angligenum nemus; illa levato
 Composuit sese tumulto mediâque locavit,
 Multâ majestate tumens, umbræque favorem
 415 Regales partes longè diffudit in omnes.

Non ego, si venti mihi vox clamosa daretur, 440
 Cum viridis querceta agitat reboantia Denæ,
 Te dignè, veneranda Dryas, celebrare, tuarum
 Vel potero sylvam immensam describere laudum.

420 Ex te (siqua fides miracula multa canenti
 Danda vetustati est) erupit prima virorum 445
 Tunc libro viridi, cute nunc contexta juvenus.

Tunc quoque dura genus, sed Deucalionis in ævo,
 Durior evasit, crustaque incalluit albâ.

425 Hanc famam eximiis subnixam authoribus olim
 Elevat, & spernit vanorum turba sophorum, 450

Et schola Pyrrhonis, nimiumque Academia ridens.

Fas dubitare quidem; sed non dubitabile & illud
 Quos tunc terra bonos homines magnosque creavit,

His crevisse cibis, & quernâ glande repasta
 435 Equasse annosas vivendo corpora Quercus 455

440 Foelix illa ætas mundi justissima Nymphe,
 Cum dabat umbra domum vivam tua, cum domus ipsa

Deciduâ dominos pascebat fruge quietos,

Solâque præbebant sylvestria poma secundas

Gramineis epulas mensis; nondum arte magistrâ 460

Arbor adulterius prætulerat insita nostris.

3 Ilex. 4 Quercus.

Alma

Alma Ceres, non est tua munificentia tanti,
 Immites alimenta ferunt si mitia mores :
 Non tanti est si gens hominum depulsa, ferarum
 Victibus induitur naturam sæva ferinam. 465
 Hinc malè mutatus respublica desiit esse
 Mundus, & invasit communia commoda rerum
 Quisque sibi ; hinc coeptum est partiri finibus agros,
 Natàque confestim fines proferre libido.
 Hinc homini sua terra parum ; mox nulla videri 470
 Terra satis. Bonus, ecce solum fastidit arator,
 Pontum arat, his fulcis frumentum quærit ineptus.
 Esto, non poterit magnus tentator avarus
 Efficere ut fruges pontus ferat ; efficit illud
 Ut ferat arboreum genus, & te, maxima quercus, 475
 Æquoris immensi montes transplantat in altos,
 Inseruisse audax abiignis robora malis.
 O Dryas, humani comes & patrona laboris !
 Si sapiunt, stabiliq̃ue volunt requiescere sede,
 En domus es domino multùm diuturnior ipso 480
 Si possunt patrio contenti vivere fundo,
 Das jugà dura boum, stivàmque, axéq̃ue gementes,
 Omniàque agricolis vitæ prompta arma beatæ,
 Pallida si mentes agitat vesania lucri
 Fis ratis errabunda, trabes nec certior ulla 485
 Ventrùmque marisq̃ue incerta pericula lustrat,
 Mors fera compagem rabiðâ circumsonat irâ
 Dedignata levis tenui munimine ligni
 Se fremere exclusam, ceu quondam raptor ovile
 Discurrit circùm lupus, exacuitque furorem, 490
 Et rigido dentes nequicquam in poste retundit.
 Linque tuas porcis glandes, ditissima quercus,
 Linque volens ; homini quicquid parit undique terra,
 Et quascunque ostentat opes, quascunque recondit,
 Conquiris donàsque ; Eoàque aromata portas 495

Occiduúmque aurum; per te molliſſima ſerum,
 Sylváque odora Arabum Thulen pervenit ad ipſam,
 Per te nunc orbis referati pervius uſus;
 Per te nunc iterúm magnus reſpublica mundus
 Incipit eſſe; Omnis nunc poſſidet omnia tellus. 500
 Si meritâ veteres celebrarunt laude poetæ
 Arietis unius referentem vellera fulva
 Phafide vicinâ pinum, penetratâque ponti
 Clauſtra, & Cyaneæ ridenda pericula cautis:
 Quis tandem oceanus famæ tibi ſufficit, aut quo 505
 Te ſatis ad coelum tollet facundia fluctu
 Adjungétque aſtris, ô magni ſacra Columbi
 Quercus! Io, vectrix auri foelicior, Argo!
 At quercus Dracana tuos imitata labores,
 Phoebe, tuo digna eſt ſolius carmine dici. 510
 Sit ſidus Pagafæa ratis, poſt tempora vitæ
 Et curſum æquoreæ cœleſtis fulgeat inſtar
 Arietis; hæc puppis totum circum acta per orbem
 Sideris officio jamdudum & in æquore functa eſt.
 Quàm benè conſuluit terræ natura Britannæ 515
 Oceani magnum tendens hîc ponere regnum?
 Si non ingentes, Libani decora ardua, cedros,
 Nec pinum Idæam, aut palmam foelicis Idumes
 Nec dites Arabum ſylvas & odora vireta,
 Nec platani feſtam conceſſit amabilis umbram, 520
 At querceta dedit toto longè optima mundo,
 Belligerúmque nemus ſolidavit robore multo,
 At maris immenſi vaſtâ circumdata foſſâ
 Inſula ſtat ſecura minarum, & claſſibus illam
 Roboreis communit inexuperabile vallum. 525
 Non igitur Dryadæ noſtrates pectore vano
 Nec ſine conſulto coluerunt numine quercum,
 Non illam Albionis jam tum celebravit honore
 Stulta ſuperſtitio, venturive inſcia ſœcli

Angliaci ingentes puto prævidisse triumphos
 Roboris, imperiúmque; maris, quod maximus olim
 Carolides vastâ victor ditione teneret.

530

Quid mirum hoc, siquidem veteres oracula quercus
 Effudisse ferunt? Superúmque arcana voluntas
 Principio raucâ sylvarum voce putatur
 Significata homini; Phœbæam qualiter implet
 Vatem Cyrrhæis erumpens spiritus antris
 Attonitam raptans & multo numine turbans,
 Haud aliter sacros inspirans ipse furores
 Robora Dodones agitavit ventus; at illa
 Terribili sonitu capita & fera brachia jactant
 Bacchantum more infano; nemus omne tremebat
 Atque abrupta volant folia undique & undique rami
 Sparguntur lacerati, equitantem in turbine nescit
 Sylva deum stimolata pati, sed voce prementem
 Excutit immani tandem; deus ore dehiscens
 Intonat arboreo mundi secreta futuri;
 Multa simul glomerans obscura umbrosâque vera.
 At superúm generi mortali aversa voluntas
 Jamdudum sacras præstare silentia quercus
 Jussit, & his tantùm voce in conventibus uti,
 Aut certè humanas, si coram aliquando loquantur,
 Non intellectum profundere murmur in aures;
 Hic data libertas fandi, nec Chaonis unquam
 Clariùs in sylva nec apertiùs ore locuta est
 Fatidico Dryas; immotis nemus undique ramis
 Conticuit, vocémque arrectis frondibus hausit.

535

540

545

550

555

Magna deos generi nostróque hominúmque minari
 Cernitis, ô sociæ, & multum sperare nefastos
 Arbitror eventus, tamen hæc incerta malorum
 Ne vos attonitas confundat imago, premátque:
 Me nunc partem aliquam deus hic edicere jussit
 Planiùs, & monitu virtutem armare salubri.

560

Accipite

530 Accipite hæc totis mea dicta & condite rimis,
 Fortiæque adversis opponite robora ventis. 565
 Non mihi vana fides : hic, quo nunc induor ipsa,
 Truncus ab antiqua descendit origine quercus
 Quam mirata loqui primam Dodonia sylva est.
 535 Nam Brutus, cæsi genitoris regna perosus,
 (Filius infoelix, foelix pater ille Britanni
 Nominis) Epirum venit moestissimus exul. 570
 Illic progeniem, consanguinitate propinquam
 Pyramidæ sceptris pulsam, solioque paterno
 40 Restituit victor bello; & pietate solutus
 Crimine fatali est; nec dedignatus & ipse est 575
 Compellare virum quercino Jupiter ore,
 Æneæque sui pronepotem emittere magnum,
 Is similem Æneæ sortem longosque labores;
 45 Talia namque illi dirupto cortice fertur
 Fudisse attonito & trepidanti oracula quercus, 580
 Chaoniâ steterat quæ vocalissima sylvâ.
 Tros, ô Sylviade, non his tibi figere sedem
 Parca dabit sylvis, patriæque piacula cædis
 50 Plura tibi quanquam infonti, majoraque restant.
 Multa obeunda mari, sævisque pericula bellis. 585
 Tu solidam obfirma mentem, pèrque aspera rerum
 Finde novas virtute vias; dat præmia finis.
 Substitit Hesperii Alcides Gadibus olim,
 5 Nil ultrà prono sperans de sole; sed ultrà
 Tu penetrare aude, nec te vastissima veri 590
 Terreat oceani facies; at vela memento
 In Boream dare dextrorsum; tua fata Bootæ
 Plaustra vehunt; pigrè, certo sed euntia motu.
 Auxiliumque feret totis tibi viribus astri
 0 Urfa sui Jove prognato. Tua dextra tyrannos 595
 Bis senos Gomeritarum sub tartara mittet
 Prætereuntis opus; quid adhuc victoria prodest

Tanta æ

Tanta? Triumphanti totus tibi clauditur orbis.
 Totius tu mundi exul; te fata relegant
 Ulteriùs, sed nec trepida, nec defice; mundum 600
 Illa dabunt alium, gremio quem condidit alto
 Integrúmque reservavit per sæcula longa
 Oceanus tibi Brute, tuum qui semper habebit
 Et genus & nomen; quicquid complectitur æther.
 Æneæque Brutique dedere nepotibus astra, 605
 Æneæ terras omnes, maria omnia Bruti.

Talia prædicens hæc insuper addidit ore
 Quercus hians sacro: Memor esto, atq; accipe glandes
 Has ait (implevit porrecto termite dextram)
 Hæ tibi erunt longi solamina muta laboris, 610
 Promissique mei testes; cùmque ubere diti
 Præbebit tua fausta solum Britannia dignum,
 Has sere, in immensas crescent hæc semina sylvas,
 Et Quercus toto celebrabitur orbe Britanna;
 Chaoniam famâ superabit filia matrem: 615
 Tum tu Brute mihi gratum instaurabis honorem,
 Instituésque patres Druidas, sanctissima mundi
 Nomina; Teutates habitabit robore in omni,
 Lætâque foelicis vulgò dabit omina visci.
 Dixerat hæc Quercus non veri vana, nec illam 620
 Linea decepit puncto fatalis in uno:
 Primâque Chaoniis crevit de glandibus arbor,
 Huic Ávia, ex quâ nunc vobis oracula pando.
 Scilicet hæc juvenis, cùm primùm huc Danica classis
 Appulit, iratis Thore & Tuiscone deisque 625
 Saxonix reliquis, bis centum circiter annos.
 Nata fuit; meminit, viditque simillima nostris.
 Prodigia, heu, similes nimium visura ruinas!
 Ecce, illas video! —————
 Prima Caledoniis nubes de montibus orta 630
 Arctos operit campos, Tuedámque quietum,

Limitis oblitum jamdudum munere fungi,
 Et medium unius tantum se currere regni
 Credentem, super acta volat popularibus auris
 Angliacósque agros ferali territat umbrâ. 635
 Sed terrere satis primò, simulacrâque Martis
 (Qualia vos nuper cœlo vidistis in ipso)
 Proludunt sicci; fugat hostem argenteus imber,
 Ignotum genus armorum, pugnacibus olim
 Parcísque Angligenum proavis, sed prodigus emptor 640
 Nunc pacis populus, scelerata infandâque bella
 Mox pluris civilia emet: pax sanguine primo
 Ipsa rubet (proh dirum omen!) frontemque recludens
 Purpureum, in medio furiis operata senatu est.
 Magnorum invidiâ vir magnus, plebis ineptæ 645
 Integer injustis odiis, clamore disertus
 Obruitur, sacer, ô, multoque cruore piandus
 In fonti pariter regi, fontique popello.
 Principium belli damnata Vigornia fato,
 Mœsta videt victrix, & multo murmure plorat 650
 Sabinæ lacrymisque suæ; sed & ipsa videbit
 Mœstior, ah, belli (quis possit credere?) finem.
 Quis nunc Kintoniæ sublimem in collibus altis
 Me sistit deus? heu, qualem nunc flumine rubro
 Despicio undantem vallem? quantisque tumentem 655
 Aggeribus cædum? quas fervidus æquore toto
 Rupertus cumulat strages, victorque gemiscens
 Rex pius? avertant cursum nisi fata secundum;
 Tantorum ista dabit finem lux una malorum:
 Irati vetuere dei; victoria præceps 660
 Corruit, atque nequit vicinam attingere metam.
 Quâ patet imperium tunc occupat omne Britannum
 Mars immane fremens, regni pars integra nulla est.
 Belerii extremis à cornibus Orcadas usque
 Et vix læta quidem semestribus arva diebus, 665

In scelus exitiúmque ruunt, furor omnibus idem.
 Albion infoelix, quæ te sævissima serpens
 Eumenidum, quænam, ô, Hæmorrhoids ore momordit?
 Omnia membra fluunt stillantibus undique venis,
 Tantum, tamque ingens, totum est pro vulnere corpus.
 Ter campos infausta tuos, Neuberria, cerno 671
 Cladibus informes, superátque horrore nefando
 Sanguine bis tinctos tua tristis fama Philippos:
 Mutua damna diù, atque alternæ pondera stragis
 Nutantem partis librant utriusque ruinam. 675
 Terribilem primò impulsus momentaque sæva
 Eboracensis ager dabit, & Nasbeia tandem
 Mortiferum geminabit & immedicabile vulnus. [est)
 Quod superest (namq; omne nefas, superesse putandum
 Cernere me prohibete dei; quid deinde futurum 680
 Secretum vobis, precor, integrúmque tenete.
 Tollite notitiam venturi; haud gloria tanti est
 Fatidicam dici atque oracula fundere, ut ista
 Prævideam, videámque iterum. Sed se ingerit, ecce,
 Congeries oculis non enarranda malorum, 685
 Et deforme chaos: victor rapit impius omnia.
 Rex hostem fugiens plebeio tectus amictu
 (Tempore Rex illo primùm simulator, at ora
 Agnosco sacrata) fugit miserandus ad hostem.
 Quis non hostilis victo locus? Ille suorum 690
 Implorat popularium opem (proh jura fidémque!)
 Rex hospes, supplex frustrá. Sic spontè magister
 Naufragus, in fluctus, quos horruit ante, minaces
 Exilit ardenti & flammis crepitante carinâ.
 At fluctus crudelis & implacabilis irâ 695
 Luctantem in flammis & fata priora rejectat.
 Quid facerent? Regem miles seu fraude retentam
 Ex bello prædam, precibúisque minisque reposcit.
 Regem adamare putes, nec vivere posse sine illo.

Nec minùs & Scoti redamant, ac reddere nolunt. 700
Non ità pro vili est; persistunt; acriter urgent
Jus partemque suam; aut illum non Anglus habebit,
Aut emet. O nullo credendum dedecus ævo!
Ille potens dominus terræque marique, sub hastâ
Mancipii venit captivi more, suumque 705
Servus herum abducit, sector temerarius, emptum
Non tibi ego hoc tantum (procul absit) Scotia crimen
Imputo; tentabis gentis virtute piare
Totius, scelus hoc paucorum; & sanguine multo
Paucorum delicta lues. Vix arma quiescunt 710
Affixa in domibus, longusque revertitur ordo
Civilis belli; foedis subjecta tyrannis
Regia majestas, constrictaque carcere Vectæ,
Quem non commoveat? Justas commovit in iras,
Scotia, te serò, te libertatis amatrix 715
Cantia, te Britonum non impar Cambria famæ:
Prælia quid referam vobis, quæ plurima cerno
Astrorum auspiciis & adhuc commissa priorum?
Quid memorem trepidam tingentia vulnera Riblam,
Sistentésque fugâ vel cursum, fluminis ipsum 720
Præcipiti Scotos? Quid te, Medvaga, tumentem
Cædibus? obsidióve tuam, Colcestria, longo
Virtutem infractam, melioraque fata merentem?
Quid tot nobilium, pignantum nobile lethum,
Captorumque necem miseram, belloque pudendam?
Non mihi post tantas clades, tot vulnera sortis, 726
Fas plorare quidem perituri funera regis,
Si mihi nota viri, mundo notissima toti,
Cœlestis pietas, mortem inter munera ponet
Summa Dei; scelus humanum, facinusque tremendum
Auditu deploro, quod execrabitur ætas 731
Nulla satis, quod nulla satis, foecunda dolorum,
Tartara, tormento poterunt punire perenni.

Heu

Heu quid agunt? Video productum carcere regem
 Pegmate in excello, suâque ante palatia, in arce 735
 Imperii summâ, populo spectante diéque,
 Carnificisque manu —————

Substitit hic, gemitusque imâ radice petitus,
 In solido ingentes prorupit cortice rimas:
 Undique dimanant lacrymæ de frondibus udis, 740
 Quot qualéque solent madidæ post tempora noctis,
 Cum capiti hærentes nebulas aurora resolvit.
 Ingemuit viridum simul omnis turba sororum,
 Et moestum infremuit, subitque sonora doloris
 Tempestas totum quatiit nemus; inde sequuta est 745
 Sæva quies magni, mortique simillima, luctus:
 Post longum tandem Dryas incipit intervallum.

Tum verò innumeris confossa Britannia telis,
 Et capite abscisso, proprioque in sanguine mersa,
 Non agnoscendum jacet atque informe cadaver, 750
 Immanis sine mente, animaque & nomine truncus.
 Quis non post tantum mortis sperare quietem
 Possit, & æternum torpenti in funere somnum?
 Nil minùs; ecce, loco unius tunc membra regentis,
 Mille scatent viles animæ, fervéntque tumultu, 755
 (Terrai putris soboles, ignobile vulgus)

Vermiculi genus omne, acríque infecta veneno,
 Serpentesque attri, & serpentum maximus, ipsas
 Cromvellus rabido depascitur ore medullas.
 Foedus odor toto latè diffunditur orbe. 760

Tum fas atque nefas versum, nec fræna furoris
 Impietas victrix habet, & transgressa pudorem,
 Pegmata tunc passim mediis erecta plateis
 Sanguine nobilium rorantia cernere ludus,
 Et paria (heu tanquam spectacula præbita vulgo) 765
 Carnifices, clarosque viros, commissâ videre.
 Tunc ipse hospitium factus solenne bonorum

Carcer, & ante ortum lucis, quæ ducit ad illum,
 Plena via est turbâ; sed delassata parumper
 Sevities cessare, & respirare coacta est; 770
 Cessat avarities nunquam; sine more modôque
 Infatiata furit; pugnantis sæpe libenter,
 Sed proscribentis deponitur hasta gravatê.
 Quicquid florentum series longissima regum,
 Magnificâ parcâque manu congefserat olim, 775
 Bellorum spolia, aut prolixæ munera pacis,
 Quicquid non frugi pietas, & splendida cultu
 Religio proavorum aris sacraverat ipsis,
 Quicquid Patricius regni possederat ordo,
 Quotquot opum fideique rei (proh vasta vorago!) 780
 Terrigenis paucisque haud sufficit omne tyrannis.
 Nec sat habent spoliare ædes regisque Deique,
 Diruere, atque æquare solo gens impia gaudet;
 Est aliqua ipsius scelerata libido ruinæ:
 Discurrent fabri, sonat undique malleus ingens, 785
 Undique ferramenta sonant, & acuta bipennis
 Undique tigna vehunt lapidêsq; gementia plaustrâ,
 Ardentes instant operi, strepitumque cientes,
 Edificare putas victores velle superbos?
 Diripientum ille est everforumque tumultus: 790
 Cumque hæc eveniunt, sociæ, cum ligna parentum,
 Defunctasque trabes vestrum, longaque quiete
 Compositas olim regum sub turribus altis,
 Excisasque furente manu, vulsasque videtis,
 Tunc scitote diem vestrum, & lacrymabile fatum 795
 Sylvarum venisse; trabes quæ sæva sepultas
 Deturbat domibus, non parcat dextera vivis.
 Tunc omnes latè saltus, nemora omnia regni,
 (Nobile seminium & Plantaria classis & urbis,
 Spem belli, & pacis certa ornamenta futuræ) 800
 Religio quæ magna olim, nunc maximus usus

Vivere

Vivere privatæ jubet inviolata securi;
 Barbarus invadit victor, sternitque, solóque
 Eruit, atque igni divendit avarus avaro.
 Non generi arboreo, aut ætati parcitur ulli, 805
 Triginta annorum infantes in limine vitæ
 Dejiciunt ulmos, fagósque ornósque tenellas,
 Nec senium aut cani reverentia corticis obstat.
 Pellitur infoelix ô semper musica turba,
 Ramorum hospitiiis volucres pelluntur avitis, 810
 Flebiliterque novum celebrat Philomela dolorem.
 Exul Hamadryadum simul his chorus effugit omnis,
 At tacito luctu (neque enim plorare sonorum,
 Coelestes decet) & lacrymis stillantibus intús.
 Heu fugimus, sociæ, & toto vix orbe Britanno 815
 Securos truncos quos ingrediamur habemus.
 Sed non hæc semper fera Saturnalia durant;
 Immodico nunquam dat tempora longa furori
 Instans à tergo Nemesis, quatiénsque securim.
 Vos ne despondete animos, vestri Deus ultor 820
 Extirpabit eos radicitus & dabit igni.
 Sternite nunc sylvas, nemora alta cremate, scelesti,
 Non deerit vobis ex quâ pendebitis arbor:
 Interea (neque enim voti vestigia nostri
 Fata premunt, semperve sequuntur passibus æquis) 825
 Interea extorres patriæ crudelibus oris
 Carolidæ magni per regna aliena vagantur,
 Auxiliúmque petunt frustra: comes hæret ubique
 Sors immitis adhuc, & vix concedit asylum.
 Heu quantum terris, quoties jactatus in alto, 830
 Filius ille pius sancti patris! Ille labores
 Lætus obit cunctos, sortémque ferendo fatigat
 Infractus; perfer, Juvenis venerande, labascet,
 Et cedit fortuna tibi; sed tempora Parcæ
 Expectanda manent, tunc quæ tua sceptrâ tenaci 835

Nulla potest hominum vis extorquere tyranno,
 In dextram matura tuam atque caduca ferentur.
 Quò fertur, quid agit? Nondum data tessera fati,
 805 Profilit ille ferox, & non patienter in arma
 Prodigus irrumpit vitæ, famamque laceffens, 840
 Per clausum brumâ atque inimicis classibus æquor,
 Littora adhuc suspecta petit, hostilia nuper;
 Vela tamen dantem reditusque in regna parantem
 810 Carolidem trepidæ cernunt, dubioque tumultu
 Eumenides turbantur Oliverianaque mundi 845
 Numina Tartarei, sacrâmq; evertere puppim
 Tempestate suâ tentant, factisque procellis
 Impediunt frustrâ, fato impellente, carinam:
 815 Sed metuunt etiam frustrâ, cum Cæsar in illâ
 Tutus agente Deo, sed non fortuna vehatur 850
 Cæsaris; illa manus alias, alia arma requirit,
 Et vix arma quidem; frustra jam Scotia regem
 Immutata suum revocat, tanti sed honoris
 820 Gloriolam (totum neque enim meruisset) habebit.
 Emmittetque virum tandem plaudentibus astris, 855
 825 Qui regem armatus multâ cum pace reducet.
 Interea (nondum, ô, sociæ, nam præterit illud
 Interea spissum) Sconæ venerabile fanum
 830 Fergusii magni plusquam centesimus hæres
 Ingreditur, veteremque capit de more coronam 860
 Applausu ingenti, sed &, ô, non omine fausto,
 Impositamque manu regni non ritè sinistrâ.
 Urget atrox hostis, circumque strepentibus armis
 835 Insultans furit, & turbat solennia victor.
 Tum pulchram regi mentem, centumq; parentum 865
 Sceptrigerum sobole dignam, indignatio justa,
 Et cædis patriæ vindicta, incensaque virtus
 Addit agens magnæ stimulos sub pectore laudis.
 840 Non hîc extremo regnorum in fine pudendâ

Obsidi-

Obsidione premi, aut venturæ fidere brumæ
 Auxiliis, hostique altos opponere montes, 876
 Sed dare se totum bello, permittere habenas
 Fortunis animisque suis, Taoque remoto
 Occlusum, ad Thamesim certâ vel morte parandam
 Affectare viam; post terga relinquitur hostis 877
 Attonitus, coeptique tremens horrore stupendi.
 Heu nihil adverso valitura in tempore virtus!
 Jamque dies venit precibus lacrymisque petita
 Brutigenæ toties populi; rex agmine forti
 In patriam vindex redit, & per mille labores 886
 Mille pericla viæ, Sabrinae ad flumina victor
 (Ad Thamesim mallet) penetrat: Rex mavolet ipse
 Ad Thamesim, sed consiliis immista potenter
 Vota vetant: Age jam bellatrix Anglia, nunc, nunc,
 Poscere tempus equos, capere arma, incurrere in hostem,
 Nunc (siqua est pietas) tempus defendere natum, 886
 Ulcisci que patrem, & patriam relevare jacentem.
 Talis erit mens una viris, idem omnibus ardor.
 Hoc metuens Genius regni malus, inque bonorum
 Perniciem vel Cromvello vigilantior ipso 890
 Temperat infernum sævâ Tetrapharmacon arte;
 Aspida somniferam gelidi immodicique pavoris,
 Desidiaque opium religantis frigore nervos,
 Et constringentis dextram torpedinis instar
 Virus avaritiæ; nigro de flumine Lethes 895
 Immiscet guttas; his omnia pectora spargit,
 Et pestis subit uda, veteris que occupat ingens,
 Oblitum famæ populum propriæque salutis.
 Non tamen hic à fortuna deserta suisque,
 Hostibus innumeris circum obruta, deficit acris 900
 Carolidæ virtus; Sabrinae decolor unda
 Testis, & haud vano jam Rubri nomine colles,
 Metaque fatalis longi Vigornia belli.

876 Post miseram latè cædémque, fugámque suorum
 Ultimus excedit campo, captâ ultimus urbe 905
 Atque invitus abit ; mox & de colle propinquo
 Respicit indignans, sparsúmque recolligit agmen
 am Naufragio è tanto parvum ; integrare labores
 878 Ira subit, casúsque omnes, tandémque nefastum 909
 Aut reparare diem, aut mortem superaddere damnis :
 Consilium laudant animosum, in utrumque parati,
 Derbeúsque Comes, Vilmottúsque inclytus armis,
 Et Dux Villerius, juvenis formosus & audax,
 886 Dulce domi fidus, violenti fulguris instar
 Militiæ, tantóque Æneâ dignus Achates. 915
 pfe Nulla mora est, vertunt ora & vestigia retrò ;
 Nec nova spes animos, sed desperatio pulchra
 unc, Ardentes iterum infœlicia raptat in arma.
 tem, Sic Rex, sic alii pauci, quos gloria mortem
 886 Nec miseris docet esse viris, nec fortibus hostem. 920
 Non ea vis reliquæ, nec tanta scientia turmæ,
 Vocibus hortantem vanis, furdósque precantem
 Deseruère ducem trepidi, totósque per agros
 890 Præcipitem sparsère fugam : discrimine tanto
 Quis te nunc juvenis frustra fortissime, quis te 925
 Implicitum nodis, sæváque indagine sortis
 Inclusum Deus eripiet ? Siquidem omnia possit,
 Hoc poterit Deus, & faciet, nec tanta negabit
 895 (Præmia martyrii) sancto miracula patri :
 Non illi æthereâ præpollens Carolus aulâ 930
 Carolidæ imbelli commendat voce salutem.
 Nunc vobis, sociæ, cut hæc secreta referre
 Annorum jubear venientum, & pandere sacros
 900 Tempora thesauros inter latitantia coeli,
 His impressa tamen dudum & signata figuris. 935
 (Quæ nec somnus adhuc, nec dia infania vatam
 Nec pecudum fibræ, volucrum nec penna, nec astra

Monstravêre homini) tacitis attendite ramis.

Limite in extremo quâ dives spectat ad ortum
 Sallopiâ, assurgit lucus cognomine Bellus ; 940
 Nunc locus obscurus, chartisq; incognitus ipsis,
 Sêque fruens ; sed mox toto celebratior orbe
 Nulla erit, aut famæ radiis illustrior umbra.
 Stat propè sacra olim, foelicis & ominis ædes
 Albarum titulo dominarum ; hæc unius horæ 945
 Perfugium regi, panémque (ô munera magna !)
 Prima dabit lasso, primúmque albescere pulli
 Hic color incipiet fati, sed non nisi postquam
 Exuerit regem ; hic flentes dimittit amicos
 Illorum flens ipse vicem & discrimina, ficcus 950
 Immotusq; suis, hic ornamenta prioris
 Aurea deponit vitæ, nec tænia cruris
 Cærulea, aut equitis servatur imago Georgi
 Bellatrix, jam sacrum equitem superante dracone :
 Longa comæ nigræ & speciosa volumina cultro 955
 Scissa cadunt, capitique parum est cecidisse coronam.
 Induiturque artus pannosâ & paupere veste,
 Nec personatus tantum est hoc tempore pauper.
 Heu nimium istius legi rex maximus ædis
 Subjicitur veteri ; pompam cultumq; relinquit 960
 Mundanum, abscindit crines, assumit egeni
 Squallentem miserumque habitum, valedicit amicis,
 Fit monachus ; mox & tectum fortuna negabit ;
 Fiet eremita ; in sylvis se condet opacis
 Solus, egens, vagus ; hoc etiam fortuna negabit ; 965
 Eripiet tandem terram crudeliter ipsam,
 Vix profugo sedem dabit arbor in aere tutam.
 Tum vos, ô, lucum (ne frustra hæc dicta putetis)
 Ad bellum properate omnes ; intrate silentes
 Truncum quæq; suum ; totâ sine numine sylvâ 970
 Stet nullum genus arboreum, simul ipsâque præsens

Fœlicem

Foelicem ingrediar, nemoris quæ maxima, quercum.
 Hic agite excubias noctemque diemque fideles,
 Prospicite in totos erecto vertice campos,
 Vicinâsque vias, miles fortè impius istuc 975
 Ne veniat venatum homines, rapiâtque profanus
 Depositum coeli sacrum, quod numina nostræ
 Committunt fidei, & tutum integrumque reposcent.
 Multa virum, atque oculis impervia protegat umbra ;
 Hic igitur jussæ regem expectate, sorores, 980
 Jamque aderit, jam nunc horæ fatalis ad aures
 Pervenit sonus ; interea quis rusticus iste est ?
 Vel quid humi recubat, nostrâque sub arbore solus ?
 Num latro aut speculator adest ? Nam quis nisi talis
 Sub Jove tam sævo ventum perpeßus & imbrem 985
 Duraret ? vultum, precor, habitumque notemus,
 Et quid agat ; sordent crines & scorteâ vestis ;
 Mœstitiæ multa in vultu, sed plura laboris
 Immodici videor vestigia inusta videre,
 Credo equidem & facies aliquâ fuligine tincta est. 990
 Sed tamen hæc inter (vos acrem intendite visum)
 Sacrum nescio quid, non enarrabile quiddam
 Luminis arcani scintillat, jamque tuenti
 Clarius assurgit ; num me mea lumina divam
 Fallunt fatidicam ? Nisi fallunt, rusticus iste, 995
 Rusticus iste miser (proh coelum & numina !) rex est
 Jam certè rex est ; divina apparet imago,
 Expugnâtque leves tenebras & nubila vana.
 Salve magna deum — sed quis venit importunus ?
 Dii regem servate, aliquis venit ; O bene factum ! 1000
 Respiciunt humana Dei, nec proditor iste,
 Sed fidus fortisque vir est ; Carlesius iste est
 Naufragio in nostras umbras ejectus eodem :
 O foelix, ô Cromvello foelicior ipso
 Quem mala fors tanto victum dignatur honore ! 1005

Ille refert agros compleri milite totos,
 Pérque domos omnes, pérque omnes quærere sylvas
 Addictum precio sacrum caput, & propè adesse,
 Jam propè adesse hostes ; quid agant? discrimine ab ipso
 Consilium rapidum sed non sine numine sumunt. 1010
 Conscendunt nostram, nemoris quæ maxima, Quercum,
 Ipsa ego scandenti ramos inclino volentes
 Et solium regi compono molliter aptum,
 Lautaque contexo densæ conopea frondis ;
 Et caput augustum suprâ jubeo ipsa repente 1015
 Gemmiferum (foelix omen) prorumpere viscum.
 Hîc nos incolumem fortis sub tegmine nostro
 Rite salutemus submisso vertice regem,
 Tota illum tacitè sylva & reverenter adoret.

Salve magna deûm cura, & nunc, maxime regum ;
 Nec te plorantem, nec te rationis egentem 1021
 Horrida tantorum circumstat turba malorum,
 Ille potens verè est, potuit qui tempore tali
 Nec timuisse necem, nec desperâsse salutem.
 Hoc opus est animi summum regalis ; ademit 1025
 Si regnum fortuna tibi, justissimus ultor
 Fortunæ tu regnum adimis, victûsque triumphas
 Par superi tantum gaudent committere, sed te
 Donabunt rude ; nec longè pulcherrimus ille
 Annus abest ; procedet, Io, procedet Olympo 1030
 Pacatum irradians astris foelicibus orbem.
 Stellâque lucentem ducit fortissima pompam
 Quæ tibi ter denis annorum cursibus antè
 Natalem candore sacro signaverat horam.
 Ausa die medio sustollere lampada noctis, 1035
 Ausa die medio toti se opponere Phœbo,
 Atque novum insolito portendere lumine lumen.
 Nunc iterùm cœlos, nunc prodigialiter ornans
 Surge die medio, bona stella, renascitur, ecce,

Carolus ille tuus ! Nunc demùm est editus ille 1040
 Vitalem in vitam, jucundásque ætheris auras.
 Ecce laborantem manus ut fortissima Monchi
 Educit placidè in lucem, nexúsque resolvit
 Obstetríxque tibi est ! Generose renascere princeps,
 Mátus adest pulchrò fatis tibi debitus ore, 1045
 Natalísque tuus ; generose renascere princeps.
 O lætum nitidúmque diem ! Pacísque triumphum
 Victricis ! Cùm tu, fortunatissime regum
 Magnorum medius fratrum, & splendente catervâ
 Stipatus procerum, Londinum invectus ovanti 1050
 Aureus ibis equo ! Mundum coiísse putares
 Visendi studio ; foliorum turba virentúm
 Non est in sylvâ magis innumerabilis istâ.
 Omnibus una venit primò, mox omnibus una
 Vivat Io, vox est ; plausúmque sonoráque tanti 1055
 Gaudia crediderim populi trans æquora ferri
 Turbine ventoso, & gentes terrere remotas.
 Insanire juvat ; permittite Stoica turba,
 Finiat ut brevis hæc, hilarísque infania tandem
 Viginti annorum miseros, tristésque furores, 1060
 Nec patitur tali noctem succedere luci ;
 Tota simul festis exardens insula flammis,
 Insula tota ardet, lucent maria omnia circúm.
 Quid referam ludos vulgi, cantúsque dapésque
 Et risum & fletum ? nam dulces fundit & albas 1065
 Læticia infrænis lacrymas ; quid vina per omnes
 Currere aquæductus ? Nimirum flumina & ipsa
 Fundere deberent (ætas venit aurea) vinum.
 Aurati veniunt menses, & lucidus ordo
 Sæclorum ; pax, ecce, poli de parte serenâ, 1070
 Nubila discutiens, pax longa revertitur exul,
 Albionémque albis plaudens amplectitur alis.
 Nec redit incommitata, pudor redit & bona fama,

Copiâque, & cultum pietas induta decentem,
 Atque Astræa diu terras exosa Britannas, 1075
 Ingeniûmque, artêsq; & formosissima rerum
 Libertas, sub rege viget quæ maxima iusto.
 Cûmque his, non minus ipsa bonum, tu regia Mater
 Post longum exilium, in patria (quis credat ?) acerbum,
 Magna Maria redis, tibi dilexisse maritum 1080
 Crimen erat, partemque piam subiisse laborum ;
 Nunc vindictam illi Deus, & tibi præmia solvit.
 Salve foeminei decus, ô, sexûsq; virilis
 Regina opprobrium! Quam sorte in utraque decenter
 Lætâmque, tristêmque, suiq; in utraq; potentem 1085
 Cernimus, invidiâmque deis de conjuge solo
 Conflantem lacrymis, rota quam circumsonat orbis
 Immotam, & centro fixam virtutis in ipso.
 Protinûs adjicies animum, justissime princeps,
 Ad verum regnantis opus; tot vulnera belli 1090
 Et certâ, & leni componere hiantia dextrâ,
 Paulatimque cicatrices abolere vel ipsas.
 Reddere vim legi, majestatemque priorem,
 Tergere corruptos scabrâ rubigine mores.
 Antiquam revocare fidem, & vetus illud honestum
 Nominis Angliaci; talis cura occupat horti 1096
 Squallentis reducem dominum; senta omnia visu
 Horridâque offendit; sed luxuriantia cautâ
 Falce premit, dejecta levat, religâtque soluta,
 Multa serit, multa extirpat, novat omnia cultu; 1100
 Immensum sed dulce opus est, omnemque coloni
 Paulatim recreat crescente decore laborem.
 Nempe tui, Rex magne, horti sunt oppida & urbes,
 His culturam adhibes formosam, atque ordine bello
 Singula disponis, sed & hæc quoq; respicis inter 1105
 Nonnullis sylvas oculis; succurris earum
 Accisis inopum rebus, populatâque regna

Arboreæ gentis suffectâ pube novellâ
 Integras augésque, futurum extendis in ævum
 Imperium sylvestre, tuisque beata jacebit 1110
 (Optime Protector) pronepotum turba sub umbris.
 Hi tibi debebunt æstivâque frigora læti
 Brumalésque focos; debebunt fixa domorum
 Tecta, domósque vagas, nemorosa palatia ponti.
 Forsan abhinc annos tercentum aut mille futuræ 1115
 Fundamenta jaxis jam nunc & classis & urbis,
 Ingentésque metes præsens hic ipse triumphos,
 Ingentésque seres à posteritate metendos.
 Ipse viam primus findens quâ gloria clivo
 Prærupto consurgit ad altæ lucida famæ 1120
 Templâ tuos duces, exemptos nocte, Britannos.
 Ipse dabis ponto morémque ac jura frementi,
 Ipse indignantem claudes, humilémque recludes,
 Tu dominus mundi & Neptunus habeberis udi,
 Et tibi erunt tria regna tridens. 1125
 Quis furor, ô Batavi, velle extorquere Britannis
 Quod natura dedit, Sceptrum Maris? Illa coronat
 Fluctibus, atque alias terras ex parte salutans
 Dilectam Albionem complectitur Amphitrite.
 Vix insultantem oceanum gravitérque prementem
 Obsidione urbes ac moenia vestra perenni 1131
 Aggeribus factis tumultisque arcere valetis;
 Et tamen audetis (spes ambitionis inepta!)
 Imperium pelagi vobis promittere totam,
 Oceanique undis imponere regna paludum. 1135
 Noc hoc Carolidum patietur vivida virtus,
 Sed nec ego hoc patiar Britonum invictissima Quercus.
 Ecce minax Batavûm vacuo volat æquore Classis
 Atque absente canit tanquam victo hoste triumphum:
 Ille diu haud aberit, nec tu lætabere longum 1140
 Belga ferox, seris natalia non sine votis


Littora respicies; primi rumoris ad auram
 Prodigus ille animæ & laudis solius avarus
 Impatiensque redit ductor Jacobus in altum,
 Quo tu more fugam præceps post bella capesces. 1145
 Jamque procul Batavum conspectâ classe Britanni
 Clamorem ingentem tollunt, qualem edere mos est
 Post longam extremis reduces trieterida Sinis,
 Cum patriæ rupes & candida saxa salutant.
 Primam aciem ducit ventoque Deoque favente 1150
 Et virtute diu celebri terraque marique,
 Cornuâque obtundit Batavæ navalia Lunæ
 Rupertus, flammante viam sibi limite scindens.
 Protinus obvertit medium trepidantibus agmen
 Carolide in summâ nudo stans arduus ense 1155
 Jacobus, ductorque ducem in certamina quærit;
 Nec sævum Opdamus detrectat fortis honorem,
 Regiâque hinc, illinc prætoria puppis utrique
 Non segnes horrenda parant spectacula classi;
 Quonam Opdame ruis? Non hæc temeraria virtus 1160
 Grata Deo; non est: tantone sub hoste perire
 Ambitio est? tantæne placet tibi gloria mortis?
 Tu dextrâ majore cades; Deus ipse ruentem
 In scelus hoc feriet; tam digno vindice nodo
 Intererit Deus ipse, sui defensor ubique 1165
 Carolidæ præsens, & rupti foederis ultor.
 Ingens illa ratis, centum ærea fulmina portans
 Sexcentosque vehens, intacta hostilibus armis,
 Dissilit immani in nubes immissa fragore
 Fumosque flammâsq; vomens, semustaque sparæ 1170
 Fragmina compagis, laceratâq; membra virorum;
 Seu Deus in miseros non fictum fulmen adegit
 (Credibile est, & pax toties violata fidelsque
 Et scelus Amboynæ meruere piacula tanta)
 Seu pyrius pulvis fortuito accensus ab igne 1175

Eruptit

Erupit violens. "Directus numine casus
 Ipse Dei telum est. Natat igneum in æquore vasto
 Naufragium latè, miseranda ruina vel hosti
 Terribilisque pio; sed adhuc miseresce multum
 Non vocat; horrendo jam cuncta utrimque tumultu
 Miscentur confusa, legítque carina carinam. 1181
 Et nihil Opdami sacrâ conterrita clade
 Victorem aggreditur Jacobum Aurantia puppis,
 Audax ante alias & fulmine digna secundo,
 Ni virtus illam sibi posceret Anglica vindex: 1185
 Ignibus humanis stridentem devorat æquor,
 Exurit tres fama rates, cognomine divâ
 Non memoranda parum, tres & Delphinus adortus
 Sulphureo nimbo flammisq; furentibus haurit;
 Urbem ardere putes noctis per tempora captam, 1190
 Tot diversa simul findunt incendia passim
 Nubila fumorum bombardarumque tenebras.
 Undarum in regno quis tanta licere putaret
 Ignibus? & certè merito latet unda pudore.
 Illam operit strages dispersæ vasta ruinæ 1195
 Antennæ, malique, forique, avullæque rostra,
 Et tabulæ, funesque & vela, & aplustria, & arma,
 Et temerè jactata cadavera mille virorum
 Seminecésque viri, & siquâ patet area ponti;
 Purpurei apparent tractus & cærule celant. 1200
 Longa mora est, mersasque rates, captasque referre
 Et quæ multa dabit varii discrimina fati
 Una dies; monstrata modis sollertia multis,
 Ingeniumque & pœnè Poetica copia casus
 Queis servare aliquos & multos perdere gaudet, 1205
 Queis sævit parcítque modis: dant nobile mundo
 Exemplum (exsuperant vulgi numerumque fidemque
 Funera) tres meritis juvenes & sanguine clari,
 Momentoque uno, plumbique volatilis uno

Dilacerati ictu; tres unum pœne cadaver.
 Tergeminique eâdem fratres in morte jacentes. 1210
 Quis non, O fera Sors! quis non, O barbara! dicet?
 Illa benigna tamen simul est; nam proximus illis
 (Horresco referens & tam vicina periclo
 Gaudia me turbant) en Ductor Regius ipse
 Fulguris afflatus pyrii stridentibus auris, 1215
 Sanguine resperfus morientum, vulnere nullo
 Libatur nullôque metu; premit acrior hostem,
 Ardescens irâque novâ ingentique dolore.
 Nec superaccensam justis jam sustinet ultra
 Virtutem Angliacam furiis, quanquam inclyta virtus
 Belgica, tot damnis infracta atq; impare causâ 1221
 Diffugiunt sævi palantes æquore toto
 Reliquiæ belli laceræ; tandem ostia victis
 Mœsta aperit, nostrôsque videns post terga ruentes
 Attonitus tremat, & submittit cornua Rhenus. 1225
 Sic cecinit sacro Dryas irritata furore,
 Multaque venturæ filuit miracula laudis,
 Sed post me genitis dii tanta trophæa reservant,
 Et celebranda dabunt melioribus illa poetis.

ABR.



DAVIDEIDOS

SACRI POEMATIS

Operis Imperfecti,

LIBER UNUS.

B Ella cano, fatique vices, Regémque potentem
 Mutato qui sceptrâ pedo Solymæia gessit
 Rex olim & vates; duo maxima munera coeli;
 Multa prius tulit immotâ discrimina mente
 Et Sauli & Satanæ furiis imbellibus actus. 5
 Multa quoque & regno; tam longâ exercuit irâ
 Victorem fortuna suum; nec pulsa quievit.
 Ast illam virtus tandem indefessa domavit
 Et populos latè fudit, gentésque rebelles
 Nequicquam numeris & magno milite sævas; 10
 Hi bello, hic ipso bellorum numine fretus!
 At tu, Jessæi qui sanguinis author & hæres,
 Bethlemix intactâ quondam de virgine natus,

Qui

Qui ligno, clavis, hastâ, omnipotentibus armis,
 Iplam (sic visum est) potuisti occidere mortem, 15
 Ingentes referens per tartara victa triumphos,
 Dum tremuit princeps Erebi metuítque videre
 Æternùm amissos divinæ lucis honores :
 Qui nunc ipse sedes placidi leve pondus Olympi,
 Ad dextram patris, & gaudentia sydera calcas, 20
 Frontem ibi (quam cinxit merito suffusa rubore
 Spina ferox, carus de quâ cruor undique fluxit,
 Ut pretiosa humilem decoraret gemma coronam)
 Frontem illam innocuæ redimitus fidere flammæ :
 Tu, precor ô, sanctum dimitte in corda furorem, 25
 Da mihi Jessiden Jessidæ carmine magno
 Et cantu celebrare pari ; tua flamma ministra,
 Ifacidûm longis ductrix erroribus olim,
 Dirigat audaces ignoto in limite gressus,
 Producátque sacræ non trita per avia famæ. 30
 En sanctos manibus puris ut sumeret ignes
 Vestalem se Musa facit ; benè libera curis
 Libera deliciisq; jocisq; & amore profano
 Consecrat, ecce, tibi reliquos mea Magdalis annos :
 Ecce opus hoc solidis numerorum immane columnis 35
 Templum ingens statuo, varium & multâ arte politum.
 Ingredere, ô numen, quò te plaudentibus alis
 Musa vocat, sanctos Cheruborum imitata recessus.
 Si facias, cedent illi Solomonia templa,
 Regis Idumæi cedent sat tempore longo 40
 Quæ finxêre sibi coluêre idola Camœnæ,
 Sed tu me, verbum æternum, tu voce vocâsti,
 Et novus insolito percussus lumine Paulus,
 Prodeo Musarum immensos convertere mundos,
 Et cœlum seris ignotum aperire poetis. 45
 Ut juvat, ô, purgare suis sacra flumina monstis !
 Ut vili purgare algâ, cænóque profundo,

Et liquidi ingenuos fontes inducere veri!

Jam pœnè obductum est Saulo sub pectore vulnus;
Integra Jessidæ per tot certamina virtus 50

Lassatam magnis frangit successibus iram.

Affuetis superare timet concurrere fatis,

Et famam tantæ sine viribus invidet illi

Invidiæ; vidit pressam sub pondere palmam,
Et jam pœnè suæ redeuntem in viscera terræ 55

Mox lætum coelo caput ostentare propinquo

Ipsò onere elatam, & sua brachia ferre sub auras.

Vidit pacatis Jordanem currere lymphis,

Dum fovet amplexu ripas, atque oscula libat.

At si quis motos posito premit objice fluctus 60

Et notum præcludit iter, mox colligit iras

Ore tumens rapido, & contorquet vortice silvas,

Tum sonitu ingenti vocat ad nova prælia fluctus,

Longus ponè ruit furiosæ exercitus undæ.

Cum pecore ac natis montem petit inscius, amans 65

Pastor, & attonito decrescunt arva colono.

Hoc metuens Saulus premit alto corde dolorem,

Et vultum induitur placidum, similémque Davidi;

Dat dextram, testémq; Deum, amplexúsque paternos;

Nec violaturum se sensit pignora tanta; 70

Nequicquam; nam quid potuit, nescivit & ipse,

Ac dominos intùs gestavit victus acerbos.

Excipiunt plausu Abramidæ nova fœdera læti,

Tanta in Jessiden pietas indigna ferentem 75

Multa diu, sævi reverentia tanta tyranni.

Exultant homines, exultant agmina cœli

Sidera, fideræque animæ; dulcissima pacis

Nomina Jessidæque illis; at turba barathri

Neutrum amat; infernos concordia nostra tumultus

Progenerat, magnósq; quies humana labores. 80

Subter

Subter ubi in māt̄ris secreta cubilia terræ
 Descendit solis virtus fœcunda mariti,
 Fatalisq̄ auri videt incunabula flava.
 (Auri quod superis simul ac caput extulit oris,
 Perstringit mundum, nec vi, nec luce minori) 85
 Subter ubi implumis nido jacet aura profundo,
 Et tener innocuo vagit cum murmure ventus.
 Subter ubi æternâ longè sub mole repōsti
 Thesauri ingentes-magnarum arcentur aquarum,
 (Oceanus maris ip̄sus, quo fluminis instar 90
 Fertur, & omnigenas inter confunditur undas)
 Nulla ubi sopitos fluctus exuscitat aura,
 Nec dominæ irritat placidos vis improba Lunæ.
 Est locus immensum in spacium, immensūq; profundū
 Porrectus, quem nox, genuinūque obruit horror. 95
 Illum indefessum nullo objice meta coercet,
 Nec loca se min⁹ extendunt quā̄m tempora poenæ.
 Non illum recreat dulcis tenuissima cœli
 Rima, nec Eois scintilla excussa quadrigis
 Perstringit, solidasve valet terebrare tenebras. 100
 Non hīc gemmatis stillantia sidera guttis
 Impugnant sævæ jus inviolabile noctis,
 Lucifer hoc latè tenet illætabile regnum
 Inter vincla minax; inter tormenta superbus;
 Ip̄so, quem patitur, crudelior igne tyrannus. 105
 Dux quondam æthereæ præfulgentissimus aulæ,
 Qualis ubi in curru procedens Hesperus aureo
 Militiam æternam stellarūque agmina ducit.
 Fulmine sed cecidit correptus, fulminis instar
 Ip̄se ruens, nec enim gemitum dedit ore minorem; 110
 Ut primum sensit medios absorptus in ignes.
 At comites circum, conjuratæque catervæ
 (Ingens turba) cadunt. Aer crepat undique adustus,
 Et densâ vi flammarum prætexitur æther.

Ex illo æternæ solamina tristia pœnæ, 115

Æternæ socios mortales reddere pœnæ.

Torti & carnifices ! Hominem tentamine primo

In se armant ipsum ; magna & coelo æqua voluptas !

85 Quos cauta & foelix virtus si evaserit hamos, 120

Victricem bello tandem aggrediuntur aperto,

Et malè tentatis succedunt arma venenis.

Hâc vi Jessiden (neque enim corrumpere sperat)

90 Oppugnat furvus barathri noctisque tyrannus, 125

Exacuitque animos Sauli invidiamque potentem,

Viderat egregio generosam in corpore formam,

Virgineoque maritatam cum flore virilem

ndū Majestatem oris ; miracula viderat alti

95 Nobiliora animi, vastamque in pectore mentem ; 130

Viderat augustâ perfusam aspergine frontem,

Divinæque novos spirantem lucis honores.

e. Condiderâtque alto sub corde oracula sacra

Imperium Judæ quæ concessere perenne,

100 Venturusque Shilo stimulos subjecerat acres, 135

Et nimium vigiles Erebi sufflaverat ignes.

Scit miser incassum tantis se opponere rebus,

Nec validam fati perrumpere posse catenam,

Vincula sed morsu tentat, dentesque fatigat,

os Sed jam conversa in melius violentia Sauli, 140

Consiliûmque dolosque & spes turbavit inanes.

Nam multum Saulo, quem longo noverat usu

Fidit, & erubuit falli fraudum ipse magister.

10 Quid faciat ? quo se rerum hoc in cardine verset ?

Ferrati frendet ter concusso ordine dentis, 145

Ter quatit iratæ rugosa volumina frontis,

Ter fremit horrendum exululans, oculoque cruento

us, Commixtum ardenti jaculatur sanguine lumen.

Ex Ferrea lux terret noctem, manesque perustos

Ignotus

Ignotus trepidos habet & crudelior ignis.
Et jam vociferans; Nihil ergò possumus? inquit, 150
Me, me ipsum infœlix puer, & mea regna triumpho
Ducet ovans? dum vos (pudet oh!) torpetis inertes.
Innocui ludunt & adhuc per colla Cerastræ?
Nil furiis dignum & populo memorabile nostro
Quod timeat Deus, & quod vel stupeam ipse, paratis?
Quæ nova formido, aut peior formidine virtus 156
Corda gelat? quondam (memini) fortissima corda?
Perdidi ob hoc cœlum?
Pectora tum longæ percellit verbere caudæ,
Iratu tantæ quod non suffecerit iræ. 160
Deinde sedet, vultûque horrendum cætera profert.
Stant Furæ juxtâ, & se lumine circumspectant,
Dum latè loca vasta silent, sævæque quiete
Tristis nativi duplicata horroris imago est.
Ipsi flammantes insano sulphure rivi 165
Jam tacitis serpunt per littora conscia lymphis,
Vincula nulla sonant, non angues sibila mittunt,
Non audent inter tormenta gemiscere fontes.
Tandem prorepat diræ fœdissima turbæ
Invidia; impexis crinem serpentibus atrum 170
It crispata; cutis multum laxata pependit,
Ossaque liquit iners, ossa aspera longo luctu.
Dipsas (monstrum atrox) latitat sub pectore anhelò,
Nocte dièque bibens nigrum insaturata cruorem,
Et ne tam crebro fontem consumeret haustu 175
Nocte dièque suo compensat damna veneno.
Sanguine deformatam hominum, taboque fluentem
Pallam humeris gerit, & dextrâ rotat alta flagellum.
Immanem lævâ crateræ sustinet orbem
Spumantem felle atque absinthia tetra vomentem 180
Quo bibit assiduè, & sese ebria facta flagellat.
Hoc jam torva modo, se pro medio agmine sistit

Invidia;

Invidia; ô barathro furiarum maxima toto

Invidia! ô nunquam, nisi cum se punit, amanda!

Summe Pater, clamat, Stygii barathri, & mihi numen,

Se puer imbellis nostros meruisse timores 186

Jactabit, magnoque Erebum miscere tumultu

His colubris, meque & te, nostro principe, salvis?

Te minitante tremet perterrita fabrica mundi,

Et legum errabit natura oblita suarum, 190

Te minitante dabunt rapidæ responsa procellæ

Et timidum horrendo resonabit fulmine cœlum.

Tunc & inauratos temerè sol contrahet ignes,

Exiliétque, diémque abducat limite noto.

Fœdera dirumpet pontus, supera ardua tangens, 195

Vicinâsque undas flammæ elementa pavescent,

Ipse polus fixam sedem & loca jussa relinquet

Sphærarumque hilarum cessabit lubricus orbis,

Diffugiunt nitidi hùc illùc picta agmina cœli,

Ipse etiam Deus illorum. 200

Namque olim timuit certè cum sumpsimus arma,

Nobilia arma, & quæ meruerunt victa triumphum!

O laudanda dies! ô ingens gloria nostri!

O iterum talem liceat mihi cernere lucem,

Ipse licèt vincat, licèt in nova tartara truat 205

Et pejora istis, possint si talia fingi.

His par concurret pastor rudis & puer armis?

Quid possunt tortæ stridentia verbera fundæ?

Quem torvus longâque fame stimulatus & irâ

Non domuit leo, non infandus membra Goliah, 210

Hunc mea vox perdet sola, & sub tartara mittet

Multa priùs passum, & nequicquam numine fîsum.

Quod si Jessiden tantâ pietate foveret

(Sed satis est longo notus mihi tempore) Saulus,

Quanto nos odio premimus, quantoque furore 215

Ante bis exactos superis ex ordine soles,

Corde novum toto longè excutiemus amorem,
 Ipsa, &, vos cari, fidissima turba, colubri.
 Me suadente nefas, fraterno sanguine fecit
 Cainus, & ætatum dedit omina læta sequentum. 220
 Vidi toto ingens connixum corpore saxum
 Jactantem, fratris mortem, & monumenta sepulti.
 Quis potuit risus (equidem risi ipsa) tenere
 Cum sua sic primus nutriret rura coloris?
 Post eadem à tergo spirans furiale venenum, 225
 Divisum pepuli ad marmor Pharaona superbum,
 Currúsque, clypeósque virum, ardentésque caballos,
 Me gelidam mortem suadente & frigida fata,
 Hauferunt avidi pestis, mentem ipsa manúmque
 Dathano armavi, cum tela rebellia sumpsit, 230
 Cum magicum (cujus nomen detestor & ipsum)
 Deseruit pulchrâ pro libertate tyrannum.
 Huc (vidistis enim) cava per penetralia longè
 Defiluit, vasto terrarum exhaustus hiatu,
 Próque rogo nostros descendit vivus in ignes. 235
 Me suadente, moras quid cesso abrumpere inanes?
 Quid nova non agito, dum gesta antiqua recordor?
 Jam tibi, Jessedes (viden'?) hic tibi sibilat anguis!
 Nil tua te pietas, nil te, puer, ipse juvabit
 Cui frustra inservis, Deus; ô, si, te juvet, orbis 240
 Latè omnis longâ compòstus pace senescat,
 Nec mores, vel fata hominum nascantur iniqua.
 Ipsa autem his meritò dilectis exul ab oris
 Contempta evadam in terris miserandâque virtus.
 Dixerat, at simul ora premunt, & lumina versant, 245
 Mox fremitus currunt obscurâque murmura circum,
 Gaudentúmque & mirantúm; nihil illa movetur,
 Sed fremit, & tantas sibi laudes invidet ipsi.
 Exilit ardenti solio rex ditis acerbi
 Amplexúsque petit; subito cum mota furore 250

Ter submissa genu rapidâ fugit ocyor aurâ.
Murmura dant furiaë, dant sibila læta colubri.

- Nox erat, humanos & vasta silentia sensus
 220 Spargebantque brevi Lethe, plumbóque ligabant.
 Ipsum etiam regni molem sub corde ferentem 255
 i. Iactantémque graves curas sopor altus habebat
 Cissiden, sopor invidiam sed nullus habebat.
 Illa per Isacidûm magnas it sævior urbes,
 225 Utque videt structas ingenti marmore turres,
 Atque ebur, & fulvi discrimina clara metalli, 260
 s. Pergite jam clamat, propriis tumulata ruinis
 Hæc ego tecta dabo, & solâ lucentia flammâ.
 Substitit in cursu medio, ac fræna remisit
 230 Pallida Luna, novis sudavit floridus Hermon
 Roribus, ipse Sion trepidavit vertice toto. 265
 Jordanes latebram in ripâ quæsit utraq̃ue
 Territus, & multâ tandem caput abdidit algâ.
 Ecce domum ingreditur Sauli, quæ tota tremiscit,
 235 Ipsaque fundamenta tremunt, tremit excita tellus;
 ? Hic veneranda senis sese convertit in ora 270
 or? Benjamini, oculósque graves, vultúmque severum,
 ! Brachiâque, & latos humeros, & fortia membra
 Assimilat, pendétque ingens pro pectore barba;
 240 Qualis ubi steterat super atria celsa palatî,
 (Egregium sculptoris opus) de marmore factus 275
 Ad portam magni lætus vigilare nepotis:
 Hâc adstans Saulo notæ sub imagine formæ,
 Formæ verba sacra non respondentia fundit.
 245 Surge, age, rex brevis Abramidum; sic nempè sepultus
 Omen alis fâti? Somnus tibi ferreus instat 280
 Atque æterna quies; si regem ritè vocavi,
 Si nondum tua sceptrâ gerit pastorculus ille. (Saulum.
 Nondum? unquámne geret? vigila, & totum indue
 250 Nec tu magne Deus iusti siqua est tibi cura,

Ter

(Quod

(Quod dubito, meliúsque irent mortalia vellem) 28
 Dedecus hoc Saulo, atque mihi patiaris inustum,
 Abramidísque tuis, sacræque in sæcula genti.
 O Cananoea fames ! quid non me absumpseris ante
 Quam femur in genus exhausissem fertile tantum ?
 Heu genus infoelix nulláque in sorte beatum, 29
 Donatum magno in poenam atque opprobria sceptro !
 Coctile quid fugistis opus, Memphitica iussa,
 Invito Pharaone truci, auspiciísque sinistris ?
 Quid magicæ (infandum) virgæ mare paruit ipsum,
 Densatúmque vias nova per divortia duxit ? 29
 Quin, si me auditis, rubri per marmora ponti,
 Per nemorum errores, immanísque invia silvæ,
 Argillam Ægypti, laterésque requirite vestros.
 Dedecus hoc quanto minus est pastore tyranno ?
 Tunc potes domino contentus vivere servo ? 30
 Concedent tua sceptrà lyræ ? jam sceptrà supersunt
 Sola tibi, titulique & regni nomen inane.
 Illum aliæ magnâ laudant formidine gentes,
 Illum omnis Judæa colit, meministin' ovantem
 (Si quicquam in te, Saule, viri est, meminisse necesse est)
 Cum cantu rediisse domum, festísque choreis ? 30
 Mille viros gladio Saulus confoderit ; esto ;
 Quis dederit letho decies totidem, arduus audax,
 Plusquam agmen puer ? & vivit tamen ille, tuísque
 Perfruitur damnis ; illi tua regia servit ; 31
 Quam non illa diù tua ? jam diadema capeffit,
 Conscenditque tuos thalamos, Saulique potentis
 Jeshidæ dabit hæredem (prò dedecus !) uxor.
 Hoc struit, hoc sperat Samuel ; talem tibi pestem
 Molitur, cum dicta Dei crudelia spargit 31
 Per populos passim, cum vana oracula mendax
 Quæque optat, fingit ; Deus est, Deus illa minatus ?
 Sic te tractasset rex divum hominumque Baalus ?

285 Aut tam averſa ſuis Aſtarte magna fuiſſet ?
 Quid queritur? ſacram te vi rapuiſſe coronam? 320
 At magnæ proceſſerunt juſto ordine ſortes;
 Neve aliter potuit (quid enim taceam?) ipſe jubere;
 Non unquam plus te ſortive Deóve fatebor
 290 Quàm meritis debere tuis. Quid tempore ab illo
 300 ple Deus, populúſque Dei tibi debeat, ulli 325
 laud reor obſcurum; tantâ tu laude coronam
 O mi chare nepos, ô magnæ maxime gentis)
 Divinum tanto cumulâſti munere munus,
 295 Nequicquam; nam quæ tantis data præmia factis?
 Te puer, & vates furioſus & omnia vorſant, 330
 Contra te ſanguis tuus, & natura reſſat,
 Ac vanum infidi præfertur nomen amici,
 O furor, ô ſcelus infandum!) ſceptróque patrique!
 300 Qui cauſæ indormis? quæ manes ſuſcitât ipſos;
 Fixa ſepulchrorum atque oculorum clauſtra reſignat;
 Nec cineres puer ille finit dormire ſepultos 336
 Sed negat æternæ juſ indubitabile noctis:
 Quid facis? aut talem quid non interficis hoſtem
 Qui turbat vitámque tuam mortémque tuorum?
 306 Aude, age, nil illo reſtat tibi triſte remoto, 340
 ſolus hic objectus (ſeu terræ ignobilis umbra
 Auſa laboranti quæ ſolem avertere Lunæ)
 Ad te ventura & tibi debita munera cœli
 310 Occupat, ac ſacri radios intercipit ignis,
 Deſectum poſt hunc ſuperant tibi candida fata, 345
 Formoſiſque dies, & vitæ lucidus ordo.
 Natales nos, nate, tuos, regaliáque aſtra
 Conſcriptámque notis fortunam vidimus aureis.
 315 Nondum, ô, nondúmne ardeſcit tibi pectus honeſto
 (Ardeſcit certè) vindictæ ac laudis amore? 350
 320 Magnum aliquid pariat. Memor eſto tuíque meíque
 ſamque vale, feror ad cœlum ſedéſque tuorum,

Aut

Et

Et luce, & nutu magni revocatus Abrami.

Dixit, & ora viri flatu percussit iniquo;

Intrat lethalis labefactas aura medullas;

355

Olli vanescit dubii nubecula somni,

Hùc illùc fert circum oculos; tremitt inde repentè

Dum simulacra videt formis volitantia mixtis,

Quæ consuta malè in vacuo timor aere pingit.

Stant crines, sudor profundit frigidus artus,

360

Et toto ingentes decurrunt corpore guttæ

Jam pedibus terram, manibus jam pectora tundens

Incipit; & verum est; oravit vera, fuïque

Israelitis adhuc; pietas me stulta fefellit,

Me puer, & vates furiosus & omnia vorfant.

365

Sacrilega, heu, facta est patientia nostra, sepultos

Heu violat cineres, tumultósque recludit avitos.

Octingentorum minus est mors ipsa profunda

Annorum, quàm quo torpet mea vita veterno.

Indigno, tu sancte parens, ignosce nepoti,

370

Quem propter placidas voluisti linquere sedes,

Mortalésque ægros, miserúmque revisere mundum.

Sancte parens, tua justa libens mandata capescam,

Et te vincam odio, & tandem me vivere nosces.

Nec frustrà hunc tantum capies, magna umbra, laborem;

Non homines illum nobis, non sidera cœli,

376

Non Deus eripiet.

Interea in placidas, Tu dive relabere sedes,

Et repete antiquam pacatâ mente quietem

Sub terras, ubi Jëssiden mox affore tristem

380

Lætus, & effuso pallentem sanguine cernes.

Post lucem hanc nostros iterùm si lædat ocellos,

A te, magne pater, perrumpere discat oportet

Naturæ leges, & ferrea claustra sepulchri.

His dictis nutrit flammam stimulatque furores.

386

Jëssides securus abest; illum sopor udus

Non jam rore levi, sed plenâ proluit urnâ,
 Dormiat, & solidum accipiat per membra soporem,
 Qualem animus castus, qualem mens integra donat,
 Quis metus est vigilante Deo, dormire Davidem? 390

Palantes nubes suprâ implicitosque labores
 Ætheris, atque volumen inextricabile cœli,
 Gaudia sphaerarum suprâ & modulamina certa
 Supra orbem, qui perpetuo benè pervigil igne
 Exiguis splendet gemmis, numerumque requirit, 395
 Est locus immensâ qui exhaustus luce fatiscit;
 Hic polus excurrit longè, & se ponè relinquit,
 Nec proprias lassus valet ipse attingere metas.

396 Igne tumet blando, & tranquillo fulgure vibrat,
 Gloria nec tanto in spacio immoderata tenetur. 400

Non hic obscuri tremebunda crepuscula solis

Nativum jubar inficiunt castumque serenum.

Non hîc Luna suis vestitur pallida furtis,

370 Nec face languenti spargit per inane tenebras,

Non hîc præcipiti tempus super orbe rotatur, 405

Nec vaga partitur repetitis læcula gyris

Vertigo; Nihil hîc fuit, & nihil hîc erit unquam.

Sed constans, immotumque æternumque sedet Nunc,

rem: Hæc domus, hoc magni sanctum penetrale tonantis;

376 Hîc labor angusti, dulcis labor infiniti, 410

Occupat atque implet cœlum, sed limite cœli

Contentus nullo: solus se continet ipse.

Quondam immane fuit vacuum; sint omnia dixit;

380 Ille simul dixit, parent simul omnia verbo,

Nam verbum fuit ipse suum. Turgescere cœpit 415

Fœcundum nihil, & plenâ cuncta edidit alvo.

Quis vos, O Deus, aut quis vestra palatia pandet

Tres une!

386 Hîc te perfrueris toto, atque has maximus arces

Æternum colis, intereâ non deseris orbem 420

Quem fecisti olim nostrum, sed pondera vasta
 Exagitas nutu informans molémque sequacem.
 Quod si vim tacitam auferres dextrámque potentem
 Extemplo turbata fides ac foedera rerum,
 Ipse die rector fufis nullo ordine habenis 425
 Retrò ageret currus, & mundi cardo coacti
 Cum sonitu rueret, laxis discurrere stellis,
 Et sine lege hominum confundere fata liceret.
 Ipsa etiam rationis egens Natura pararet
 In nihilum properare suum; nam spiritus aptum 430
 Tornatúmque exercet opus, séque addit ubique.
 Ni faciat subito torperent cuncta, malóque
 Tota laborarent somno, æternóque veterno.
 Omnia nobiscum (qui nos) Deus efficit, orfis
 Non dedignatus socium se adungere nostris. 435
 Stant circum aurati, turma officiosa, ministri,
 Atque Dei iussa expectant, gaudéntque juberi.
 Hinc domini in vultu immenso sine fine bibentes
 Immortalem oculis lucem fixo ore tenentur.
 Unum ex his nutu vocat ipse; silentia servat 440
 Regia cœlorum, & reverenter tota tremiscit.
 Ergóne tam subitò excidimus? (sic inquit ab alto)
 Sceptra videt, nec nos simul? imperióque potitus
 Ignorat per quem steterat? credítne procellas
 Irrita per pontum rapuisse ferocia verba 445
 Injustásque minas? Surdíne effecimus aures?
 Falleris, O demens, audivimus omnia, Saule,
 Atque emptum optabis magno nil tale locutum.
 Quæ mala Jessidæ intentas meliora merenti
 Cuncta tui in caput unius conversa ferentur. 450
 Diximus: an dictis nostris gens terra repugnet?
 Ah imbelles lutum! non hoc tua lingua referret,
 Injussa in medio subsisteret icta palato,
 Si tibi nota dies fieret, quo tu ipse jacebis

Gilboacos multo deformans sanguine campos, 455

Ipsè miser, natique tui, & capita illa superba

Pendebunt templis monumentum infame profanis,

Stultorum jocus, & ludibria sæva deorum.

425 Dextera Jessidæ immeritò quæ tanta minatur

Iusta aderit vindex, & te, te occiderit ipsum, 460

Quocum nunc iras atque implacabile bellum

Nequicquam geris, ille tuo lucebit in auro,

Dilectoque nimis cinget diademate frontem,

430 Et quod tu solum fecisti infame piabit.

Ergo age, Jessidæ insani fer dicta tyranni; 465

Ipsè nihil; sed enim timeat, properantior ipsam

Arcessitus eat (nam rex arcesset) ad aulam

Non ullum metuet, benè si nos noverit, hostem.

435 Incolumem (dixi) qui nunc jubeo ire, reducam.

Sic ait, inflectit sese polus ipse decenter, 470

Nec non turba poli famulatrix; ocyùs omnes

Interrupta iterum exercent modulamina sphæræ,

Angelicæque simul renovat sacra orgia turmæ.

440 At non qui missus Jessidæ nuncius ibat;

Ille vehens pennis magnum per inane citatis, 475

Nubila plus solito jam candescentia tranat,

Quaque volat nivens signat vestigia limes.

Aligerum cœli sic vulnerat aera fulgur,

445 Plurima sic primæ currit strictura diei,

(Sic aut tarda magis) cum vix dum sole relicto 480

Ecce simul terram ferit, atque resurgit in altum.

Vix ipsum rapidi tempus miracula motûs

Percipit attonitum, & mensuram non habet ullam

450 Tam curtam, excelsò sic præper ab æthere lapsus

Nuncius astat Jessidæ, ac talia fatur. 485

Surge, bone, insanique exaudi dicta tyranni

Aspera, nempe tuo jam manè cruore litabit;

Ipsè nihil sed enim timeas; properantior ipsam

Arcessitus eas (nam rex arcesset) ad aulam.
Tutum (dixit enim) qui te jubet ire, reducet.

490

Exilit ille toris, & circum lumina versat
Nequicquam; nox undique & undique funditur aer:
Spélque metúsque adsunt dubii, vicibúsque recurfant.
Quos vario exagitans convolvit pectore, donec
Albescunt primo montana cacumina sole,
Cum rex Jessiden arcessit sævus, ut ægram
(Incautum specie si fallere posset honestâ)
Soletur fidibus mentem, curásque soporet.

495

Dic mihi, Musa, sacri quæ tanta potentia versâs?
(Nam tibi scire datum, & versu memorare potenti, 500
Cuncta vides, nec te poterit res tanta latere
In regno, regina, tuo) vim diva reclusam
Carminis, & latè penetralia ditia pande,
Thesaurósque, & opes, & inenarrabile sceptrum.
Quæ sprevere homines, tandem ut mirentur améntque,
Divísque accedat reverentia justa poetis.

506

Ut sacri primùm fœcundo in pectore vatis
Indigesta operis surgunt elementa futuri,
Materies donec paulatim sumere formas
Incipiat, jussóque incedant ordine verba,
Ac benè dispositus leni fluat agmine versus:
Talis erat naturæ olim nascentis imago,
Sic magnum mundi divino ex ore poema
Prodiit, artificísque informis massa supremam
Imploravit opem, longo impatienter amore.
Indociles nondum subierunt fœdere partes
Fraterno commune jugum; bellúmque sine arte
Gesserunt discurrentes nullo ordine motus.
Æterni ratio quos tandem musica verbi
Discrevitque locis, & vincula dulcia victis
Imposuit; numerósque pios, facilémque tenorem
Elicuit; medios aer atque unda sonores

510

515

520

490 Concentu referunt muto ; levis ignis acutos,
 Terra graves ; rapido Lunam diverberat ictu,
 At lentam Saturni operoso pollice chordam. 525
 Sic celeres motus cum tardis intertexti,
 500 Tam festum recti, curvi, longique, brevísque
 Exercent ludum, & docto discrimine plaudunt,
 495 Ut peccent magnæ vestigia nulla choreæ.
 Hæc est quæ menti auditur symphonia dulcis, 530
 Ornatu cernendam alio sese exhibet auri,
 Dives opum, varióque superba scientia cultu,
 505 Hæc habitat vatum libris, hæc carmine in isto
 Harmonia est ; non cantoris, non illa legentis
 Indiget, in charta multum facunda silenti. 535
 Hæc agilis magni percurrit corpora mundi,
 Hæc parvi toto se miscet corpore mundi.
 Totus homo harmonia est ; omnes symmetria census
 510 Congerit hîc, omnis naturæ archiva tenentur.
 Ipse chorum facit unus, & est Deus ipse choragus, 540
 Hinc in nos nata est numerorum sancta potestas,
 Nam simul ac portas humani corporis intrant
 Inveniunt fratresque suos, charosque sodales,
 515 Et pariles numeros, & respondentia metris
 Metra suis ; jungunt dextras, redduntque salutem. 545
 Nec nos vi victos capiunt, belloque subactos,
 Stant cives intus dilecti à partibus hostis.
 Et sese dedunt sine prodicione volentes,
 520 Hoc rerum ingenio mirâ medicatus ab arte
 Effusus sanguis distantia vulnera querit 550
 Ignotum per iter, quàmque accipit ipse salutem
 Absenti gaudet gratus transmittere fonti.
 Haud aliter parili tentis conamine chordis
 525 Fraternali hæc trepidat, cum tangitur altera, motu.
 Illa suo, hæc solo naturæ vivida pulsu. 555
 Sic lyra Jessidæ, tam dulci callida furto

Agra subintravit miseri præcordia regis;
Placavitque æstus animi, sævósque tumultus.

P S A L M U S CXIV.

CUM sacra sævis Ifacidum manus

Exiret oris, terribilem procul

560

Audivit, aspexitque gentem,

Et refluxum trepidavit æquor.

Ut qui sequentes antevolans fugâ

Evasisit hostes, stat procul arduo

De monte respectans, & omnes

565

Aure sonos bibit inquietâ.

Erexit undas sic mare turbidum.

Ut signa vidit prætereuntia,

Fluctusque pendentes utrimque

570

Ut scopuli steterunt acuti.

CrySTALLINI non moenia lympha

Mundi figurâ plus stabili manent

Ex elaborato nitentûm

Marmore consolidata aquarum.

Non audet amnis ad mare progredi,

575

Fontem revisit mentis inops suum.

Nato latebrosos recessus

Fons aperit, gremiûmque victo.

Circùm tremiscunt culmina montium,

Multusque collis montibus adfilit,

580

Ut matris abscondunt sub alis

Se teneri trepidantque pulli.

Gaudere viso fluctivagum mare,

Gaudere flumen nobile, nec fuit

Fugisse post montes fugaces

585

Mobilibus pudor ullus undis,

Nobis.

Nobis nocebit nil fuga montium,
 Versi nocebit nil fuga fluminis,
 I Flumen, î formidolosum,

Et pavidî procul ite montes.

590

Æquare summis ima valet Deus.
 Discent in altum plana tumescere,
 Vallésque turgescant, feréntque

Attonito capita alta coelo :

Fontémque flumen si repetis tuum,
 Fontem refundet dura filix novum ;

595

Nec saxa cessabunt, nec ipsæ
 Flumina suppeditare rupes.

Sic cecinit sanctus vates, digitósque volantes
 Innumeris per fila modis trepidantia movit,
 Intimáque elicuit medici miracula plectri.
 Audivére sonum, & victi cessére furores.

600

At non invidiæ Sauli de pectore cessit
 Indomitus serpens ; vocem nihil ille salubrem,
 Incantatoris nihil irrita carmina curat.

605

Fingit adhuc morbum, & spumas agit ore tyrannus,
 Et verum falso scelus excusare furore

(Heu nimium ingratus tantæ oblitúsque salutis !)

Sperat, adhuc miser, & nequicquam mente receptâ.

Îamque inopinatam sustollens fervidus hastam

610

(Quam caram sibi pro sceptro gestare solebat)

Dentibus infrendens, oculísque immane minatus,

Pectora Jëssidæ crudeli destinat ictu,

Dulcia dum sacre renovat medicamina vocis,

Nil meritis metuénsve mali ; volat illa per auras,

615

Stridens, oppositóque dat irrita vulnera muro.

Namque polo lapsus miles cœlestis ab alto

Detorsítque manu ; justóque errore fefellit.

O cæcas hominum vires, frustráque superbas !

Arma sui dextram domini mandatáque fallunt,

620

Ni jubeat Deus infirmúmque impellat acumen.
 Vulneris ille tui jam foelicissimus error,
 Tam benè Gilboacis non deludêris in arvis !
 Indè tuam excipiet gentem, & fatalia sceptrâ
 Jessides, manêlque tuos ea fama (sub imo 625
 Siquid res hominum merfos Acheronte movebunt)
 Semper morte novâ & foecundo vulnere rodet.
 Hinc Deus ipse tuas dedit illi evadere fauces
 Incolumem, hinc Parcas jam fila extrema legentes
 Instaurare opus, & telam producere jussit. 630

Ille fugam celerans vix duro elapsus ab hoste
 Sentit adhuc ; sed & arma sequi, sed & agmina credit
 A tergo ; créditque hastam exaudire volantem.
 Nec frustra ; tantos causa urget honesta timores,
 Ipsâque formido illius divina futuri est. 635
 Nam superaccensa est fato violentia regis,
 Et quæ Jessiden non fixit lancea, Saulum
 Vulnerat hæc ipsum ; salvo jam nescit honore
 Exuere insanam mentem, nec judicat esse
 Regis, inexpletum crudúmque relinquere crimen. 640
 Ergo manum lectam juvenum quos ipse furentes
 Impulerat monitis, scelerúmque incoxerat usu,
 Vi, ferro, jubet incautum superare Davidem,
 Errorémque suum successu abolere nefasto.
 Sic animo Saulus, contrâ Deus omnia volvit. 645

Interea Michole Jessides multa timenti,
 Multâque ploranti curísque decentibus ægræ,
 (Namque oculis plus illa suis, plus lumine cœli
 Dilexit, non ipsa minùs dilecta, maritum)
 Facta refert, & parva sui discrimina lethi. 650
 Forte super Micholes dotalia tecta, ubi & hortus
 Æthereus mirâ florebat pensilis arte,
 Parvum ubi multa nemus pandebat citrea malus,
 Quámque dedit lucem cœli vicinia, flavis

Reddebat.

Reddebat pomis, ut solis lumina stellæ; 655

Lenti incedebant manibúsque oculísque plicatis,

Plurimáque alloquio lenibant tristia dulci. [est]

Cum Michole (visus nam plusquam aquilinus amantúm

Heu veniunt diri, veniunt, exterrita clamat,

Carnifices; equitum video agmen, equósq; frementes

Audio; clarescunt mediis in frondibus arma, 661

Serváque per densam transmittunt fulgura sylvam;

Tolle gradum citus, & propera, fuge quolibet, inquit;

Ne morere, O conjux; fuge dictis ocyús; adsunt;

Quid nos, quid vinclo junxit pater ipse jugali, 665

Voce vocans in sacra Deum, populúmque libentem.

Bis centum meruisse nihil præputia credit?

Ingratus! Sudor, sanguis, bellíque labores

Dos tibi noster erant. Tum pleno uberrima fonte

Discurrit, vocísque vicem pia lacryma servat. 670

Mox iterúm; Nihil efficiet; per aperta fenestræ

Hinc te demittam incolumem; tu quæ via cæca,

Arripe iter; fuge mî conjux; non hæc tibi dico

More meo, invisa est tua jam præsentia primúm.

Ille refert contrà; O cunctis præstantior una 675

Conjugibus — Michole dicturum plurima molli

Occupat amplexu, & raptim multa oscula turbat.

Dum lacrymas luctús, ac gaudia miscet amoris

Parce, ait, incassum pretiosa effundere verba,

Aspice quanta tuæ tristis vicinia mortis. 680

Ergò alacer paret dictis; hæc callida lecto

Jessidæ statuam, mirâ factam arte reponit;

Jámque manus juvenum sese in penetralia fundit

Dedignata moram sceleis, jámq; ensibus ipsum

Illum ipsum exposcunt, & verba haud mollia jactant.

At Michole laudanda parat mendacia contrà, 686

Docta piam fraudem, ac dives muliebribus armis,

Flet scindítque comas, & luctifono ululatu

Tecta replet; tum sic bene ficto pectore fatur.

Quid facitis? quem vos prohibetis vivere, duri, 699
 Huic ipsam misero mortem, & sua fata negatis?
 Quæritis exitium Iessidæ? parcite vobis;
 Nil opus est scelere; ardentis vis improba morbi
 Jamdudum inservit patri, & vos esse nocentes
 Non finit; ecce illum jamdudum lingua oculique 699
 Deficiunt; tantam frustra quid perditis iram?
 Nec mortem, nec vos, nec vestros sentiet enses.
 Si vos innocui sitis urget tanta cruoris;
 (Me miseram!) facite ut lubet, & satiate furorem.
 Non faciet brevis hora minus; nec tempore longo 700
 Restabo infelix: Tum lumina jussa decoro
 Imbre madent, mirósque oculis dolor afflat honores.
 O quem non lœtus dominæque potentia formæ
 Viribus admixtis frangent? turba impia discit 704
 Credere jamprimum & miserescere; linquere mœstam
 Tristis & ipsa domum properat; statua ipsa recumbit
 Fasciolisque voluta caput, stratoque sepulta
 Purpureo, atque refert morientis mortua vultum.
 Lugentes famuli circum tacitique ministrant,
 Et medicinalis panduntur fercula pompæ, 710
 Triste ornamentum mensæ; dat & arte locata
 Horrorem obscurum non clara lucerna cubili;
 Scilicet ista favent fraudi; at super omnia numen,
 Suffudit spectantium oculos caligine sacrâ.
 O tandem nullo foelix in crimine cessa 715
 Virtutem imbelli frustra tentare duello,
 O manibus decepte tuis, oculisque tuorum!
 Saulus, ut hæc audit, Quis talia crederet, inquit?
 Illum igitur bis quinque virum qui millia fudit
 Illum animam segni tandem deponere letho? 720
 Nimirum Deus hunc fertur defendere fontem;
 Sónsve insónsve fuat, defendat; sit precor illi
 Talis membrorum modus & concordia justa

Qualis

699 Qualis erat primi olim mortalibus ante
 Quam scelus, aut sceleris morbi dignissima merces 725
 Robora fregissent subito nativa veneno ;
 Nostrum immane odium est, totumque explere Davides :
 Integer haud poterit ; quid se laudem addit in istam :
 699 Adjutrix fortuna mihi ? memorabile nil est
 Partita in poena. Pereuntem extinguere lucem 730
 Quid juvat ? exhausta quid faciem emittere vitæ,
 Et poenè attritum feriendo abrumperè filum ?
 Usque adeone humilem mea vera & nobilis ira :
 700 Se dabit ? Ah melius ! solennis victima nobis
 Iessidæ vita est, & non nisi opima, litabit. 735
 Nondum vindictæ maturus, crescat in iram
 Pinguescâtque meam ; tunc ipse libidine quantâ
 704 Singultantem animâ multum luctante videbo,
 Pignantemque diu productâ morte cadentem ?
 Quid loquor ! aut quò nunc vindictam differo seram :
 Cunctator ? 741
 Forfitan & pietas stulta & clementia segnis
 Juratusque meo Samuel malus hostis honori,
 710 Quæ mihi nunc fixa est, mutabunt denique mentem.
 Adde quod & nostræ vindex fortuna querelæ 745
 Implicitum tenet, & fugiendi copia nulla est ;
 Hasta impunè erret, jam sæpè ferire licebit,
 Et geminare ictus, totumque haurire cruorem.
 Si fato oppetere, & placidâ jam morte necesse est ;
 At videam extremos trepidanti pectore sensus 750
 Fundentem, atque oculos optato funere pascam.
 Ergo agite hûc, juvenes, Iessiden sistite nobis,
 Expirantem animam licèt, & suprema gementem.
 755 Jam pulchræ apparent latè vestigia fraudis ;
 At Michole irati jussa incusare mariti,
 Crudelèsque minas, & vim prætereundæ factæ.
 Saulus ut hæc ; vix immodicâ se sustinet irâ,

Volvens-

Volventesque premit luctanti pectore curas;
 Amens, & rubris suffectus lumina flammis.
 Sic olim Hircanæ metuenda potentia sylvæ
 Indomitus leo, cui rabiem jejunia longa 760
 Addiderunt, siquem incautum procul ire juvencum
 Aspicit, ille jubam quassat; dapibusque futuris
 Accingit sese lætus, tum cæca viarum
 Speratam si fortè tegunt erroribus escam,
 Deluduntque famem, torquet flammantia circum 765
 Lumina, & irato tellurem vulnerat ungue,
 Horrendamque fremens silvas rimatur opertas.
 Nil opus est vento, trepidant formidine frondes,
 Speluncisque feras timor abdit & urget in ipsis.
 Mœstus ubiq; horror, nemorumq; silentia vasta, 770
 Non audet turbata rugitum imitauer Echo.

In medio silvæ immensæ quæ proxima Ramam
 Obtegit, illustratque verendi nominis umbrâ,
 Inclyta sanctorum sita sunt Collegia Vatum, 775
 Sub magnis juvenum fervens ubi turba magistris,
 Ad sacros effusa pedes didicere silentes,
 Cordaque coelesti stiparunt cerea melle.
 Succrescunt palmo veluti radicibus alta
 Germina, rore Dei, & materno lacte repasta; 780
 Nunc parva, haud umbras olim factura minores.
 Non tam mole suâ quàm fundatore superbit
 Grata domus, nollet Samuelis nomine marmor
 Aut mutare aurum; tantum decus addidit author.
 Hanc pius extruxit vates; modicosque & honestos 785
 Suffecit redditus, paupertatemque decorem.
 Nec sese tantum dextræ tamen illa benignæ,
 Quam linguæ debere putat, quæ prodiga sacros
 Explicuit census, magnique æraria cœli.
 Doctores illic Samuel cunctosque Prophetas: 790
 Sub pedibus lætos vidit; nec gloria tanta:

Quod docuere alios, quàm quod didicere sub illo.

Quadrata exiguis includitur area tectis;

Nam non illa artis fabricavit inepta libido,

Sed naturæ usus, quæ gaudet maxima parvo. 795

Intus quadratæ viridis stat porticus umbræ,

Et densæ solis propellunt spicula laurus,

Securæ coeli, rapidósque ad fulguris ictus

Impavidæ; in medioque argentea vena salubris

Exiliebat aquæ, violatæ carcere nullo 800.

Marmoris, aut tristi plangentis vincla susurro,

Sed lætæ topho viridi, argutisque lapillis.

Non minùs illa tamen, corpus purgare, levare

Apta fitim, aut sacros accedere pauper ad usus.

Hic sua cuique data est cella, & sua cuiq; supellex 805

(Lautities veterum sanctorum & copia dives)

Sponda brevis, scamnum, necnon ex abiete eodem

Mensa tripes; portam clausissent plura volenti

Inferre; antiqui pomoeria iusta Necessi 809

Servantes, pulchræque ausi contemnere vana. (dunt,

Fallimur heu! Nec magna opulentum aut plurima red-

Sed forma, ac generi benè respondentia vitæ.

Impedit, atque onerat dominum numerosa supellex.

In parvâ congesta domo, ponè altera surgit

Altior, atque usu cultique augustior ædes. 815

Ad latus hic lævum se pandunt aula, scholæque.

Bibliotheca tenet dextrum; & synagoga, precantum

Nunquam muta choro. Stat plurima fagina mensa

Ornamentum aulæ; non invidiosa, nec impar

Pellibus instratis, quibus est circumdata, lectis. 820

Accumbunt primi capitisque comæque verendæ

Doctores, focii in gremis jacuere recepti.

At juvenes intra benè læti rebus egenis

Graminibus super aggestis, ulvæque palustri

Decumbunt; lectos, mensasq; dapésq; ministrat 825

Terra

Terra ferax, & sole coquo convivia gaudent.
 Bibliotheca fuit paucis decorata libellis,
 Non onerata malis; nondum infatiata libido
 Scribendi (pestis jucunda) invaserat orbem, 830
 Nec medicina artes curandis mentibus aptæ
 In morbum fuerant ipsæ scabiémque pudendam
 Conversæ, quæ nunc latè contagia serpunt,
 Scilicet hos importunos exclusit amantes
 Virgo Musa, novæ gemmanti in flore juventæ 835
 Spectari pavida, & vultum velata modestum.
 Nunc fugit amplexus meretrix deperdita nullos,
 Garrula, vana, procax, cultu mendica superbo,
 Et populo compressa (nefas) parit horrida monstra.
 Quis furor hic tanto frustrâ sudare labore 840
 Desidiam, miserôque insanæ more Sibyllæ
 Scribere, quæ volitent vacuis ludibria ventis?
 Diversas illic artésque modósque videres,
 Queis brevis atque fugax verborum natio vitam
 Exuit aeriam, & firmum sibi vindicat ævum. 845
 Tesserulis quædam leviter commissa caducis,
 Ast alia in solido deposta fideliter ære,
 Palmarum hæc foliis vano mandata labore
 Ni cognata oleum præberet cedrus amicum.
 Hic longa arboreis scribuntur carmina libris, 850
 Tam bene florenti non vixit in arbore cortex,
 Illic pictoris signata elementa videres,
 Hic textoris acu, doctæque volumina vestis.
 Illic ceratásque stylo perarante tabellas,
 Ast hic membranas tenues, biblónq; palustrem, 855
 Tunc rudia, atque artis nova tentamenta futuræ,
 Nec non & paries perfungitur ipse scholarum
 Munere librorum; totus describitur orbis,
 Æquoræque viæ, sparæque per æquora terræ,
 Ætherique plagæ, palantésque æthere stellæ. 860

Adduntur

Adduntur sententiolæ, monitúsque verendi,
 Historiæque breves; pars clara & aperta legenti,
 At pars Niliacis animantum obscura figuris.
 Hic sociatorum sacra constellatio vatum
 (Quos foelix virtus evexit ad æthera, nubes 865
 Luxuriæ suprâ, tempestatésque laborum)
 Disperfit latè radios, tenebrásque fugavit;
 Doctrinæ effundens lucem influxúmque benignum.
 Astrorum Nathanus virésque viásque latentes, 870
 Aureáque explicuit superi penetralia mundi.
 Haud magico coelis deducens sidera versu
 Sol ut utrósque polos conversâ luce salutat
 Gaudentes; sequiturque volubilis annus euntem.
 Quàm gravibus numeris argentea scena supernè
 Procedit, quantâque coercita lege vagatur 875
 Ipse quidém vates, sed enim nil debuit astris;
 Contemnens rivos, & fonte repletus ab ipso
 Materiam ingenti Mahol infectatur amore.
 Pergyros, per Mæandros, per cæca viarum
 Venator, fugit illa levis, premit ille fugacem, 880
 Oráque vertentem, & tentantem evadere furto.
 At solidas signare notas in pulvere docto
 Gaddus, & æternas gaudet turbare figuras.
 Necnon & longè numeros sine fine vagantes
 Producit patiens comes; exuperabile nunquam 885
 Tentat adire jugum, punctóque ascendit ab uno.
 Pyramidem inversam, & crescentem semper acervum,
 Defunctis victura struit monumenta Seraias,
 Condit aromaticâ prohibétque putrescere laude.
 Et quos præteriti vastum mare temporis annos 890
 Absorpsit, fundo petit urinator ab imo.
 Quàm celer occasus, tardúmque fit incrementum
 Imperiis; & quæ fabricat solertia fatum
 Edocet; at Samuel divina oracula fidus

Explicat.

Explicat interpres ; nec cæcos more ferarum
 Sed lætos parcere homines jubet, atque scientes. 895
 Sæpè etiam abreptus mentis violentibus alis,
 Temporis ingreditur penetralia celsa futuri,
 Implumésque videt nidis cœlestibus annos.
 Hæ reliquæque artes hîc excipiuntur amico
 Hospitio tantùm ; poterat sed sancta Poesis 900
 Hoc nata atque educta loco, & regnare videri.
 Non magis assiduo resonat domus aurea cantu
 Angelici cœli ; nullo non spirat ab ore
 Carmen ; dulcisonumque chorum moderantur Asaphus
 Hemanúsque, ambo genio excellente poetæ, 905
 Voce pares liquidâ, digitisque loquacibus ambo.
 Parte aliâ synagoga pio pulcherrima luxu
 Splendebat (nam sunt illic dispendia frugi)
 Perstringunt oculos auro laquearia fulvo
 Spectantùm ; sed quos recreant aulæa vicissim 910
 Cæruleo, sacroque colore ; illic prece forti
 Tërque die soliti vim cœlo inferre volenti,
 Tërque die sanctum Mosis versare volumen,
 Tërque piis, totisq̃ Deum resonantibus hymnis,
 Exercent lætam stadio septemplici vocem. 915
 Talis erat quondam, tam celsò Musa volatu
 Sprevit humum, generis memor, atque superba decenter.
 Carmen erat Deus hunc mundum quâ voce loquutus ;
 Namque priùs tenebræ diffundebantur inanes,
 Immensumque Nihil, Vacuúque informis hiatus. 920
 Plenus ubique sui, propria ipse palatia sedit
 Omnipotens, sese contentus & Omnia solus.
 Ille autem totus Bonitas, Sapiencia totus,
 Totus Amor, voluit gratis producere cuncta ;
 Cuncta voluntati, nondum producta gerebant 925
 Artifici morem, & latè capita alta ferebant.
 Ante alia imperio citiùs sese extulit ingens

Immane,

Immane, indigestum Aliquid; sine lumine formæ,
 Et sine honore jacens; (Monogramma exordia mundi!)
 Festinasse illud scires, dum sancta capescit 930
 Jussa libens, rebúsque aliis præcurrere gaudet.
 Hoc tamen in gremio, & nil promittente recessu,
 Ditia cunctarum glomerantur semina rerum.
 Emicat hinc subito lucenti vortice flamma,
 Ascenditque polum, & multo sese implicat orbe; 935
 Olli se jungit comitem & vestigia tentat
 Fusus circum aer; tellus onerosa gravisque
 Ad mundi medium nativo pondere se dat
 Mersa mari; sed mox densæ penetralia terræ
 Vasta aperit pater, & magnum descendere pontum 940
 Voce jubet, penitúsque cavis habitare latebris.
 At timidi contrà non audent hiscere fluctus,
 Inque uterum terræ sine murmure delabuntur.
 Convexa accendit coeli meliore metallo,
 Jamque nova arcano prorumpit gloria fonte, 945
 Atque implet solem exundans; hinc flumine vivo
 Lucis inexhaustæ mundum se spargit in omnem
 Magnum, quo facta est, numen studiosa referre.
 Inde rudem lunæ massam, simpléxque polivit
 Voce opus, & radios aurato pectine compfit. 950
 Surge, ait, & moestæ regnum vigil accipe noctis;
 Surrexit, traxitque sacræ vaga sŷmata lucis.
 Attollunt famulas hinc atque hinc sidera tædas,
 Et pulchram cingunt dominam, & comitantur euntem;
 Turget humus fœcunda, & pubescentibus herbis 955
 Miratur risúmque suum, insolitósque colores.
 Jamque iter aerium radunt impunè volantes,
 Exultántque alacres passim formidine nullâ,
 Nondum luxuries illis humana minata est,
 Nondum lethalis modulamina rupit arundo. 960
 Tum magnum tenui cecinerunt gutture numen

Securæ fraudum ; numen namque omnia laudant,
 Fluctivagi pisces, mutum genus ; illius ipsi
 Munus erant, montesque maris, volventia cete, 965
 Quisque suas parvo superant vix corpore arenas.
 Inde feræ immixtæ silvis, cœlestia iussa ;
 Quidnam ultrà potuit ; cœli terræque catenam,
 Ipsum hominem potuit ; quo miscuit omnia in uno :
 Admirandum opus, & compendia ditia mundi. 970
 Tum verò magni monitrix clementia patris
 Carmen erat, raræque iræ, fulménque coactum,
 Impia cùm sacras damnassent crimina terras,
 Unda ruens victrix magno sonitûque ruinâque
 Omnia vasta dedit ; frondentia tecta volucrum 975
 Implicuère hilares frustra, nova retia, pisces.
 Naufragium passa est natura, os Phœbus ab alto
 Extulit, & solos percussit lumine fluctus.
 Non tamen hæc homines memori sub pectore condunt
 Infani, fervetque iterùm furiosa libido ; 980
 Cum subitò ardescunt nubes, incendia cœlo
 Tetra micant, totûsque in pœnam excandet Olympus.
 Mox Sodomæ tabescentes, liquefactâque tecta
 Corripuit rapidus flammanti sulphure nimbus,
 Senferunt vivi membris crepitantibus ignem 985
 Qui nunc æternùm miseros post funera torret.
 Longè alia implicuit pestis Pharaona superbum.
 Cùm fluctus conjurati, & commilito ventus
 Auxilium Abramidistulerant ; pecus omne profundum
 Miratur, regûmque sedent in curribus aureis 990
 Regum corporibus satiati ; in gurgite toto
 Apparent semesi artus, natat unda cruore,
 Nec mare jam vano censetur nomine Rubrum.
 Plurimus ipse etiam in cœnæ veniebat Abramus,
 Cujus iter genti mansurum in sæcula nomen 995
 Hebrææ dedit, & Moses, Nunnique propago

Bellipotens ;

Bellipotens ; quantósque illi fregêre tyrannos,
 Sihonem, membrísque superbum ingentibus Oggum,
 Zipporidémq; Hohamúnq; trucem, fortémq; Deburum,
 Quos dextrâ Ifacidum divina potentia stravit. 1000

Sic fragilis vitæ fugientia tempora prendunt,
 Pacatísque animis coelum labuntur in ipsum.

Non illos aurum perstringit fulgure sacro
 Dulce malum, ignotum sœclis quibus Aurea nomen.
 Cujus nunc ergo sudore ad tartara multo 1005
 Heu non à miseris tantùm effossoribus itur.

Quantum ô stultorum turbam superabat avaram
 Dives opum contemptus, & ingens copia mentis !

Non illos bombyx pretioso sedulus ornat
 Funere, nec Tyrio deformant corpora fuco, 1010

Gloria, nunc animis æternóque empta dolore,
 Aura illic visa est levis, & sine pondere nomen.

Accipit ingenuum fessos durúmque cubile,
 Quódque benè extremi jubeat meminisse sepulchri ;

In medium facilis per silvam quæritur esca, 1015
 Nec populant fluvios crudeli, aut aera ventre,

Nec crudo hesternas accusant pectore coenas.

Conturbat nunquam tali Natura paratu :

Hæc bona mundities animi est ; rubigine nullâ
 Inficitur vitii, nitidum sic sordibus ævum 1020

Deterget miseris, puróque incedit amictu.

Hinc Deus intrat agens sacro præcordia motu,

Nec propriam coeli præsentior incolit ædem.

Hinc alacres justo funguntur munere sensus,

Nec titubant, revocántve gradum ratione magistrâ.

Hinc simulacra animo depingit mystica somnus 1026

Molliter in victos simul ac defluxit ocellos.

Transilit admissó præsentia tempora saltu,

Ætatúmque inter silvas, & amoena vireta

Ambulat, atque annos jam nunc exire parantes, 1030

Frænâque mordentes cernit ; micat undiq; fati 1030
 Ordo ingens, valvæque patent, longique recessus.
 O fortunatos nimium, & bona qui sua norunt !
 O quàm præcelso despectant culmine mundum !
 Et nubes rerum, & jactatum turbine Saulum !

Hæc domus hospitio Jëssiden læta recepit 1035
 Solantem curas, & densa pericula cantu,
 At manus huc juvenum (quo non penetraverit ira
 Invidiæque oculus ?) regisque suoque furore
 Sæva venit ; votis damnati immanibus omnes.

Segnis erat qui non pestem juraverat amens 1040
 Jëssidæ, membrumque aliquod promiserat ensi.
 Sic absens totum partita est Ira cadaver.

Jàmque adsunt, subitoque afflantur corda sereno,
 Ignotum insinuat sese per pectora cælum.
 Lascivit paulatim horror, vultusque recedit 1045
 Fulgur atrox ; & jam pacato fidere vernat.

Venarum casto gaudentes flumine rivi,
 Lenè micant ; signat divinus tempora candor.
 Mira dies frontis, sacro quæ fusa pudore
 Prima rubet ; ponit belli cædisque cupido, 1050

Dum numen pacis celebrant, & carmina fundunt
 Pacis opus ; bis jàmque alios, bis lusus eisdem.
 Miserat exemplis, ipsum jam plena tyrannum
 Ire jubet rabies læsâmque ulciscier iram.

Cùm melior subito furor implet mentem animumque
 Pérq; omnes sensus, pérq; intima pertinet ossa. 1056

Tum chlamydem illusam gemmis, auróque rigentem
 Exuit, & capitis deponit nobile pondus.

Ah puduit regni decus atque insignia ferre
 Turpe jugum vitii, & servilia jura ferentem ; 1060

Tum primùm rex Saulus erat ; lux una beatæ
 Instar habet vitæ, & longum præponderat ævum.
 Miratur populus, dictumque emanat ubique,
 Ipsum etiam vaturn turbæ se adjungere Saulum.

Balamus sic Beorides Moabitida venit,
 Ut benedictam ageret diris & carmine gentem,
 Et pretio infoelix fatalia venderet ora :
 Sic secum ; at didicit tandem (mirabile dictu)
 Ipso asino sapere, ac fari meliora magistro.
 O magnum Ifacidum decus ! ô pulcherrima castra !
 O arma ingentes olim paritura triumphos ! 1065
 Non sic herbarum vario subridet amictu,
 Planities pictæ vallis, montisve supini
 Clivus, perpetuis cedrorum versibus altus.
 Non sic æstivo quondam nitet hortus in anno, 1075
 Frondésque fructusque ferens, formosa secundum
 Flumina, mollis ubi viridisque supernatat umbra.
 Quid video ? mortem Ifacidum iuper arma sedentem !
 Læta sedet, prædâque expectat avara futuram.
 Plures Ifacidæ gladios, plura arma parate ; 1080
 Scilicet hæc crebro victoria conteret usu.
 Cum leo se attollit Judæ, torvumque tuetur,
 Omnia diffugient pressis animalia longè
 Auribus ; & medio si fortè recumbit in antro,
 Murmura tum ponent silvæ, metuendâque tigris 1085
 Prætereuns ipso vel dormitante tremiscet.
 Quæ mala, quis Judæ vel prospera fata precatur,
 Omnia in ipsius caput ingeminata ferentur.

 H Y M-

H Y M N U S

In LUCEM.

PUlchra de nigrâ sobole parente,
 Quam Chaos fertur peperisse primam,
 Cujus ob formam benè risit olim
 Massa severa!

Risus ô terræ sacer & polorum !

Aureus verè pluvius tonantis !

Quæque de coelo fluis inquieto

Gloria rivo!

O salus rerum, & decus omne, salve ;

Vita naturæ vigil actuosæ !

Omnium mater bona cum calore

Juncta marito !

Unde, momento, quibus è pharetris

Tela per totum jacularis orbem ?

Præpotens, divésque Déique verbum

Fassa paternum ?

Carceres ipsos simul, atque metam

Linqis, attingísque, animi sagittis

Ocyor strictis, rapidâ angelorum

Ocyor alâ.

Aureo lunæ benè læta curru

Auream astrorum peragrarare sylvam, &

Vere nocturno reparata semper

Visere prata,

Regiam gaudens habitare solis

More in æternum Scythico vagantem, &

Divitem mundi redeunte gyro

Ducere pompam :

Inter

Inter & tantos humilis triumphos
 Vermium dignata animare caudas,
 Pauperes dignata hilarare parvâ
 Lampade vepres.

30

Te fugit nigris comitata pullis
 Nox, & adverso latitat sub axe,
 Te fugit pennâ trepidans inerti
 Noctua somnus.

35

Discolorato glomerans racemo
 Turba pictorum vaga somniorum
 Avolat; mixtas sine more formas
 Trudit & urget.

40

5 Quin & obscoenas repetunt latebras
 Soecla serpentum malè consciorum,
 Nec tibi natura pudens sinistrum
 Objicit omen.

10 Ad tuos quondam Dolor ipse vultus
 Fertur invitam recreasse frontem;
 Cura subrisit, pepulitque rugas
 Ore maligno.

45

15 Ad tuos quondam Timor ipse vultus
 Excutit turpem genubus tremorem;
 Pallor ignescit; capite insolenti
 Cornua vibrant.

50

20 Inverecundi dominator oris
 Te tamen testem metuit Cupido;
 Flamma cognatis rotat in tenebris
 Sordida fumo.

55

25 Tu, dea, Eoi simul atque coeli
 Exeris pulchrum caput è rosetis,
 In tuas laudes volucrum canoris
 Personat hymnis.

60

30 Aula gaudentis referata mundi;
 Spectra discedunt, animæque noctis,
 Vana disceduntque tenebrionum
 Monstra deorum.

Te

Te bibens arcus Jovis ebriosus
 Mille formosos revomit colores,
 Pavo cœlestis; variâmq; pascit
 Lumine caudam.

In Rosâ pallam indueris rubentem,
 In Croco auratam indueris lacernam,
 Supparum gestas quasi nuda rallum
 Lilia complens.

Fertilis Floræ sobolem tenellam
 Purpurâ involvis violas honestâ
 Velle segmentata operis superbas
 Larga Tulippas.

Ignē concreto fabricata gemmas
 Floreum immisces solidûmq; fucum;
 Invidet pictus, fragilêsq; damnat
 Hortus honores.

Parcior fulvis utinam fuisses
 Diva largiri pretium metallis!
 Parcior, quantis hominum allevasses
 Pectora curis

Mi quidem solis nitor, & diei
 Innocens fulgor magis allubescit,
 Pars quota humani generis sed aurum
 Non tibi præfert!

Ætheris gyros per inexplicatos,
 Aeris campos per & evolutos,
 Æquoris per regna laboriosi
 Flumine vivo

Lucidum trudis properanter agmen,
 Sed resistentum super ora rerum
 Lenitè stagnas, liquidôq; inundas
 Cuncta colore.

At mare immensum, oceanûsque lucis
 Jugiter cœlo fluit empyræo,
 Hinc inexhausto per utrum mundum
 Funditur ore.

A. C. CLIFFORDO, S. D.

*Cum ab eo pessimum omnium Poetam
dono accepisset.*

65
 70
 75
 80
 85
 90
 95
 100
 105
 110
 115
 120
 125
 130
 135
 140
 145
 150
 155
 160
 165
 170
 175
 180
 185
 190
 195
 200
 205
 210
 215
 220
 225
 230
 235
 240
 245
 250
 255
 260
 265
 270
 275
 280
 285
 290
 295
 300
 305
 310
 315
 320
 325
 330
 335
 340
 345
 350
 355
 360
 365
 370
 375
 380
 385
 390
 395
 400
 405
 410
 415
 420
 425
 430
 435
 440
 445
 450
 455
 460
 465
 470
 475
 480
 485
 490
 495
 500
 505
 510
 515
 520
 525
 530
 535
 540
 545
 550
 555
 560
 565
 570
 575
 580
 585
 590
 595
 600
 605
 610
 615
 620
 625
 630
 635
 640
 645
 650
 655
 660
 665
 670
 675
 680
 685
 690
 695
 700
 705
 710
 715
 720
 725
 730
 735
 740
 745
 750
 755
 760
 765
 770
 775
 780
 785
 790
 795
 800
 805
 810
 815
 820
 825
 830
 835
 840
 845
 850
 855
 860
 865
 870
 875
 880
 885
 890
 895
 900
 905
 910
 915
 920
 925
 930
 935
 940
 945
 950
 955
 960
 965
 970
 975
 980
 985
 990
 995
 1000

Q

Magno

Magno emisſe malos vindictæ me decet ergo?
 Sim potiùs pius, & facilis veniam dare culpæ.
 Quod nihili conſtat faciam? illi carmina mittam, 30
 Et nequam immani plectetur epistolâ abundè
 In tergo ſcriptum, furiis quæ vincet Oreſtem.
 Eia, hoc ſubtile eſt! Nempe hoc ſummi benefacti
 Ille loco apponet; lætûſque avidûſque leget; non
 Hæc illi, ut nobis, ſtomachum bilêmque movere, 35
 Sed luſum riſûmque ſolent; his ille venenis
 Improbus indulget pingueſcîtque; hic cibus illi eſt.
 Fortè olim ex ſtagnis & conſitâ arundine ripâ
 Ranarum abſurdos queſtus, vocémque moleſtam
 Audirem cùm præteriens; O te miſeram (inquam) 40
 Picta anas, hæc inter tormenta aurîſque oculîque
 Quæ aſſiduè degis! Contrâ perneciter alas
 Plaudens, lætitiâmque ſuam clangore profeſſa,
 Reſpondere mihi viſa eſt anas hoc: Miſeram aurem
 Morofâmque tibi, quam offendit Muſica talis! 45
 Paſce, ait, hîc ſodes mecum, & ſonus ipſe placebit.
 Cùm dico, Clifforde, precor, librum aufer ineptum;
 Non poſſum legere, & mihi naufea ſurgit ab ipſo
 Principio, mihi tu reſpondeſ, O ſale multo,
 Et riſu atque joco, & multis cariture cachinnis, 50
 Si neſcis ſtultus ſapienti quid ſapiat, vel
 Quid jucundi habeant ægrorum ſomnia vatum!
 Pol tibi ego invideo, at paucis coelôque probatis,
 Democriti ſplenem tribuerunt fata beatum.
 O foelix, quem ſic circumvolat undique riſus! 55
 Certè illi nunquam & nuſquam Comoedia deerit.

S E L L A

Ex reliquiis tabulatorum Navis Drac-
næ fabricata; & à Johanne Davisio,
Deptfordiensi, Bibliothecæ Oxonien-
si dedicata.

ORbe pererrato, solarisque æmula currus
Quem valuit totum noscere, digna polo,
Eligit hunc portum sapiens, rerumque perita,
Formam induta novam Pythagorea Ratis.
Non poterat meritis tribui Navisque, Dracique
Nobilius pretium, nobiliorve locus.
Nam sedet æternâ compòstus uterque quiete,
Et Dracus in Cœlo, Navis & Oxonii.

S O L I T U D O.

Rura laudamus meritò poetæ,
 Rure floremus; dominóque laurum
 Sole gaudentem necat oppidorum

Nubilus aer.

Nam priùs crescet seges in plateis,
 Et coronabunt fora densa flores
 Spontè nascentes, priùs ipsa civis

Fiet & herba.

Urbe quam surgat mediâ bonorum
 Carminum messis; bona semper urbem
 Carmina oderunt, neque nutrit omnis

Omnia tellus.

Rure, Persarum veluti tyrannus,
 Abditus longo maneam recessu,
 Sæpè legatum satès est ad urbem

Mittere carmen.

Arbores salvete, bonæque sylvæ,
 Civitas fœlix avium innocentum!
 Regna musarum! sacra rusticantum

Villa deorum!

Hic jacens vestris temerè sub umbris,
 Audiam suprâ Zephyros volantes
 Cùmque fœcundis benè disputantes

Frondebis auras.

O sacrum risum juvenilis anni!
 Cùm calor totos penetrans per artus,
 Fertilem pubem, Venerémque adulti

Suscitat orbis.

Hic

Hæc mihi æstivo domus apta sole,
Pulchra naturæ domus architectæ ! 30

Quis trabem excisam prius æstimabit
Arbore vivâ ?

Audiam hîc proni per aprica collis
Luce turgentes liquidisque gemmis,
Dulcè ridentes properare rivos, 35
Dulcè loquentes.

Esse qui secum nequit occupatus,
Aut laborabit miser ille vitæ
Tædio, aut caras malè collocabit
Prodigus horas. 40

Tu Deum longis comitata sæclis
Sola tu rerum, sacra solitudo,
Antequam trunco numerorum abiret
Arbor ab uno.

Impetus mentis nimium evagantes
Instar aurigæ cohibes periti,
Et jubes pulchrum brevior gyro
Claudere cursum. 45

Languidos mentis fluidæ calores
Et nimis multum spaciî occupantes 50
Ritè constringensque fovensque pulchros
Elicis ignes.

Quid mihi æterno populum, fluentem
Fonte, Londinum, numerosque jactas ?
Quid mihi ingentes nihil invidenti 55
Objicis arces ?

Eximam stultos numero tuorum,
Eximam densum genus improborum,
Vicus obscurus, propè Solitudo
Tu quoque fies. 60

O D E.

Q Uid relinquendos, moriture, nummos,
 Sarcinas vitæ, fugiture, quæris?
 Si relinquendos; dominum relinquunt
 Sæpè priores.

Quid struis pulchros thalamos in altum
 Membra sub terrâ positurus imâ?
 Conserens hortos, sed in omne tempus
 Ipse serendus?

Num tuas te res agitare credis?
 Esse te frugalem? aliis laboras
 Servus infœlix, aliena curas

Ardelio ingens.

Longa momento meditantur uno,
 Dum senes rebus venientis ævi
 Linæ puncto brevis in supremo

Acrius instant.

Jure formicæ cumulant acervos
 Providæ, & brumæ memores futuræ,
 Sed malè æstivas eadem deceret

Cura cicadas.

Gloriæ mendax nitor atque honorum
 Possset excusare suos amantes
 Si diem vitæ valuisset, uti sol,

Pingere totum.

At brevem post se sonitum relinquens
 Fulguris ritu, simul ac videtur
 Transit, illustri loca multa inaurans

Non sine damno.

O

MISCELLANEA.

341

O rudis pulchræ propè contuenti

Scena fortunæ! Mala fastuosa

30

Ore larvato! Lacrymæque pictæ

Iridis instar!

Magna contemnens, miserânsque magnos,

Invidens nulli, minimo invidendus,

Vive Coulei; lege tuta parvâ

35

Littora cymbâ.

Hospitem cœlorum, imitare alaudam,


Sis licèt nubes super ire cantu

Doctus, in terris humilem memento

Ponere nidum.

40

EPI



EPITAPHIUM

Vivi Autoris.

Hic, ô viator, sub lare parvulo
COULEIUS hîc est conditus, hîc jacet,
 Defunctus humani laboris

Sorte, supervacuâque Vitâ.

Non indecorâ pauperie nitens,

5

Et non inerti nobilis otio,

Vanôque dilectis popello

Divitiis animosus hostis.

Possis ut illum dicere mortuum,

En terra jam nunc quantula sufficit !

10

Exempta sit curis, viator,

Terra sit illa levis, precare.

Hîc sparge flores, sparge breves rosas,

Nan vita gaudet mortua floribus,

Herbisque odoratis corona

15

Vatis adhuc cinerem calentem.

EPI

EPITAPHIUM
AUTORIS,

In Ecclesiâ D. Petri apud Westmonasterienses,
SEPULTI.

ABRAHAMUS COULEIUS,

Anglorum Pindarus, Flaccus, Maro,
Deliciæ, Dæcus, Desiderium. Ævi sui,
Hic juxtâ situs est.

*Aurca dum volitant latè tua scripta per orbem,
Et famâ eternum vivis, Divine Poeta,
Hic placidâ jaceas requie: Custodiat urnam
Cana Fides, vigilentque perenni lampade Musæ.
Sit sacer iste locus; nec quis temerarius ausit
Sacrilegâ turbare manu venerabile Bustum.
Intacti maneant; maneant per secula dulcis
COULEII cineres, serventque immobile saxum.*

Sic Votet

Votumque suum apud Posterios sacratum esse voluit,
Qui Viro Incomparabili posuit sepulcræ marmor,
GEORGIUS DUX BUCKINGAMIAE.

*Excessit è vita Anno Aetatis suæ 49°. & honorificâ pompâ
status ex Aedibus Buckinghamianis, Viris illustribus om-
nium Ordinum exequias celebrantibus sepultus est Die 3°.
M. Augusti, Anno Domini, 1667.*

F I N I S.

I N D E X

P L A N T A R U M

A

A

A Bies, Elate, Peuce, Firre	272.
Absinthium	19.
Acer, Maple	262.
Acte, Eldar	261.
Aguacata	245.
Alnus, Alder	260.
Amaranthus, flower-gentle floweramour , Gall.	
<i>Passiflours</i> , Goldilocks	199.
Amellus, Aster Atticus, Inguinalis, Bubonium, Star-	
wort	173.
Amygdalus amara, dulcis	215.
Anemone	139.
Anthemis, Chamæmelon	160.
Anthora, Aconitum salutiferum, wholsom Hel-	
met flower, Counter-poison Monks-hood	163.
Antirrhinon, Anarrhinon, Lychnis agria, Orontium,	
Canis Cerebrum, Os Leonis, Leo herba, Snap-	
dragon, Lions-snout, Calves-snout	ibid.
Aquifolium, Aquifolia, Holly	268.
Arbutus, Strawberry-tree	ibid.
	Aristo-

I N D E X.

Aristolochia, Birth-wort	86.
Artemisia	67, 100.
Asplenium, Splenium, Scolopendrium, Scolopendra, Mala herba, <i>off.</i> Ceterach, Spleen-wort, Milt- wast	27.
Auricula maris, Mouse-ear	171.
Auricula urfi	135.

B

B

B etonica	3.
Betula, Birch	262.
Buxus, Box	267.

C

C

C acao	244.
Campanulæ, Bell-flowers	166.
Canna Indica, Flos Cancræ, Indian flory Reed	168.
Capillus Veneris, Adiantum, Polytrichum, Callitri- chum, Terræ Capillus, Cincinnalis, Capillaris, Cri- nita, Supercilium terræ, Coriandrum putei, Mai- den hair, Venus hair, Our Ladies hair	8.
Cassutha, <i>off.</i> Cuscuta, Dodder	17.
Castanea	212.
Cerasus	221.
Chelidonia, Celandine	54.
Cistus	

I N D E X.

Cistus, Rosago, Holly-Kose, Sage-Kose	177.
Coccus	246.
Cochlearia, Scurvy-grass	15.
Consolida Regalis, calcaris Flos, Flos regius, Buc-	
cinum Romanorum, Delphinium, Larks-beel,	
Larks-spur	169.
Convolvulus major, Great blue Bell-flower,	
great blue Bindweed	167.
Cornus, Cornelian-Berry or Cherry	225.
Corona Imperialis	141.
Corylus	209.
Crocus, Saffron	196.
Cupressus	271.
Cyanus, Blaptisecula, Blue-bottle	161.
Cyclaminus, Tuber Terræ, Rapum terræ, Umbili-	
cus terræ, Malum terræ, Rapum porcinum, Or-	
bicularis, off. Cyclamen, Panis porcinus, Alami-	
ta, Sow-bread	38, 171.

D

D

D	Ictamnus	72.
	Digitalis, Fox-globe	167.

E

E

E	Pimedium, Barren wort	172.
	Eruca, Rocket	56.
	Euphrasia, Eye-bright	30.
	Faba	

I N D E X.

F

F

F aba	179.
Fagus, Beech	263.
Ficus	237.
Ficus Indica	244.
Flos Africanus, Flos Tunidensis, Caltha Africana, Africans, French Marigolds	175.
Flos Jovis, Caryophyllus, Vetonica Altera, Altilis, Coronaria, Herba Tunica, Viola Damascena, Ocellus Damascenus, Cantabrica, Iphium, Gil- loflowers, Carnations	194.
Flos Solis, Chrysanthemum Peruvianum, Sol Indica	193.
Fraxinus, Ash	264.

G

G

G alega, Goats-Rue	164.
Gentiana, Gentian, Felwort, Bitterwort	166.

Helle-

I N D E X.

H

H

H Elleborus niger	119.
Hesperis, Viola matronalis vel hyemalis, vel Damascena, vel Muscatella, Dames Violets, Queens Gilloflowers, Winter Gillo- flowers	160.
Hovia	243.

I

I

J Asme, Jasminum, Jasmin, Jessemin	178.
Ilex Holm-Dak, Ebergreen-Dak	273.
Iris	148.
Iucca	175.
Juglans	216.
Juniperus	270.

L

L

L Actuca	29.
Lada, Cistus Ledon, Gum-cistus, Sweet- cistus	177.
Lathyrus, Particoloured Chicklins	179.
Laurus	

I N D E X.

Laurus	81, 271.
Lens palustris, Ducks-meat	41.
Lentiscus, Stick-tree	91.
Lilium candidum	189.
Lotus	226.
Lupinus, Lupine	179.
Lychnis, Campion	165.
Lychnis Chalcedonica, Pone-such or Flower of Wistrel	ibid.
Lyfimachia, Loose-strife, Willow-herb	166.

M

M

M Alva hortensis rosea, Holi-bock	175.
Mala Armenia, Præcocia, Persica, Duracina, Rhodocina, &c. Apricots, Peaches, Pe- arozins, Gall. Auberges, Mirecotons, Presses, Pesches noix	224.
Mala Citria & Aurantia, Lemons and Oranges	220.
Malus	234.
— Aurantia	178.
— Cydonia, Quince	235.
— Punica	218.
Mandragoras, Circeius, Mandzake	180.
Maracotta, Flos Passionis, Maracoe, Clematis Vir- giniana, The Virginian Climer	181.
Melissa, Meliphyllum, Melissophyllum, Melittis, Apiastrum, Citrago, Baum	13.
Mentha	46.
Mespilus, Medlar	233.
Metla	245.
	Mira-

I N D E X.

Mirabile Peruvianum, Marbel of Peru sz of the World	174.
Moly	183.
Morus	236.
Muscipula, Ben rubrum, Catch-fly	172.
Myrrha	103.
Myrtus	233.

N

N

N Apellus, Blue Helmet-flower, Monks-hood	163.
Narcissus	137.
Nasturtium Indicum, Indian Cresses, Pellow Larks-beel	168.
Nigella, Gith, Gr. Melanthion, Melaspermon, Pen- nel-flower, Ruffling-Robin	161.
Nymphæa Heraclia, Mater Herculana, Alga palu- stris, Papaver palustre, Clavus Veneris, off. Ne- nuphar, Water-Lily	23, 180.

P

P

P æonia	149.
Palma	228.
Papaver	191.
Phalangium, Spider-wort	173.
Phaseolus coccineus, Scarlet-Bean	179.
	Philly-

I N D E X.

Phillyrea, Alaternus, Pyracantha, Oxyacantha.	
E bergreen P ibet, P ickly C oral-tree	268.
Pinus	212.
Pistacium	215.
Pisum perenne, E berlasting P ease	179.
Plantago, K ibwozt P laintain, W ay-bread	75.
Platanus	243.
Pomum amoris, L obe-apple	168.
Populus, P oplar	260.
Prunus	222.
Prunus sylvestris	266.
Ptarmica, D ouble P ellitoz	172.
Pulegium	69.
Pyrethrum, P ellitoz of S pain	171.
Pyrus	234.
Pyrus sylvestris	265.

Q

Q

Quercus

273.

R

R

Rorella, **S**un-dew
Rosa
Rosmarinus

36.
77. 152.
42.
Sabina

I N D E X.

S

S

S Abina, <i>Gr. Brathy</i> , Sabin	94, 270.
Salix, Willow	261.
Salvia, <i>Gr. Elelisphacon</i>	11.
Saponaria, Sope-wort	166.
Scabiosa, Scabious	171.
Sorbus, Berberis, Morus, Cornus, Serbice-tree ,	
Mulberry-tree , Cornelian-Berry	265.
Speculum Veneris, Onobrychis, Viola arvensis, in-	
odora, pentagon, Campanula arvensis, Corn-	
Utolet , Venus-Looking-glass	162.
Spina alba, Hep-thorn	265.

T

T

T Axus, Smilax, Peto	269.
Thlaspi Creticum, Candy-Luffs	170.
Tilia, Lime-tree	264.
Trachelium, Throat-wort Canterbury-Bells	167.
Tulipa	143.
Tuna	244.

Vesicaria,

I N D E X.

V

V

V Esicaria, Halicacabus, Alkakengi, Winter- Cherries	33.
Vetonica, Vettonica, Vectonica, <i>Ital.</i> Serratula, Gr.	
Cestron, Psychotrophon, Betony	3.
Viola	133, 169.
Viscus quernus, Mistletoe	51.
Vitis	239.
Ulmus, Elm	263.

Z

Z

Z iziphus, the Jujube-tree	225.
Zygias, Horn-beam	263.

I N-

I N D E X

Miscellaneorum.

D Avideidos, Sacri Poematis, Operis imperfecti	
Liber unus	299.
Hymnus in Lucem	332.
A. C. Cliffordo, Cùm ab eo pessimum omnium	
Poetam dono accepisset	335.
Sella ex reliquiis tabulatorum Navis Dracanæ fa-	
bricata; & à Johanne Daviso, Deptfordiensi,	
Bibliothecæ Oxoniensi dedicata	337.
Solitudo	338.
Ode	340.
Epitaphium Vivi Autoris	343.
Epitaphium Autoris sepulti	344.

*Libri quidam impensis Joannis Martyn
noviter impressi.*

EUclidis Elementa Geometrica, Novo Ordine ac
Methodo fere, demonstrata. Unà cum Nico-
lai Mercatoris in Geometriam Introductione brevi,
Quâ Magnitudinum Ortus ex genuinis Principiis,
& ortarum affectiones ex ipsâ Genesi derivantur. In
Duod.

Martini Lister è Societate Regiâ Londini Histo-
riæ Animalium Angliæ tres tractatus, Unus de Ara-
neis, Alter de Cochleis tum Terrestribus tum Fluvi-
atilibus. Tertius de Cochleis Marinis. Quibus ad-
jectus est Quartus de Lapidibus ejusdem Insulæ ad
Cochlearum quandam Imaginem figuratis. In Quarto.

Disputationes de Deo, & Providentia Divina.

Disp. I. An philosophorum ulli, & quinam Athei
fuerunt?

II. A rerum finibus Deum esse demonstratur.

III. Epicuri & Cartesii Hypotheses de Universi
fabricatione evertuntur.

IV. Mundum neq; prorsus infectum, neq; necessitate
factum; sed solo Opificis consilio extractum fuisse
demonstratur.

V. A Generis humani ortu, & Corporis humani
structurâ Deum esse demonstratur.

VI. Contra Scepticorum & Academicorum di-
sciplinam, potissimum Ciceronis de quæstionibus A-
cademicis libros, & Cartesii meditationes Metaphysi-
cas disputatur.

Authore Samuele Parkero, S. T. P. Archidiacono
Cantuariensi. In Quarto.

yn

ac
co-
evi,
iis,
In

to-
ra-
vi-
ad-
ad
to.

hei

erfi

ate
ffe

ni

li-
A-
fi-

no